

**ЎЗБЕКИСТОН РЕСПУБЛИКАСИ  
ОЛИЙ ВА ЎРТА МАХСУС ТАЪЛИМ ВАЗИРЛИГИ**

**САМАРҚАНД ДАВЛАТ ЧЕТ ТИЛЛАР ИНСТИТУТИ**

**Ғайбуллаев Отабек Мухаммадиевич**

# **ЭСТЕТИК МАДАНИЯТ**

**Монография**

**“Наврӯз” нашриёти,  
Тошкент – 2020**

УЎК 118.232.822

КБК 87.817

Ғ 75

Файбуллаев О.М. Эстетик маданият. Монография.  
–Тошкент: “Наврўз” нашриёти, 2020. – 310 бет.

*Мазкур монографияда мамлакатимизда эстетика соҳасида амалга оширилаётган ислоҳотларнинг мазмун-моҳияти фалсафий тафаккур доирасида ёритилган. Унда шахс эстетик маданиятининг ёшлар тарбиясидаги ўрни, миллий гоянинг давлат ва жасамият бошқарувидаги роли, эстетик маданиятнинг ривожланиши қонуниятлари очиб берилган.*

Масъул муҳаррир: ф.ф.д., проф. Яхшиликов Ж.Я.

Тақризчилар: п.ф.д., проф. Қодирова Ф.Р.,

ф.ф.д., проф. Самадов А.Р.

*Монография Самарқанд давлат чет тиллар институти  
Кенгашининг 2020 йил 5 июнданги 8-9-сонли қўйша  
йигилишида нашрга тавсия этилган.*

ISBN 978-9943-6590-6-3

© Файбуллаев Отабек Мухаммадиевич, 2020

© “Наврўз” нашриёти, 2020

## КИРИШ

Мамлакатимизда амалга оширилаётган маънавий-маърифий ислоҳотлар негизида жамиятда эстетик маданиятининг шаклланиши ва ривожланишига сиёсий, ижтимоий, фалсафий, ахлоқий, эстетик ислоҳотлар қатори маънавий ҳаётга ҳам алоҳида эътибор қаратилмоқда. Шахсни ҳар томонлама шаклланган комил инсон қилиб тарбиялаш, миллий гояни юксак ҳис-туйғулар негизида чуқур идрок этиб, мустақилликни мустаҳкамлаш ишига жалб этиш масаласи кун тартибига қўйилди. Аникроғи юртбошимиз таъкидлаганидек: “Айни вақтда, маданият соҳасида жаҳолатга қарши маърифат билан курашиш, ёшларимизни ҳақиқий санъатни англашга ўргатиш, уларнинг эстетик оламини соғлом асосда шакллантириш бўйича олдимиизда жуда муҳим вазифалар турибди”<sup>1</sup>.

Ижтимоий-маънавий соҳалардаги ислоҳотлардан кўзланган асосий мақсад халқимизнинг маънавий юксалишига шароит яратиш, хусусан, ҳар бир шахсни инсонпарвар, ватанпарвар, ахлоқий-эстетик жиҳатдан комил инсонлар бўлиб етишишларининг илмий асосланган тарбиявий тизимини ишлаб чиқишдан иборат бўлди.

Шахсни билимли, масъулиятили, сиёсий жиҳатдан идрокли, ахлоқан пок ва маънавий баркамол бўлиб ўсишларида эстетик тафаккур ва эстетик маданият равнақининг аҳамияти катта.

Эстетик маданият маълум даражада қолипга солинган, қотиб қолган тизим бўлмай, инсон фаолиятини барча тармоқлари билан боғлиқ бўлгани учун шахснинг янгича эстетик онгини ривожлантириш маънавий ислоҳотларда катта аҳамият касб этади.

---

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 196-бет.

Бунинг учун умуммамлакат миқёсида жуда катта ишлар амалга оширилди ва оширилмоқда. Чунки эстетик тафаккури ва маданияти ривожланган шахс ўз халқи тарихи, маънавий мероси ва бугунги ижтимоий тараққиётига бефарқ бўлмайди. Ўз хаёти ва фаолиятини Ватан тараққиёти ва истиқболи билан чамбарчас боғлайди, ўзини миллат, мамлакат ва ижтимоий-тарихий ҳаётдан четда тасаввур этмайди.

Эстетик маданият тараққиёти шахсада фаолликни кучайтиради, ўз ижодий имкониятларини синаб кўриш ва рўёбга чиқаришга даъват этади. Ана шундай ижтимоий-тарихий ва маънавий жиҳатдан ниҳоятда зарур бўлган масала – жамиятда эстетик маданиятининг шаклланиши ва ривожланишини тадқиқ этиш ҳам назарий, ҳам амалий жиҳатдан долзарб хисобланади. Бунда:

Биринчидан, шахс эстетик маданиятининг ижтимоий-фалсафий тадқиқотлар тарихида қандай ўрганилганлик даражаси ҳамда ижтимоий тараққиёт жараённида эстетик маданият ва унга доимо жамиятда эҳтиёжнинг ошиб бориши объектив жараён эканлиги маънавий-маданий соҳалардаги ўзгаришларда рўй бермоқда. Бунинг натижасида жамиятда шахс эстетик маданияти ривожига хизмат қилувчи миллий ва умумбашарий қадриятлар, жумладан, аждодларимиз маънавий меросларини тадқиқ этиш, эришилган ютуклари асосида воқеликни илмий-назарий ўрганиш, халқ манфаатларини ифодаловчи тизимни яратишга қаратилган назарий-методологик масалалар муҳим аҳамият касб этади.

Иккинчидан, “Кадрлар тайёрлаш миллий дастури”дан келиб чиқиб таълим-тарбия босқичларида шахс, хусусан, ёш авлод дунёқарашида Ватан бўлган муҳаббат, юртга садоқат туйғуларини шакллантириш мақсадга мувофиқдир. Жамиятда жисмонан бакувват, ахлоқан пок, эстетик маданиятли, маънавий баркамол авлодни тарбиялаш давлат сиёсатининг устувор вазифаси бўлиб, беш ташабbus доирасида фарзандларимизни ҳар томонлама етук қилиб тарбиялаш бугуннинг долзарб вазифаси саналади. Уларда жаҳонда рўй бераётган турли кўринишдаги таҳдидларга қарши тура

оладиган эстетик иммунитетни шакллантириш, юртимиз равнақи йўлида сидқидилдан меҳнат қиласиган юксак маънавиятли шахслар қилиб тарбиялаш барчамизнинг бурчимиздир.

Учинчидан, бозор муносабатларининг ривожланиши жараёнида жамиятда соғлом ва эстетик мухитни яратилиши ҳамда унинг шахс онгига акс этиши, эстетик муносабатларида мукаммал иқтисодий, хукуқий, сиёсий қарашларни миллийлик руҳида шакллантиришга олиб келмоқда. Бу жараён ўзида шахсни жисмонан, айни чоғда, сиёсий, ахлоқий, эстетик ва фалсафий тафаккури мустақиллик даври ва мустақиллик мафкурасига мос келадиган, маънавий юксак авлодни шакллантириш ва ривожлантиришни кўзда тутади.

Тўртингидан, шахсни миллий ва умуминсоний қадрияtlар руҳда тарбиялаш жараёнида унинг онгига эстетик маданият унсурларини ижтимоий-фалсафий асосда камол топтириш, мафкуравий ва сиёсий фаолликни юксалтириш мухим аҳамиятга эга.

Шахс эстетик тафаккури ва маданиятини юксалтириш, тарбиялаш осон иш эмас. Айниқса, бугунги мафкуравий қарашлар гоҳ ошкора, гоҳ пинҳона тус олган, турли экстремистик оқимлар ва ақидапарастлар заиф иродали ва тафаккури тор ёшларни ўз томонига оғдириб олишга интилаётган бир даврда бу масала ниҳоятда долзарб аҳамият касб этади. Шахснинг эстетик маданиятини шаклланниши жамиятнинг учун ҳар бир бўғинида жиддий ишлар олиб бориш, хусусан, ёшлар онгига миллий ва умуминсоний ахлоқий-эстетик қадрияtlар мазмунини сингдириш, уларнинг эстетик маданиятини замон талаби асосида шакллантириш ва ривожлантиришни тадқиқ этиш долзарб илмий муаммодир.

Бешинчидан, фуқаролик жамиятини барпо этишда билимдон, зукко, серғайрат, фидойи ва интеллектуал салоҳиятли шахс мамлакатимизни янада гуллаб яшнаши, озод ва обод Ватан, эркин ва фаровон ҳаёт қуришда таянч бўладиган беш ташаббус жамият равнақига хизмат қиласи. Шунинг учун ёшларнинг ижодкорлик туйғуларини рӯёбга

---

чиқариш ва ривожлантириш учун, биринчи навбатда, уларни халқимизнинг олижаноб анъаналари, пурмáнно ўгитлари ва тарбиявий анъаналари билан баҳраманд этиш, тарих ва бугунги даврни бирлаштирувчи ижтимоий-фалсафий инсоний ғоялар билан қуроллантириш зарур бўлади.

Олтинчидан, бугунги кунда шахс эстетик маданиятининг замонавий дунёқараш билан бойиб бориши, бунинг натижасида глобаллашувнинг ҳар бир фуқаро ижтимоий ва эстетик ҳаётига таъсири вужудга келаётганлигини объекти ижтимоий зарурият сифатида кўрсатиб берилган. Глобаллашув жараёнида эстетик маданиятнинг энг асосий вазифаси шахсни ёт таъсирлардан ҳимоя қилиш, ҳаётда завқ-шавқ билан яшашга ўргатиш, уларга ўрнак бўлиб, бошқаларнинг ҳавасини келтирадиган маънавий-руҳий камолотга эришишдан иборатdir.

Мамлакатимиз ижтимоий-сиёсий ҳаётида юз бераётган бундай ислоҳотларнинг фалсафий-эстетик моҳиятини шахс онгига, тафаккурига сингдириб бориш, уни миллий ғоя руҳида тарбиялаш қурилаётган фуқаролик жамияти маънавий дунёсининг асосий негизини ташкил қиласди. Чунки демократик ва фуқаролик жамиятининг ворислари ва бунёдкорлари бўлган инсонлар гўзаллик қонунлари асосида яшаб ва фаолият кўрсатиб ижтимоий ҳаётда фаол субъект сифатида намоён бўлмоқда.

## **БИРИНЧИ БОБ. ШАХС ВА ЖАМИЯТ ЭСТЕТИК МАДАНИЯТИ РИВОЖЛАНИШИННИГ НАЗАРИЙ- МЕТОДОЛОГИК АСОСЛАРИ**

### **1.1§. Эстетик маданият ривожланишининг фалсафий асослари**

Кишилик жамияти тарихий тараққиёт жараёнида хилмажил кўринишларда намоён бўлган. Ҳар бир тарихий даврда ижтимоий-фалсафий қарашлар, диний ақидалар қаторида эстетик маданиятнинг серқирра жабҳалари ҳам вужудга келади. Бунга параллел равишда маданият ўзининг эстетик қиёфасини ҳаётнинг реал воқеа-ходисалари ва ижтимоий тафаккур шаклланишида ифодалаб келган. Шахс эстетик маданияти ривожланиб борар экан, “ўз фалсафий асосига эга бўлмаган ёки ундан ажралган ғоя ва мафкура ижтимоий ҳаётда муҳим аҳамият касб этмаслиги, ҳатто инсон ҳамда жамият тараққиётига”<sup>1</sup> янгича кўринишни олиб келолмаслиги табиий ҳолдир.

Шундай экан, ҳар бир шахснинг дунёқараси жамиятнинг маънавий-эстетик ҳаётини белгилайдиган, инсон учун хизмат қиласиган ахлоқий идеалга асосланиб, янгича завқий муносабатларни шакллантириб боради. Мана шу жараёнда шасхнинг эстетик онги ва маданиятини юксак маънавият билан бойитиш, инсонпарварликни камол топтирадиган завқли ҳаётни барпо этиш шароити вужудга келади. Унда ҳар бир инсон ўз қалби ва шуурига маданият ва маънавият, ахлоқ ва одоб, эзгулик ва комиллик тушунчаларини сингдириб боради. Бу тушунчаларни завқий томонга йўналтирилган эканлиги, уларни ҳар бир инсон ҳиссий-эмоционал қабул қилиши бевосита шахсни ўз-ўзидан эстетик маданият томон етаклайди.

---

<sup>1</sup> Мамашокиров С., Тоғаев Ш. Эркин ва фаровон ҳаёт курилишининг ғоявий-мафкуравий масалалалари. -Т.: Маънавият, 2007. 25-бет.

Айни пайтда эстетик маданиятнинг жамиятдаги шаклланиш жараёнини ўрганилиши муайян қарашларда хилма-хил кўриниш ва воқеликнинг эстетик манзарасини намоён этиб келмоқда.

“Эстетик маданият” тушунчасига кўпчилик адабиётларда хилма-хил фикрлар ва таърифлар берилади. “Эстетик маданият, – деб ёзилади фалсафа қомусий лугатида, – эстетик қадриятлар, уларни яратиш ва истеъмол қилиш усулларининг мажмуи”<sup>1</sup>. Бу таърифда эстетик маданият қадриятлар доирасида тадқиқ этилиб, унинг жамиятда шахс табиатини эстетик ўзлаштириш жиҳатлари, санъатнинг меҳнат фаолияти жараёнида яратилиши ва эстетик тарбия тизими масалалари акс эттирилган.

“Эстетик маданият, – деб таъкидланади “Эстетика асослари” китобида, – бу инсон эҳтиёжларининг мураккаб тизими бўлиб, унда одамзод ҳиссиётлари, малакалари, кўнімалари, билимлари, меъёрлари, маслаклари бир-бири билан чамбарчас боғланиб кетганлиги”<sup>2</sup>дир. Бу таърифда эстетик маданият кўпроқ инсоннинг эҳтиёжларига боғлаб ёритилади.

Бошқа бир таърифда, “...эстетик маданият инсоннинг маънавий-ҳиссий фаолияти билан боғланган муносабатлар ва қадриятлар тизимини ифодалайди”<sup>3</sup>, дейилади.

“Эстетик маданият қадриятларини ўзлаштириш, – деб ёзилади, “Маданиятшунослик асослари” китобида, – шахсий ва ижтимоий тажрибанинг ўзаро алоқадорлиги негизида амалга ошади, унда шахснинг эстетик дунёкараши, қадриятларга танлаб муносабатда бўлиш малакалари, гўзаллик ва мукаммаллик тўғрисидаги тасаввурлари, воқелик, санъат қадриятларини идрок этиш шакллари, эстетика, санъатшунослик тўғрисидаги билимлари муҳим омил

<sup>1</sup> Фалсафа. Комусий лугати. -Т.: 2004. 466-бет.

<sup>2</sup> Umarov E., Karimov R., Mirsaidova M., Ouxo'jayeva G. Estetika asoslari. -Т.: Cho'lpox, 2006. 143-бет.

<sup>3</sup> Гулметов Э., Қобилжонова Т., Эрназаров Ш., Маврулов А. Маданиятшунослик. -Т.: 2000. 38-бет.

## ЭСТЕТИК МАДАНИЯТ

хисобланади. Шахснинг эстетик маданияти, шундай қилиб, эстетик қадриятларни яратиш, ўзлаштириш ва истеъмол қилиш усулларидан ташкил топади”<sup>1</sup>. Бу таърифда ҳам эстетик маданият қадриятларни ўзлаштиришга ва истеъмол қилиш усулларига кўпроқ аҳамият берилади.

Куйидаги таърифда эса, шахс эстетик маданияти бу “...эстетик маданиятни мақсадли қисмлар асосида ҳал этишда келажакка воқеликнинг эстетик моҳиятини қарама-қаршиликлар ва мураккаб жараёнлар негизида тўғри йўналтиришдир”<sup>2</sup>, дейилади. Бу таърифда ҳам эстетик маданиятнинг моҳияти очишдан кўра, мантиқий мавхумлашиш кучайиб кетган.

Эстетик маданиятга берилган турли-туман таърифларда бу муаммонинг айрим томонлари, қирралари олинади, аммо унинг туб моҳиятини очиш эътибордан четда қолган. Лекин “...эстетик маданият – эстетик муносабатлар ва қадриятлар тизимининг мураккаб таркибли ўзаро алоқалари йиғиндисидир”<sup>3</sup>, дейилганда масалага анча яқинроқ келинади.

Ушбу таърифлардан келиб чиққан ҳолда эстетик маданиятнинг жамият тараққиётидаги ўрни ва ролини таҳлил этиб, унга қуйидагича таъриф бериш мумкин.

Эстетик маданият бу – муайян ижтимоий-тариҳий тараққиёт жараёнида кишиларнинг воқеликдаги нарса ва ҳодисаларга нисбатан ҳиссий-эмоционал муносабатда бўлиб, уларни маънавий-эстетик қадрият сифатида баҳолашининг ифодасидир. Шунингдек, эстетик маданият, инсон ва жамият моддий-маънавий даражаси, ижтимоий-сиёсий омиллар, шахсий, миллий ва умуминсоний қадриятларни ўз ичига олувчи ижтимоий-тариҳий ҳодисадир.

Ушбу таъриф эстетик маданиятнинг кенг қамровли эканлиги, воқеликнинг инсон фаолияти билан чамбарчас боғлиқлиги, хар бир завқий муносабат эстетик

<sup>1</sup> Маданиятшунослик асослари. -Т.: 2006. 84-бет.

<sup>2</sup> Пирадов А.В. Эстетическая культура личности. –Ленинград: Знание, 1978. -с. 6.

<sup>3</sup> Эстетика (словарь). -Москва: Политиздат, 1989. -с. 169.

дунёқарашнинг негизида ривожланиб бориш тенденцияси бўлишини ҳис қилиш лозим.

Юқоридаги таърифнинг ихчамлаштирилган кўриниши сифатида эстетик маданият – бу инсон жисмоний ва маънавий камолотининг завқий ифодасидир, дейиш мумкин.

Барча таърифларда эстетик маданиятнинг шахс маънавий камолоти билан боғлиқ фикрлар илгари сурилади. Буларнинг шахс ижтимоий ҳаётида муҳим эстетик қадриятлар ва идеалларни яратиб бориши натижасида ўзига хос қонуниятларни шаклланиб боришини кўриш мумкин.

Эстетик маданиятнинг методологик асослари шахснинг эстетик эҳтиёжларидан келиб чиқкан ҳолда, инсонда завқий муносабатларни шакллантирувчи ҳис-туйғу, малака, кўникма, меъёр ва мезонлар билан узвий алоқадор бўлади. Бу эса, ўз навбатида, шахснинг воқеликни идрок этиши билвосита эстетик ҳиссиётларда намоён бўлиб боришини кўрсатади.

Жамиятнинг ривожланиб бориши давомида эстетик маданият фақатгина воқеликни эстетик идрок этиб қолмасдан, балки шахснинг эстетик онгида вужудга келадиган гўзаллик дунёсининг қиёфаси, бадиий-эстетик дидлари, асрлар давомида шаклланиб ва сайқалланиб келадиган умуминсоний қадриятлари, ахлоқий ва эстетик идеаллари ҳам бойиб боришини ифодалайди.

Шунингдек, эстетик маданият жамият ривожида хилмажил вазифаларни бажариб келади. У тадрижий ривожланиши жараёнида шахснинг табиатга бўлган муносабати ва уни ўзлаштиришга интилишини, меҳнат фаолиятининг ўзгариб боришини, майший хизмат соҳасини, ижтимоий ҳаётнинг завқли манзараларини, инсонларнинг борлиқقا завқий ёндашувини, жамият талаб ва эҳтиёжлари асосида вужудга келадиган бадиий-эстетик омилларнинг қондирилишини таъминлайди.

Жамият маънавий ҳаётининг гўзаллик қонунларига мувофиқ ўзгарувчан бўлишига, аввало, шахснинг эстетик маданияти ўз таъсирини ўтказади. Шахс эстетик маданиятида фақатгина муайян жамиятнинг эстетик маданияти, ўз

халқининг бадиий-эстетик ва маънавий-ахлоқий қадриятларини эмас, балки, шу вақтгача инсоният яратган барча қадриятлар тизимини ўзлаштирилиши, адабиёт ва санъатнинг баҳоланиб борилиши ва муҳокама этилиши, табиатдаги воқеа-ходисаларга нисбатан завқий муносабатни шакллантириш назарда тутилади. Шахс эстетик маданияти ҳамиша инсоннинг воқеликка завқий муносабатининг намунаси сифатида эстетик тасаввур, фаолият, талаб ва эҳтиёж, тафаккур ва нутқ, ижтимоий ҳаёт ва меҳнатдаги гўзалликни ўз ичига қамраб олади.

Эстетик маданият жамият ва шахс маънавий ҳаётининг муҳим омили бўлишига қарамасдан, у факатгина маънавий омилларга асосланиб қолмайди. У бутун бир инсоният томонидан яратиладиган нарса ва ходисаларнининг ички ва ташки дунёсида акс этиб туради. Бошқача айтганда, эстетик маданият инсоният тарихий тараққиёти жараёнида эришган тажрибалари, табиатга бўлган завқий муносабатларининг намоён бўлиши, ижтимоий-рухий феноменларнинг ўзгариши билан боғлик бўлади. Шу боисдан эстетик маданиятда тарихийлик негизида вужудга келадиган моддий, маънавий, ахлоқий, диний, эстетик, сиёсий ва ижтимоий соҳаларни, шахснинг жамиятда субъект сифатида эстетик талаб ва эҳтиёжларини қондирилишини назарда тутади.

Ижтимоий тараққиётда эстетик маданият бир авлоддан иккинчи авлодга ўтиб борувчи завқли ҳаётни шакллантириб боради. Бу эса асосан адабиёт ва санъатда кўпроқ ўзини ранг-баранг қиёфаси билан шахснинг образлари, мақсадлари ва идеаллари сифатида намоён бўлади. Бу фаолиятда эстетик маданиятни шакллаштириш шахсдан улкан меҳнат талаб этади. Лекин ҳамиша ҳам шахс бирон-бир эстетик фаолият асосида ўзи мустакил билим олиши, табиат ва жамиятни ўрганиши, шахсий ҳаётида юз берадиган ўзгаришларга тайёр туриши осон кечмайди. Шу сабабли ижтимоий ҳаётдаги бадиий-эстетик ислоҳотлар шахс учун ижобий таъсир этувчи восита сифатида муҳим аҳамият касб этиб, ҳар бир шахсга йўналтириладиган эстетик ҳиссииёт негизида мулоқот

маданиятига чорлайди, ҳар бир кишини гўзаллик, завқ-шавқ оламига, ақл-идрок билан яшашга, дид билан инсон қалбидан жой олишга ундаиди.

Эстетик маданият орқали ҳар бир шахс ўтмиш меросини ўрганиб, фалсафий тафаккурини бойитиб боради ва реал ҳаёт манзараларини идрок этишга, ундан сабоқ олишга ҳаракат қиласди.

### **1.2§. Фалсафа тарихида эстетик маданиятнинг ўрганилиши: ретроспектив ёндашув**

Эстетик маданият, кенг маънода, ҳаётни фалсафий идрок этиш ва ҳаётга фалсафий-маънавий муносабатда бўлиш демакдир. Бу нарса тарихий жараён сифатида қадимдан то ҳозирги кунга қадар ўзининг бой меросини жаҳон ҳалқлари фалсафий тафаккурида ифодалаб келган. Айниқса, қадимги Хитой, Ҳиндистон, Юнонистон каби давлатлардаги ижтимоий-фалсафий фикрлар тараққиётида эстетик маданият даврлар оралиғида ретроспектив ёндашувлар ривожланган.

Бу давлатларда ўзига хос эстетик дунёқараш шаклланган. Улардаги “...қадимги эстетик маданият ёдгорликларининг мавзу йўналиши ҳам диққатга сазовордир. Асосий тасвир (коя суратлари) ва тақлид (ракслар) учун овчилик касби билан боғлиқ ҳайвонлар обьект қилиб олинган. Ёввойи бука, фил, кийик тасвирларини яратиш билан қадимги одамлар улар ҳақида ўзи билган жуда муҳим хислатларини ва бу хислатларга хос ўзининг хатти-ҳаракатларини ифодалаган”<sup>1</sup>.

Фан ва маданиятнинг юксак эстетик маданиятга оид кўринишлари қадимги Хитой ҳалқи дунёқарашида гўзаллик ҳақидаги тушунчаларида ифодаланган. Хитойликлар қадимдан ҳунармандчилик билан шуғулланишганликлари сабабли бутун дунё ҳалқлари томонидан “Чин” мамлакати деган номга сазовор бўлишган. Хитойда ижтимоий-эстетик

<sup>1</sup> Умаров Э. Эстетика. –Т.: Ўзбекистон, 1995. 137-бет.

фикр ривожида Конфуций (эр.ав. 551-479) алоҳида ўрин тутади. У ўзининг эстетик ғояларга бой “Қўшиқлар китоби”, “Баҳор ва куз” асарларида табиатнинг хушманзара кўриниши, зилол сувлар жилваси, бутун мавжудотнинг чиройини тараннум этган. Шунингдек, инсоннинг ҳис-туйғулари туғма хусусиятлар асосида шаклланиб, жамиятда эстетик маданиятни камол топтиради, дейди. Лекин бу хусусиятлар ижтимоий ҳаёт давомида нафосат ва гўзаллик, уйғунлик ва мувофиқлик, фантазия ҳамда санъат кабиларга боғлиқ равишда ўзгариб боради, деб таъкидлайди. У эстетик маданият билан ахлоқий етуклик орасидаги муштаракликни улуғлайди. Конфуций таълимотига кўра, эстетик маданиятли кишилар “...соғлом жамият яратиш учун зарур бўлган барча ижобий руҳдаги инсоний хислатлар ўз-ўзидан намоён бўлмайди, уларга эга бўлиш учун кишининг ўзини-ўзи тарбиялаши, ҳаётда ўз ўрнини топишга интилиши каби масъулиятни онгли равишда ҳис этиши керак”<sup>1</sup>. Шахсларнинг эстетик маданиятли бўлиши уларнинг зиммаларига юкланган вазифаларни кўтаринки руҳда ва аниқ бажаришни тақозо этади.

Конфуций жамиятда шахсларнинг эстетик маданиятли бўлиши учун ўзларининг зиммаларига юкланган вазифаларини аниқ бажариш мақсадга мувофиқлигини айтади<sup>2</sup>.

“Конфуций таълимоти, – деб ёзади, Э.Умаров, – қадимги анъаналарга ва аждодларга ҳурмат билан қарашга асосланган, зеро унинг қатъий ишончига кўра қадимги ҳукмдорлар доно, амалдорлар беғараз ва таъмасиз бўлиб, халқ ҳурмат ва мурувватли эди”<sup>3</sup>.

Қадимги Хитойдаги эстетик маданиятга оид фикрлар Лао Цзи (мил.ав. VI-V асрлар) томонидан илгари сурилган даосизм таълимотида ифодаланган. Унинг таълимотига кўра,

<sup>1</sup>Низомидиднов Н. Қадимги Хитой тарихи, диний эътиқоди ва маданияти. –Т.: Fan va texnologiya, 2014. 183-бет.

<sup>2</sup> Туленов Ж. Диалектика назарияси. Т., Ўзбекистон, 2001. 20-бет.

<sup>3</sup>Эстетика асослари. –Т.: Чўлпон, 2006. 32-бет.

дао қонуни – табиатнинг яшаш қонунидир, ундаги ранг-баранглик кураши ва уйғунлиги абадийликнинг эътироф этилишидир<sup>1</sup>. Демак, жамият ва шахс эстетик маданияти бир-бири билан чамбарчас боғлиқ ҳолда тадрижий ривожланиб бориши Хитой мутафаккирларининг дикқат марказида бўлган.

Даосизм таълимотича, шахс эстетик маданияти табиат ва жамият ўртасидаги ўзаро алоқадорлик орқали уйғунлашиб кетади. Бу жараёнда “санъатни бир одамдан иккинчи одамга ўтказиб бўлмайдиган, яъни ўргатиб бўлмайдиган олий ҳодиса сифатида талқин этади. Санъат ўз ички ниятида табиатдаги ўхшашликни (айнанликни) илғаб олиш; “тутиб қолиш” қобилиятидир. Ниятнинг ўзи санъаткор қалбida бирон-бир масъулиятсиз, ҳеч қандай шакл-у шамойилсиз туғилади, шаклни эса, у ўзида (қардош) бўлган табиат билан уйқашиб (хе) кетган лаҳзада олади. Ижодий жараён барча кучлар олий даражада жамланган лаҳзада вужудга келадиган нагоҳоний “башорат” тарзида тушинилади”<sup>2</sup>. Ана шу аснода табиат ва жамиятдаги гўзалликлар бир-бирини тўлдириб, ўзгариб боради. Лао Цзи эстетик ғояларнинг жамиятда қарама-қаршиликлар асосида амалга ошишини эътироф этади. Бинобарин бу таълимот негизида шахснинг камолоти жамиятдаги ижтимоий-эстетик ҳодисалар билан боғлиқ, деган фалсафий ғоя ётади.

Шахс эстетик маданияти тўғрисидаги ғоялар қадимги Ҳиндистон халқи ижтимоий ҳаёти билан узвий боғлиқ ҳолда шаклланган. Қадимги хиндолар томонидан мил. ав. уч мингинчи йилларда яратилган дастлабки эстетик маданият намуналари “Рамаяна”, “Маҳобхорат”, “Калила ва Димна”, “Ведалар” каби машхур асарларда шахснинг жамиятда тутган ўрни, эстетик тасаввурлари, маданияти ҳақидаги қарашлар ўз аксини топган. Асрлар давомида “веда оҳанглари замирида дунёвий мутоз мусиқа яратилиб, ундан сўнг эса, шу аснода

<sup>1</sup>Фалсафа асослари. –Т.: Ўзбекистон, 2005. 56-бет.

<sup>2</sup>Sher A. Estetika.–Т.: O’zbekiston, 2014. 41-бет.

замонавий асарлар ёзишга ўтилган. Ведалар тизимидағи иккинчи қисмнинг маҳсус мусиқий оҳангларга бағишланиши, ҳинд сарзаминида нишонланадиган барча диний ва миллий байрамларнинг күй ва қўшиқлар жўрлигига ўтказиш анъанасига диний эътиқод томонидан расман кенг йўл очиб берилгангандан<sup>1</sup> лиги шахс эстетик маданиятининг мукаммаллиги билан кишини ўзига жалб этади.

Бу даврларда ҳиндларда мусиқа санъати кучли ривожланган. Ҳиндлар энг қадимий, ниҳоятда ўзига хос мусиқа маданиятига эга. Азалдан ҳиндларда ҳар қандай мусиқа асари анъанавий усул-ритм йўлларидан бири рагалар асосида яратилган. Рага - ҳинд мусиқа эстетикасида асосий тушунча, унда ҳар бир сўз чукур маънога, маълум бадиий образга эга. Масалан, рага васанта-баҳорни ифода қиласи, рага-камала нилуфарни билдириса, рага-ширингара севги туйғусини ифода этади ва ҳоказо.

Қадимги ҳиндлар эстетик маданиятининг ижтимоий-фалсафий асослари мұқаддас “Ведалар”да ёрқин ифодаланган. Унда эстетик маданиятнинг ўзига хос хусусиятлари, фалсафий-эстетик ғоялар, “нафақат диний йўналишда, балки кўхна ҳинд фалсафаси, ҳуқушунослиги, психологияси, этика ва эстетикаси, табиати, тили, урфодатлари ва ижтимоий ҳаёт шакллари”<sup>2</sup> ифодаланган. “Ведалар”да турли хил ҳалқ оғзаки ижоди намуналари илоҳий күй ва қўшиқлар, мадхиялар тарзида ифодаланган. Бундан ташқари, ҳинд мактабларида эстетик маданиятнинг турли кўринишларига ҳам катта аҳамият берилади. Ҳусусан, қадимги йога мактаби ҳақидаги манбаларда бундай дейилади: “...машқни бажариш вақтида айрим лаҳзаларда туюладиган ниҳоятда ёқимли ва ҳузурли туйғулар, кишининг рухиятидаги тетиклик, енгиллик, баҳтиёрлик ва хотиржамлик ҳиссиятларини бағищлайди”<sup>3</sup>. Бу ерда йолгарнинг майший

---

<sup>1</sup>Низомиддинов Н. Қадимги Ҳиндистон тарихи, диний эътиқоди ва маданияти. –Т.: Fan va texnologiya, 2014. 404-бет.

<sup>2</sup>Ўша асар. 86-бет.

<sup>3</sup>Ўша асар. 180-бет.

турмуш эстетикасига хос овқатланиш завқи ва лаззатланиш туйғулари ўз ифодасини топган.

Агар “Ведалар”да эстетик ғоялар илохий кучга буйсунишни талаб этса, Чорвака-локаятчилар дунёвий лаззат ва завқ-шавқни эстетик маданият марказига қўядилар: “Бизга тааллуқли бўлган мавжуд лаззатлардан фойдаланиш ва иложи борича бизга азоб-уқубат, ғам-андуҳ келтирувчи нарсалардан ўзимизни тортишимиз керак”<sup>1</sup>. Ана шундагина шахс ўзининг баҳт-саодати ва фаровон ҳаётини таъминлаб, эстетик маданиятини теварак-атрофдагиларга намойиш эта олади.

Қадимги ҳинд файласуфи Капила шахс эстетик маданияти маънавий камолот чўққиси эканлигини таъкидлайди. Унинг фикрича, ҳар бир инсон дунёда қийноқ-азобдан халос бўлишга интилиши лозим. Лекин бунга гўзал хотинга эга бўлиш, бойлик тўплаш, яхши уй-жойли бўлиш билан эришилмайди. Гарчи бойлик тўплаш бир мунча камолотга эришишга имкон туғдирса-да бу олий камолотга етишиш деган сўз эмас. Бойлиқ, ҳокимият, булар барчаси ҳароб ва йўқ бўлишга маҳкум. Хотинларнинг ёшлиги, ҳам гўзаллиги ўткинчи. Бу хил нарсалар ҳаёт азоб-уқубатларидан халос бўлишга асос бўла олмайди, деб таъкидлайди. Шу боис, шахс эстетик маданияти жамиятда барча нарсалардан устун туриб, маънавий-руҳий тетиклик баҳш этади.

Қадимги дунё эстетикаси юонон фалсафасига монанд ҳолда вужудга келди. Шу асосда тартибга солинган кўплаб эстетик назариялар шаклланиб, шахс эстетик маданиятининг турли-туман эстетик ғоялари ва фикрлари ривожланишига замин бўлиб хизмат қилди. Мана шундай эстетик маданиятни юонон фалсафий мактаблари Милет, Элей ва файласуфлари Пифагор, Гераклит, Эмпедокл, Анақсагор, Демокрит, Сукрот, Афлотун, Арасту кабилар илгари суришди.

Қадимги Юнонистондаги фалсафий фикрлар тараққиётида шахс эстетик маданиятининг ижтимоий-фалсафий асослари бир қатор файласуфлар ижодида ёрқин

<sup>1</sup> Юлдашев С.А. Антикфалсафа. –Т.: 1999. 13-бет.

ифодаланган. Хусусан, Милет фалсафий мактабининг асосчиларидан Фалес (мил.ав. 624-547 й) эстетик ғояларни илохиёт билан боғлайди. Унингча, “...коинот ҳамма нарсадан гўзалроқдир, зеро, у Худонинг кароматидир”<sup>1</sup>. Шахс эса ана шу кароматдан баҳраманд бўлиб, ўз гўзал туйғулари ва тушунчаларининг эстетик маданиятини шакллантиради.

Милет мактабининг вакили Анаксимандр (мил.ав. 610-546 й) Фалесдан фарқли равишда ўзининг эстетик қарашларида “хиссий идрок этиладиган олам ҳодисаларнинг бирламчи асосини”<sup>2</sup> ташкил этади, дейди. Бу идрок жараёнида шахснинг гўзаллик тўғрисидаги хиссий қобилияtlари шаклланади.

Яна бир милетлик файласуф Анаксимен (585-525 й) шахс эстетик хиссиётига таъсир этадиган жиҳатларни “...инсон ва жонзорлар танасига қувват берадиган ва яхлитлигини сақлайдиган ҳаёт нафасини осмон ёритгичлари ва коинотни қўллаб-қувватлаб турадиган ҳаво билан қиёслайди”<sup>3</sup>.

Қадимги юонда эстетик маданият тушунчасининг шакланишига катта таъсир кўрсатган файласуф ва математик олим Пифагор (эр.ав. 580-500) эди. Пифагор ва пифагорчилар оламдаги нарса ва ҳодисалар моҳиятини рақамлар билан тушуниради. 1 рақами оламдаги ҳамма нарса ва ҳодисаларнинг нафосат оламининг асосидир, 2 рақами табиатдаги қарама-қаршиликлар, яъни гўзаллик ва хунуклик, ёруғлик ва зулмат, эркак ва аёл каби тушунчаларнинг асосидир, деб таъкидлашади.

Пифагорчиларнинг фикрича, ер дунёвий оловсимон марказ атрофида айланиб, алоҳида баландликка эга бўлган монотон товуш чиқаради. Масалан, ойнинг товуши баланд ва ўткир. Сатурннинг товуши энг паст. Бу товушлар биргаликда ҳамоҳанг куйни яратади<sup>4</sup>. Пифагорчилар нафосат асослари ва

<sup>1</sup> Фарб фалсафаси. –Т.: Шарқ, 2004. 16-бет.

<sup>2</sup> Ўша асар. 17-бет.

<sup>3</sup> Ўша асар. 19-бет.

<sup>4</sup> Юлдашев С.А. Антикфалсафа. –Т.: 1999. 26-бет.

мусиқавий оҳанглар ҳақидаги фикрларини математика тили ва ҳисоби орқали ифодалашга ҳаракат қилганлар ва шу асосда эстетик маданият назарияси учун ниҳоятда зарур бўлган гармония ва дисгармония ҳақидаги таълимотни ҳам илгари сурғанлар.

Эстетик маданият ривожида Гераклит (эр.ав. 530-470) юонон фалсафасида янги эстетик ғояларни илгари сурди. Унингча, нафосат моддий дунёнинг ўзидан келиб чиқади, яъни барча гўзаллик дунёвий олов асосида вужудга келади. Гераклит нафосат нисбийлигини тушунтиради. У кишиларнинг ҳаёти – “балаларнинг ўйинига” ўхшайди. Улар ўз хоҳишларининг қулидирлар. Бахт тананинг фароғатидан эмас, балки тўғри фикрлаш ва тўғри гапириш, шодлик ва хуррамлик, табиатга мувофиқ ҳаракат қилишдан иборатdir.

Гераклит учун шахснинг юксак эстетик ғояларга эга бўлиши моддий дунёга боғлиқ. “Унингча, нафосат моддий дунёнинг ўзидан келиб чиқади, яъни барча гўзаллик дунёвий олов асосида вужудга келади. Гераклит нафосат нисбийлигини тушунтиради. У кишининг ҳаёти – “балаларнинг ўйини”га ўхшайди. Улар ўз хоҳишларининг қулидирлар. Бахт тананинг фароғатидан эмас, балки тўғри фикрлаш ва тўғри гапириш, шодлик ва хуррамлик, табиатга мувофиқ ҳаракат қилишдан иборатdir”<sup>1</sup>. Шахснинг эстетик маданияти ҳаёт сингари ранг-баранг ва диалектик қарама-каршиликлар орқали шаклланади, деган ғоя ётади.

Гераклит инсон маънавий камолотида ҳиссий ва мавхум билим тўплашга, эстетик маданият ҳар иккаласини бирга олиб бориш лозимлигини таъкидлайди. Чунки, ҳиссиёт, жисмнинг табиати ҳақида узил-кесил билим беролмайди. Тўлиқ билимни фақат тафаккур бера олади, дейди. Демак, тафаккур устунлиги, тафаккур орқали ҳиссиёт маъносини, аҳамиятини идрок этиш шахснинг ҳақиқий нафосатни ажратиб олишга имкон беради.

<sup>1</sup> G’aybullayev O. Estetika.O’quv-uslubiy qo’llanma. –Samarqand: SamDCHTI, 2019. 20-21-betlar.

Инсоннинг ҳиссиёти, тафаккури ва фаолиятининг ижтимоий-тарихий амалиёт ва тараққиёт билан боғлиқлигини образли тарзда идрок этган Элей мактабининг асосчиси Ксенофон (мил.ав. 565-473 й) шундай деган эди: “Агарда буқалар, отлар ва шерлар инсон каби қўлларга эга бўлганларида эди, унда инсонларга ўхшаб тасвирий санъат асарларини яратишлари мумкин эди. Отлар худоларни отларга, буқалар эса худоларни буқаларга ўхшатиб чизардилар ҳамда уларнинг жисмий тузилишини ўзларининг жисмий тузилишига ўхшатардилар”<sup>1</sup>, деб таъкидлайди, файласуф.

Элей мактабининг вакилларидан яна бири Парменид (мил.ав. 540-V аср) эстетик маданият, шаклланишининг мураккаб жараён эканлигига эътибор қаратиб, шахс эстетик маданиятининг юксак намунаси фақатгина “кўрган, эшитган, сезган нарса эмас, балки кўринмайдиган, сезиб бўлмайдиган оламгина”<sup>2</sup> ҳам бўлиши мумкин, деб таъкидлайди. Парменид эстетик ҳиссиётлар, тасаввурларни ахлоқий тушунчалар билан боғлиқ эканлиги ҳақида фикр юритиб, “коинот марказида Ҳақиқат ва зарурият туради. У сайёralар ва юлдузлар ҳаракатини бошқаради. У барча худолардан аввал Эрос-мехр-оқибат маъбудасини яратган. Эрос туфайли одамлар ўзаро ҳамкорлик, ҳамжиҳатликка интиладилар, ўз мақсадларига эришадилар”<sup>3</sup>, дейди. Бу жараёнда Эрос шахсларнинг эстетик маданиятини тартибга солади, жамиятдаги қонуниятларни гўзалликка буйсунишга даъват этади.

Сициялик Эмпедокл (490-430й)нинг ўз эстетик қарашларида гўзалликнинг мураккаб тасаввур эканлигига ишора бор. Унингча, “бирлик ва кўпллик, муҳаббат ва ёвузлик каби қарама-қарши кучлар бир пайтнинг ўзида мавжуд бўлмай, навбатма-навбат мавжуд бўлади”<sup>4</sup>. Демак, инсоннинг

<sup>1</sup> Юлдашев С.А. Антиқфалсафа. –Т.: 1999. 27-бет.

<sup>2</sup> Рассел Б. История западной философии. –М.: Наука, 1999. -с.76.

<sup>3</sup> Фалсафа лугати. –Т.: 2004. 323-бет.

<sup>4</sup> Юлдашев С.А. Антиқфалсафа. –Т.: 1999. 35-бет.

эстетик маданияти ҳар хил вазият ва кайфиятларни акс эттириб, ҳамиша ундаги ижтимоий ўзгаришларга ҳамоҳанг равишда янгиланиб боради.

Эмпедокл шахсий ҳаётида ҳам эстетик жиҳатдан ранг-барангликка интилган, ўз шахсий кўрки ва қўринишига алоҳида эътибор берган. Масалан, Олимпия ўйинлари бўлаётган жойда у пайдо бўлар экан, унга қараб кўпларнинг югуриб боргандари, талпингандари ҳақида афсоналар тўқилган. Унинг кийим-кечаги ва ташки қўриниши ўз шуҳратига мос бўлган, у коҳинлар киядиган уст-бошда, олтин қайиқда, тож кийиб юрган, унинг атрофида, одатда, кўплаб мулозимлари бўлишган<sup>1</sup>.

Қадимги даврнинг эстетик маданияти ривожига улкан хисса қўшган файласуф Анаксагор (мил.ав. 500-428 й) шахс эстетик маданиятини Афинада кенг ёйишга интилди. Шу боисдан, “...моддий олам нарсаларида мавжуд бўлган сифатлар айни вақтда, алоҳида олинган бўлакда ҳам, моддий зарраларда ҳам мавжуд бўлади. Нарсада қайси сифат устунлик қилса, бизнинг туйғуларимиз шу сифатни идрок этади. Масалан, олтин деганда унда олтин “уруғи”нинг кўплиги тушунилади”<sup>2</sup>. Унинг таълимотида эзгулик сифатида осмон жисмларининг воқеликни асоси сифатида эътироф этилиши, шахснинг юқори чўққига кўтарилишига ижтимоий-фалсафий ғояларнинг роли катталиги масалалари алоҳида таъкидланади. Анаксагор ўзи ҳар томонлама мукаммалликка эришган шахс сифатида барча инсонлар учун намуна бўлиб, жамиятда эстетик маданиятни ривожига катта ҳисса қўшди.

Демокрит (эр. ав. 460-370) фалсафий қарашларига кўра атомларнинг турли хилдаги қўшилишларидан маза, ранг, товуш ҳосил бўлади. Масалан, маза Демокрит таъкидлашича, атомларнинг муайян шаклларини сезишdir, ширин маза нарса думалоқ шаклдан иборат бўлса, нордон маза нарса эса катта шаклга эга кўпқиррали, ғадир-будир атомдан тузилган.

<sup>1</sup> Фарб фалсафаси.-Т.: Шарқ, 2004. 45-бет.

<sup>2</sup> Ўша асар. 51-бет.

Ҳаводаги бир хил атомларнинг зичлашиши рангни келтириб чиқаради. Бениҳоя кўп “туғилиб ва ўлиб турадиган” нафосат олами шу тариқа содир бўлади, бу оламдаги гўзалликларни худо яратмаган, балки уларнинг нозик жиҳатлари атомларга боғлиқ. Демокрит ҳар бир нарсани мутаносиблиқ, яъни меъёр ташкил этади, дейди. Бу мутаносиблиқ инсоннинг эзгу ва баҳтли ҳаёти учун ҳам зарурдир. Гўзаллик – меъёр сақланишини, ўртачаликни тақозо этади. У айтадики, менга на ўта гўзаллик ва на ўта хунуклик ёқади, балки барча нарсалардаги нафосат меъёри билан бўлсин.

Ҳайкалтарошнинг ўғли бўлган Суқрот (эр.ав.469-399) соғистлар фалсафасига қарши чиқиб, фалсафада ўзликни англаш тамойилини илгари сурди. У кўпроқ ахлоқ масалаларига эътибор берган бўлса-да, ахлоқий ва эстетик тушунчаларнинг (яҳши ва ёмон, адолат ва адолатсизлик, гўзаллик ва хунуклик ва ҳоказо) нисбийлигига катта аҳамият берган. Бир ўринда гўзал бўлган нарса бошқа вазиятда хунук, бир жойда яҳши нарса, бошқа ўринда хунук бўлиши мумкин. Бу тасаввур негизида билим ётади, инсон тажрибаси ётади. Унингча, инсоннинг яшаши санъатдан иборат. Ҳаёт бу санъат, санъатни тизимлаштиришда санъатнинг ўзи бўлиши лозим, дейди. “У инсонни санъатнинг асосий обьекти сифатида олиб қарайди, санъатнинг эстетик ва ахлоқий мезонлари масаласини ўртага ташлайди ҳамда шулар орқали ижобий жараённи очиб беришга уринади”<sup>1</sup>. Шахс ўзининг эстетик маданиятини худоларга ишониб борлиқнинг барча тухфаларидан воз кечиши орқали эмас, балки улардан баҳраманд бўлиб намоён этиши мумкинлигини таъкидлайди.

Суқрот учун эстетик фаолият муайян мақсад ифодаси. Гўзаллик нарса ва ҳодисаларнинг мутлақ хусусияти эмас. гўзаллик маълум мақсад орқали рўёбга чиқади. Бу нарса вазиятга қараб гўзал ё хунук бўлиши мумкин. Чопища гўзал бўлган нарса, курашда хунук бўлади ва ҳоказо.

<sup>1</sup> Sher A. Estetika.–Т.: O’zbekiston, 2014. 44-бет.

Сүкрот учун гўзаллик билан яхшилик ўртасида фарқ йўқ. Тўғри, Гераклит ҳам гўзалликнинг нисбийлиги ҳақида гапирган, аммо у гўзалликни турли нарса ва ҳодисаларда кўрган.

Сукротнинг эстетик маданиятга доир фикрлари унинг ахлоқийлик билан гўзаллик тушунчаларининг муштараклигини, инсон руҳи ва жисми уйғуналиги зарурлигини таъкидлашда ўз ифодасини топган.

Афлотун (эр.ав.427-347) таълимотига кўра барча, ҳиссий идрок этиладиган нарсалар ўткинчи, ўзгарувчан, нисбий, бу нарсаларнинг сояси бўлган “ғоя”лар эса абадий.

Афлотун Сукрот фикрига қўшилмаган ҳолда гўзаллик – бу чиройли нарса “ғоя”сидир, дейди.

Афлотун эстетикасида гўзаллик категорияси марказий ўринни эгаллайди. Фоя муайян ҳиссий нарсаларга тааллукли бўлсагина уларни безаб, гўзаллик баҳш этади. Ҳақиқий гўзаллик ғояларда мужассам, нарсаларда эмас, у ҳиссий оламга қарама-қарши, вақт ва макондан ташқарида, ўзгармайдиган ҳодиса.

Афлотун гарчи тасвирий санъат ва поэзияда табиатга тақлид қилиш ва ҳиссий образли тасвирга интилишни камситса-да, санъатнинг инсон маънавияти, эстетик маданиятини юксалтиришда бадантарбия ва мусиқанинг аҳамияти катта эканлигини тан олади.

У “Давлат” ва “Қонунлар” асарларида мусиқани инсонга таъсирини икки ҳолатга ажратади: “тартибга солувчи” ва “фарофатбаҳш”. Биринчиси – одамларни тарбиялайди, иккинчиси – бузади. Лекин Афлотуннинг “Қонунлар” асарида қайд этган мусиқа дуч келган одамларга эмас, энг яхши одамларга, яхшигина тарбия кўрган одамларга роҳат бағишлайди, деганда, гарчи жамиятнинг задагон шахсларини кўзда тутган бўлса-да, бу фикрда мусиқанинг инсон эстетик маданиятини юксалтириш, тарбиялаш тўғрисидаги ғоя ётади.

Афлотун кишилардаги мусиқага бўлган мойилликни ундан хабардорлик билан қўшиб олиб бориш тарафдори эди. Ана шунда мусиқа инсон табатини, руҳини тартибга солади.

## ЭСТЕТИК МАДАНИЯТ

Бунга юононларда машхур бўлган оммавий рақслар ва сурнай наволарини мисол қилиб кўрсатади ва гўзаллик, хунуқлик, беъманилик нималигини тушунтиради. Гўзаллик – бу турли мусиқалар, яхши фазилатлар, одамлар ҳавас қиласидиган нарсаларнинг тартибидир, дейди. Ҳиссий роҳат сари интилиш инсон руҳиятини бузади. Масалан, агар ёшлар майшатга ўрганиб, қонунга зид равишда дилхиралик қилиб ва роҳатланиб юрсалар, эстетик маданиятлари бузилиб, беъманийлар келиб чиқади, дейди Афлотун.

Афлотун жамиятдаги эстетик маданиятни гўзаллик билан боғлар экан, “гўзаллик аниқ предмет, нарса ва вокеликка нисбатан таққосланган нисбийликдан келиб чиқади. Шунинг учун ҳам гўзалликни инсон ақл билан англайди. Давлатни бошқарувчи шахслар авваламбор ана шундай сифатларга эга бўлишлари керак”<sup>1</sup>, дейди. Унингча, ҳар бир шахс гўзаллик орқалигина ўзини жамиятда намоён этишга кўпроқ ҳақлидир. Чунки шахснинг эстетик маданияти гўзалликсиз, унинг ғайрихиссий кўринишсиз халқа ижобий таъсир этмайди. Бундай ҳолатни фақатгина юононлар амалга ошириши мумкин. “Барча юононлик бўлмаган халқлар қай даражада маданиятга эришганлигига қарамай ва сиёсий етуклигига қарамай барибир ваҳшийдирлар”<sup>2</sup> – дейди файласуф.

Афлотуннинг шогирди Арасту (мил.ав. 384-322 й) қарашларида шахс ва унинг эстетик маданиятига оид кўплаб ғоялар илгар сурилган. Устози Афлотун сингари гўзалликни таҳлил этаркан, Арасту “...гўзаллик ғояларда эмас, балки реал предметларда, улар билан муҳим алоқа ва ўзига хосликдадир”<sup>3</sup> дейди. Унингча, гўзаллик оламдаги тартиблик, меъёрлик ва аниқлик асосида келиб чиқади. Гўзаллик ўз жилвасини барча нарса ва ходисаларда акс эттириб, шахсни эстетик маданият сари чорлайди. Бундай жиҳат шахснинг

<sup>1</sup> Фалсафа луғати. –Т.: 2004. 327-бет.

<sup>2</sup> Юлдашев С.А. Антикфалсафа. –Т.: 1999. 78-бет.

<sup>3</sup> Ўша асар. 133-бет.

ривожланиши, санъат асарларини ўрганиб боришда мукаммал фазилатларни шакллантиради.

“Табиат, дейди Арасту, – жоннинг ҳамма қисмларини бирга боғлайди, шунинг учун тарбияда биз унга риоя қилишимиз керак ва шахсни ҳар томонлама, уйғун рухда тарбиялашимиз лозим. Шахсни тарбиялашнинг умумий тизимида эстетик тарбия катта роль ўйнайди”<sup>1</sup>. Шундай экан, Арасту шахс эстетик маданияти тарбиянинг маҳсули сифатида майдонга келишини, ҳар бир шахс эстетик идеали орқали табиатни англаб етишини таъкидлайди. Унинг эстетик қарашларига кўра, эстетик маданиятнинг жамиятда доимо ривожланиб бориши узлуксиз бўлиб, “шахснинг уйғун ривожланиш масаласи фақат муайян ижтимоий шароитда, яъни иқтисодий, сиёсий ва маданий шарт-шароитлар бўлганда гина амалий ҳал этилиши мумкин”<sup>2</sup>. Шунинг учун Арастунинг шахс эстетик маданиятига бўлган муносабати бевосита санъат асарларининг тарбиявий моҳияти ва имкониятлари билан боғлиқ.

Арасту эстетик таълимотига кўра, санъат шахсни ҳаётга қизиқишини кучайтиради, нафис ва нозик ҳис-туйгуларни шакллантиради. Шу асосда инсон гўзаллик оламига кириб боради ва жамиятда баҳтли ҳаёт, қувонч, ҳаётдан завқланиш, эҳтиросли кайфиятни кечиради.

Арасту мусиқанинг инсон эстетик маданияти юксалишидаги аҳамиятини таъкидлар экан, у мусиқанинг жамиятдаги ижтимоий-маънавий вазифаларига алоҳида эътибор қаратади: биринчидан, мусиқа тарбия учун зарур; иккинчидан, инсон рухини поклантиради; учинчидан, таранг фаолиятдан чиқиб, дам олишга чорловчи интеллектуал овутиш вазифасини ўтайди; тўртинчидан, даволайди ва кўнгилни очади; бешинчидан, раҳм ва қўркувдан фориғ этиб, инсон кўнглини кўтариб, унга роҳат баҳш этади. Бундай инсон маънавиятида содир бўладиган ўзгаришлар

<sup>1</sup> Фарб фалсафаси. –Т.: Шарқ, 2004. 167-бет.

<sup>2</sup> Ўша жойда.

пировардида шахсни ҳар томонлама камолотга етишига, эстетик маданиятли бўлишига хизмат қилади.

Фарбий Оврупа мамлакатларида ўрта асрларда шахс маънавий камолоти ва эстетик маданиятига муносабат илоҳий эътиқод билан чамбарчас боғлаб тушунтирилган. Бу давр файласуфи авлиё Августин Аврелий (1354-1430)нинг эстетик қарашлари христиан дини билан боғлиқ бўлиб, оламдаги барча нарсалар, хусусан, шахснинг эстетик маданияти худонинг гўзаллиги ва соф вижданлиги рамзидир, дейди. Унинг “Гўзал ва фойдали нарса ҳақида” деб аталган эстетикага оид трактатида худо яратган гўзалликни одамлар яратган гўзалликдан аъло деб ҳисоблайди. Борлиқдаги гўзаллик нарсаларнинг ранг-баранг кўринишда, шахсда эса маънавий-ахлоқий камолоти тарзида намоён бўлади. Жамиятда кишиларнинг гўзаллик қобилияtlарининг ўсиши маънавий йўл орқали, яъни “Бахтли ҳаёт”да ўз аксини топади. Бахт эса адабиятга дахлдор туйғулар, тасаввурларга эга бўлишdir. Маънавий қадриятлар эстетик маданият, муҳит билан умумийликда қарор топади, кишиларнинг бир-бирига кўмак бериши тенглик ва мутаносиблик белгисидир, дейди. Шахс юксак маданиятга эришиш учун “бахт” ғоясига содиқ қолиши зарур. “Августин эллинистик фалсафа билан ҳамоҳанг тарзда инсон ҳаётининг мақсади ва мазмуни бахс-саодатга эришиш эканлигини эътироф этади. Бахтнинг калити худо. Инсоний бахтга эришиш Худони билиш ва рухни турли-туман синовлардан ўtkазиш орқали амалга ошади”<sup>1</sup>, дейди. Августин таълимотида худо барча нарсанинг негизи бўлиб, олий бахт ғояси эстетик маданият учун интилишда инсон маънавиятида катта роль ўйнайди.

Ўрта аср файласуфи ва илоҳиётчиси Фома Аквинский (1225-1274 й)нинг эстетик маданият тўғрисидаги қарашлари динни жамиятда шахсларни бошқарувчи куч сифатида талқин этиш билан боғлиқ. Қачонки, жамият ва давлат юқори даражадаги эстетик маданиятга эга бўлса “фуқароларнинг

---

<sup>1</sup> Фарб фалсафаси. –Т.: 2004. 9-бет.

фаровонлигини таъминланади. Давлатнинг ташқи мақсади ва мазмуни эса самовий роҳат-фароғатга эришишдир. Бунга эса фуқароларни давлат эмас, черков етаклайди”<sup>1</sup>. У маънавий гўзаллик ва ҳиссиёт, табиат гўзаллиги, худонинг гўзаллигидан намуна олишини, олам нафосати объектив ва субъектив характерга эга эканлигини айтади. Гўзаллик кишини ўзини идрок этиб, завқ, лаззат ва роҳат кайфиятларини бошидан кечиришдан пайдо бўлади. Бу нарса, ўз навбатида, инсоннинг нарса ва ҳодисаларни ҳиссий-эстетик ўзлаштириб эстетик маданиятини юксалтиришда намоён бўлади, дейди у.

Аквинскийнинг санъат ҳақидаги қарашлари антик давр эстетик ғояларига узвий равишда боғланган. Санъат инсонга табиат гўзаллигини билишда ва ҳис қилишда, нафосат оламини тушуниб етишда катта ёрдам беради. Санъатнинг вазифаси гўзал образларни яратиш, нарсаларнинг мутлақо ранг-баранг кўринишларини ва шу тариқа инсон маънавиятини шакллантиришдан иборатdir, деган фикрларни билдиради.

Уильям Оккам (тах. 1300-1349 й) ўрта асрлар инглиз фалсафасининг йирик вакилидир. Унинг фалсафасида эстетик маданият масалалари инсоннинг шахсий ғоялари, қарашлари билан узвий боғлиқ. Оккамнинг эстетик таълимотида индувидуалистик қарашлар биринчи ўринда туради. Унинг фикрича, жамиятнинг равнақи унинг аъзолари – алоҳида одамларнинг баҳтли бўлишини билдиrmайди. Жамият аъзоларининг эстетик маданияти муштарак маънавий-фалсафий дунёқарашилар йиғиндисидан ташкил топади.

Евropa Уйғониш давридаги ижтимоий-фалсафий қарашларда шахснинг жамиятда тутган ўрни ва ролига катта аҳамият берилган ҳамда турли мағкуралар ва ғоялар кураши жараённida эстетик маданиятга кенг ўрин ажратилган. Маълумки, бу даврда ҳар бир шахснинг эркин фикрлаш маданияти, воқелик ҳақидаги фалсафий дунёқарashi ахлоқий-эстетик тасаввурлари янгиланди, жамият маданияти ривожи

<sup>1</sup> Фарб фалсафаси. –Т.: Шарқ, 2004. 246-бет.

ошади, янги түлқин –инсонпарварлик түлқини вужудга келди. Бунинг натижасида Уйғониш даври эстетикасида инсонпарварлик гоялари улугланди, бадиий ижодда уйғунлик ва мувофиқлик, гүзәллик ва улуғворлик, санъатнинг ижтимоий ҳаётдаги ўрни каби масалалар эстетик-фалсафий тафаккурда қалқиб чиқди. Бу пайтда бир қанча буюк мутафаккирлар Петрапка, Бокаччо, Альберти, Донателло, Леонардо до Винчи, Микеланджело, Рафаэль, Франсуа Рабле, Э.Роттердамский, Шекспер, Сервантес кабилар етишиб чиқди. Улар ўзларининг бадиий ва санъат асарларини яратиб қолдирдилар ва Уйғониш давридаги ҳаётбахш санъат ва маданиятини вужудга келтиришди.

Инсон шахсини улуғловчи фикр-мұлоқазалар, гүзәлликни мадх этувчи бадиий асарлар вужудга келди. “Ренессанс даври адабиёти ва санъатида ҳар қачонгидан кўра якка киши шахсига эътибор кучайди. Бундай ҳолат Ренессанс даврида шахс деган тушунчанинг расман шаклланишига туртки бўлди. Шахс тушунчаси индивид тушунчаси билан баб-баробар ишлатила бошланди. Шунингдек, Уйғониш даври адабиётларида шахс деганда кишининг хатти-харакатлари, хулқ-авторидаги масъулиятни сезиш қобилияти тушунилди. Шахснинг эстетик диidi, ахлоқ-одобига хос қирраларининг ривожланиши ҳам бир-бирига ҳамоҳанг бўлиши зарур”<sup>1</sup> эканлигига эътибор қаратилди.

Уйғониш даври ижодкорлари фаолиятида эстетик маданият ўзининг кўп қирралиги билан шахс ҳаётига боғлиқ бўлди. Бунда ҳар ҳил оқимлар вужудга келиб, улар бир-бiri билан тўқнашди. Бу давр эстетик маданияти ҳайкалтарошлиқ, рассомлик, мусиқа санъати ва адабиётда шаклланди. Натижада, янгича руҳдаги шахс эстетик маданиятнинг тушунчалари, қарашлари ва тасаввурлари жамиятга кириб келди.

Ренессанс даврининг дастлабки файласуфи Данте Алигьери жамият эстетик гояларининг шахс ҳаёти билан

<sup>1</sup> Фарб фалсафаси. –Т.: Шарқ, 2004. 267-бет.

узвий боғлиқ эканлигини таъкидлади. Унинг фикрича, шахснинг эстетик маданиятли бўлиши “ҳаётнинг гўзаллигини тушунишга, уни чинакамига севишга, жамият ҳаётида фаол иштирок этишга, халқ, Ватан манфаатини ҳимоя қилишга, уни кўз қорачиғидек сақлашга чақиради. Дантели ҳаётнинг гўзаллиги, унинг маъно ва мазмунини инсонпарварлаштириш қизиқтиради”<sup>1</sup>. Данте таълимотига кўра, шахснинг эстетик маданияти унинг жамият билан нечоғлик чамбарчас боғлиқ эканлигига, шунингдек, жамиятнинг қанчалик инсонийлашганига боғлиқ. Инсоннинг эстетик маданияти билан жамиятнинг инсонийлашув жараёни доимо ўзаро келишув ва ҳамкорликни тақозо этади.

Альберти бу ҳақда сўз юритиб, очкўз кўзлар гўзалликка интилиб, жиддий ҳаётни ўзгартиради. Ҳаётдан эстетик маданиятни излаб топишга ҳаракат қиласди. Билмадим улар ниманидир топишга интилади. Йўқ нарсани излаб, бор нарсага қарамайди, воқеликдаги санъатни тушунмайди, инсон меҳнатининг қадрини узокдан излайди. Айрим пайтда улар ҳаётдаги эстетик маданиятни тушунтиrolмайди, гўзалликка бўлган чанқофини ўzlари ҳам қондиролмайди, дейди. Аслида, улар топишга интилаётган ҳаёт олдида турганлигини тушунмаслигининг оқибатидир.

Уйғониш даврининг илк инсонпарварлик ғоялари билан уйғунлашган эстетик маданиятни илгари сурган Франческо Петрарка (1304-1374)дир. Унинг эстетик, адабий ва сиёсий қарашлари “Ҳаётдан безиш”, “Ёлғизликдаги ҳаёт”, “Ўзим ва бошқаларнинг жоҳиллиги ҳақида”, “Авлодларга мактублар” деб аталган рисолаларида ўз ифодасини топди. Ўзининг бадиий асарларида ишқий лирика, ватанпарварлик руҳи билан суғорилган шеърлар ёзди. Петрарка биринчи бўлиб Оврупа поэзиясида христиан лирикасини ва дунёвий ишқни куйлади. Унинг бир қатор лирик шеърлари ўзбек тилига ҳам таржима қилинган.

<sup>1</sup> Фарб фалсафаси. –Т.: Шарқ, 2004. 272-бет.

## ЭСТЕТИК МАДАНИЯТ

Оврупа Уйғониш даври адабиётининг йирик намоёндаси Жованни Бокаччо (1313-1375) нафосат ҳақидаги ғояларини ўз асарларида илгари сурди. Дастрлабки асарлари “Филоко ло”, “Филострасо”да севги саргузаштларини ифодалади. “Амето”, “Фъезолан парилари” асарида дунёвий ишқ-муҳаббатга қарши бўлган диний қарашларни масхаралади. Юзта новелладан изборат “Декамерон” тўпламида оддий инсон ва унинг муҳаббатини улуғлади, котолик черкови ақидалари ҳамда руҳонийларининг кирдикорларини фош этиб, ўша давр Италия воқелигининг ҳаққоний манзарасини яратди. Бу тўплами билан Бокачча бутун дунёга машҳур бўлди.

Леон Баттиста Альберти (1404-1472) буюк итальян архитектори, санъатшуноси ва адабиётчисидир. У Уйғониш даврининг архитектори сифатида биринчи бўлиб, черков қурилишларини замонавий Рим меъморчилиги асосида безади. Альберти архитектура ва санъатга оид “Ҳайкал”, “Рассомлар”, “Меъморчилик” каби трактатларини яратди. У илмий изланишлари давомида рассомчиликнинг моҳияти, қадимиюнон-рим сарчашмалари, замонавий санъатнинг ижодиётдаги ўрнини кўрсатиб берди. Ўз қарашларида ўрта аср анъаналаридаги эстетик маданиятнинг ижтимоий ҳаётдаги ролини ақлий жиҳатдан таҳлил этиб берди.

Фарбий Оврупа Уйғониш давридаги итальян рассоми ва файласуфи Леонардо до Винчи (1452-1519) эстетик тафаккур ривожида катта хизматини намоён этди. У мусаввирлик санъати негизида шахс гўзаллигини очиб беришга интилди. Унингча, буюк рассом табиатда инсонни эстетик баҳраманд қилувчи функцияни бажаради. Леонардо рассом учун ҳиссиятларга асосланиш муҳимлигини таъкидлайди. Ойнага ўхшаб, кўрганини ўйламасдан тасвиirlайдиганни рассом деб бўлмайди, дейди. Унинг яратган санъат асарларида дунёни билишга интилиш, шахс эстетик маданиятининг санъатдаги роли ва ўзига хос хусусиятларини очиб берди. Санъатнинг инсонлар ўртасидаги мавқеини воқеликдаги гўзалликни излаб топиши билан боғлади. Умуман олганда, Леонардо до Винчи жамият ҳаётидаги эстетик маданият санъат асарларида ёрқин

акс этишини, ташқи күринишдан жозибадор, жилвали, нозик табиатни маңнодор оханги сезилиб туришини таҳлил этади.

Уйғониш давридаги буюк рассомлардан бири Рафаэль Санти (1483-1520) бўлиб, бутун вужуди билан гўзал бўлган инсонни – унинг чиройли ва бақувват қадди-қоматини, юксак ақл-заковатини, олижаноб характерини тасвирлашга интилди. Ёш Рафаэль ўз санъат асарларида бино ва иншоатларнинг кўркам намуналарини чизиб, архитектурага ҳам қизиқишини намоён этди. Унинг қувонч ва баҳтни қўйлаган санъати осойишталик билан нафас олади. Рафаэль ўз асарларида кўриниши тўғри мутаносибликка эга бўлган гўзалликни ва эстетик маданиятни топишга интилган эди.

Улуғ ёзувчи ва драматург Вильям Шекспер (1564-1616) бутун ҳаётини театр билан боғлаган эди. Ёзувчи ҳамма жойда ёвузлик ҳукм суради, унинг захри ҳамма ҳис-туйғуларда: ишонч ҳиссида ҳам, ҳақ ва ноҳақни ҳис қилишда ҳам, севгига ҳам бор, – деб ўйлади.

Шекспер шахснинг ички дунёси улуғлиги ва эстетик маданиятини чуқур ҳис қиласи. Шунинг учун ҳам “Отелло”, “қирол Лир”, “Гамлет”, “Ромео ва Жульєтта”, “Юлий Цезар” каби трагедиялари ўзининг ички моҳияти ва мазмуни билан кишилар қизиқишиларини ўзига жалб этади.

Шекспернинг “Гамлет” трагедиясининг қаҳрамони “Исон нақадар санъаткорона яратилган-а! Ақли жуда соғлом. Ҳар бир ишни аниқ ва моҳирона бажаради. У барча оламнинг кўркидир” – деб эстетик маданиятга доир фикрларни хитоб қиласи. Шунингдек, “қирол Лир” трагедиясида Шекспер зебу-зийнат ва айш-ишрат ичидаги дабдабали ҳаёт кечираётган бир тўда ҳукмронлар билан сонсаноқсиз халқ оммасининг азоб-уқубатларини кўрсатади.

Шекспер Уйғониш даврининг инсонпарвар фикрларини ўз дунёқарашидан келиб-чиқиб холисона баҳолаб беради.

Уйғониш даври алломаларининг эстетик ғоялари нафақат ғарбда, балки бутун дунё эстетикаси ва маданияти тараққиётида ўчмас из қолдирди. Шу билан бирга кейинги давр ижодкорлари томонидан бу пайтда яратилган санъат ва

бадиий асарлар бебаҳо ва ноёб хазина сифатида эътироф этилди.

Классицизм эстетикаси ривожида француз файласуфи Рене Декарт (1596-1650) ўзининг тиниқ ва тартибли ғоялари билан ўз номини эстетика тарихида қолдирди. У эстетикани рационализм нуктаи назаридан ҳал этиб, ақлий йўл билан дунёни нафосатини, кўп қиррали қадрият тизими моҳиятини тушунтириди. Унингча, сезгиларда олам гўзалликларига шубҳа қилиш мумкин, лекин ақлимиз буни тўғри идрок этади, деб ҳисоблайди.

XVII аср француз адабиётида классицизм оқимига мансуб шоир Жон Расин (1639-1699) жаҳон театр санъатида фожиавий драмани юксак чўққига кўтарган қаламкашлардан саналади. Уни “Андромаха” трагедияси бутун дунёга машхур қилди. Трагедия қаҳрамонлари ўз манфаатларини, ишқ-муҳаббатга мойилликларини давлат, қолаверса, хукмдорга садоқат бурчларидан ҳам устун қўйишади.

Адаб трагедияси классицизм адабиётидаги уч асосий қонун: воқеа, жой ва вақт бирлигига қатъиян амал қиласди. Шу жиҳатдан ҳам Расин классицизмнинг ақидаларини ортда қолдириб, замондошлари Корнель ва Мольердан бир неча қадам илгари чопди.

Расиннинг иккинчи машхур трагедияси “Британник” бўлди. Бу трагедия ҳам унинг ҳалқ орасида обрўсини янада орттириди.

1672 йил Расин турк султони саройи саргузаштларидан олиб ёзилган “Боязид” трагедиясини саҳналаштириди. Ушбу асарида муаллиф илк бор классицизм адабиёти кўрсатмасидаги антик воқеликка мурожаат қилишдан чекиниб, замонасида юз берган сюжетдан фойдаланади. Айни пайтда Расин бу пьесаси билан француз театрига шарқона мавзуни олиб кирди. Шарқ ҳаёти ва шарқона гўзаллик, султон ҳарамидаги канизакларнинг хусн-латофати, ишқий саргузаштлари фаранг томошабинларида катта қизиқиш уйғотади.

Умуман олганда, Жон Расин француз классик театрининг юксалишига улкан ҳисса қўшди, шеърий трагедия жанрини юкори пагонага кўтарди.

Расиннинг замондоши ва дўсти Никола Буало (1636-1711) классицизм назариётчиларидан биридир. Ўзининг “Шеърият санъати” шеърий трактатида Оврупа санъатини бадиий моҳиятини очиб берди. Ўз шеъриятига “табиатга тақлид” тамойилини асос қилиб олди. Санъат воқеликни объектив акс этириши лозимлигини таъкидлади. Шунингдек, Буало “Лонгин ҳакидаги уйлар” трактатида антик ёзувчиларни замонасининг ёзувчиларидан устун қўйди. Буало шеърияти ўз даврида Франция адабиёти ва санъатида ҳукмон булган классицизмга катта таъсир кўрсатди.

Буюк рус шоири, қомусий олими Михаил Васильевич Ломоносов (1711-1765) санъатнинг инсон тафаккуридаги ролини тушунтириб берди. Унингча, эстетик идрок қилиш инсонга космосдан берилган. Инсон ахлоқий-эстетик қарашларида воқеликдаги нарса ва ҳодисалар моҳиятини билиши, адабиётнинг ролини тушуниши лозим. Ломоносов адабиётни эстетик тушунчаларга бойитди, ақлий ва ижодий фаолиятда тўғрилик ва қонунийликни ёқлаб чиқди. Мантиқийлик, ақлийлик, нафосатлилик ғоялари адабий жанрларда муҳимлигини таъкидлаб, классицизм анъаналарини давом эттириди. Ижод жараёнида ақл ва ҳиссиётнинг ўрнини кўрсатиб берди. Адабиётда шеърият усулини руҳиятга боғлиқлигини таъкидлади. Ломоносовнинг эстетик фаолияти кўп жанрлардан иборат бўлган ижтимоий-фалсафий жанрлар асосида ишқий лирика, фуқароларнинг фаровон ҳаёти ва эстетик маданияти, жамиятнинг ранг-баранг тасвирига қаратилган эди.

Ломоносовнинг рассомчилик эстетикаси бевосита борлиқ эстетикаси ва билиш жараёни билан боғланган эди. Унинг эстетик ижодий қарашлари “Анакреон сухбати” шеърида ифодаланган.

XVII асрга келиб Оврупа мамлакатларида маърифатчилик эстетикаси жадал тараққий этди. Маърифат

## ЭСТЕТИК МАДАНИЯТ

даври нафосати ўша давр маданияти, фан маънавиятнинг тобора юксалиб бориши билан боғлиқ эди. Бу давр эстетикаси ўз навбатида Англияда – Шефтсбери, Э.Бёрк, У. Хогарт, Д.Юм, Францияда – Вольтер, Монтескье, Д.Дидро, Ж.Ж.Руссо, Германияда – А.Баумлартен, И.Винкельман, И.Лиссинг, И.Гёте номлари билан бевосита боғлиқдир.

Англияда дастлабки эстетик ғояларни илгари сурган машхур ахлоқшунос ва эстетик Антони Эшли Купер Шефтсбери (1671-1713) ўзининг “Одамлар, хулқ-атворлар, фикрлар, замонларнинг тавсифи” номли асарлар тўпламини яратди. Бу тўпламида ахлоқ ва эстетика ҳиссият билан бирга туғма равишда вужудга келганини таъкидлади. Эзгулик энг юкори ҳузур-ҳаловат, ақлий лаззат берувчи нарса ҳисобланади. Инсонни эзгуликка ундайдиган куч “ғайрат-шижоат” воситасида амалга ошади. Гўзалликнинг мезони унинг натижаларида эмас, балки қарама-қаршиликдадир. Эзгуликка интилиш ана шу гўзаллик ва ахлоқдадир. Шефтсберининг ахлоқий-эстетик идеали ҳар томонлама ривожланган шахсадир. Эзгуликка эришишнинг асосий шарти эзгу нарсаларни ҳаммаси, айни пайтда эстетик жиҳатдан гўзал бўлиб, гўзаллик уйғунликдадир. Шунингдек, гўзаллик рухиятда, рух дунёсида, тирик табиатдаги нафосатда эканлигини айтади.

Машхур инглиз адаби ва эстетиги Эдмонд Бёрк (1729-1797) “Бизнинг юксак ва аъло даражадаги ғояларимизнинг келиб чиқишида фалсафий тадқиқотлар” номли асарида эстетиканинг замонавийлашганлигини намоён этди. У инсоннинг дунёдаги турли хил эстетик ҳолатда яшashi ҳиссиятнинг ҳаётга таъсирини айтди. Бёрк инсоннинг ҳислари жуда яхши ташқи дунё билан алоқада бўлиши ва бегараз севгини яратиш керак. Инсон түғилганидан бошлаб жамиятдаги эстетика қонун-қоидаларига амал қилиб, нафосат оламига боғланиб яшайди, дейди.

Бёрк дид муаммоси билан шуғулланди. У эстетик дид инсонларнинг табиий қобилияtlари: ҳис, тасаввур, фикрлаш қобилияtlари аоссида шаклланади. Ҳамма нарса инсонларда

дид оқилона тарзда шаклланиб, ҳар бир кишида ҳар хил дид бўлишини тушунтиради. Бёрк фалсафий-эстетик дунёқарашини таҳлил этар эканмиз, инсоннинг қобилияtlари доимо чексиз равишда ривожланиб боришини кўрамиз.

Эстетик маданиятнинг жамият ривожланиши билан замонавийлашиб боришини Э.Бёрк таҳлил этиб, инсоннинг ҳиссиёти ташқи нарсаларга нисбатан табиий қобилиятни шакллантиради, дейди. У инсоннинг дунёдаги турли хил эстетик ҳолатда яшashi ҳиссиётнинг хаётга таъсири натижасида, яъни воқеликни идрок этиши, ташқи муҳитни сезишида асосида бўлишини айтади. Бёрк фикрича, инсоннинг ҳислари жуда яхши ташқи дунё билан алокада бўлиши ва беғараз севгини яратиш керак. Чунки инсон туғилганидан бошлаб жамиятдаги завқий муносбаатлар ва қонун-қоидаларга амал қилиб, эстетик маданиятини оширишга интилиб боради. Шу асосда дид муаммоси ҳам ўз-ўзидан келиб чиқади, дейди. У эстетик дид инсонларнинг табиий қобилияtlари: ҳис, тасаввур, фикрлаш қобилияtlари асосида шаклланади. Ҳамма нарса инсонларда дид оқилона тарзда шаклланиб, ҳар бир кишида ҳар хил дид бўлишини тушунтиради. У жамоавий сифатлар негизида гўзалликни ҳиссий қабул қилиниши ва дидни шаклланишини, бу эса севги-муҳабbat, эзгуликка интилиш, ўткир дидлилик кабиларни завқий муносабатларга чорлашини эътироф этади.

Бёркнинг эстетик маданиятга доир ғояларини инглиз рассоми ва санъатшуноси Уильям Хогарт ижтимоий-танқидий қарашлари орқали таҳлил этиб, дидни санъатда мавжудлигини таъкидлайди. Санъат хақидаги фикрларини баён этаркан, “нафосат чизиги” оламда дидга асосланиб, эстетик маданият вужудга келишини айтади. У “Гўзаллар таҳлили” трактатида санъатнинг юксак эстетик дид билан боғланган олий нуқтасини очиб берди.

Инглиз рассоми ва санъатшуноси Уильям Хогарт (1697-1764) ижтимоий-танқидий қарашлари орқали Оврупа санъатининг миллий инглиз мактаби реалистик жанри ва рассомчилигига асос солган. Уни рассомчиликка оид “Пулхўр

тақдири”, “Замонавий никоҳ” каби ахлоқий ва сатирик гравюралари машҳур қилди. Санъат ҳақидаги фикрларини баён этаркан, “нафосат чизиги” оламда мавжудлигини айтади. У “Гўзаллар таҳлили” трактатида санъатнинг ижодидаги олий чўққисига эришди. Унда эстетика назариясига юқори баҳо бериб, санъатнинг расоомлар ижодидаги ўрнини кўрсатиб берди.

Маърифатчилик даврида Англия эстетик дунёкарашини Давид Юм (1771-1796) ривожлантиргди. У эстетикага оид “Инсон табиати ҳақида трактат”, “Эссе” сингари асарларини ёзди. Давид Юм эса эстетик дидни жамиятдаги завқий муносабатлар тизимида субъектив томондан ҳал этди. Юм киши дидининг руҳий жараёнлардаги ўзига хос хусусиятлари гўзаллик қонунлари уйғунлик, умумий тамойиллар ҳамда асосий эстетик баҳолар гўзаллик ва хунукликда деб айтади. Унингча, эстетик дид инсоннинг хусусияти орқали ақлда мужассам бўлади. Эстетик муносабатларнинг субъектив жиҳати гўзалликни умумийлигини келтириб чиқаради.

Юм диднинг инсон ички руҳияти билан боғлиқлигини, ҳаттоқи сенинг душманинг ҳам буни билишга интилади. Агар сен ақлли бўлсанг ҳам у буни тўғри йўлини топади. Ҳар хил йўллар билан дидингга ёқадиган завқий муносабатни вужудга келтириб, сенга барча гўзал ва қадрли бўлган ёқимли ҳистойғуларни англаб олади. Охирги дидингни ҳам билиб олгандан кейингина мақсадига ўтади, дейди.

Кейинчалик Юмнинг эстетик гоялари асосида Шеллер санъатдаги “қарама-қарши ҳиссиёт” қонунини яратиб берди.

Маърифатчилик даври эстетикасини Францияда машҳур ёзувчи Мари Франсуа Аруэ Вольтер (1694-1778) бошлаб берди.

Мари Франсуа Аруэ Вольтер “Сарой диidi”, “Орлеон қизи” каби трагедияларида эстетик дид ва маданиятни ёрқин ифодалади. Ўзининг “Сарой диidi” трагедиясида эстетик диднинг санъати билан боғлиқлиги, диднинг яхшиликка ва ёмонликка хизмат қилишини таъкидлайди. Яхши дид табиий равишда ҳақиқий гўзалликдан келиб чиқиб, жамиятда юксак

эстетик маданият тараққий этишини таъминласа, ёмон дид тубанлик ва жоҳилликни вужудга келтиради. Ҳозирги замонда эса яхши дид ақлга боғлиқ бўлиб, ижтимоий ҳаёт ва санъатда намоён бўлади. Санъат ва фаннинг ривожланиши табиий қонунларга боғлиқ ҳолда шахс эстетик маданиятининг негизини ташкил этади. Вольтер инсонни ёввойи ҳаётдан табиат ҳукмронлигига айланишида табиий қонунлар катта аҳамиятга эга бўлганлиги ва эстетик маданият шаклланганлигини айтади. Инсоният тарихи ва цивилизацияси шу тарзда шаклланиб “Ёввойилик” босқичидан “цивилизация” босқичига ўтган. Натижада хилмалик инсон дидидан келиб чиқадиган эстетик маданият дурдоналари вужудга келган, дейди.

Францияда маърифатчиси Шарль Луи Монтескье (1689-1755) “Эрон мактублари”, “Қонунларнинг руҳи тўғрисида”, “Табиат ва санъатда тажрибанинг ишлаб чиқилиши” асарларида эстетик тафаккурини баён этди. Монтескье санъат билимлари театрда, эстетик тарбия жараёнида, мусиқага бўлган қизиқишида намоён бўлишини тушунтириди. Унингча, асосий лаззат табиатга нисбатан тиник ва тез илғаб олиш қобилиятида вужудга келади. Гўзаллик нарсаларнинг ўзида, биз уларни сезамиз, идрок этамиз, холос.

Монтескьенинг маърифатчилик ғоялари замондоши Дидро томонидан давом эттирилди.

Маърифатчилик оқимининг нафосат ғояларини француз ёзувчиси, эстетиги ва рассоми Дени Дидро (1713-1784) ривожлантириди. Дидро “Рассомчилик тўғрисида тажрибалар”, “Салонлар”, “Актёр ҳақида парадокслар” каби асарларида тасвирий санъат, поэзия назарияси, актёрлик маҳорати хусусида сўз юритади. У санъат ва бадиий танқид масалаларига доир кўплаб ғояларни илгари сурди. Янги реализм эстетикасини риаожлантириб, гўзаллик ва нафосат, қувонч ва шодлик ғояларини тарғиб қилди. Дидро роман ва драмаларида ўзи ишлаб чиқсан назарий тамойиллардан фойдаланди. Дидро фикрича, санъат жамиятда инсонларни тарбиялаб, халқнинг турмуш тарзини фаровон этади. Оддий

одамлар ҳамиша ўз ҳаётларида ахлоқий ва эстетик қоидаларга амал қилган ҳолда яшайди. Расомчилик таланти ҳам табиий равишда вужудга келади. Дидро гўзаллик, тўғрилик, ёқимлилик тушунчалари санъатнинг асосий мезони деб баҳо беради. Шу тушунчалар орқали нарсаларнинг ёрқин образи ойна сингари санъатда акс этади. Бу билан санъатда нарсаларнинг чуқур маъноси, мазмуни, моҳияти турли ғоялар тарзида ифодаланади, дейди.

Дидро ўзининг “Актёр ҳакида парадокслар” номли асарида актёрларда мусиқа ва рақс, рассомчиликлар барчаси санъатнинг маҳсули эканлигини тушунтиради.

Дени Дидронинг замондоши Жан Жак Руссо (1712-1778) француз илм-фани ва санъати ривожига улкан ҳисса қўшди. Эстетикага доир “Фанлар ва санъатлар ҳакида мулоҳазалар” асарини ёзиб, унда инсонларнинг ўша давр цивилизациясини “табиий ҳолат” ғоясига боғлаб тушунтирди. Унингча, одамлар “табиий ҳолат”нинг гўзаллик ва хунуклик тушунчаларига амал қилиб, насл-насабидан қатъий назар бир-бирлари билан дўст ва иноқ бўлиши керак. Руссо нафосат ҳакидаги фикрларини кўплаб роман, шеър, поэма, комедия ва яратган операларида баён этди.

Маърифатчилик ғояларини немис файласуфлари ғоят катта қизиқиш билан тарғиб этишди. Хусусан, Александр Баумгартен “эстетика” атамасини фанга олиб кириб, немис классик эстетикасига асос солди. У эстетикани тажрибавий билимлар ва тафаккурнинг маҳсули сифатида санъатга хос тушунча эканлигини айтади. Баумгартен фикрича, гўзаллик “ҳиссий билишнинг мукаммаллиги”дир. Гўзаллик доимо санъатда амал қилиб, кишининг нафосат оламини ички ва ташки қўринишини тартибга солиб туради. Унингча, ҳиссий билиш гўзалликни яратади, санъатда ранг-баранг образларни, мантиқий-қарама-қаршиликни тартиботини вужудга келтиради. Баумгартен ҳиссий билиш масалаларига доир “Эстетика” асарини ёзди ва бу асар тугалланмай қолди. Баумгартенни эстетиканинг асосчиси дея олмасакда, у фанга

---

киритган “эстетика” тушунчаси эстетик фикр ривожида катта аҳамиятга эга бўлди.

Нафосат соҳасидаги идеалистик фикрлар XVIII асрнинг охири XIX аср бошида Германияда Кант, Гегель, Фихте, Шеллер, Шиллинг каби немис фалсафаси классикларининг асарларида ривожлантирилди.

Немис классик фалсафасининг асосчиси Иммануил Кант (1724-1804) бўлиб, унинг эстетик ғоялари кейинчалик Гегель томонидан ривожлантирилган. Иммануил Кант “Гўзаллик ва улуғворлик туйғулари устидан кузатишлар” асарида “дид”нинг ролини очиб беради. Унингча, дид жамиятда гўзалликни хунуклик билан, яхшиликни ёмонлик билан, эзгуликни ёвузлик билан таққослаб, уларнинг танқидий баҳоланишида вужудга келади. Чунки дид инсондаги хиссиётни жиловлаш ёки муайян мақсадни амалга оширишга чорловчи асосий кучdir. Кант гўзаллик ва улуғворлик туйғуларининг инсон эстетик диди ривожланишига ижобий рол ўйнашини, буларнинг қарама-қашиларини эса танқидий баҳолаш асосида дидни кўриш мумкинлигини айтади. Ҳар қандай вазиятда инсон учун дид бирничи галда муҳим бўлиши, айниқса, жамиятнинг эстетик маданияти ривожи ана шунга боғлиқлигини танқидий боҳолайди. У дидсиз жамият ибтидоий ҳаётда қолганлиги, унда на маданият ва санъатнинг моҳияти англааб етилганлигини айтиб, бугунги кун жамияти бевосита дидсиз мавжуд бўла олмаслигини кўрсатади. Унингча, дидсизлик белгиси бутунлай бепарволик, тушунчанинг йўқлиги, субъектнинг қандайдир ички ҳолатини ифодаси бўлган буюк шаклини мушоҳада қилишдан ташқари бирдан-бир ташқи мақсаднинг мутлоқ йўқлигига деб ҳисоблайди. Шундай қилиб, Кант эстетик маданият воқеликда мавжуд бўлган нарсалардаги нафосатни баҳолай олиш, ижтимоий ҳаётдаги санъатнинг вазифасини англаш, бадиий ижод жараёнини моҳиятини талқин этишда намоён бўлади.

У ҳар бир кишининг қадр-қиймати жамиятнинг баҳтсаодати йўлида топталмаслиги, балки юксак эстетик маданиятни шакллантиришга хизмат қилиши кераклигини

тушунтириди. Гўзаллик санъатни олий кўриниши, бебаҳо эстетик идеал, деб уқтиради.

Кантнинг эстетик ғояларини Георг Вильгельм Фридрих Гегель (1770-1831) такомиллаштириб, эстетик маданиятни оламда “мутлоқ ғоя” даражасида талқин қилди. У барча ҳакиқат ва гўзалликнинг асоси шахснинг юксак эстетик маданиятга эришувиdir деб, “мутлоқ ғоя”нинг юқорига қараб ривожланишини кўрсатади. Эстетик маданиятнинг шаклланиши ва ривожи Афлотун таълимотида “ғоялар дунёси”нинг сояси сифатида, яъни воқеликда эстетик онг негизида вужудга келиши эътироф этилса, Гегель фикрича, “мутлоқ ғоя”нинг олий нуқтаси сифатида талқин қилинади.

Унинг ғояларига кўра, эстетик маданият инсоннинг эстетик фаолиятида санъат ва нафосат оламига бевосита боғланиб кетаверади. Гўзалликни ҳамма инсон ҳис этади: биз ҳайвонларнинг гўзаллигини гапирамиз, бир-биримизнинг нафосатимиз, яъни инсоннинг бақувватлиги, мардлиги, хушмуомалалиги ва бошқалар. Гўзаллик – бу ҳиссий ғояларнинг шаклидир. Биз ҳисларимиз орқали эстетик маданиятнинг борлиқда мавжудлигини билиб оламиз. Ички гўзаллик эса санъатда, демак, санъатнинг гўзаллиги рассомнинг ички дунёсидир. Рассом санъатнинг ранг-баранг турларини ўзининг дунёси билан англаб, кейин уни рассомчилик қобилияти натижасида намоён этади. Бу эса, ижодкорнинг ички дунёси юксак эстетик маданиятнинг ривожи учун қалб гавҳари бўлиб хизмат қиласди, дейди.

Гегель “Рух феноменологияси”, “Эстетика ҳакида лекциялар” номли асарларида нафосат ғояларини илгари сурди. У эстетиканинг бир қатор муаммоларини ишлаб чиқиша ўзининг катта ҳиссасини қўшди. Ўзидан олдин яшаган давр санъаткорларининг эстетик билимларига тўғри баҳо берди ва санъатнинг нозик томонларини очиб қўрсатди.

Немис классик эстетикасининг вакилларидан бири Иоганн Готлаб Фихте (1762-1814) борлиқ нафосати ҳақидаги

ғоялари билан машхур бўлди. У оламдаги гўзаллик “Мен”<sup>1</sup>ни ҳамма нарсани яратувчиси, уларни гўзаллигига қудрат боғловчи ижодий куч сифатида эътироф этади. У оламда соф “Мен” ва назарий “Мен” борлигини таъкидлайди. Фихте оламдаги соф “Мен”ни ғайри ҳиссий доимий гўзаллик тарзида, назарий “Мен”ни эса вактингчалик ҳиссий гўзалликни яратувчи сифатида талқин этади. Унингча, соф “Мен” бутун кишилар гўзаллигини ўзида акс эттирувчи борлиқнинг асоси, соф реалликдир. Фихте ўз қарашларида ахлоқий-эстетик фикрларни ҳам илгари сурди. У айтадики, ахлоқ учун марказий масала эркинлик. Бу эркинлик кишиларнинг нафосат дунёсини ранг-баранг бўлишига олиб келади. Шу асосда кишиларнинг ахлоқий қарашларида оламнинг гўзаллиги ўз ифодасини топади.

Россияда XVIII-XIX асрга келиб илм-фан, эстетик тафаккур соҳасида бир қанча мутафаккирлар етишиб чиқди. Жамият таракқиёти ва эстетик тафаккур ривожида Н.Карамзин, А.Н.Радишчев, А.С.Пушкин, В.Г.Белинский, А.И.Герцин, Н.Г.Чернишевский, Н.А.Добролюбов ва бошқаларнинг хизматлари катта бўлди.

Рус ёзувчиси, тадқиқотчisi ва журналисти Николай Михайлович Карамзин (1766-1826) эстетик қарашларини “Россия давлати тарихи”, “Фанларда, санъат ва маърифатда бир хиллик” каби асарларида баён этди. У Россия эстетикаси ва адабиётининг йўлбошчиси сифатида классицизм ғояларига қарши чиқди. Унингча, “ҳиссиёт” инсонларнинг ҳаётга бўлган қизиқишиларини рўёбга чиқаради. Эстетика ва ахлоқ бир-бирига бевосита боғланиб, инсонлардаги табиий гўзалликларга бўлган интилишини кучайтиради. Шунинг учун кишилар доимо ҳаётдан мароқланишади, дейди.

Карамзиннинг адабиёт, эстетика ва маданият соҳаларидаги қарашлари рус эстетик ғояларининг ривожланишига асос бўлиб хизмат қилди.

---

<sup>1</sup> Мен –акл, онг сифатида талқин этилмоқда.

Буюк рус мутафаккири Александр Николаевич Радищев (1749-1802) ўзининг “Петербургдан Москвага саёҳат”, “Инсон, унинг ўлиши ва ўлмаслиги ҳақида”ги асарларида эстетикага оид фикрларни айтиб ўтади. “Петербургдан Москвага саёҳат” номли асарида у руслар ҳаётини акс эттириди. Унда айтилишича, давлат ҳалққа барча воқеа-ҳодисаларни ва турли жараёнларни гўзал қилиб кўрсатади. Лекин ҳалқ ҳеч қачон уларнинг чиройли сўзларига, гўзал ҳаётларига қараб туролмайди. Ҳалқ ҳам улар сингари фаровон турмуш кечириш ва яхши яшашни истайди.

“Инсон, унинг ўлиши ва ўлмаслиги ҳақида” асарида эстетик фикрларни кўплаб учратиш мумкин. У бу моддий дунёning абадийлиги, у турли хил сифат ва хусусиятларга: оғирлик, шакл, ҳаракат, ранг ва ҳоказоларга эгалигини айтади. У инсон ҳаёти давомида барча гўзалликлардан баҳраманд бўлиши, у дунёдаги роҳат-фароғат ҳақидаги ғоялар ёлғонлигини тушунтиришга уринади.

Янги рус адабиётининг асосчиси Александр Сергеевич Пушкин (1799-1837) эстетик қарашларини шеърларида, романларида акс эттириди. У санъат назарияси ва эстетиканинг рассомчиликдаги муаммоларини, маданиятни инсон ҳаётидаги мавқеини рус эстетикаси орқали намоён этади. Пушкин “Боғчасарой фонтани” номли романтик поэмасида ҳаётдаги севги-муҳаббат, гўзаллик ва нафосатни куйлади. Шунингдек, “Евгений Онегин” романидаги образлар жозибадор тарзда оддий кишилар қисматини ифодалади. Романда шаҳар ва қишлоқларнинг бежирим кўринишлари ва нозик табиати акс этди. Қолаверса, романдаги маънавий пок ва гўзал Татьяна образи кишининг руҳиятини жонлантириб юборади.

Умуман, Пушкиннинг жаҳон адабий ва эстетик тафаккуридаги мавқеи бугунги кунда кўплаб тилларда таржима қилинган асарларда ёрқин акс этган.

Рус файласуфи Виссарион Григорьевич Белинский (1811-1848)нинг эстетик муҳокамалари тарихийлик руҳи билан сугорилган. Санъатнинг моҳияти ва ўзига хос

хусусиятини воқеликни хислатлари билан боғлиқ, дейди. Белинский санъатда халқчиллик ва реализм тушунчаларининг алоқадорлигини кўрсатиб, адабиётнинг ижтимоий аҳамияти гўё маърифатли “жамият” билан халқ оммаси ўртасидаги жарликни бартараф қилишга боғлиқ эканлиги ҳақидаги “замонавийликка”, яъни ҳақиқий санъаткорнинг ажралмас сифати бўлмиш тараққиётга “хайриҳоҳлик” ғояларини илгари суради. Белинский санъатнинг бурчи хаётни акс эттириш, уни ўзлатиришга хизмат қилишдир, санъат образлари билан тафаккур қилишдир, деган ғояни илгари суриб, санъатнинг ўзига хос хусусиятларини яққол кўрсатиб берди.

Александр Иванович Герцин (1812-1870) бадиий ижод масалари билан шуғулланиб, ўзининг “Табиатни ўрганиш ҳақида ўйлар”, “Ўғри зағизғон” асарларида эстетик қарашларини баён этди. Унингча, инсон доимо табиатга боғлиқ ҳолда, унинг гўзалликлари оғушида яшайди. Ана шу гўзаллик инсоннинг руҳий кайфиятига бевосита таъсир этади. Герцин санъатнинг ҳаёт билан боғлиқлигини таъкидлаб, “санъат санъат учун” деган назарияни инкор этади.

Николай Гавrilovich Чернишевский (1828-1889) ўзининг “Санъатнинг воқеликка эстетик муносабати” асарида идеалистик эстетикани танқид қилиб, реалистик санъатнинг асосий тамойилларини ифодалаб берди. “Гўзаллик ҳаётдир” деган тезисни илгари сурди. Адабиётнинг ғоявийлиги ва халқчиллигини реализмнинг бадиий тасаввурлари билан боғлаб ижтимоий-маънавий ғояларни ишлаб чиқди.

Николай Александрович Добролюбов (1836-1861) асосан эстетика ва санъатга оид мақолалар ёзган. Уларнинг энг асосийлари “Тарбияда обрў-эътиборнинг аҳамияти ҳақида”, “Ўтган йил адабиётида майдा-чуйдалар”, “Зулмат салтанатида ёруғ нур” кабилардир. Добролюбов шундай бир жамиятни орзу қиласидики, унди “инсоннинг қадр-қиммати... унинг шахсий фазилатлари билан белгиланадиган бўлсин”, “моддий ноз-неъматларни эса ҳар бир киши ўз меҳнатининг миқдори ва арзишига қатъий муносаб меъёрда оладиган бўлсин”. У Белинский анъаналарини давом эттириб, адабиёт

ва санъатнинг ижтимоий вазифаси ўша даврдаги ижтимоий муносабатларнинг ғайритабиийлигини тасвиirlаб кўрсатиш, ҳаётдан ҳақиқий идеални излаб топишдан иборатлигини кўрсатади.

Инсониятнинг эстетик тафаккури тараққиётида Кавказ халқлари орасида ўзига хос эстетик дунёкараш шаклланди. Улар ўзининг кўриниши ва ғоявий эстетик аҳамияти билан кишилар ҳис-туйғуларига бевосита таъсир этадиган бадиий асарлар моҳиятини ҳамда санъатнинг инсон руҳиятида юксак даражада гўзаллик намоён қиласидаган жабҳаларини ёрқин эстетик идеаллар орқали ифодалаб беришди. Шунингдек, жамият ҳаётига нафосат оламини бахш этувчи фикрлар ва қарашларни асарларида акс эттиришди. Бундай қарашларни Н.Ганжавий, Ш.Руставели, Г.Нарекаци, Мхитар Гош каби алломалар ижодида кўриш мумкин.

Озарбайжон халқининг ажойиб шоири Низомий Ганжавий (1141-1209) ўз асарларини бевосита ахлоқ ва эстетика ғоялари асосида ёзди. Шарқда биринчи бўлиб, “Хамса”чиликка асос солди. Унинг яратган “Хамса”си “Панҷ ганж” номи билан тарихга кирган. Бу “Хамса” 5 достондан иборат бўлиб, биринчи достони “Махзан ул-асрор” (“Сирлар хазинаси”) деб номланади. Унда дунё, инсон умри мазмуни, ахлоқий масалалар, эстетик идеаллар, инсонийлик борасида хилма-хил фикрлар билдирилган. Иккинчи достон “Хусрав ва Ширин” деб номланиб, бунда севги ва садоқат ғоялари илгари сурилган. Достонда Эрон шахзодаси Хусрав ва ўз ёрига содик бўлган соғ севги эгаси гўзал Ширин ўртасидаги юз берган воқеалар тасвирланган. Шунингдек, достонда Фарход образи ботир ва паҳлавон, ўз ишининг устаси моҳир тошйўнар ва наққош, қолаверса ҳақиқий ошиқ сифатида тасвирланади. Учинчи достон “Лайли ва Мажнун”да севгиси туфайли бошига қанчадан-қанча фожиалар келган Мажнун ҳақиқий ишқ эгаси сифатида ифодаланган. Тўртинчи достон “Ҳафт пайкар” (“Етти гўзал”) бўлиб, бу достонда бир-бирларига ошиқу-мошиқ бўлган ёш йигит-қиз севгиси ва шу асосда келиб чиқадиган шоҳлиқдаги можаролар тасвирланган.

Бешинчи достон “Искандарнома”да бу дунёning мазмун-моҳияти хис-ҳаяжонга бой ғоялар билан тасвирилаб берилган. Ганжавий достонда ўз юртини севувчи буюк шоҳ образини яратди. Шоҳнинг халқи учун ўз бошидан қанчадан-қанча савдоларни ўтказгандиги, юртининг фаровон ва доимо гуллаб яшнашига интилганлиги ифодаланган.

Низомий Ганжавий достонларини яратар экан, уларда реал ҳаётни тасвирилашга интилди. Инсонлар ҳаёти, уларнинг ички руҳий кечинмалари гўзал ва инсонпарвар ғояларга бойлигини тушунтириб берди. Унинг “Хамса”чилигини кейинчалик X.Деҳлавий ва А.Навоий каби мутафаккирлар давом эттиришди.

Кавказ халқлари эстетик ижодидан грузин шоири Шота Руставели (XII асрда яшаган) нинг “Йўлбарс терисини ёпинган паҳлавон” достони бизгача етиб келган. Бу достон эстетик ғояларга бой бўлиб, ҳозирги кунда жаҳон адабиётининг бебаҳо дурдоналаридан ҳисобланади. Асарда ахлоқий ва эстетик масалалар бир-бири билан қўшилиб кетган. Унда қаҳрамонлик, дўстлик, чин инсоний севги ва муҳаббат, мардлик улуғланиб, ўз Ватани равнақи йўлида жонини ҳам аямаган паҳлавон образи тасвириланади. Кишиларнинг ҳақиқий турмуш тарзи, шоҳ саройи ва оддий халқни ҳаёти бир-биридан фарқи масалалари таҳлил этилиб, уларни бир-бирига қарама-қарши қўйилади. Бу достон инсоннинг эркинлиги, ҳис-туйғулари, баҳтли ҳаётини куйлади. Ш.Руставели ижоди грузин маданиятининг энг нозик ва сермаҳсул қирраларини ўзида ифодалаб, янги грузин поэзияси тараққиётига катта хисса қўшди. Унинг “Йўлбарс терисини ёпинган паҳлавон” достони бугунги кунда жаҳон халқлари томонидан севиб ўрганиб келинмоқда.

Кавказ халқлари эстетик тафаккури ривожида арман адабиётининг вакилларидан бири Григорий Нарекаци (X асрда яшаган) ўзининг ажойиб асарлари билан катта ҳисса қўшди. У санъат ва адабиётининг инсонпарварлик ғоялари билан бойишига сабаб бўлган бир неча ноёб асарлар яратади. Унинг яратган асарларидан “Қўшиқлар”, “Фожиалар китоби”

кабилар бизгача етиб келган. “Қўшиқлар” номли тўплами арман қўшиқларининг инсонлар маънавий олами ва эстетик тарбиясига таъсирини ажойиб шеърий мисралар орқали баён этди. Нарекаци эстетик қараашларида қўшиқ инсон кайфиятига ва руҳиятига таъсир этишини таъкидлаб, киши ҳамиша ўз кайфиятига мос тушунадиган қўшиқларни тингласин, акс ҳолда у ҳеч қандай қўшиқдан эстетик лаззат ола олмайди, дейди.

“Фожиалар китоби” асарида ўз давридаги ҳалқ ахволи, турмуш тарзи ва нафосат ҳақидаги қараашларини қай тарзда намоён бўлишини айтди. Унингча, ҳар қандай фожианинг сабабчиси бўлиш, бу инсоннинг ўзига боғлиқ. Шунингдек, воқеликдан эстетик завқ олиш ҳам инсон ҳис-туйғулари маҳсулидир.

Нарекацининг адабий-эстетик ғоялари ўз замонасининг бир қанча алломалари эстетик тафаккури ривожига ва бадиий ижодига ижобий таъсир этди.

XV асрда яшаган арман масалчisi Мхитар Гош (1123-1213) ўз даври адабиётини инсонпарвар ғоялар билан бойитди. У шоирлар ёзган асарлари ҳалққа етиб бориши учун эстетик идеаларга бой бўлиши керак. Шоир асарини гўзал тушунчалар, воқеликни ажойиб кўринишлари билан безаб, ҳалқ онгига нафосат туйғуларини шакллантириши лозим. Лекин жамиятдаги ҳар хил тарқоқликлар инсонларни бир-бирларидан ажратиб ташлаган. Агар инсонлар шоирлар сўзлария қулоқ солсалар ва улар асарини эстетик моҳияти ва асл мағзини чақа олсалар ҳақиқий гўзал ҳаётга интилишлари мумкин, дейди.

Умуман олганда, эстетик маданият ривожланиши ҳар бир давр муҳити ва шароитдан келиб чиқсан ҳолда фалсафа тарихида жамият равнақи учун хизмат қилиб, шахснинг манфаат ва мақсадларини ўзида ифодалашга қаратилган эди. Бу давр ҳаётида эстетик маданият реал ҳаётнинг серкирра жабҳаларини ва даврлар оралиғидаги ворисийликни амалга оширувчи куч сифатида майдонга келган куч бўлиб хизмат қилди.

### **1.3§. Жамият эстетик маданияти ривожланишининг қонуниятлари ва тамойиллари**

Инсон тафаккурининг доимий равишда ўзгарувчан ва янгиликка мойиллиги жамиятда ўзига хос ижтимоий-эстетик муносабатларни вужудга келтириб боради. Бу жараён, ўз навбатида, эстетик маданиятининг хилма-хил кўринишларини шакллантиради, эстетик вокелик ҳақидаги тасаввурларни янгилайди, жамиятнинг ўз ички қонуниятларига боғлиқ равишда ижтимоий муҳитнинг ривожланиш ва ўзгариш жараёнларига таъсир этади. Ҳар бир шахс эстетик маданиятининг ривожланиб бориши жамият эстетик маданияти ва халқ маънавий бойлигининг оммалашув ҳамда идрок этилиш даражасига боғлиқ бўлади. Бу жараён ҳеч қачон текис ва силлиқ кечмаган, у доимо спиралсимон харакат ва ривожланиш босқичларини ўтаб келган.

Жамиятда маданий ривожланиш узоқ тарихий тараққиёт йўлига эга. Маданиятининг турли шакллари тарихан шаклланиб, ижтимоий қатламлар учун турлича хизмат қилиб келган. Маданиятининг шакллари, жумладан, шахс маънавий юксалиши, асрлар оша маънавий қадриятларни тўплаш ва кўпайтириш билан ажралиб туради. Ана шундай маънавий қадриятлардан бири сифатида эстетик маданият шахс тафаккури, онги ва дунёқарашини бойиши жараёнида жуда катта роль ўйнайди. Шундай экан, аввало, эстетик маданиятининг ўзи нима эканлигини англаб етиш, шу аснода унинг ривожланиш қонуниятлари ва тамойилларини тадқиқ этиш зарурияти туғилади.

Жамиятнинг эстетик маданияти муайян тарихий шароитда яратилган ва идрок этилаётган эстетик қадриятлар йиғиндисидан иборат. Унга, биринчи навбатда, миллат истиқомат қиласидиган муҳит табиати, ижтимоий-сиёсий тузумдаги тизимлар фаолиятига муносабат, яратилаётган барча моддий ва маънавий қадриятларнинг эстетик жиҳатлари, одамлар ҳаёти ва фаолиятидаги эстетик томонлар

## ЭСТЕТИК МАДАНИЯТ

ва, шубҳасиз, адабиёт ва санъат дурдоналари киради. Эстетик маданият таркибида, албатта, жамиятнинг бадиий салоҳият амаллари жуда катта роль ўйнайди.

Шахс эстетик маданияти эса муайян жамият эстетик маданиятининг ўзига хос трансформацияси, индивидуал-миллий, маънавий-ахлоқий, ижтимоий-сиёсий ва бадиий-эстетик майллардан таркиб топади.

Жамиятда эстетик маданиятнинг ривожланиш қонуниятлари ижтимоий ҳаётдаги барча соҳаларни қамраб олган ҳолда, теварак-атрофдаги манзараларнинг такрорланмас тароватларини, турли хил вазиятлар асосида (объектив ва субъектив омиллар натижасида) келиб чиқадиган эстетик муносабатларни, шахс идеаллари, инсон ҳаёт тарзи ва меҳнат фаолиятида зарур омил бўлган ижодкорлик қобилияtlарини рўёбга чиқаришга хизмат қилади.

Жамиятда эстетик маданиятни яратувчиси ва ижодкори шахс экан, у ўзининг онгли эстетик фаолияти негизида моддий ва маънавий эстетик эҳтиёжларни қондиришга қаратилган зарурий воситаларни яратишга интилади. Шу аснода шахс тафаккури, воқелик ҳақидаги тасаввурлари, нафосат олами, ижтимоий муҳит тўғрисидаги қарашлари муайян қонуниятлар тизимида ривожланиб боради.

Жамиятда шахс эстетик маданияти турли хил нарса ва ҳодисалар ўртасидаги жараёнларнинг ўзаро алоқадорлиги асосида ривожланади. Бу ривожланиш асосида шахснинг онгида ҳосил бўладиган тасаввур ва фикрлар йиғиндиси муайян эстетик кўринишга асосланган ҳолда ижтимоий ҳаётнинг қўйидаги қонуниятларида бўлади:

- эстетик маданият унсурларининг нотекис ривожланиши;
- эстетик маданиятлар тараққиётининг нотекис ривожланиши;
- эстетик маданият билан табиий муҳитнинг мутаносиблиги;
- маънавий эҳтиёжларнинг эстетик маданият тараққиётига мос равища ўсиб бориши;

---

- ижтимоий тузум билан эстетик маданиятнинг алоқадорлиги;

- шахс эстетик маданиятининг шаклланиш хусусияти;
- эстетик маданиятнинг ворисийлик қонунияти;

Табиат ва жамият ривожланиши жараёнида вужудга келадиган эстетик маданиятнинг бу қонуниятлари ижтимоий ҳаётнинг барча жабхаларида, айниқса, санъат, ахлоқ, хукуқ, дин, фан ва таълим соҳаларида амал қилиб, маданият назариясининг моҳиятини очиб беришга хизмат қилади. Уларнинг ҳар бири жамият ривожида алоҳида-алоҳида шаклланиб бориб, шахс дунёкараши ва эстетик онгининг тараққий этишига олиб боради.

**Эстетик маданият унсурларининг нотекис ривожланиш қонунияти.** Ижтимоий тараққиётнинг барча босқичларида ва ҳамма цивилизацияларда амал қилади. Бу қонуниятнинг жамиятда амал қилиш механизмини ҳар бир шахс эстетик эҳтиёжининг ўзгариб ва ривожланиб боришидан билиш мумкин. Доимо шахснинг эстетик эҳтиёжлари муайян давр ва вазиятларда ўзгариб туради, баъзи даврлар оралиғида шахснинг муайян қадриятларга эҳтиёжи кучаяди. Бу жараёнга жавобан эстетик маданият ўзининг маълум соҳасини ривожлантиради, айрим унсурларини консервация қилади, натижада, эстетик маданият элементларининг ривожланиш даражаси нотекис бўлиб чиқади. Масалан, қадимги дунё маданиятида мифология ва афсона каби эстетик маданият унсурлари интенсив ривожланган, илм-фан, хукуқ, сиёsat каби соҳалар эса куртак ҳолида эди. Бунга сабаб, қадимги одамлар оддий кўринишдаги уйларни кура олмаганликлари, ўзлари учун кийинишининг эстетик жиҳатдан содда шаклини билмаганликлари, табиат кучларини жиловлай олмаганликлари учун улар устидан хаёлий, мифологик қарашларнинг устунлик қилганлигидир.

Ўрта асрлар даврида эса эстетик маданиятнинг яна бир соҳаси дин, хусусан, Фарбда насронийлик ва Марказий Осиёда ислом динлари шаклланиб, кенг тарқалган ва одамлар турмуш тарzinинг барча соҳаларига, сиёsat, ҳукукий,

ахлоқий ҳаётга фаол таъсир кўрсата бошлаган. Ўрта асрларда диннинг мавқеи шунчалик кучли эдикӣ, Оврупо қироллигига тож кийдириш, хукмронлик қилишга рухсат бериш черков қўлида эди. Араб халифалари, яъни пайғамбарнинг ўринбосарлари, дунёвий давлат унвонига эга бўлмасалар-да, мамлакатда уларнинг сўзлари қонун ва фармонлар дастурамал эди. Барча қозилик ишлари, фуқаролик, мулкчилик, оиласий муносабатлар шариат томонидан тартибга солинарди. Оврупо мамлакатларида йирик машина ишлаб чиқариш усулининг, капитализмнинг шаклланиши жамият эстетик маданияти олдига фан ва техникани ривожлантириш вазифасини қўйди. Натижада капитализм тизими шароитида эстетик маданиятнинг муҳим соҳаси, фан олдинги уфқларга чиқиб олди. Пар машиналари, ички ёнув двигателлари, тўқимачилик машиналари, пароходлар, самолётлар, радио, телевидение, автоматик тизимлар, роботлар, косик кемалар, видео, компьютер технологияси, интернет ва бошқалар вужудга келди. Ижтимоий ҳаётнинг барча соҳаларида илмий дунёқарашга асосланган эстетик маданият анъанага айланди, одамларда технократик дунёқараш шаклланиб, аста-секин инсонпарвар эстетик маданиятдан тобора узоқлашиш тенденцияси ҳам вужудга келди. Аммо эстетик маданиятдаги технократик йўналиш бугунги кунда ўз имкониятларидан оқилона фойдаланиб бўлди, чунки, бу ҳолат экологик ҳалокатлар ва жамиятдаги ахлоқсизлик фалсафасининг хавфини туғдирмоқда. Бу ҳолат эстетик маданиятнинг марказида инсон туриши зарурлигини, эстетик маданиятнинг максади шахсни уйғун ривожлантириш эканлигини инкор қилди, шахслар ўртасидаги барча ижтимоий муносабатларни пул-товар муомаласига боғлаб қўйди. Аммо капитализм жаҳон бозорини вужудга келтириб, хом-ашё учун, арzon ишчи кучи учун, капитал қўйиш учун курашни кескинлаштириб, йирик постиндустриал ишлаб чиқариш усулини барқарор қилиб, миллий ва этник тўсиқ ва чегараларни бузуб ташлаб, эстетик маданиятнинг муҳим соҳаси сиёсатнинг ролини кучайишига замин ҳозирлади.

Бундан ташқари, капиталистик жамиятда, шунингдек, эстетик маданият соҳасидаги эркинлик, мутлақ эркинлик тамойили ҳам шу даражада кучайдики, энди эстетик маданиятнинг турғун қонуниятлари индивидуал майл, хоҳиш, эҳтиёжларнинг ифода майдонига айланди. Бу нарса, айниқса, моддий ишлаб чиқариш, тасвирий санъат, бадиий адабиёт ва театрда ўз ифодасини топди. Абстракционизм, сюрреализм, кубизм, символизм, поп-арт сингари бадиий-эстетик йўналишлар эстетик маданият унсурларининг чексиз-чегарасиз эканлигига ишора бўлди.

Манавият тараққиётидаги қонуниятлардан бири **эстетик маданиятлар тараққиётининг нотекис ривожланиши қонунияти**дир. Тарихдан маълумки, ўтмишда ҳам, ҳозир ҳам, турли мамлакатларда турли халқларнинг эстетик маданияти бир хил ва текис ривожланмаганлиги кўзга ташланади. Бу ходиса тасодифми ёки у қандайдир ички қонуниятларга буйсунадими? Нега турли халқлар эстетик маданиятлари нотекис ривожланади, баъзи халқлар эстетик маданияти даражасида фарқ сезилади? Бу саволларга эстетик маданиятларнинг нотекис ривожланиш қонунияти жавоб беради. Мазкур қонуниятнинг амал қилиш сабаблари куйидагилардан иборат: а) ишлаб чиқариш кучлари ҳамда воситаларининг нотекис ривожланиши; б) табиат ва экология таъсири; в) халқ ижтимоий-тарихий тажрибаси ва эстетик маданияти анъаналарининг ўзига хослиги; г) диний ва ахлоқий тасаввурларнинг эстетик маданият билан нечоғлик уйғунлиги ва ҳоказо. Ана шу омилларнинг бир ёки бир нечаси у ёки бу халқ эстетик маданиятига таъсир натижасида эстетик маданият тараққиётидаги нотекислик вужудга келади. Масалан, эрамиздан олдинги 4 мингинчи йилларда Мисрда илк цивилизация вужудга келиб ривожланишига ва бу цивилизация ўша даврларда бошқа халқлар эстетик маданиятларига нисбатан илгарилаб кетишига сабаб, Миср аҳолиси қулай ландшафтда яшагани, Нил ҳавzasини ўзлаштириб, ишлаб чиқариш воситаларини анча мукаммалаштирган эдилар. Аммо, ўз даврининг илғор

## ЭСТЕТИК МАДАНИЯТ

Эстетик маданияти бўлган бу цивилизация қўшни элатларнинг доимий тажовузлари ва ички зиддиятлари таъсирида инқирозга учради. Эстафетани Евфрат ва Тигр дарёлари оралиғида яшовчи Месопатамия аҳолиси шумер ва аккадлар, кейинчалик Оссурия қўлга олди. Аммо бу оригинал цивилизациялар ҳам тарих саҳнасидан тушди. Бунинг сабаби ижтимоий-тарихий жараёнлар доимо эстетик маданиятнинг истиқболи ёки инқирозини ҳам белгилаб келди.

Милоддан олдинги 3 мингинчи йилларда ҳинд эстетик маданияти ривож топди, Мохонжо-Доро ва Хараппа цивилизацияси гуллаб яшнади. Эр. ав. 3 мингинчи йилларда Хитойда илгор эстетик маданиятли цивилизация шаклланди ва ривожланди. Марказий Осиёда эса илк цивилизация ўша даврда шаклланган ва Турон маданияти деб юритилади. Демак, қайси ҳалқ қулай табиий ва ижтимоий муҳитга эга бўлса, ижтимоий-иктисодий муносабатлар чегарасини кенгайтирган, ўз тарихий анъана ва эстетик қадриятларини ривожлантирган, бойитган ва кенгайтирган, умумбашарий маънавий қадриятларни ўзлаштирган, воқеликка завқий муносабатни чуқурлаштирган бўлса, ўша ҳалқнинг эстетик маданият даражаси ўсиб борган. Бундай шароитлар, омиллар чегаралангандаги эстетик маданиятнинг тараққиёт тезлиги сусайган ва торайган. Бу эса, ўз навбатида жаҳон миқёсидағи 2 мингта турли қабила, элат ва миллатлар эстетик маданиятининг нотекис ривожланишига олиб келган. Шунингдек, бу нотекис эстетик маданиятнинг миллий ўзига хослигини омил сифатида ҳам кўзга ташланади.

**Эстетик маданият билан табиий муҳитнинг мутаносиблиги қонунияти ҳам барча даврларда ва барча ҳалқларнинг маданий тараққиётида амал қиласи. Бу қонуният жамият ва табиатнинг ички, муҳим, такрорланувчи алоқаларини ифодалайди. Жамият ва табиатнинг ўзаро таъсири натижасида улар бир-бирида чуқур из қолдиради. Табиий муҳитнинг эстетик маданият шаклланишидаги “излари”ни барча соҳаларда кўриш мумкин. Хусусан, эстетик**

---

маданиятнинг муҳим элементи бўлган уй-жой, иншоатлар, биноларда табиий муҳит ўз изини қолдиради.

Эстетик маданият ва табиий муҳитнинг мутаносиблиги қонунияти кийиниш маданиятининг ҳам ўзига хослигини белгилаган. Масалан, Марказий Осиё контраст, яъни ўзгарувчан иқлимли бўлгани учун, ерли аҳоли ана шу шароитга мослашиб кийим танлаганлар. Шимолнинг совук ўлкаларида яшовчи қабилалар эса доимо иссик пўстинлар, мўйна кийим-бош кийишга мажбур бўлганлар. Жанубий Африканинг баъзи қабилалари ҳозир ҳам кийим киймайдилар, уларнинг кўпчилиги биргина лунги билан ёпинадилар, холос. Қизилкум ва Қорақумдаги кучли шамоллар ва водийларнинг тоғ ва кум ўртасида “қозон” каби ҳолатга тушиши натижасида турли касалликлар тарқатувчи бактерияларнинг мўллиги халқни шунга жавобан либос кашф қилишга ва ипакдан кийим кийишга мажбур қилган. Масалан, иштон қумни баданга ёпишишига йўл кўймайди, ипак эса кўплаб вирусларга нисбатан қалқон вазифасини бажаради.

Табиий муҳитнинг эстетик маданият шаклланишига таъсирини ҳаммомларнинг келиб чиқишида ҳам кўриш мумкин. Доимо юз-кўлни ювиб туриш, кийимларни тез-тез алмаштириш, ички ва ташқи кийим кийиб юриш ҳам табиий муҳит талаби, тозалик поклик эҳтиёжи асосида келиб чиқсан. Акс ҳолда ҳаммомда чўмилиш, бадан аъзоларини ювиб туриш, ипак кийимлар кийиш, кийимларни ювиб, тез-тез алмаштириш бўлмаса оммавий эпидемиялар оқибатида Турон халқи кирилиб кетган бўларди. Шарқ халқларининг турмушида шаклланган бундай эстетик маданият намуналари салб юришлари даврида Овруполиклар томонидан қабул қилинган. Ҳаммомда чўмилиш, иштон кийиб юриш, овқатдан олдин ва кейин кўл ювиш, ички ва ташқи кийим кийиш, уларни алмаштириб туриш, кўрпа-тўшакларга чойшаб қоплаб, стол ва курсидан фойдаланиш, стакон (устихон) дазмол (утюк) дан фойдаланиш, колбаса (кўлбости) ишлаб чиқариш, соя учун рангли шишалардан фойдаланиш, ёпик аравани,

шамол ва сув тегирмонини ишлатиш каби маданий қадриятлар Марказий Осиёдан Оврупога ўтган.

Табиий муҳит овқатланиш маданиятига ҳам таъсир қиласи. Маълумки, совуқ иқлимда инсон организми ўзидан энергияни кўпроқ ажратиб чиқаради, демак колорияли овқатлардан, шу жумладан, 4000 килоколлорияга эга бўлган чўчка гўштини истеъмол қилишга тўғри келади. Аксинча, иссиқ иқлим шаротида одам организми камроқ энергия ажратиб чиқаради, демак, мұтадил энергияли овқат, яъни 3400 килоколлорияга эга бўлган қўй гўштини истеъмол қилиш жоиздир. Агар чўчка гўшти истеъмол қилинса организмда модда алмашиниши бузилади, баданга иссиқлик тошади, ошқазон бузилади ва ҳоказо.

Табиий муҳит ахлоқий-эстетик маданият ва урфодатларга ҳам чуқур таъсир ўтказади. Кўпчилик маросимлар, расм-русумлар, тўйлар, байрамлар табиат жараёнларининг циклик ҳолатлари асосида келиб чиқсан. Масалан, Наврӯз баҳорги тенг кунлилиқ, янги йил дарчаси, экин экишнинг бошланишини нишонлаш байрамидир. Мехржон – кузда ҳосилни йиғиб олиш байрамидир. Қовун сайли, лола сайли, суст хотин каби байрамлар ҳам худди ана шу табиатнинг циклик, доиравий айланиш жараёнлари асосида шаклланган эстетик маданият ифодасидир. Одам ҳаёти ҳам циклик характерга эга. Туғилган кун, балоғатга етиш, уйланиш, фарзанд кўриш, пайғамбар ёши, вафот этиш билан боғлиқ барча маросимлар тарихан шаклланган. Табиатдаги циклик ҳаракатлар асосида эстетик обьектлар ҳақида тасаввурлар ҳам пайдо бўлган. Масалан, ҳафта етти сайёрадан нишона, 12 ой ўн икки юлдузлар туркумига ишора, тақвим қуёш ва ойнинг циклик ҳаракати асосида пайдо бўлган.

**Маънавий эҳтиёжларнинг эстетик маданият тараққиётига мос равишда ўзгариб бориши қонунияти маданиятнинг функционал қонуниятларидан биридир. Маълумки, эҳтиёжлар ранг-баранг, кўп қиррали бўлиб, доимо ўсиб боради. Агар эҳтиёжларнинг кўп турлилиги эстетик маданият унсурларининг пайдо бўлишини тақозо қиласа,**

уларнинг қондирилиши янги эҳтиёжларни келтириб чиқаради. Масалан, таомланишга бўлган эҳтиёж қондирилса, дам олиш эҳтиёжи, кийиниш эҳтиёжи қондирилгач, саёҳат қилиш, зебзийнатга интилиш эҳтиёжи келиб чиқади. Велосипеддан сўнг мотоциклда, ундан машинада юриш эҳтиёжи пайдо бўлади ёки оқ қора телевизордан рангли телевизорга, ундан лазер телевизорига ўтиш эҳтиёжи туғилади ва бу жараён чексиз давом этади. Пайдо бўлаётган янги-янги фаолият ҳам аввалгиларидан қаноатланмайди, янги эҳтиёжлар туфайли вужудга келади. Эстетик маданият ҳам қуйидан юқорига, оддийдан мураккабликка томон ривожланиш жараёнини кечиради. Демак, моддий-маънавий эҳтиёжларнинг узвий ўсиб бориши эстетик маданият тараққиётининг ички манбаси, харакатлантирувчи ўзагидир. Агар эҳтиёжлар ўзгармасдан, бир доира ва даражада қолганларида эстетик маданият ҳам ўзгармай, қотиб қолган бўларди. Бинобарин инсоннинг моддий ва маънавий эҳтиёжлари чексиз ўзгариб, ўсиб борар экан, эстетик маданият ҳам шунчалик чексиз ривожланиб бораверади.

**Ижтимоий тузум билан эстетик маданиятнинг алоқадорлиги қонунияти цивилизациялар ва маданиятлар ўртасидаги ички, муҳим, умумий алоқаларни ифодалайди. Маълумки, ҳар бир ижтимоий тузум ўзининг ишлаб чиқариш усули, ижтимоий муносабатлари, тафаккур тарзи, табақалар тузилиши, мафкурасига эга. Бу эса, ўз навбатида, муайян эстетик маданият типини ҳам шакллантиради. Бу қонуният ҳар бир тузумда ўзининг алоҳида хусусиятларига ҳам эга бўлади.**

Ибтидоий жамоа тузумида хусусий мулкчилик, синфлар, давлат йўқ эди, барча жамоа аъзолари ишлаб чиқаради ва маҳсулот тенг тақсимланарди, уруғ, қабила эса ўзини-ўзи бошқаарди, ижтимоий, ахлоқий-эстетик ва диний муносабатлар қон-қариндошликка асосланар эди. Бу хусусиятлар муайян эстетик маданият типини ҳам шакллантирган эди.

Ибтидоий эстетик маданият қуйидаги хусусиятлар билан изохланади: биринчидан, у синкретик, яхлит характерга эга, яъни эстетик маданият унсурларга ва соҳаларга бўлинниб кетган эмас, балки ягона, яхлит бир маънавий қадрият, маданиятни ташкил қиласди; ахлоқ, дин, санъат, урф-одатлар ва хоказолар ажралиб чиқмаган эди; иккинчидан, шунга биноан профессионал бадиий-эстетик қадрият яратувчилик (рассом, ҳайкалтарош, ёзувчи, шоир, мусиқачи, раккос, созанда) билан бу неъматларни “истеъмол” қилувчилик ажралиб чиқмаган эдилар; маданий қадриятларни яратувчилик ҳам, тарқатувчилик ҳам, сақловчилик ҳам, истеъмол қилувчилик ҳам уруғ, қабиланинг ўзи эди; учинчидан, маънавий-ахлоқий қоидалар, урф-одатлар, диний ва эстетик тасаввурлар бир ёки бир неча уруғ ёки қабила доирасида амал қиласди, бошқа жамоаларга эса тарқалмас эди, яъни эстетик маданият кучли локал ажралган, турли этник тўсиқлар билан чегараланиб, “оролчаларга” бўлинган эди; тўртингидан, инсоният тарихидаги бу илк эстетик маданият барча томонидан яратилиб, барчага мўлжалланган ва барчага хизмат қилган эди; бешинчидан, мазкур синкретик маданият бағрида аста-секин меҳнат тақсимоти кучайган сари, одамлар эҳтиёжларининг тарихий ривожланиши сабабли маданиятнинг турли соҳалари пайдо бўлди, эстетик маданият инсон билан табиат ва жамият муносабатларининг завқли ижодий кўриниши тарзида шаклана бошлади.

Кулдорлик тузумида хусусий мулкчилик, синклар, давлат, эксплуатация, мулкий тенгиззилик келиб чиқди ва бу ҳодисалар эстетик маданиятнинг ўзига хос типини вужудга келтирди. Бу давр эстетик маданияти қуйидагиларда акс этди: а) бу жамиятнинг эстетик маданиятига боғлиқ равища сиёсий маданият, ҳуқуқий маданият, илмий маданият каби янги маданият унсурлари пайдо бўлди; б) бу давр эстетик маданияти профессионал ва ҳалқ эстетик маданиятига бўлинди, эстетик маданият арбоблари (ёзувчи, рассом, мусиқачи, ҳайкалтарош ва ҳок.) билан маданият намуналарини истеъмол қилувчилик пайдо бўлди; в) маданият

яратувчилар, маданият истеъмолчилари ва маданият ҳомийлари вужудга келди; г) эстетик маданиятнинг синкретлиги бузилди ва маданият турли унсурлар ва соҳаларга бўлинib кетди; д) барча цивилизациялар қуллар меҳнати эвазига қуриладиган бўлди.

Феодализм жамияти ҳам эстетик маданиятда ўзининг чукур изини қолдирди. Бу давр эстетик маданияти – табака ва касталар, бойлар ва камбағаллар эстетик маданиятига ажралиш, Европада рицарлик одатларининг (этикетининг) вужудга келиши, Шарқда диннинг ҳукмрон мафкурага айланиши, Farбda насроний ва Шарқда мусулмон эстетик маданиятига бўлинib кетиши билан характерланади. Лекин ҳалқ қайси қитъа ва мамлакатда яшамасин, қайси дин ва мазҳабга эга бўлмасин эстетик маданият бунёдкори ва истеъмолчиси бўлиб қолаверди. Бундан ташқари, бу даврда эстетик маданиятнинг умумбашарий жиҳатлари ҳам кўпроқ ва кенгроқ аҳамият касб эта бошлади. Шарқ цивилизациясининг жаҳон ҳалқлари маданий-эстетик тараққиётига таъсири кучая борди. Масалан, Шарқ цивилизациясида аллақачон моддий ва маънавий-эстетик қадрият тусини олган овқатдан олдин кўл ювиш, тишни мисков билан тозалаш, ҳаммомда чўмилиш, иштон кийиб юриш, уларни алмаштириб туриш, кийимни дазмоллаш, ғишт пишириш, шамол тегирмондан, усти ёпиқ аравадан фойдаланиш, қофоз тайёрлаш сингари инсоний одат ва ишлаб чиқариш маданияти жаҳон ҳалқлари орасида кенг тарқала бошлади.

Капиталстик тузум ҳам ўзига хос эстетик маданият типини шакллантирди. Биринчидан, бу даврда технократик йўналиш авж олиб, анъянавий эстетик маданият шакли ва вазифалари ўзгара бошлади. Йирик машина ишлаб чиқариш усули фан, техника, технология каби эстетик маданият соҳаларини ривожлантиришни зарурият қилиб қўйди. Шахс тафаккури ҳам эмоционал эстетик маданият ҳам тобора рационаллашиб, назариялашиб борди. Иккинчидан, капитализм жаҳон бозорини вужудга келтириб, барча

халқларни бир-бирига боғлиқ қилиб қўйди, бунинг натижасида алоҳида регионал ва локал эстетик маданиятларнинг интеграциялашув пойдеворига асос солинди. Учинчидан, бу даврда турли элатлар ва халқлар миллат бўлиб бирлашуви натижасида миллий эстетик маданиятлар шаклланиши тезлашди. Миллий эстетик маданиятларнинг вужудга келиши эса цивилизациялар тараққиётига янги куч-кувват бағишлади. Тўртинчидан, капитализм, айни пайтда, эстетик маданиятнинг шундай соҳаларини ривожлантириди (масалан, оммавий қирғин қуроллари, табиий мухитни заҳарловчи техника ва технология ва ҳоказолар), бутун инсоният цивилизациясинигина эмас, ердаги ҳаётни ҳам жар ёқасига олиб келиб қўйди. Бешинчидан, ижтмоий муносабатлар шу даражага етдики, одамлар ўртасидаги оиласи, шахсий, ахлоқий, маънавий, эстетик ва бошқа муносабатлардаги анъанавийлик пул-товар муносабатлари тизими билан алмаша бошлади.

**Шахс эстетик маданиятининг шаклланиш хусусияти қонунияти** шундан иборатки, ҳар бир шахс муайян маданий мухитда дунёга келади, ўсади ва шаклланади. У миллий эстетик маданият қадриятларини ўзига сингдиради, масалан, тил, урф-одатлар, ахлоқий қоидалар, билимлар, муомала нормалари, ишлаш, дам олиш, оила қуриш учун зарур бўлган сифатларни қабул қилиб олади. Албатта, ҳар бир шахс танлаш имкониятига эга бўлиб, ўз эстетик эҳтиёжларига кўпинча мос келадиган маданий қийматларни ўзлаштиришга интилади. Шахс муайян эстетик маданият бойликларини истеъмол қилиш билан чегараланиб қолмасдан, эстетик маданиятга фаол таъсир этиб, уни ўзгартирди, ривожлантириди. Бунинг учун у янги маданий қадриятларни яратади. Масалан, Амир Темур, Бобур, Улугбек сингари давлат арбобларининг, Форобий, Беруний, Ибн Сино, Кайковус, Алишер Навоий, Нодира ва бошқа алломаларнинг эстетик маданиятимизга қўшган хиссаси бунга мисол бўла олади. Бундан ташқари, шахс маданий қадриятларни ўзида сақлаб, унинг обьекти бўлиб қолмасдан, уларни бошқа шахсларга тарқатади ва бу

нарсани кўпинча таълим-тарбия, муомала воситасида амалга оширади. Аммо, шахс эстетик маданиятнинг барча жиҳатларини ўзида мужассамлаштира олмайди, уларнинг ҳаммасини кишилар орасида ёйишга ҳам имконияти етмайди, чунки у замон ва маконда, шароит ва имкониятлар билан чеклангандир, эстетик маданият эса чексиз характерга эга. Жамият эстетик маданиятининг шахс табиати, фикрлаш ва фаолият турларига таъсири барча даврлар ва халқларда амал қилади. Турли сабабларга кўра ҳайвонот оламига тушиб қолган одамларда на тил, на тафаккур, на ахлоқ, на билимларнинг бўлмаслиги бунга яққол мисол бўла олади.

Ижтимоий муҳит, анъана ва миллатнинг тарихий-маънавий тажрибаси шахс эстетик маданиятида белгиловчи роль ўйнайди. Бу нарса, ўз навбатида, эстетик маданиятнинг миллий ўзига хослигини келтириб чиқаради. Турли цивилизацияга мансуб бўлган шахслар, масалан, франциз, инглиз, олмон, америкалик, африкалик, ўзбек ёки тожик, қозоқ ёки рус турлича фикрлайди, ўзини тутади, мулокотда бўлади ва ҳоказо. Шу билан бирга эстетик маданиятлар миллатлар ўртасидаги умумбашарий инсонпарварлик кайфиятларининг таркиб топиши ва ривожланиши учун хизмат қилади. Шахснинг юксак эстетик маданияти унинг умумбашарий қадриятларга содиқлигининг рамзи, кўринишидир.

**Эстетик маданиятнинг ворисийлик қонунияти** эски қадриятлар билан янги қадриятлар орасидаги умумий, ички алоқаларни ифодалайди. Одатда бу қонуният маданий мерос ва замонавий эстетик маданият ўртасидаги алоқалар тарзида кўринади. Маданий мерос тушунчаси ўтмиш халқлар томонидан яратилган моддий ва маънавий қадриятлар мажмуини англатади. Ворисийлик қонуниятига кўра, ҳар бир янги эстетик маданият қуруқ жойда пайдо бўлмайди, у аввал мавжуд бўлиб келган эстетик маданият асосида юзага келади, ундаги муайян қадриятларни қабул қилиб олади, айримларини эса инкор этади.

## ЭСТЕТИК МАДАНИЯТ

Эски эстетик маданият кўпинча анъаналар, урф-одатлар, расм-русумлар, малака ва тажрибалар, ўтмишда яратилган қадриятлар тарзида намоён бўлади. Бу қийматлар эстетик маданиятнинг қўлга киритилган ютуқлари шахс томонидан жамият тараққиётининг ҳар бир янги босқичида ўзлаштирилади, қайта ишланади, бойитилади ва янада тараққий эттирилади. Эстетик маданиятнинг ворисийлиги қонунияти ана шунда ўз аксини топади.

Маданий мерос ўтмишда яратилган қадриятлар йиғиндиси бўлса, ворисилик ана шу қадриятларнинг янги эстетик маданият билан алоқасини аникроғи ўтиш жараёнини ифодалайди. Бу ўтиш жараённида қадриятлар тўғридан-тўғри ёки ўзгартирилган ҳолда қабул қилиниши мумкин. Масалан, мусулмонлар азада жаноза ўқишининг мазмуни ва тартибини ўзгартирмасдан амалга ошириб келмоқдалар. Наврўз байрамини нишонлашнинг тартиби ва расм-русумлари эса бойитилиб ижро этилмоқда. Баъзи маданий ҳодисалар эса умуман инкор қилинади. Масалан, қалин олиш, хун олиш ва бошқа ўтмишдаги урф-одатлар ҳозирги эстетик маданиятимиз томонидан инкор этилган ҳодисалардир.

Жамият тараққиёти ижтимоий жараёнларнинг циклик ўзгаришлари асосида шахс эстетик маданиятининг қатор тамойилларини вужудга келтиради. Бу тамойиллар эстетик маданиятнинг шахс дунёқарashi, маънавий қиёфаси, фалсафий тафаккурини янгича тараққиёт тарзи билан уйғулаштириб, жамиятдаги маънавий, мафкуравий, иқтисодий, фалсафий, бадиий, эстетик фаолликни оширишга хизмат қиласди. Шу маънода жамиятда шахс эстетик маданиятининг қўйидаги тамойилларини кўришимиз мумкин:

Биринчидан, шахснинг тарихий тараққиёт жараённада вужудга келадиган эстетик маданиятларни давр мафкураси ва ғоясига асосланган ҳолда маънавий ҳаётни ўзида акс эттириши, уни келажак авлодларга етказиб беришга асосланган тарихийлик тамойилидир. Ҳар қандай миллий ғоя ёки миллий мафкура бир даҳо ёхуд алломанинг ўйларида этишган фикрлар ва фақат соғф ақл маҳсули бўлмай, балки

жамият аъзоларининг моддий ва маънавий, эстетик маданияти ва ҳаётининг маҳсулидир. Эстетик маданият табиат ва жамият қонунлари каби қашф этилмайди, балки халқнинг онги, турмуш тарзида маънавий дунёнинг муҳим жиҳатлари сифатида шаклланиб боради. Шунинг учун ҳам ҳар бир миллий ғоя ўзига хос ва ўзига мос тарихий-эстетик мазмунга эга бўлади. Бу тарихийлик тамойили ҳар қандай миллий ғоянинг бир хусусияти бўлиб, унинг муҳим ривожланиш динамикасидир. Ушбу тамойил бўйича, халқнинг моддий ва маданий-маънавий ҳаётидаги муҳим ўзгаришлар албатта янги-янги миллий ғояларни вужудга келтиради.

Иккинчидан, шахс эстетик маданиятининг ижтимоийлиги шундаки, у жамиятнинг барча соҳалари, қатламларига сингиб, шахснинг нафосат дунёсидан дарак беради ва унинг фаолият турларида намоён бўлади.

Бу ҳолат жамият тараққиётида маданиятга оид бўлмаган жараёнларни топиш, табиатдаги соф маънавий ҳаётни излаш билан тенгдир. Шахснинг табиий, биологик хосса ва амаллари ҳам маданий шаклларда вужудга келадики, натижада қаерда маданийлик ва табиийлик бошланиш чегараларини аниқлаш қийин бўлиб қолади. Тўғри жамият ва маданиятни илмий таҳлил обьекти сифатида алоҳида ўрганиш мумкин. Амалда эса уларни бир-биридан ажратиш мумкин эмас.

Шахс эстетик маданияти жамиятнинг барча соҳаларида намоён бўлиши универсал ҳодиса экан, уни ўрганиш усувлари, услублари ҳам кенг қамровли, турли-туман бўлиши мумкин.

Учинчидан, шахс эстетик маданиятининг полифункционаллик тамойили жамиятдаги турли ижтимоий вазифаларни бажаришда кўринади. Хусусан, эстетик маданият оламни ўзgartириш, инсонни тарбиялаш, борлиқни билиш, ижтимоий организмни бошқариш, шахслар ўртасидаги муносабатларни тартибга солиш, улар амалларини назорат қилиш, фуқарони химоя қилиш, унга лаззат бағишлиш, тарихан шаклланган эстетик маданиятни

авлодларга етказиб бериш, амалга ошмаган ва ошмайдиган истакларнинг ўрнини тўлдириш каби вазифаларни бажаради.

Кўп функцияли, аникроғи кўп, универсал вазифали ҳодисалар эса фалсафий усуллар билан ўрганилади. Масалан, социология – жамиятдаги ижтимоий муносабатлар фалсафаси, эстетика – гўзаллик ва санъат фалсафаси, ахлоқшунослик – ахлоқ фалсафаси, илоҳиёт – дин фалсафаси, мантиқ - тафаккур фалсафаси дейилишига сабаб, санъат, ижтимоий ҳаёт, ахлоқ, дин, тафаккур кўпфункцияли ҳодисадир. Эстетик маданият эса ушбу ҳодисаларни ҳам қамраб олганлиги учун унинг методологияси янада уни универсалроқ, умумийроқ ва фалсафийроқ бўлмоғи мантиқий ҳолдир.

Тўртинчидан, эстетик маданиятнинг умумфалсафий тамойили марказида шахснинг борлиқдаги ўрни, унинг табиатга, жамиятга ва ўзига бўлган муносабати масаласи туради. Маданиятсиз шахс ўзининг ҳаётдаги ўрни ва аҳамиятини англай олмайди, табиат ва жамиятга онгли, ижобий ва ижодий муносабатда бўла олмайди. Шунинг учун ҳам маданият шахсни табиат ва жамият билан боғлайди ҳамда бу мураккаб алоқани англаб етишга, инсоннинг оламдаги ўрни ва аҳамиятини алоҳида бир муаммо шаклида тушуниб етишга имкон яратади. Бу ҳолат эса эстетик маданиятни тадқиқ қилишнинг умумфалсафий тамойилини характерини келтириб чиқаради.

Бешинчидан, шахс эстетик маданияти дунёни англаб етишда методологик аҳамият касб этади. Шахс ҳаётининг дунёни англаш жараёни методологик назарий жиҳатдан амалий майдонга ўтиб ёйилади, чунки, одам нимага дунёга келади, у нега яшайди, яшашдан мақсад нима деган фалсафий мулоҳазалар, шахс қандай амаллар қилса мазмунли ҳаёт кечиради, яъни яшаш тамойилларини ишлаб чиқиш билан боғлиқ бўлган методологик-амалий муаммоларни келтириб чиқаради. Бу муаммолар эса шахс эстетик маданияти иштирокисиз ҳал бўлмайди, чунки маданият ўз воситалари

---

ёрдамида мазкур муаммоларни ечиш йўлларини ишлаб чиқади ва таклиф этади.

Олтинчидан, шахс эстетик маданияти маънавий қадриятлар тарзида намоён бўлади. Маънавий қадрият эса ўз табиатига кўра миллат ва мамлакатнинг умумбашарий маданиятдаги улуши, хиссаси сифатида эстетик аҳамият касб этади. Бу тамойилда қадриятлар эса яхлит феномен, жамиятнинг бир универсал атрибути сифатида фалсафа, аникроғи унинг бир тармоғи – аксиология, яъни қадрият фалсафаси томонидан ўрганилади. Умуман олганда, педагогика, ахлоқшунослик, эстетика, тарих, этнография фанлари ҳам ўрганади. Лекин улар қадриятлар фалсафаси даражасига кўтарилилмайдилар. Эстетик маданиятнинг қадриятларга асосланиш тамойили эса маданиятни жамиятга тадбиқ этиш ва ривожланишини жараён сифатида таҳлил қиласди.

Еттинчидан, шахс эстетик маданиятида глобаллашув тамойилининг ҳам аҳамияти катта. Унда унда турли хил маданиятларнинг бир-бири билан ўзаро таъсири, алокалари, уйғунлашиши интеграциялашув жараёнини шакллантиради. Тамойил бир ёқламалик, тизимсизлик ва аниқликка асосланмайди, жамият ривожланишида ўзгариб, янгиланиб боради.

Саккизинчидан, шахс эстетик маданиятига циклик (даврийлик) хусусияти хос. Чунки цивилизациялар ҳам бутун борлиқ каби ўз бошидан циклик жараёнларни кечиради. Цивилизациялар маълум бир даврда муаяйн минтақада пайдо бўлади, турғунлик ва тараққиёт босқичларини бошидан кечиради ёки ўрнини бошқа цивилизацияларга бўшатиб берганидай, шахс эстетик маданияти ҳам ўзгариб, бир босқичдан иккинчи босқичга ўтиб боради. Унинг шакл ва амалиётида турли жиҳатлар, турли тамойиллар намоён бўлади.

Умуман олганда, шахс эстетик маданиятининг шаклланиш тамойиллари жамият ривожланишида ўзининг янгича қиёфаси мазмун ва моҳияти билан эстетик онг ва фаолиятнинг хилма-хиллигини вужудга келтириб, воқеликка бўлган завқий муносабатларни бойитиб боради.

## 1.4§. Шахс ва жамият эстетик маданиятининг диалектикаси

Ҳар бир мамлакат ўз тараққиётининг турли босқичларида хилма-хил маданият намуналарини шакллантириб, улар ўртасида диалектик алоқаларни вужудга келтиради. Натижада, шахс ва жамият алоқадорлигига маданиятнинг бир қатор турлари вужудга келиб, улар бевосита ўзи шаклланган минтақа ёхуд ҳудуд эстетик дунёқарашидан дарак беради. Жамиятда содир бўлаётган маънавий ўзгаришлар бевосита эстетик маданият ривожига узвий ҳолда таъсир этади ва шу боисдан шахс ва жамиятнинг ўзаро боғлиқлиги негизида эстетик маданият ўзига хос аҳамият касб этади.

Жамиятдаги эстетик маданиятнинг шаклланиши, бу жамиятнинг ўз олдига қўйган тарихий вазифалари, ижтимоий-сиёсий ҳаётнинг асл қиёфаси билан чамбарчас боғлик. Шахс ўзининг эстетик тафаккури янгиланиб бориш жараёнини эстетик маданият билан маънавият ўртасидаги ўзаро алоқадорлик масаласини эстетик фаолият негизидагина тушуниб етиш мумкин. Бинобарин, инсоният жамияти мавжудлигини таъминлаш ва унинг тадрижий ривожланишига хизмат қилиш ҳар қандай, жумладан, эстетик фаолиятнинг ҳам асосий вазифаси ҳисобланади. Ҳар қандай жабҳада бўлгани сингари, эстетик соҳада ҳам муайян эҳтиёж мухим рол ўйнайди. Инсон, табиатан, ана шу эҳтиёжга асосланиб фаолият кўрсатади ва муайян маданият турини шакллантиради.

Жамият ва шахс ўртасидаги диалектик алоқадорлик қотиб қолган тизим бўлмай, балки доимий равишда хилма-хиллик ва ранг-барангликка асосланади. Чунки шахс эстетик маданияти ривожланаётган жамиятда яшаётган инсонлар ўз халқи тақдери, маънавий мероси ва бугунги ижтимоий тараққиёт ва муносабатларга шунчаки ёндашмасдан, балки барча соҳалардаги ислоҳотлардан қўзланган мақсадлар ва қонун ҳукмронлигини мустаҳкамлашга интилади. Бундай

фаолият негизида умуминсоний маънавий қадриятлар кенг қамровга эга бўлган тушунча, моддий ва маънавий маданият, ахлоқ, одоб, тарих, санъат, техника, адабиёт, маданий мерос, урф-одатлар, диний ақидаларни қамраб олиш билан бир қаторда бевосита инсон тафаккури билан диалектик алоқадорлигини ҳам унутмаслик лозим. Бинобарин, инсоннинг эстетик тафаккури негизида инсонпарварликка, демократияга асосланган дунёқарааш, ижодкорлик туйғулари, ғоявий интеллектуал эҳтиёжлар, жамият маънавий муҳити туғдирадиган турли-туман эстетик ҳиссиётлар шахс ва жамият ўртасидаги қонуниятли алоқадорликлар, боғланишлар сингари сабаб ва оқибатни тадрижий тамойиллар очади. Бунда шахс ва жамиятаро эстетик муносабатлар жамият ва ижтимоий ҳаёт эҳтиёжларидан келиб чиқсан қонуният ва мезон бўлиб ҳисобланади. Шахс жамиятсиз, жамият эса шахссиз ўз ижтимоий моҳиятини бажара олмайди. Шунинг учун жамиятнинг ижтимоий-сиёсий муносабатлари белгиланганидан, шахс маънавий салоҳиятисиз ҳам жамият тараққиётини тасаввур этиб бўлмайди.

Инсоннинг табиат ва олам ҳақидаги тасаввурлари муайян жамиятнинг ижтимоий, иқтисодий, сиёсий, эстетик, маданий, ҳуқукий, диний ва қадриятлари негизида қарор топади. Инсон табиат ва ижтимоий борлиқ, воқеа-ҳодисалар бағрида улғаяр экан, бу жараёнда у жамиятдан ташқарида туриб табиий ва ижтимоий гўзалликлардан баҳраманд бўлмасдан ҳаёт кечира олмайди. Шу боис ҳам ҳар бир тарихий даврда "...инсоннинг жамиятга уюшиши ёки унинг жамият аъзосига айланиши ва фаоллашуви учун у маълум даражада ташки таъсирга ва ҳаётдаги ижтимоийлашувига эҳтиёж сезади. Инсоннинг муҳим хусусиятларидан бири – унинг ижтимоий мавжудот эканлигидир. Инсон ўзининг эҳтиёжларини қондириш мақсадларида ўзи каби инсонлар билан бирлашишга интилади"<sup>1</sup>.

<sup>1</sup> Кирғизбоев М. Фуқаролик жамияти: генезиси, шаклланиши ва ривожланиши. – Т.: O’zbekiston, 2005. 93-бет.

Ана шу қадриятга биноан ҳар бир тарихий шароит ҳам эстетик маданиятнинг у ёки бу кўринишига эҳтиёж сезади, бу маданиятни яратувчиси ва истеъмол қилувчи субъектларини ҳам шакллантиради. Ана шундай табиий-ижтимоий ҳаёт воқеалари шахс рухиятига, тафаккурига таъсир қиласи ва унинг эстетик тафаккурида ўз аксини топади. Бундай рухий-маънавий ҳолатларнинг муштараклиги жамият эстетик маданиятининг шаклланиши ва камол топиб боришининг мазмун ва моҳиятини белгилайди. Лекин жамият эстетик маданиятининг табиий-ижтимоий борлик, воқеа-ҳодисалардан ташқари, халқ маънавий мероси, ижтимоий-фалсафий ва бадиий-эстетик тажрибаси, диний-ахлоқий қадриятлари ва шахслараро муносабатлар даражаси катта роль ўйнайди.

Жамият эстетик маданияти объектив ва субъектив омилларнинг ўзаро алоқаси, нисбати ва диалектик бирлигидан ташкил топади. Чунки, жамият аъзолари табиий-ижтимоий борлиқдаги гўзалликларни кўриш ёки эшитиш натижасида завқланади, эстетик кечинмаларга бурканади, натижада ҳаётнинг гўзалликларини, сир-синоатларини ўрганишга интилаётган шахсларнинг эстетик тафаккури кенгайиб бориши эвазига жамиятнинг эстетик маданияти ҳам янгиланиб, замонавий ғоялар билан бойиб боради.

Бунга ёрқин мисол қилиб замонавий ёшларимиз маданиятини келтириш мумкин. Ҳозирги ёшлар мустақил тафаккур юритиш салоҳиятини ривожлантирган ҳолда умумбашарий қадриятлар, эстетик маданиятнинг энг замонавий ва юксак чўққилари сари интилаётганлиги бежиз эмас. Бу нарса, ўз навбатида, жамият эстетик маданиятининг юксалишига ҳам олиб келмоқда.

Дунё ҳалқлари билан ҳамнафас ва teng ҳуқуқли тарзда фаолият олиб бораётган ёшларимиз жамият эстетик маданиятига янгича кўриниш ва қиёфа олиб киришга, миллий ва тарихий тараққиётни маънавиятимизга сингдиришга интилмоқдалар. Шу билан бирга айрим ёшларнинг эстетик маданиятида негатив ҳолатлар ҳам мавжуд. Айрим ёшларнинг

кийиниш маданиятини олиб қарайдиган бўлсак, уларда эстетик маданиятдан кўра дидсизлик аломатларини кўрамиз. Улар ўзларининг бундай “эстетик” қиёфасини эркинликка, демократияга интилишининг бир намунаси сифатида кўсатмоқчи бўладилар.

Аслида бу холат дунё билан ҳамнафас яшаётган шахсларнинг эркинликка, демократияга интилишининг бир намунаси дейиш мумкин. Лекин бундай жараёнда ўзбошимчалиқ, жамият ахлоқига зид эстетик маданият намуналарини акс эттиришга, бошқаларга намуна бўлишга интилаётган “Фарб маданияти”дан огоҳ бўлиш, уларнинг “тўқлика шўхлик” ниқоби билан жаҳонга эгалик қилишга интилаётган ғоялари негизида миллат, Ватан туғуси, тарихий жараён, аждодлар мероси ва ўгитига ихлосмандликнинг йўқолиши, яшашдан максад бир лаҳзалик гўзал ва ахлоқсиз қиёфа учун жамиятни эстетик маданиятини ўзгартиришга қаратилган дунёқараш мавжудлигини биз англашимиз лозим. Жамиятимизнинг барча соҳаларида “инсоннинг юксалишида маънавият оламининг қандай таъсир ва аҳамиятга эга экани, шунингдек, маънавиятга қарши қаратилган хуружларнинг реал ҳавфи ҳақида атрофлича фикр юритиш, ҳалқимиз янги ҳаёт, янги жамият асосларини қураётган ҳозирги мураккаб ва таҳликали замонда одамларни бундай хатарлардан огоҳ этиш, эл-юртимиз, кенг жамоатчилик эътиборини бу масалаларга яна бир бор қаратиш, келажак авлодимизни маънавий соғлом ва баркамол этиб тарбиялаш билан боғлиқ вазифаларни аниқ белгилаб олиш борасидаги ҳаётий эҳтиёж маҳсули сифатида дунёга келди”<sup>1</sup>.

Ҳозирги глобаллашув замонида таҳдидлар вужудга келганини унутмаслик зарур. Тўғри, глобаллашув – тараққиётнинг маҳсули. Аммо бу тараққиётдан турлича фойдаланиш мумкин. “Бугунги глобаллашув шароитида ҳар қандай давлат ва жамиятнинг асосини ташкил этадиган асл ва

<sup>1</sup> Каримов И.А. “Юксак маънавият – енгилмас куч”. –Т.: Маънавият, 2008. 16-17-бетлар.

## ЭСТЕТИК МАДАНИЯТ

фундаментал қадриятларни унутмаслигимиз лозим. Ўсиб келаётган авлод айнан оилада маънавий-ахлоқий тарбия олади, масъулиятили бўлишни ва лоқайд бўлмасликни ўрганади<sup>»1</sup>.

Шундай экан, халқимизни, айниқса, ёшларни ўз мустақил фикрига, замонлар синовидан ўтган ҳаётий-миллий қадриятларга, соғлом дунёқарашга, мустақил иродали, бой маънавиятга эга инсонлар қилиб тарбиялаш, ҳар қандай мафкуравий тазъийик ва маънавий таҳдидларга зарба беришга тайёр этиб тарбиялаш вазифаси долзарб бўлиб ҳисобланади. Ёшларда юксак эстетик маданиятни шакллантириш, уларни “юксак маънавиятли, замонавий билим ва қасб-хунарларга, ўз мустақил фикрига эга бўлган ёшларни миллий ва умуминсоний қадриятлар руҳида тарбиялаш биз учун энг муҳим масалалардан биридир. Мамлакатимиз аҳолисининг ярмидан кўпини ёшлар ташкил этишини инобатга олсак, бу нақадар жиддий масала экани янада яққол аён бўлади”<sup>2</sup>.

Маънавий таҳдидларни вужудга келтирувчи мамлакат ва субъектлар турли таъсир воситаларидан фойдаланадилар. Масалан, бу борада, одамларнинг эмоционал-хиссий ва тасаввур-тушунчаларига кучли таъсир этувчи турли омиллардан, масалан, “оммавий маданият”дан фойдаланадилар. Натижада “буғунги шиддат билан ўзгараётган дунё инсоният олдида, ёшлар олдида янги-янги уфқ ва имкониятлар очиш билан бирга, уларни илгари кўрилмаган турли ёвуз хавф-хатарларга ҳам дучор этмоқда. Диний экстремизм, терроризм, гиёхвандлик, одам савдоси, ноқонуний миграция, «оммавий маданият» каби таҳдидлар қанча-қанча оиласлар, мамлакатлар бошига оғир кулфатлар олиб келмоқда, ғаразли кучлар ҳали онгу тафаккури тўла

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 331-бет.

<sup>2</sup>Мирзиёев Ш.М. Миллий тараққиёт йўлимизни қатъият билан давом эттириб, янги боскичга кўтарамиз. –Т.: Ўзбекистон, 1-жилд, 2018. 88-бет.

шаклланиб улгурмаган болаларни ўз ота-онаси, Ватанига қарши қўйиб, уларнинг ҳаётига зомин бўлмоқда”<sup>1</sup>.

Шавкат Мирзиёев таъкидлаганидек, ахлоқсизликни маданият деб билиш, асл маънавий қадриятларни менсимаслиқ, эскилиқ сарқити деб қарашиболатлари бугунги тараққиётга, инсон ҳаёти, оила муқаддаслиги ва ёшлар тарбиясига катта хавф солмокда.

Бу хавф эстетик маданият моҳияти ва аҳамиятини тушуниб етишга ҳам катта зарап келтиради. Буни олдини олиш, ёшларни ҳақиқий қадриятлар ва чин ижобий ахлоқий-естетик тамойиллар асосида тарбиялаш, пировард натижада, уларда юксак эстетик маданиятни шакллантиришда жуда катта ижтимоий-сиёсий, маънавий-фалсафий аҳамият касб этади.

Ана шундай глобаллашув шароитида, хуқуқий демократик фуқаролик жамияти кураётган даврда ҳақиқий эстетик маданиятга зид бўлган, ғоявий-бадиий тазиик ўтказишга ҳаракат қилаётган, никобланган “оммавий маданият”дан огоҳ бўлиш керак. Мафкуравий тазиик этишга мўлжалланган ғоялар негизида миллат, Ватан туйғуси, тарихий жараён, аждодлар мероси ва ўгитига ихлосмандликни йўқотиш, яшашдан мақсад бир лаҳзалик гўзал ва ахлоқсиз ҳаётни шакллантириб, жамият эстетик маданиятини ўзгартиришга қаратилган дунёқараш мавжудлигидан огоҳ бўлишимиз лозим.

Жамиятнинг инсонпарварлик тамойилига асосланган тараққиёти эстетик маданиятни ҳам шаклан, ҳам маънан ўзгаришга олиб келади. Бундан бир аср олдин, яъни XX асрнинг бошларида ҳалқимиз эстетик маданиятининг намунаси бўлган кийиниш маданиятига назар ташлайдиган бўлсақ, маҳаллий эркакларнинг қишки кийими паҳталик чопон, паҳталик шим ва этикдан иборат бўлиб, ёзги кийим эса дўппи, яктақ, оқ лозим ва шиппак ёки кавушдан иборат эди.

---

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 496-бет.

Үша пайтларда Оврупocha кийим кийиш, галстук тақиши  
ёки костюм-шым ва шиляпа кийиш у ёқда турсин, миллий  
кийимга озроқ бўлса ҳам ўзгариш киритишига уриниш дин  
пешволари ва миллий ўзлик “химоячи”лари томонидан  
миллий маънавиятга таҳдид сифатида баҳоланаар эди.  
Масалан, анъанавий тарзда тугма қадалмайдиган яктакка  
тугма қадаш 1918 йил февраль ойида Бухоро муфтийси  
томонидан коғирларнинг иши деб эълон қилинди. Үша  
пайтларда эндиғина ривожланиб келаётган вақтли матбуот,  
яъни газета ва журналларни ўқиши ҳам куфр деб эълон  
қилинди. XX аср охирига келиб эса миллий ўзликка таҳдид,  
деб эълон қилинганди ўша газета ва журналлар миллий ўзликни  
химоя қилувчи воситалардан бирига айланди. Эркакларнинг  
кийимлари ҳам бир аср давомида мутлақо ўзгариб кетди.

Аёлларнинг кийимлари ҳам бир аср давомида жиддий  
ўзгаришларга учради. У пайтда аёллар либоси кенг ва узун  
кўйлак, камзул ва кавш-маҳсидан иборат эди. Анъанага кўра,  
аёллар кўйлаги баданинг паст-баланд жойларини  
билинтиrmайдиган даражада кенг бўлиши, енглари эса  
билакларини тўла ёпиб туриши лозим эди. Аёлларнинг  
шундай кийимлари 30-йилларгача давом этиб келди. Үша  
пайтларда бирор киши яна 30-40-йиллардан кейин ўзбек  
аёллари тор кўйлак ва юбка, шим кийиб юришади, деса  
бошқалар уни ақлдан озганга чиқариб кўйиши ҳеч гап эмас  
эди. Орадан 40-50 йил ўтар-ўтмас аёллар шунчаки тор кўйлак  
ва шим эмас, мини юбка, жуда тор шимлар кия бошлашди.  
Энди кийим уларнинг баданига паст-баланд жойларни  
яширишга эмас, бўйи-бастига, дидига мос равишда  
танланадиган бўлди. Аср бошида аёллар баданинг 5-6 фоиз  
қисми бўлса, аср охирига келиб ёз пайтларида аёллар  
баданинг 50-60 фоиз қисми очик-сочик бўлиб кетди. XX  
асрнинг сўнгги чорагида аёллар аср бошидаги аёллар  
либосларини кинофильм ва фотасуратларда кўриб  
ажабланишади, холос. Булар, хозирги тил билан айтганда,  
глобаллашув, аникроғи, шахс эстетик маданиятидаги  
глобаллашувнинг ўзига хос кўринишидир.

Кўриб ўтган мисолларимизда эркак ва аёллар либосларидағи ўзгаришлар юз берган ҳар бир босқичда аввалги босқич либосларини химоя қилувчи, янгиликларни эса Фарбдан келаётган маънавий таҳдид, деб баҳоловчилар ҳам анчагина бўлган. Мана шу мисоллар глобаллашув жараённида четдан кириб келаётган ҳодисаларнинг қайси бири маънавиятга таҳдиду, қайси бири ҳаётбахш эканини аниқлаб олиш қийин эканини кўрсатади. Шунинг учун четдан келаётган ҳар қандай ғояни ёт ва вайронкор, деб эълон қилишдан аввал миллий манфаатлар йўлида фойдаланиш мумкин ёки мумкин эмаслиги тўғрисида жиддий ўйлаш лозим. Бу борада “...гап, энг аввало, ёшлар ва аҳоли ўртасида мамлакатимизнинг бой тарихини, унинг бетакрор маданияти ва миллий қадриятларини кенг тарғиб қилиш, жаҳон илмфани ва адабиёти ютуқларини етказиш учун зарур муҳит ва шарт-шароит яратиш ҳакида бормокда. Бу борада замонавий компьютер технологиялари ва, айниқса, Интернет тизими билдан анча илдамлаб кетганини ҳам инобатга олиш зарур”<sup>1</sup>.

“Интернет” саҳифаларида америкалик сиёсатшунос олим Патрик Бъкененнинг “Фарбнинг ҳалокати” номли китоби бор. Эътиборга молик жиҳати шуки, катта ҳажмдаги китобнинг сўз бошисидаёқ, муаллиф маълум миллатлар ва халқлар тақдирига алоқадор бўлган воқеаларни, Фарбнинг “тақдирни” жамият эстетик маданиятидаги инқизолларга, жумладан, оила ва никоҳ, туғилиш ва аҳолининг табиий ўсиши борасидаги инқизоллар таҳлилига боғлаган. У “Европача”, “америкача” маданият ҳаёт тарзига сингиб кетган айrim миллатларнинг бу маданиятга қаршилик иммунитети сусайиб кетганини эътироф этади. Бъюкененнинг фикрича, саноати ва юқори технологиялари ривож топган жамиятда одамларнинг бирдан бойиб кетиши, тўкин ҳаётга эришишига бўлган эгоистик интилиши уларнинг асл қадриятларга, жумладан, оила ва никоҳга, ёшлар тарбиясига, эстетик

<sup>1</sup>Мирзиёев Ш.М. Миллий тараккиёт йўлнимизни қатъият билан давом эттириб, янги босқичга кўтарамиз. –Т.: Ўзбекистон, 1-жилд, 2018. 285-286-бетлар.

маданиятга бўлган муносабатлари кескин инқирозни келтириб чиқарди. Бу ҳолатни у гедонистик психологиянинг асоси деб баҳолаб, унинг оқибати жамиятда қатор ижтимоий муаммоларни келтириб чиқараётганлигини таъкидлайди. Гедонизмнинг маъноси шундаки, шахс ва унинг хулқатворида фақат лаззатланиш, қониқиши ва ўзидағи ички руҳий изтироблардан ҳоли бўлишга интилиш устувор бўлади. Тўғри, аслида инсоннинг тўқ ва фаровон ҳаётга интилиши, бойбадавлат яшашни хоҳлагани айб эмас, лекин бу нарса инсон маънавиятини пароканда қилиш эвазига бўйласлиги керак. Муаллифнинг ташвиши ва уни хавотирга соглан нарса шуки, бундай онг ва тасаввуридаги ўзгаришлар Европа халқларининг энг зарур ва муҳим қадриятларга нисбатан салбий муносабатларини ифодалайди. Масалан, бугунги Европада туғилаётган болаларнинг ҳар учтасидан биттаси никоҳсиз туғилаётганлиги, туғилишнинг кескин камайиб кетганлиги, умуман аёллар ўзидан соғлом зурриёд қолдиришни истамаётганлиги, маблағи етарли бўла туриб, фарзанд туғилиши ва уни тарбиялашга кетадиган маблағни қизғанаётганлиги социологик тадқиқотлардан маълум. Умуман, Фарб аёлларининг аксарияти қонуний никоҳдан ўтиб, ўзидан муносиб зурриёд қолдириш ниятидан тобора узоқлашиб бормоқда.

Эстетик маданият шаклланиши ва равнақида оиланинг роли ҳақида биринчи Президентимиз И.А.Каримов ўзининг “Юксак маънавият – енгилмас куч” асарида жуда чукур ва назарий-амалий ва методологик аҳамият касб этувчи фикрлар билдиради.

Агар биз маънавият тушунчаси ўз ичига эстетик маданиятни ҳам қамраб олишини назарда тутсак, ана шу руҳий ва ақлий камолотни шакллантириш ва юксалтиришда оиланинг ўрни ва таъсири бекиёсdir. «Чунки инсоннинг энг соғ ва покиза туйғулари, илк ҳаётий тушунча ва тасаввурлари биринчи галда оила бағрида шаклланади. Боланинг характери, табиати ва дунёқарашини белгилайдиган маънавий мезон ва қарашлар – яхшилик ва ззгулик, олижаноблик ва меҳр-оқибат,

---

ор-номус ва андиша каби муқаддас тушунчаларнинг пойдевори оила шароитида қарор топиши табийидир»<sup>1</sup>.

Агар инсон ўз умри давомида оладиган барча маълумотларнинг 70 фоизини 5 ёшгача бўлган даврда олар экан, шахс эстетик маданиятининг асосий йўналиш ва мазмуни ҳам ана шу даврда шакллана бошлайди. Оилада болаларни гўзаллик олами билан танишириш, уларни болаларча ўйинларни завқ-шавқ билан бажаришларига йўналтириш, бирор куртак отган қобилиятини ривожлантиришга имконият яратиш, ҳар бир нарсани чиройли ва ўз ўрнида бажаришга ўргатиш сингари жараёнлар боланинг келажакдаги эстетик маданиятининг пойдеворини ташкил этади.

Бинобарин, оила қобилияtlар шаклланишининг, одоб юксалишининг, атроф-муҳитни билишга қизиқишининг, ўз ўрнини ҳаётда топишнинг ижтимоий асоси бўлибгина қолмай, айни чоқда, боланинг ижтимоий идеаллари, дунёқарashi ва онгини ҳам шакллантириб боради.

Агар ота-оналар ўз фарзандларининг қизиқиши ва интилишларини, онгу тафаккурида бўлаётган ўзгаришларга, маънавий-эстетик ва ижтимоий-ахлоқий, диний эҳтиёжларига аҳамият бермаса бу эҳтиёжларни қопловчи ўзга ғоялар, интилишлар ва ниятлар ўз таъсирини ўтказмай қўймайди. Демак, “...оиладаги маънавий муҳит ва тарбия туфайли бола ё мөхрибон ва раҳмдил, ёки худбин ва бағритош бўлиб етишади”<sup>2</sup>. Оилада ўзаро ҳурмат, ахлоқ-одоб, инсоний муносабатлар, эстетик маданиятни қарор топтириш учун аввало ҳар бир хонадонда маънавий муҳитни соғломлаштириш, инсонийлаштириш зарур.

Халқимизнинг бундай гўзal одоб ва муомалаларга мисол бўладиган жиҳатлар кўп. Фаргона водийсида ота-оналарнинг энг кичик фарзандларини ҳам “сиз”лаб муомала қилишлари ахлоқий эстетик маданиятнинг ёрқин

---

<sup>1</sup> Каримов И.А. Юксак маънавият – енгилмас куч. –Т.: Маънавият, 2008. 52-бет.

<sup>2</sup> Ўша асар. 54-бет.

намунасиdir. Ана шундай гўзal ахлоқ ва эстетик маданият мезонлари билан яшаб келаётган, ўғил-қизларини шу руҳда тарбиялаётган кўплаб чиройли оилалар барчамизда ҳавас уйғотиши табиийdir. Ёшларни миллий тарбия, ахлоқ-одоб, юксак маънавият руҳида вояга етказиш долзарб вазифа бўлиб турган пайтда бу масъулиятга эътибор бермаслик жамият учун жуда қимматга тушади.

“Бу ёргу дунёда ҳаёт бор экан, оила бор, оила бор экан, фарзанд деб аталмиш бебаҳо неъмат бор. Фарзанд бор экан, одамзот ҳамиша эзгу орзу ва интилишлар билан яшайди”<sup>1</sup>. Ана шу гўзal орзу ва интилишларнинг бугун ва келажакда амалга ошиши учун соғлом наслга эга бўлиш катта ижтимоий муаммо ҳисобланади. Соғлом наслгина соғлом тафаккурли, соғлом эстетик маданиятли бўлади. Одобли, билимдон ва ақлли, меҳнатсевар, иймон-эътиқодли фарзанд нафақат ота-онанинг, балки бутун жамиятнинг энг катта бойлигидир. “Ёшларимизни ҳар томонлама соғлом ва баркамол этиб тарбиялаш, ҳаёт абадийлиги, авлодлар давомийлигини таъминлайдиган маънавият қўрғони бўлмиш оилани мустаҳкамлаш”<sup>2</sup> бугунги кунда жамият олдида турган асосий вазифагина эмас, балки халқимизнинг инсоний бурчиидир.

Инсоният тарихида ilk жамият сифатида қарор топган оила мустаҳкам бўлса бугунги кундаги ўта мураккаб ва сертармоқли бўлган жамият ҳам мустаҳкам бўлади, жамиятнинг мустаҳкам ва инсонпарварлиги мамлакат ва халқ тинчлиги, фаровонлиги барқарор эканлигини кўрсатади. Ана шундай ижтимоий-сиёсий ва ахлоқий-маънавий мухитгина эстетик маданият равнақининг асосий ва объектив омилига айланади.

Демократик тамойилларга асосланган фуқаролик жамиятини барпо этишимизда ҳар бир шахснинг юксак эстетик маданиятга эга бўлишини таъминлашимиз долзарб ҳисобланади. Ўзбекистонда яшаб келаётган ҳар бир шахснинг

<sup>1</sup> Ўша асар. 56-бет.

<sup>2</sup> Ўша асар. 56-57-бет.

маънавий савияси, интеллектуал салоҳияти, сиёсий онги ва фалсафий тафаккури билан бефарқ қолдирмайди. Чунки маънавий тазийк ўтказишга ҳаракат қилувчи “кучлар, аввалимбор, бизнинг энг азиз, энг катта бойлигимиз, кўзимиз қораси бўлмиш ёшлигаримизни турли никоблар, биринчи галда, сўз ва фикр эркинлиги, инсон ва жамият эркинлиги, деган никоблар остида чалғитишга, замонавий усул-услубларни кўллаган ҳолда, уларнинг мурғак онгига ўз мафкурасини сингдиришга, минг йиллик азалий ва муқаддас қадриятларимиздан Farb қадриятларини устун қўйишга урунади”<sup>1</sup>.

Мамлакатимизда бундай тазиикларга қарши кўплаб чора-тадбирлар олиб борилмоқда, она-болалар тақдири давлат ва жамият томонидан муҳофаза қилинмоқда. Бунга мисол учун фарзанд туғилиши учун давлат томонидан ажратиладиган нафақаларнинг, суюнчи пуллар миқдорининг орттирилиши, оналар учун алоҳида имтиёзларнинг жорий этилиши ёки бола сони ортгани учун оиласа кўрсатиладиган мурувватлар мисол бўла олади. Ҳозирги замон Farb ёшлиари, хотин-қизлари учун бу каби имтиёзлардан кўра маънавий-ахлоқий инқирозлар асосий муаммо ҳисобланади. Шу каби гедонистик психология бизнинг ёшлигаримиз онгига пайдо бўлмаслиги, очиқ ахборотлар маконида бемалол турли маълумотларни қабул қилиш имконияти пайдо бўлган ҳозирги шароитда уларни эзгу мақсадларга йўналтириш, уларда соғлом дунёқарашиб, эртанги кунга ишонч, собит ғоя, соғлом ҳиссиётлар, эл-юрт олдида, оиласи ва яқинлари олдида инсоний жавобгарлик ва юксак масъулият ҳисларини тарбиялаш миллат ва жамият манфаатларига бевосита алоқадор вазифалардир.

Farb мамлакатларидаги бундай мутлақ эркинлик ақидасига асосланган ҳолат бевосита эстетик маданиятнинг салбий қиёфасини ҳам вужудга келтирмоқда. “Биз

<sup>1</sup> Эркин ва фаровон ҳаётни юксак маънавиятсиз қуриб бўлмайди. –Т.: Ўзбекистон, 2006. 27-бет.

## ЭСТЕТИК МАДАНИЯТ

ёшларимизни ана шундай миллий қиёфасиз, паст савиядаги “оммавий маданият”га тақлид қилишидан огох бўлишимиз керак. Жамиятда эстетик маданиятнинг инсонийлик билан уйғунлашиши “янги таҳдидлар, жумладан, «коммавий маданият» хавфи ва бокимандалик кайфияти пайдо бўлаётган, одоб-ахлоқ, қадриятларнинг жой олиш хавфи юзага келаётган ҳозирги глобаллашув шароитида бу ғоят муҳим аҳамият касб этмоқда. Шу сабабли, менинг фикримча, инсон маънавий олами, ҳалқлар маданиятини белгилайдиган манбаларни асраб-авайлаш ва бойитиш бугунги кунда ҳар қачонгидан ҳам муҳимдир.

Азалий қадриятларимиз ва ахлоқий фазилатларни ўзида мужассам этган муқаддас динимизни асраш ва қадрлаш ҳар биримизнинг шарафли бурчимиздир”<sup>1</sup>. Бундай маданиятлар бизнинг жамиятимизга кириб келиши баробарида нафақат ўзининг асл қиёфасини намоён этади, балки жамиятимиздаги ижтимоий-сиёсий хаёт ва осойишталигимиз учун ҳам раҳна солувчи бузғунчи ғоя ва мағкураларни тарғиб этишга интилади.

Ҳар қандай жамият ўзининг иқтисодий, сиёсий ва ижтимоий муаммоларини ҳал этишда, янги маънавий муҳит ва жараёнларга асос солишда, ўзининг эстетик маданиятини шахс дунёқарашига айлантиришда ва уларни амалга оширишда, биринчи навбатда, бу омилларни одамлар онги ва қалбига сингдиришга ҳаракат қиласи. Бундай эстетик фаолиятни амалга ошириш, “унинг давомийлашишини таъминлаш шахс ва жамият ўртасидаги ўзаро муносабатлар ҳамоҳанглигини қай тариқа ривож топишига боғлиқ”<sup>2</sup>.

Мамлакат ёхуд миллатнинг истиқболи бунёдкорликка асосланган ғоялар негизида шаклланадиган эстетик маданиятдан баҳраманд бўлмас экан, бундай манзара жамиятда шахс онги ва қалбидан жой олмагунича ўзининг

<sup>1</sup> Мирзиёев Ш. Миллий тараққиёт йўлиминизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 29-30-бетлар.

<sup>2</sup> Шер А., Хусанов Б., Умаров Э. Эстетика. –Т.: 2008. 114-бет.

ижтимоий-тариҳий моҳияти ва аҳамияти билан ер қаъридаги олтин заҳиралар тарзида ётаверади. Эстетик маданият ғоялар, идеаллар, назария ва тамойиллар негизида шахснинг муайян мақсадларини амалга оширад экан, жамиятдаги диалектик алоқадорликнинг ҳаётийлиги ва амалий аҳамиятини белгилайди. Шунинг учун ҳар биримиз “аждодларимизнинг ёрқин хотирасини асраб-авайлаб, қалбимизда, юрагимизда абадий сақлаймиз. Букилмас ирода, фидойилик ва жасорат намунасини амалда намоён этиб, ўз ҳаётини азиз Ватанимизнинг ҳар томонлама равнақ топишига бағишилаган устоз ва мураббийларимиз, замондошларимиз билан биз чексиз фахрланамиз”<sup>1</sup>.

Шахс ва жамият эстетик маданияти қадриятлар оламида бир-бирини бойитишга, маънавий соҳадаги ислоҳотларни ривожлантиришга хизмат қиласди. Чунки “биз таълим-тарбия, маданият ва маънавият соҳасидаги ишларимизни аниқ тизим асосида ташкил этиб, уларнинг самарадорлигини оширмасак, эртанги кунимизни қуролмаймиз, ўз мақсадларимизга етолмаймиз. Бу борада «Бир болага етти маҳалла ҳам ота, ҳам она» деган шиор доимий кун тартибida туриши лозим. Биз ёшларимизни миллий ва умумбашарий қадриятлар руҳида тарбиялаш учун бор куч ва имкониятларимизни сафарбар этишимиз зарур”<sup>2</sup>.

Ана шу мақсад йўлида таълим ва маданият соҳаларида, ақлий ва маънавий салоҳиятларни мустаҳкамлаш бўйича босқичма-босқич ислоҳотлар режалаштирилди ва ҳаётга тадбиқ этилди.

Истиқлол даврида жаҳон цивилизациясининг илғор ютуқларидан ва халқимизнинг тарихий илдизларидан ажралиб қолган таълим тизимини ислоҳ қилиб, халқимизнинг ақлий бойликларини, жаҳон фани ва эстетик маданиятининг

<sup>1</sup> Мирзиёев Ш. Миллий тараққиёт йўлнимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 133-бет.

<sup>2</sup> Мирзиёев Ш. Миллий тараққиёт йўлнимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 349-бет.

энг яхши намуналарини ақли ва қалбига сингдириб оладиган янги авлодни тарбиялаш учун кенг имкониятлар очилди.

Бундай авлод аждодлар бадиий-маънавий меросини ўзлаштирган, замонавий цивилизация ютуқларидан баҳраманд бўлган, маънавий-ахлоқий ва жисмоний жиҳатдан соғлом бўлгандагина уларнинг эстетик маданияти ҳам юксак ва улуғвор бўлиши назарда тутилди.

Президентимиз Шавкат Мирзиёев БМТ Бош Ассамблеясининг 72-сессиясидаги маърузасида таъкидлаганидек, “Сайёрамизнинг эртанги куни, фаровонлиги фарзандларимиз қандай инсон бўлиб камолга етиши билан боғлиқ. Бизнинг асосий вазифамиз – ёшларнинг ўз салоҳиятини намоён қилиши учун зарур шароитлар яратиш, зўравонлик ғояси «вируси» тарқалишининг олдини олиш”<sup>1</sup> экан, ана шуларни тиклаш ва янги жамият манфаатларидан келиб чиққан ҳолда ривожлантириш маънавий ислоҳотлар марказида туради. Маънавий ислоҳотлардан мақсад бугун яшаётган ҳар бир шахснинг, ёшларнинг маънавий ва ахлоқий фазилатларини эстетик кечинмалар, ҳаётга завқий муносабатда бўлиш билан боғлаб олиб боришидир.

Ҳаётга онгли муносабатда бўладиган, мустақиллик ғоялари ва мақсадларидан фахрланадиган шахс турмуши ва фаолиятида эстетик завқ, улуғвор туйғулар шаклланади ва шахснинг гўзаллик дунёси тараққий этади. Шу боисдан “тўзаликнинг ҳар қандай таҳлили шахс ва жамият муносабатлари билан муқояса қилингандагина унинг ижтимоий-маънавий хусусиятлари”<sup>2</sup> объектив равишида идрок этилади.

Жамиятимизнинг барча буғинларида “Халқ давлат идораларига эмас, давлат идоралари халқимизга хизмат қилиши керак”<sup>3</sup> деган маънавий ислоҳотлар олдига янги вазифалар қўйди. Бунинг учун шахснинг эстетик тарбиясини

<sup>1</sup> Ўша асар. 252-бет.

<sup>2</sup> Шер А., Хусанов Б., Умаров Э. Эстетика. –Т.: 2008. 109-бет.

<sup>3</sup> Мирзиёев Ш.М. Қонун устуворлиги ва инсон манфаталарини таъминлаш – юрт тараққиёти ва халқ фаровонлигининг гарови. –Т.: Ўзбекистон, 2017. 16-бет.

ҳақиқий ватанпарварлик, инсонпарварлик, ота-она ва ҳамюртларига меҳр-оқибат, ҳалқ идеалларига содиқлик тамойиллари асосида олиб бориш кўзда тутилди. Шунинг учун “мамлакатимизда соғлом ва баркамол авлодни вояга етказиш мақсадида таълим ва тарбия соҳасидаги ишлар кўлами тобора ортиб бормоқда. Бу борада кўплаб умумтаълим мактаблари, лицей ва коллежлар, болалар спорт иншоотлари, мусиқ ва санъат мактабларида катта ҳажмда қурилиш, реконструкция ва капитал таъмирлаш ишлари амалга оширилганини таъкидлаш лозим”<sup>1</sup>.

Ўзбекистон бозор иқтисодиёти муносабатларига астасекин ўтар экан, барча соҳаларда туб ислоҳотлар амалга оширила бошланган экан, шахс ва жамиятнинг ўзаро алоқадорлиги учун замин бўлувчи маънавий-ахлоқий қадриятлар устувор аҳамият касб этди. Шу боисдан бугунги ҳаётимизда “маънавий баркамол инсон ва жамият эстетик қадриятларга бефарқ қарамайди, аксинча, уларнинг ривожланиши ва равнақ топиши учун қулай шартшароитларни яратади. Эстетик маданияти, эстетик диidi, фаҳм-фаросати паст инсон ҳеч қачон маънавийликнинг чўққисига чиқа олмайди”<sup>2</sup>. Бундай эстетик маданиятга эга шахсларни тарбиялаб вояга етказишида жамиятимиз олдида турган асосий вазифа, авваламбор, ёш авлод қалбига эзгулик ва меҳр-муҳаббатни олиб кирадиган санъатга ихлосмандлик туйғуларини камол топтириш, бадиий-эстетик маданият ривожига ҳисса қўшадиган ижодкорларнинг руҳиятини илҳомлантириш мақсадгага мувофиқдир. Бу борадаги қилинган ва қилинаётган ишлар биринчи Президентимиз Ислом Каримов ва Президент Шавкавт Мирзиёвнинг тарихчи олимлар, ёзувчилар, санъат арбоблари билан учрашувларида билдирган фикр-мулоҳазалари ва методологик кўрсатмаларида ўз ифодасини топган.

<sup>1</sup> Мирзиёев Ш.М. Буюк келажагимизни мард ва олижаноб ҳалқимиз билан бирга қурамиз. –Т.: Ўзбекистон, 2017. 283-бет.

<sup>2</sup> Умаров Э., Абдуллаев М. Маънавият асослари. –Т.: Шарқ, 2005. 10-бет.

## ЭСТЕТИК МАДАНИЯТ

Умуман олганда, шахс ва жамиятнинг эстетик маданияти бир-бирини тақозо этувчи диалектик бирликни ташкил этувчи жараён бўлиб, ҳар бир бу муносабатни янгилаб, такомиллаштириб боради. Жамият тараққиёти шахс эстетик маданиятига ижтимоий замин яратса, шахс эстетик тараққиёти давр ва жамият маънавий мулкини бойитади ва ўзлаштиради.

## ИККИНЧИ БОБ. ЭСТЕТИК МАДАНИЯТДА МИЛЛИЙ ВА УМУМИНСОНИЙ ҚАДРИЯТЛАРНИНГ ЎЗАРО АЛОҚАДОРЛИГИ

### 2.1§. Ўзбекистонда эстетик маданиятнинг онтологик, этномаданий негизлари

Мустақиллик туфайли мамлакатимизда ҳар бир соҳанинг қадимдан шаклланиб келган тарихини ҳаққоний ва асл ҳолича ўрганиш учун кенг имкониятлар яратилди. Бу нарса, ўз навбатида, мамлакатимизнинг бугунги жаҳон халқлари орасида ўзига хос ва бошқаларга ўхшамас юксак эстетик маданиятнинг серкирра кўринишларини хаётда намоён этиш учун зарурият туғдирди. Натижада, халқимизнинг ўтмишини ўзида ифодалаган шахс ва жамиятнинг завқий муносабатларини давр талаб ва эҳтиёжлари асосида ривожлантириш долзарб масалага айланди. Мана шундай маънавий мухитни ўзида акс эттирган Ўзбекистон заминидаги бой ижтимоий-фалсафий асарлар “Тўмарис”, “Широқ”, “Манас”, “Гўрўғли”, “Чамбил қамали”, “Ойсулув”, “Сиёвуш”, “Рустам” сингари асарларда ўз ифодасини топди. Бу асарларда шахс эстетик маданиятининг илк куртаклари юксак инсонийлик намунаси сифатида ифодаланган бўлиб, уларда куч-қудрат, шодлик, умид, баҳт, гўзаллик, ишонч ва фаровонлик, адабиёт ва санъатнинг эстетик қиёфаси биринчи ўринда туради.

Хозирги Ўзбекистон ҳудуди дастлабки эстетик маданиятнинг кўринишлари эстетик қарашларига бой маданият ва цивилизациянинг ўчоқларидан бири бўлган. Шунинг учун “...хозир Ўзбекистон деб аталувчи ҳудуд, яъни бизнинг Ватанимиз нафақат Шарқ, балки умумжаҳон цивилизацияси бешикларидан бири бўлганини бутун жаҳон тан олмоқда”<sup>1</sup>.

<sup>1</sup> Каримов И.А. Тарихий хотирасиз келажак йўқ. –Т.: Шарқ, 1998. 3-бет.

Халқимизнинг уч минг йилдан зиёдроқ тарихини ўз ичига олувчи бу маскан доимо келажак учун маданиятлар яратиб қолдиришга интилган. Бу ердаги “...эрамизгача ва ундан кейин қурилган мураккаб сув иншоотлари, шу кунгача кўрку файзини, маҳобатини йўқотмаган осори атиқаларимиз қадим-қадимдан юртимизда дехқончилик, хунармандчилик маданияти, меъморчилик ва шаҳарсозлик санъати юксак бўлганидан далолат беради”<sup>1</sup>.

Тарихий ривожланиш жараённида бу худуд ўзининг азалдан қадриятлар ва этномаданий маркази бўлиб келганлиги билан ажралиб туради. Унда халқнинг моддий ва маънавий бойликлари, ижтимоий ҳаётнинг ранг-баранг ахлоқий-фалсафий ва бадиий-эстетик кирралари ифодаланган. Шунингдек, бу давр оралиғида “...халқнинг ўтмиш тарихи, бошқа халқлар билан этномаданий алокалари, ижтимоий тузум ва иқтисодиётнинг миллий маданият тараққиётига таъсири, шунингдек, миллий мағкуранинг баъзи элементлари, халқона урф-одатлар, диний эътиқод, нафосат ва эстетик меъёрлар ўз ифодасини топган”<sup>2</sup>.

Эстетик маданиятнинг юксак намунаси, ўзбек халқининг қадимий ёзма мероси ва бебаҳо диний, онтологик, фалсафий ғояларга бой ёдгорлиги “Авесто”да тасвирланган. Бу асарнинг шахс камолоти учун нақадар зарурлиги, унда ифодаланган ҳикматомуз маънавиятнинг инсон қалбидан чуқур жой олиши, эстетик маданиятнинг тарихий жараёнлар билан боғлиқ тарзда гўзаллик оламига уйғунлашиб кетиши мураккаб жараён сифатида акс этган. Қолаверса, “бу мазкур инсонпарварлик ғояларининг уч минг йиллар муқаддам “Авесто”да пайдо бўлиши, уларнинг ҳозирги замонга ҳамоҳанглиги қадимий аждодларимиз тафаккурининг нақадар юксак бўлганиligини тасдиқлайди. Зардўштийлик дини пайдо бўлган даврда дастлаб ибодатхоналар қошида мактаблар

<sup>1</sup> Ўша жойда.

<sup>2</sup> Қашқадарё миллий кийимлари: анъанавийлик ва замонавийлик. –Т.: Янги аср авлоди, 2007. 5-бет.

ташкил этилиб, коҳинлар томонидан ёшларнинг таълимтарбия тизими жиддий ишлаб чиқилган. Бу тизим диний ва ахлоқий тарбия, жисмоний тарбия, ўқиш ва ёзишни ўргатишдан иборат бўлган”<sup>1</sup>.

Халқимизнинг маънавий дунёси ва қадимий маданиятини ўзида акс эттирган бу китоб диний ва дунёвийликни ифодалаган бўлиб, унда эстетик маданият муайян тартиб асосида жамиятда амал қилиши эътироф этилади. “Авесто”да инсоннинг турмуш тарзи, яшаши, маданияти, маънавияти, қизиқарли нафосат дунёси энг яхши инсоний фазилатлар ва эстетик дид билан намоён бўлади. Бу асар “Аждодларимизнинг, – деб ёзади А.Шер, – ахлоқий-эстетик қомуси, қадимий урф-одатларининг ўзига хос, абадиятга дахлдор мажмуи сифатида қимматлидир”<sup>2</sup>. Шу сабабли ҳар бир шахснинг қалбидан эгу ниятлар, олижаноб ва умидбахш туйғулар жой олиши лозим.

Бу асар нафақат Ўзбекистон халқининг юксак эстетик маданиятини намунаси, балки бир қатор халқларнинг буюк хазинаси эканлигини муаллифлар эътироф этади. Таниқли файласуф К.Назаров “Авесто” ҳақида фикр билдирав экан, бу асар “Турон, Хурросон, Озарбайжон, Ироқ, Эрон, Кичик Осиё халқларининг милоддан аввалги қадимги даврдаги ижтимоий-иқтисодий ҳаёти, диний қарашлари, олам ва одам тўғрисидаги тасаввур, урф-одат ва маънавий қадриятлари ҳақида маълумот берувчи манба”<sup>3</sup> деб эътироф этади.

“Авесто”да эстетик маданиятнинг кўринишлари табиат билан боғлиқ ҳолда экологик муаммоларни келтириб чиқармасликка ҳам қаратилган. Унда инсоннинг тўрт унсур, тирик ва нотирик нарсаларни муқаддас билиб, уларга эстетик дид билан завқий муносабатда бўлиш масалалари акс этган. Хусусан, эстетик маданиятнинг намунаси сифатида “бутун табиатни – ер, сув, дараҳт, ўсимлик, жониворларни эъзозлаш,

<sup>1</sup> Жабборов И. Юксак маданият ва ноёб маънавият маскани. –Т.: Ўзбекистон, 2012. 78-бет.

<sup>2</sup> Абдулла Шер. Ахлоқшунослик. –Т.: Янги аср авлоди, 2003. 27-бет.

<sup>3</sup> Фалсафа қисқача изоҳли луғат. –Т.: Шарқ, 2004. 6-бет.

ерга ишлов бериб, сугориб, боғ-роғлар ва экинзорлар барпо этиш, чорвачиликни кенг йўлга кўйиш, сув ва оловни муқаддас тутиш шарт бўлган”<sup>1</sup>.

“Авесто”да шахснинг эстетик маданияти негизини акс эттирувчи тушунчалар сифатида А.Шер “тўзал”, “чиройли”, “қойилмақом”, “бекубор”, “яхши”, “эзгу”<sup>2</sup> каби сўзларни ишлатади. Бу ҳам, ўз навбатида, шахснинг жамиятда эртанги келажак сари илдам қадам ташлаши, фаровон ҳаётни барпо этишга интилишини белгилаб беради. “Авесто”даги эстетик маданиятининг намоён бўлиши “умуминсоний қадриятлардан меҳнатнинг моддий ва маънавий томонларига катта эътибор берилиб, унинг уч ахлоқий ақидаси – эзгу фикр, эзгу қалом, эзгу амал ғоясини ҳар бир киши бутун умр қалбига жо қилмоғи зарур. Шундагина у пок, ҳалол, меҳрибон, ростгўй, садокатли, ватанпарвар бўлиб камол топади, барча ёвузликлардан ва ёмон ҳаракатлардан ўзини тияди”<sup>3</sup>. Чунки инсон ўз меҳнати орқали жамиятда нафосат дунёсини яратиб, теварак-атрофдаги нарса ва ҳодисаларни ўзгартиради, уларга эстетик қиёфа бахш этиш асосида эстетик маданиятни яратади.

“Авесто”да инсоният тарихининг эстетик кўриниши онтологик тарзда тасвирланиб, кишиларнинг маданиятга, илмга, нафосат оламига бўлган қизиқишлари гўзал ҳистайғулар билан ифодаланган.

Унда инсонлар меҳнати улуғланиб, қўл меҳнати асосида эстетик маданиятни вужудга келтириб, муқаддас манзилларни яратган. Ахура Мазда “одамларга ҳаёт кечиришлари учун нима зарур бўлса, уларни рўёбга чикарган, одамларга кийим кийиши, уй қуриши, оила қуриш, фарзанд кўриш ва тарбиялаш, оловдан фойдаланиш, экин экиш ва бошқа

<sup>1</sup> Бобоев X., Дўстжонов Т., Ҳасанов С. “Авесто” - Шарқ халқларининг бебаҳо ёдгорлиги. –Т.: 2004. 48-бет.

<sup>2</sup> Шер А., Ҳусанов Б., Умаров Э. Эстетика. –Т.: 2008. 25-бет.

<sup>3</sup> G’aybullayev O. Milliy g’oya tarixi va nazariyasi. –T.: Fan va texnologiya, 2019. 60-bet.

фойдали юмушларни ўргатган”<sup>1</sup>. “Авесто”да тасвиirlанган бундай эстетик тасаввурлар, қарашлар, образлар ўзининг жилvasи ва чукур фалсафий маъноси билан кишини ҳайратга солиб туради.

Авестошунос Тилаб Махмудов ўзининг “Авесто ҳақида” рисоласида ҳар бир шахснинг эзгулик сари интилиши ҳақида сўз юритиб, “Зардуштийларнинг фалсафий-эстетик дунёқарашига ёруғлик ва кувонч, яхшилик ва ҳаёт, гўзаллик ва ҳақиқатни улуғлаш ва куйлаш хос”<sup>2</sup>, – дейди.

“Авесто”да илгари сурилган ижтимоий-фалсафий ва эстетик қарашлар жамиятда ҳар бир шахснинг юксак эстетик маданият соҳиби бўлишини, ўз идеалига асосланиб озод ва обод Ватан барпо этишини, фаровон ҳаётини яратишини акс эттиради. Ундаги эстетик қарашлар ўзининг маъно ва мазмуни, моҳияти ва тузилиши билан ўша давр нафосат дунёсини ранг-баранг манзараларини кейинги таълимотларда ҳам акс эттириб, хусусан, ислом дини орқали шахс эстетик маданиятининг равнақига ўз таъсирини ўтказиб келган.

Ислом дини халқимизнинг кўп асрлик тарихий тараққиётида шахс маънавияти шаклланишига катта таъсир кўрсатган, жамиядаги мафкуравий қарашлар ва гояларда муҳим ўрин тутган, инсонларни ахлоқий покликка ва маънавий гўзалликка даъват этган инсонпарварлик динидир. Бу дин халқимизнинг, хусусан, мусулмон шахсининг моддий, маънавий, ахлоқий ва эстетик маданияти шаклланиши ва юксалишига катта таъсир кўрсатган диний таълимотдир. Шахснинг улуғлиги, унинг олий жонзот сифатида эстетик маданиятни намоён этувчи эканлигини “Куръони Карим”нинг “Инсон” сураси 21-оятида кийиниш маданияти билан боғлаб тушунтириларкан, “Устиларида яшил ипак ва шойи либослар

<sup>1</sup> Ўзбекистонда ижтимоий-ахлоқий ва гуманистик фикрлар тарихининг муҳим боскичлари. –Т.: 2007. 26-бет.

<sup>2</sup> Махмудов Т. “Авесто ҳақида”. –Т.: Шарқ 2000. 43-бет.

бўлиб, улар кумуш билакузуклар билан безангандар ва Парвардигорлари уларга пок шароб ичирур”<sup>1</sup>, дейилади.

Ўзбекистонда барпо этилган эстетик маданият ёдгорликлари, меъморий иншоотларнинг яратилишида исломий анъаналарга амал қилинган бўлса, бадиий адабиёт, шеърият, хаттотлик ва санъатнинг бошқа турларида Куръони Карим ва Ҳадисларда илгари сурилган асосий ғоялар тарғиб қилинди ва шу асосда шахсни маънавий гўзал, ахлоқий пок ҳамда баркамол қилиб тарбиялашнинг бутун бир тизими ишлаб чиқилди.

Ислом дини шахснинг эстетик маданияти ва идеалларини ахлоқий ғоялар билан боғлиқ ҳолда ривожлантириди. Ислом дини фан, адабиёт, маданият ва нафосат соҳаларини бир-бирига узвий алоқадорлигини ўзида мужассамлаштириди. Унда шахснинг турмуш тарзи, урф-одат ва маросимлари диний гўзаллик туйғулари билан йўғрилиб, ёшларга билим бериш учун диний мактаблар яратилди. Ислом шахсни маърифатли, маънавий-ахлоқий ва эстетик дидли бўлишга чорлади.

Ислом динининг муқаддас китоби “Куръони Карим”да шахснинг эстетик маданияти сермазмун ва нафис сўзлар оркали ифодаланди. Исломдаги шахс эстетик маданияти бу “Куръони Карим”нинг оятлари ва сураларида, Ҳадис китобларида сирли-синоатли шеъриятли, бежирим кўзни қамаштирувчи нақшлар тарзида баён этилади.

“Куръони Карим”нинг “Бақара” сураси 195-оятида “Аллоҳ йўлида (бойликларингиздан) сарфлангиз ва ўз қўлларингиз (бахиллигингиз) билан ўзларингизни ҳалокатга ташламангиз! (Барча ишларни) чиройли қилингиз. Албатта, Аллоҳ чиройли (иш) қилувчиларни яхши кўради”<sup>2</sup>, деб таъкидланади.

---

<sup>1</sup>Куръони Карим. Маъноларнинг таржима ва тафсири. Таржима ва тафсир муаллифи Шайх Абдулазиз Мансур. –Тошкент: “Тошкент ислом университети” нашриёт матбаа бирлашмаси, 2018. 579-бет.

<sup>2</sup> Ўша асар. 30-бет.

Ислом динида гўзаллик тушунчаси диний асосда талқин қилиниб, моддий дунё гўзаллигидан руҳий дунё гўзаллиги устун кўйилади. “Куръони Карим”нинг “Ол-и имрон” сураси 14-оятида “Одамларга аёллар, фарзандлар, уюм олтин-кумушлар, саман отлар, чорва моллари ва экинларга нисбатан меҳр кўйилди. Булар (аслида) дунё ҳаётининг (ўткинчи) матоҳидир. Аллоҳнинг хузурида эса (бундан-да) чиройли жой (жаннат) бордир. (Яъни ўткинчи нарсаларга кўнгил бермай, хақиқий гўзалликни севмоқ лозим)”<sup>1</sup>, деб таълим берилади.

Шахснинг эстетик маданиятга эришуви масалалари инсонпарварлик ғоялари ва гўзаллик дунёси билан боғлиқ равишида Оллоҳ номи билан узвийлашган тарзда талқин қилинади. Бу борада юкоридаги сурасининг 148-оятида “Аллоҳ эзгулик қилувчиларни севар”<sup>2</sup>, деб таъкидланади.

“Куръони Карим” шахснинг маънавий олами ва ҳаётига чукур ўрнашиб қолган юксак эстетик маданият ва диний маросимларга эга. Бу борада “Бакара” сурасининг 83-оятида “Фақат Аллоҳгагина сифинасиз, ота-она, қариндош, етим ва мискинларга яхшилик қиласиз, одамларга шириңсўз бўлинг, намозни баркамол ўқинг, закотни беринг”<sup>3</sup>, – деган сўзлар баён қилинган. Ислом динида Сўз воситаси асосида шахснинг гўзалликка бўлган интилиши, воқеликни идрок этиб бориши, яхшилик сари талпиниши фалсафий мушоҳада этиб борилади.

Шу боис ислом эстетик маданиятида ҳар бир шахс Сўз воситасида ўзини Оллоҳга баҳшида этади, яъни юракдан айтиаётган Сўзи туфайли инсон ўзини Оллоҳга топширади. Сўзнинг қудратли кучи туфайли шахс оламдаги гўзалликларни ва азобу-уқубатларни бир-биридан фарқлайди. Шу тарзда шахс дунёвий ва диний билимларни эгаллаб, комил инсон даражасига кўтарилади. Бу ҳақда Зумар сурасининг 23-оятида “Аллоҳ гўзал Сўзни (оятлари балоғатда) бир-бирига ўхшаган, (ҳукмлари) такрор-такрор

<sup>1</sup> Ўша асар. 51-бет.

<sup>2</sup> Ўша асар. 68-бет.

<sup>3</sup> Ўша асар. 12-бет.

келувчи бир китоб (Қуръон) қилиб нозил қилибдики”<sup>1</sup>, деб бу китобдаги сўзларнинг эстетик моҳиятига эътибор қаратилади.

Ислом эстетик маданиятида сўзниң ролини эътироф этган ҳолда Навоий “сўз санъатининг эстетик ҳиссий-рухий қувватини алоҳида таъкидлар экан, шоир-санъаткор хулқатворига ва эстетик маданиятига алоҳида ўрин ажратади. Чунки одоб-ахлоқ ислом эстетикасининг таркибий қисми бўлиб, мусулмон киши ҳаёти ва фаолияти одоб қоидалари мезони бўлиб баҳоланади”<sup>2</sup>, дейди. Ислом маданиятида Сўз шахсни гуноҳлардан фориг қилиб, уни яхшилик ва гўзалликка интилишга чорлайди. Бунинг моҳияти “Қуръони Карим”нинг Сажда сурасида Оллоҳнинг сифати билан уйғунлашган тарзда эътироф этилиб, юксак эстетик маданиятнинг намунаси сифатида 7-оятда “Барча нарсани чиройли қилиб яратган зотдир”<sup>3</sup> ва ҳадислардаги “Тангри гўзалдир, гўзалликни яхши кўради”<sup>4</sup>, дейилган фикрларда ислом динининг эстетик моҳияти ўзини мужассам этади. Шу сабабдан Оллоҳ ҳамиша гўзалликка ошиқдир. У 18 минг оламни яратган экан, унда яшайдиган барча мавжудотларни гўзал бўлишини истайди. Бу ҳақда, яъни оламнинг ва инсоннинг яратилиши ҳақида “Қуръони Карим”да фикрлар баён қилиниб, уни яратган Оллоҳга ҳамду санолар айтилади. “Мўминлар” сурасининг 14-оятида “Яратувчиларнинг энг гўзали – Аллоҳ баракотлидир”<sup>5</sup>, деб таъкидланади.

“Қуръони Карим”нинг Шўро сураси 23-оятида шахснинг гўзал фазилатлари ва эстетик маданиятининг нозик қирралари ҳақида сўз юритилиб, “Ким бирон чиройли амал қилса, Биз унинг учун ўша (амали)да яна хусни зиёда

<sup>1</sup> Ўша асар. 461-бет.

<sup>2</sup> Умаров Э., Каримов Р., Мирсаидова М., Ойхўжаева Г. Эстетика асослари. Чўлпонномидаги нашриёт-матбаа ижодий уйи. –Т.: 2007. 25-бет.

<sup>3</sup> Қуръони Карим. Ўзбекча изоҳли таржима. Таржима ва изоҳлар муаллифи Алоуддин Мансур. –Тошкент: Чўлпон, 1992. 299-бет.

<sup>4</sup> Ахлок-одобга оид ҳадис намуналари. –Тошкент: Фан, 1990. 40-бет.

<sup>5</sup> Қуръони Карим. Маъноларнинг таржима ва тафсири. Таржима ва тафсир муаллифи Шайх Абдулазиз Мансур. –Тошкент: “Тошкент ислом университети” нашриёт матбаа бирлашмаси, 2018. 342-бет.

қилурмиз (зиёда савоб ато этурмиз)<sup>1</sup>, деб таъкидланади. Шундай экан, ёргу оламга ҳукмрон қилиб яратилган инсон ва у учун зарур бўлган барча нарсалар ҳамиша гўзал бўлади.

Шунингдек, ислом динининг инсон кўли билан яратилган нафосат олами, яъни меъморий обидалари ҳам чиройли эканлиги айтиб ўтилади. Исломнинг меъморий обидалари бўлган масжид, мадраса, макbara ва бошқа диний обидалар нафосат оламини ўзида кўз-кўз қилиб туради. Шу боисдан ислом эстетикасининг моҳияти “Кахф” сурасининг 7-оятида шахснинг ахлоқий гўзаллиги масаласи билан боғлиқ меъморий обидаларни ўзида ифодалаган ҳолда “Биз (одамлардан) қайсилари чиройлироқ амалларни қилишларини синаш учун Ер устидаги бор нарсани унга (Ерга) зийнат қилиб қўйдик”<sup>2</sup> дейилган. Бу синаладиган гўзалликларнинг маъно-мазмунини биз кўпроқ исломий обидалардан излашимиз лозим.

Ислом меъморий обидаларидаги эшикларни уймакорлик ва наққошлиқ санъати билан безаш, деворларига ганчлардан турли шакллар ясаш, устунларини араб ёзуви асосида нақшлар билан безатиш бугунги кунда кенг тус олган. Бу ҳақда Ҳожи Исматуллоҳ Абдуллоҳ шундай дейди: “Араб ёзувининг гўзаллигига алоҳида эътибор берилгани ва унинг турли-туман шаклларда дид ва нафосат билан ишлатилиши сабабли, араб хати фақат маъно ташиш воситаси эмас, балки кишиларга юксак эстетик завқ берувчи санъат намунаси сифатида машҳурдир”<sup>3</sup>.

Дарҳақиқат, Пайғамбаримиз доим кишиларни ахлоқий жиҳатдан мукаммал ва гўзал туйғулар билан турмуш кечиришини ўзининг саҳобаларига билдирган фикрларида баён этган. Бу ҳақда “Қуръони Карим”нинг “Юнус” сураси 26 оятида “Эзгу иш қилганларга чиройли нарса (жаннат) ва

<sup>1</sup> Ўша асар. 446-бет.

<sup>2</sup> Ўша асар. 294-бет.

<sup>3</sup> Ҳожи Исматуллоҳ Абдуллоҳ. Марказий Осиёда Ислом маданияти. –Т.: Шарқ, 2005. 267-бет.

## ЭСТЕТИК МАДАНИЯТ

зиёдалик (Аллоҳнинг дийдорини қўриш) бордир”<sup>1</sup>, дейилади. Бугунги кунда ислом маданияти ва эстетикасини чукур ўрганиш ва халқни онгига етказиб бериш борасида мана шундай улуғ зотлар учун гўзал оқибатларнинг маҳсули сифатида республикамизда кўпгина ишлар амалга оширилмоқда. Хусусан, 1998 йил октябрида Самарқандда И.А.Каримовнинг шахсий ташаббуси билан ва унинг лойихаси асосида буюк зотнинг номларини эъзозлаш ва қадрлаш мақсадида ҳазрат Имом ал-Бухорий ёдгорлик мажмуаси очилди. “Имом ал-Бухорий тўплаган ҳадисларда – деб ёзади Ҳожи Исматуллоҳ Абдуллоҳ, - фақат Ислом дини таълимотига оид қоидалар акс эттирилибгина қолмай, улар меҳр-муҳаббат, ҳалоллик-поклик, сахийлик, ота-она, катталарга ҳурмат, етим-есир, бева-бечораларга мурувват, меҳнатсеварлик, ватанга муҳаббат каби олийжаноб инсоний фазилатлар мажмуудир”<sup>2</sup>.

Ҳадис илмининг султони Имом ал-Бухорийнинг ҳадисларида шахс эстетик маданиятининг олий кўриниши ислом дини асосида ёрқин ифодалаб берилди. Бизга “Ал-Бухорий бебаҳо мерос қолдириди. Энг ишочли ҳадислар тўплами “Ал Жомеъ ас-Саҳиҳ” шу мероснинг гултожидир”<sup>3</sup>. Бу ислом оламининг юксак эстетик маданияти орасидан сара гулларини териб, келгуси авлодга етказиб берган бобокалонимиз учун қанча хизмат қилсак, шунчалар камдир.

Ҳадисларда шахснинг эстетик маданиятига оид хилмалил фикрлар мавжуд. Ҳадисларни ўқиганимизда шундай эстетик фикрлар борлигини биламиз. Унда ҳар бир шахснинг тўғри сўзлиги, хушмуомалалиги, ўзида эстетик маданиятни намоён этиши масалаларига ҳам катта эътибор берилган

<sup>1</sup> Куръони Карим. Маъноларнинг таржима ва тафсири. Таржима ва тафсир муаллифи Шайх Абдулазиз Мансур. –Тошкент: “Тошкент ислом университети” нашриёт матбаа бирлашмаси, 2018. 212-бет.

<sup>2</sup> Ҳожи Исматуллоҳ Абдуллоҳ. Марказий Осиёда Ислом маданияти. –Т.: Шарқ, 2005. 49-бет.

<sup>3</sup> Гафарли М.С, Касаев А.Ч. Ривожланишнинг ўзбек модели: тинчлик ва барқарорлик-тараққиёт асоси. Ўзбекистон, -Т.: 2001. 175-бет.

бўлиб, “Кишининг гўзаллиги-унинг тилидан билинур”<sup>1</sup>, “Кишининг беъмани гаплардан тилини тийиши – унинг мўминлиги нақадар чиройли эканлигидан дарак беради”<sup>2</sup>, деб таъкидланади.

Шахснинг эстетик маданиятини ёрқин ифодалаб берувчи ҳадисларда ахлоқ ва гўзалликнинг алоқадорлиги масаласи ҳам чиройли тарзда баён этилган. Хусусан, “Сизларнинг яхшиларингиз – хушхулқ, ширин сухбатлиларингиздир”, “Сизларнинг яхшиларингиз ўз олган қарзларини чиройли қайтарадиганларингиздир” каби ҳадисларда шахс маънавияти ва маданиятининг муҳим жиҳатларига алоҳида эътибор қаратилади. Шундай экан, ҳар бир “Мўмин кишига берилган нарсаларнинг яхшиси чиройли хулқдир. Унга берилган нарсаларнинг ёмони эса, кўриниши чиройли бўлса-да, қалбida ёмонлиги боридир”<sup>3</sup>, дейилади.

Ҳадисларда шахс эстетик маданияти, онтология, дунёвий гўзаллик ва инсоний гўзаллик уйғуналигига ҳам алоҳида эътибор берилган. Бу борада “Дунё ям-яшил ва гўзалдир. Кимки ундан ҳақли равишда ҳалоллик билан олса, ундан барака топади. Кимки нафс хоҳиши билан дунёни муккасидан кетиб эгалласа, қиёмат куни дўзахдан бошқа нарсага эришмайди”<sup>4</sup> дейилади. Бу ҳадисда табиат, жамият ва инсон (шахс) гўзаллиги борасида эстетик маданиятга оид фикрлар баён этилган. Бу ҳадисларда шахснинг эстетик маданияти беғубор ва мусаффо, кўркам дидли, маънавий қадриятлари нафосат ғояларига бой, покиза қалбли бўлишлари тасвирланган.

Ҳадисларда шахс маънавий гўзаллиги унинг баҳтли ҳаёти билан алоқадорлиги масаласига ҳам эътибор қаратилган. Бу ҳақда “Кимки қалбини имон учун холис ва соғлом, тилини ростгўй, ўзини хотиржам, хулқини тўғри, қулогини тингловчи, кўзни ибрат назари билан боқувчи қилиб

<sup>1</sup> Ахлоқ-одобга оид ҳадис намуналари. –Тошкент: Фан, 1990. 80-бет.

<sup>2</sup> Ўша асар. 138-бет.

<sup>3</sup> Ўша асар. 88-бет.

<sup>4</sup> Ўша асар. 92-бет.

## ЭСТЕТИК МАДАНИЯТ

олган бўлса, демак, у баҳтлидир” дейилган ҳадисда шахснинг сабр-тоқати, матонати, иродаси ва имони гўзаллик олами асосида талқин этилади.

Ҳадисларни ўқиганимизда ҳар биримиз шахс бўлиб вояга етишишимиз учун хизмат қилган ота-онамизни кўз олдимизга келтирамиз. Одоб-ахлоқли фарзандни тарбиялаш масаласи ҳам ислом динидаги муҳим масалалардан бири бўлиб, “Ҳеч бир ота ўз фарзандига хулқу одобдан буюкроқ мерос беролмайди”<sup>1</sup>, деб таъкидланади ҳадисларда.

Ислом эстетик маданиятини гўзал ҳис-туйғуларини, теран томирларини Ибн Сино ўзининг асарларида келажакка хотира сифатида нақшлайди. “Бундай хусусиятлар ижтимоий ҳаётда секин-аста шахсий ва ўзгалар тажрибаси, аждодлар анъаналари, эл-юрт урф-одатлари, расм-руsumлари, таълим-тарбиянинг ҳаётбахш таъсири остида шакллана боради. Таълим-тарбия, ўзгаларнинг маънавий-ахлоқий таъсирида инсон ўзида ижобий ахлоқий фазилатлар, хислатларни шакллантиради ёки ўзида мавжуд салбий майллар сабабли худбин кайфиятларга берилади, уларнинг соҳибига айланади”<sup>2</sup>.

Исломнинг эстетик маданияти ғояларини илгари сурган Ибн Сино нафақат ўз юрти, қолаверса, бутун мусулмон дунёсини маданияти ва адабиётини ривожланишига хизмат қилган. Буюк боболаримиз сингари бугунги кунда муқаддас динимизнинг нозик ва мураккаб жиҳатларини Юртбошимиз Ш.М.Мирзиёев шундай таъкидлайди. “Муқаддас Ислом динимизнинг бағрикенглик ва инсонпарварлик ғояларини тараннум этиш, унинг тинчлик ва барқарорлик, динлар ва миллатлараро тотувлик тамойилларига асосланган дин эканлигини кенг тарғиб қилиш, мусулмон мамлакатларининг

<sup>1</sup> Ўша асар. 136-бет.

<sup>2</sup> Ўзбекистонда ижтимоий-ахлоқий ва гуманистик фикрлар тарихининг муҳим босқичлари. –Т.: 2007. 77-бет.

бирдамлигини мустаҳкамлаш, умумий ислом меросини асрabayлаш йўлида ҳамкорликни кучайтиришдан иборатdir”<sup>1</sup>.

Ислом эстетик маданияти доимо шахснинг илохий севгиси, диний илм хазинаси, маънавий маданиятини юксалишига катта таъсир этган. Ислом эстетик маданиятини илм-фан, билимлар, одоб-ахлоқ, хуқуқий воситалар, нафосат олами асосида англамас эканмиз, унинг моҳиятини ҳеч қачон тушунолмаймиз! Шундай экан, ислом эстетик маданияти шахсни ҳар томонлама ривожланишига, уни ҳам диний, ҳам дунёвий билимларга, улуғвор туйғуларга эга бўлишига катта таъсир кўрсатади.

Ислом эстетик маданияти асосида шаклланган тасаввуф онтологик ғояларининг жамиятда кенг миқёсда амал қилиши бевосита суфийларнинг ҳаётга нисбатан кучли эстетик эҳтиросларини вужудга келтирди. Тасаввуфнинг поклик, илохий ишқ, зоҳидлик ҳақидаги ҳақ ва ҳақиқат, ажиг инсоний хислатлар, камолот касб этиш ғоялари шеърий мисраларга айланди. Тасаввуфнинг бехудлик ва ишқ концепцияси софлик, адолат ва ҳақиқат тимсоли – Мутлоқ илоҳга муҳаббат завқи ижод аҳлига ўз таъсирини ўтказди. Натижада, инсоният ғами билан лиқ тўлган қалб дардига исёнкор руҳдаги суфийларни бир оҳанграбодай ўзига тортиб, ўртанишли, хис-хаяжонга сероб ва кишида қалб гўзаллигини яратувчи бир қатор ишқий шеърлар вужудга келди.

Тасаввуф адабиётнинг тасвирилаш мавзуи тариқат йўли билан покликка интилаётган ва тинмай комиллик сари тараққий этаётган “солиҳ Инсон”<sup>2</sup> бўлгани учун ана шу мақсад йўлидан бораётган йўловчи солиҳ Инсоннинг дунёқарashi, эстетик маданияти, кечинмалар олами муҳим аҳамият касб этиб келган. Бундай фазилат сўфийларни Илохий ишқ асосида Оллоҳ васлига етказишга қаратилган. Шу боисдан кўплаб сўфийлар “Илоҳ яратган моддий

<sup>1</sup> Мирзиёев Ш.М. Миллий тараққиёт йўлимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 471-418-бетлар.

<sup>2</sup> Солик инсон – Ҳақиқат йўлига кирган художўй, такводор инсон.

оламдаги гўзаллик-Илоҳнинг каломи ва жамоли акс этган нарсалар ва Унинг гултожи инсонга муҳаббат орқали бўлади. Шу тариқа дунёвийлик билан илохийлик ўзаро боғланади. Шуниси ҳам борки, илохий муҳаббат – бу ирфоний бир туйғу, яъни билиш завқи, англаш завқидан, ғояга, маърифатга айланиш завқидан бошқа нарса эмас. Ғояда сўфий муҳаббат оташида ёниб, гўё моддийлиқдан қутулиб, яхлит бир ғоя - бир маърифат парчасига айланади<sup>1</sup>.

Тасаввуфий адабиётнинг барча кўринишлари, жанрларида ана шу солиҳ Инсоннинг эстетик маданиятига доир туйғулари, тушунчаси тасвирга олинади, уни тарбиялаш, унга Ҳақни ва ўзлигини тушунтириш турли ривоят ва ҳикоятлар келтириш, ўгит ва панд-насиҳатлар қилиш бу унинг онги ва қалбига йўл топиш асосий бош масала қилиб олинади. Хусусан, Фаридиддин Атторнинг “Илохийнома” асарида бу хилдаги хилма-хил келтирилган фикрлар шахснинг эстетик маданияти ва ахлокий тарбиясига қаратилган. Унда ёзилишича, ҳар қандай ўгитларда “кўз олдингизда илохий илҳомнинг мўъжизалари намоён бўлади. Бунчалик изҳори дард, изтироб ва ёниш лазатидан сармаст бўлиб куйлаш иштиёқи, нурга талпиниб, нур-ла йўғрилиб, нурланиб порлаш шодлиги, ҳаяжон ва завқ тошқини!”<sup>2</sup>. Бу ерда шоирнинг Оллоҳ ягоналиги ва унинг сир-синоатларга бойлиги ҳақидаги ғоялари табаррук сўзлар асосида ёритиб берилади. Шунингдек, шахс эстетик маданиятини ўзида ифодалаган олам мутлоқ Парвардигорнинг ижоди деб талқин этилади, воқеликнинг гўзаллиги ва қудратини Илоҳдан, деб ҳисоблайди. Жами гўзалликлар, яхшиликлар, эзгуликлар манбаи мутлоқ Илоҳ. Ҳаттоқи, барча нарсалардаги ҳаракат ва фаолият ҳам ундан. Дунёдаги жами хусну жамол – унинг жамолининг акси, Инсон гўзаллиги унинг жамолининг жилваси, у шунча гўзал бўлади. Инсон руҳининг гўзалликка,

---

<sup>1</sup> Комилов Н. Тасаввуф. Тавхид асрори. 2-чи китоб. –Т.: F.Фулом номидаги Адабиёт ва санъат нашриёти, 1999. 5-6-бетлар.

<sup>2</sup> Фаридиддин Аттор. “Илохийнома”. –Т.: Ёзувчи, 1994. 6-бет.

---

нафосатга ташналиги Илоҳ гўзаллигига ташналик оқибатидир. Бу яна моддий ва маънавий гўзалликни, ғоя ва фикр гўзаллигини ҳам ажратиб олади. Гўзалликдан мақсад тафаккур гўзаллиги, маънавий гўзалликни англамоқ, олий жавҳар-руҳият оламига боғлиқ бўлган нарсаларнинг гўзаллигини қалбда намоён эттиришдир. Гўзаллик идеали, қудрат идеали, поклик идеали, абадийлик идеали – булар барчаси жонли идеаллардир.

Тасаввуфда шахс эстетик маданиятининг моҳиятини талқин этишда Имом ал-Ғаззолий “Диний илмларнинг тирилтирилиши” номли асарида бевосита тўхталиб, Оллоҳга бўлган ишқ инсонийлик, эзгулик, гўзаллик, комиллик туйғуларини тарбиялашлигини айтиб ўтади.

Тасаввуфнинг ишқий ғоялари А. Анзорий, А. Яссавий, С. Бокирғоний ва бошқа сўфиylар асарларида тасвирлаб берилган. Эронда тасаввуфнинг нафосат ғояларини илгари сурган шоир Абдуллоҳ Анзорий (1006-1089 йиллар) бўлиб, оламнинг гўзалликларини ўз ижодида баён қилган. Унинг эстетик қарашларга бой “Муножот”, “Сайр этувчилар манзиллари”, “Илоҳийнома”, “Сирлар китоби” каби асарларида Оллоҳни кўришга бўлган интилиш тасвирланади.

А.Анзорий асарлари ўрга аср мусулмон Шарқи халқларининг маънавий хазинаси, нафосат оламининг нозик масалаларини ўзида мужассам этганлиги билан тасаввуф аҳлининг, қолаверса, инсониятнинг буюк ва ноёб ўтмиши бўлиб қолди. У ўз асарларида шахснинг жамоли, эстетик маданияти Оллоҳнинг гўзаллигини бир зарраси бўлиб, шу гўзалликдан ҳамманинг завқланиши, яратган эгасини доимо пок бўлиши таъкидланади.

Тасаввуф илмининг султони Аҳмад Яссавий (вафоти таҳминан 1166-1167 йиллар) “Девони хикмат” шеърлар тўпламида ўзининг Оллоҳга бўлган ишқ-муҳаббатини кўйлади. Унингча, ишқсизларнинг ҳам жони йўқ, ҳам иймони. Ўз фикрларида Оллоҳга ишонмайдиганлар ҳаётнинг гўзаллигини, бу дунёнинг моҳиятини тушуниб етмаслигини

айтиб ўтади. Яссавий илоҳий ишқдан маҳрум шахсларга шундай даъват қилган:

Эй бехабар, ишқ ахлидин баён сурма,  
Дард истагил, ишқ дардига дармон сурма.  
Ошиқ бўлсанг, зоҳидлардин нишон сурма,  
Бу йўлларда ошиқ ўлса тавони йўқ.

Бу ерда Яссавий илмга қизиқмайдиганларни илмга чорлайди, уларни ҳақ йўлдан боришга чакиради. Яссавий ҳикматлари ўзининг чуқур ва сермазмун, гўзал ва нафосат дунёси билан боғланиб кетганки, бу унинг буюк шахс эканлигини кўрсатиб туради. Яссавий шеърларида Оллоҳни севиш ва унинг нималарга қодирлигини билиш учун халқни тўғри йўлга чорлайди ва қуйидаги мисраларни келтиради:

Чин ошиқлар доим тирик ўлган эмиш,  
Арвоҳлари ер остига кирган эмиш,  
Зоҳид, обид бу маънони билган эмиш,  
Чин ошиқлар халойиқни Хизри бўлгай.

Бу тўртликдан кўриниб турибдики, инсоннинг қанчалик Оллоҳни англай олиши, унинг халқни ичида обрў-эътибори ва энг пок, софдил, камтарин, ажойиб фазилатлари яратганинг қудратидир. Оллоҳни севган инсон доимо баҳтиёр бўлади.

Тасаввуфнинг илоҳий ишқقا муҳаббат ғояларини тараннум этиш Яссавий эстетик тафаккури билан боғланиб кетган. Яссавий ишқ-муҳаббат – Оллоҳга эришиш, унинг жамолидан лаззатланиш асосида қарор топади. Ҳакиқий илоҳий ишқни севиш, унинг камолига этиш фақатгина ошиқ қалбнинг мақсади эканлигини айтиб, шундай дейди:

Зоҳид бўлма, обид бўлма, ошиқ бўлғил,  
Мехнат тортиб ишқ йўлида содик бўлғил.  
Нафсни тийиб, даргоҳига ҳолиқ бўлғил,  
Ишқсизларни хам жони йўқ, имони йўқ.

Бу мисралар орқали Яссавий кишиларни Оллоҳга ошиқ бўлиб, унинг дийдорига тўйишига чорлайди. Чин ошиқ Яссавий наздида воқеликнинг гўзалликларидан, Оллоҳнинг қудратидан ҳайратланади, унинг маъшуқаси бўлишга

мушаррафлик иштиёқида ҳаёт кечиради. Унингча, Оллоҳ ишқи инсонларни бирлаштириб, ҳақ йўлни кўрсатиб туради.

Ахмад Яссавийнинг ахлоқий-эстетик гоялари ҳозирги кунда ҳам муҳим аҳамиятга эга бўлиб, уларни ўрганиш ва ёш авлодни эстетик руҳда тарбиялашда асосий манба бўлиб хизмат қиласиди.

Ахмад Яссавийнинг шогирди Сулаймон Боқирғоний (вафоти 1186 йил) ҳаётига оид маълумотлар турли афсона ва ривоятлар билан боғланиб кетган. Уни “Ҳаким ота” деб ҳам атаганлар. Боқирғоний “Биби Марям китоби”, “Охир замон китоби” каби достонлар ва “Боқирғон китоби” номли шеърлар тўпламини ёзган. Унинг шеърлари ва достонларидағи гоялар Яссавий ижодига ҳамоҳанг бўлиб, бу дунё гўзалликларидан воз кечиш, таркидунёчилик, яъни нариги дунё лаззатларидан баҳраманд бўлиш тарғиб қилинади. Боқирғоний оламдаги нафосат ва гўзаллик худода ўз аксини топганлиги таъкидлайди. Шунингдек, Боқирғоний миллий анъаналар ва қадимий байрамларни ўзида акс эттирган “Наврӯзнома” асарини шахснинг эстетик маданиятига оид тамойиллар ва тушунчалар асосида ёзган. Умуман олганда, Боқирғоний ёзган шеърлари ўзининг соддалиги, поэтик жихатдан ҳалқ қўшиқларига яқинлиги учун ҳалқ оммаси томонидан илиқ кутиб олинган.

Тасаввуфдаги диний ва дунёвий билимларнинг уйғунлигини Жалолиддин Румийнинг қалб қўзи билан боғлаб ёзган ривоятларида кўришимиз мумкин. Унинг гояларида юксак эстетик маданиятнинг жамият равнақи ва ҳалқ фаровонлиги учун қаратилган ахлоқий меъёр, маънавий баркамоллик, жисмоний соғлом ва кўркамлик, ақлан теран ва зукколик масалалари ифодаланади. Бу ҳақда Жалолиддин Румий шундай ривоят келтиради: “Бир подшо ўғлини ҳунармандлар тўпига қўйибди. Улар болага турли билимлардан, жумладан, илму нужумдан дарс беришибди. Шоҳ ўғли бутунлай ахмоқ бўлгани ҳолда ўргатилган билимларни пухта эгаллаб олибди. Кунлардан бир кун подшоҳ уни имтиҳон қилмоқ учун ҳовучига узугини

беркитиб, ўғлига “Бунда не бор?” дебди. Бола “Қўлингдаги думалоқ, сариқ ва ичи бўш нарсадир” деган, ҳукмдор ҳайратда қолиб “Аломатларини тўгри айтдинг, исмини айт” деб буюрибди. Ўғил “ғалвир бўлса керак” деб жавоб берибди. Подшоҳ “Олган таҳсилинг шарофати билан мени хайрон этиб аломат-белгиларини аниқ айтдинг-у, аммо ғалвирнинг ҳовучга сифаслигига қандай қилиб фаросатинг етмади?” деди афсус чекиб<sup>1</sup>. Бундан хулоса шуки, ҳар бир шахс нарсаларнинг моҳиятини чуқур билиш билан биргаликда ўзига хос ақл-фаросат ва ахлоқийликни мужассам этиши, оғзидан чиқадиган ҳар бир сўзини ўйлаб гапириши керак экан. Румий бу борада инсонни ҳар хил хайвонийлик туйғулардан тийилиб, инсонийликни акс эттириши, маънавий бой бўлишини эътироф этади.

Румий шахснинг комилликка эришуви учун эзгулик ва баҳт ғояларини ривожлантиришга харакат қиласи. Ўзининг тасаввуфий қарашларида эстетик маданиятнинг жамият учун биринчи галдаги роли мухим эканлигини тушунтиради. Унингча, инсон бу дунёни деб эмас, балки у дунёни марҳаматидан лаззатланиб яшашга интилиши керак. Бу борада ҳаётга нисбатан завқий муносабатларини билдирар экан: “Инсонда шу қадар улкан ишқ, ҳирс, орзу ва дард бордирки, юз мингларча олам ўзиники бўлса ҳам, қўнгли тинчмайди. У ишда, санъатда, илмий нужумда, ҳакимликда машғул. Бироқ, буларнинг ҳеч биридан хузур тополмайди. Чунки истаган нарсасини қўлга киритолмаган.

Ёр дилоромлар, яъни қўнгилни тинчлантирувчи, демакдир. Шундай экан, қўнгил бошка билан қандай ҳотиржам бўлсин? Завқ ва орзулар зинапояга ўхшайди. Зиналар ўтириб, дам олишга мослашмаган, аксинча, устига босиб ўтилади холос. Умрини шу зиналарда беҳуда ўтказмаслик учун ғофилликдан тез уйғонган ва аҳволининг моҳиятини англаб етган зот қандай баҳтли<sup>2</sup>. Ушбу ички

<sup>1</sup> Румий Ж. Ичингдаги ичингдадур. –Т.: Янги аср авлоди, 2013. 24-бет.

<sup>2</sup> Ўша асар. 25-бет.

---

моҳият яширингандар инсоннинг бутун борлиққа завқий муносабат билан ёшдошишини, янги билим ва малакаларни доимо ўзлаштирган ҳолда “Бешикдан то қабргача илм изла” деган ҳадисга амал қилишга барчамизни чорламокда.

Воқеликнинг мазмун-моҳиятини билишга интилиш ҳар бир шахс учун яратганнинг хоҳиш-истаги, ҳаётга завқий ёндашишни талаб этиши, гўзаллик дунёсини эстетик дид билан ўзлаштириб боришини талаб этади. Бу маънода Румий суфиёна ғояларини баён этар экан, шахсни эстетик туйғуларини қадрлайди, унга ҳурмат билан қарашга йўл-йўруқ кўрсатади. Инсон буюк бир мўъжиза ва унинг ичидаги ҳамма нарса ёзилган. Бироқ зулмат ва пардалар борки, улар ёзувларни ўқишига имкон бермайди. Зулмат ва пардалар турли-туман машғулотлар, инсоннинг дунё ишлари борасида олган тадбирлари ва кўнгилнинг сўзсиз орзулариридир. Зулмат ва пардаларнинг бўлишига қарамай, инсон ичидаги бир нарсани ўқий олади. Энди қара, ўртадан пардалару қоронғуликлар кўтарилса, у нималарни билиб олмайди, дейсан. Ахир тикувчилик, меъморчилик, дурадгорлик, заргарлик, мунахжимлик, ҳакимлик ва яна саноқсиз санъатлар ҳам инсондан, унинг ичидан юзага чиққан, тошдан ё кесакдан ҳосил бўлмаган. Инсонга ўликни мозорга кўмишни қарға ўргатганини айтишади. Ҳайвон инсоннинг бир парчаси эмасми? Бундай бўлса, парча бутунига қандай ўргата олади. Масалан, одам чап қўли билан ёзмокчи бўлади. Қаламни олади, қалби қувватли бўлишига қарамай, ёзаркан, қўли титрайди, аммо қалб амри билан барибир давом этади. Бу ғоялар асосида Румий инсоннинг қалб амри доимо янгиланиб ва юксаклик сари интилиб бориши, эришган ютуқларидан-да янада баландроқ мэрраларга интилишини ва эстетик маданиятини бойитишга ҳаракат қилишини эътироф этади.

Тасаввуфнинг муҳим идеалларини Алишер Навоий сўз санъати орқали ифодалашга ҳаракат қилди. Унда сўфиёна ғоялар илгари сурилади ва сўз гўзаллиги воситасида Оллоҳ нигоҳи намоён бўлишини айтади. Навоий Оллоҳга бўлган ишқни гул сўзи асосида тушунтиришга интилиб: “Менинг

кўнглим, қалбим сенинг гул юзинг яшнаб турадиган гулшан бўлсин, қадинг ниҳоли жоним ўртасида алифдай турсин”. Ёхуд: “Сенинг гулдай юзинг жойи менинг кўнглим, унинг кўнгил яраларига даво, у қалбим гулларини яшнатади. Гўзал суратинг, баланд, зебо қоматинг жоним ичида. Бу ерни ўзингга макон қил”<sup>1</sup>. Навоий бу ғоялари орқали Оллоҳни чиройли, гўзал сўзлар воситасида ифодалаб, ёр васлига сўфиёна етишишга ҳаракат қилди. У ёр ишқига садоқатидан илҳомланиб, ўз дардини Оллоҳга ошиқлик деб билди.

Ўзининг шеърлари, асарлари, достонларида шахс эстетик маданиятини ифодаловчи севги ва садоқат, висол иштиёки, Ватанга ва халққа муҳаббат каби завқ-шавққа бой ғояларни илгари сурди. Кишини эътиборини тортадиган латофат ва назокатга бой ҳикматларида халқнинг дардини куйлади. У:

Менга ишқ дарди эмас муҳлик бас,  
Замон дарди, аҳли замон дарди ҳамдур.

деган мисралари орқали замонасининг тасвирини чиройли сўзларда ифода этди. Эл-юртига бўлган муҳаббатини нақадар юксаклигини ҳикматларида намоён қилди. Навоий ҳаётга муҳаббат ва шодлик кайфиятини ўзининг орзуистакларини ҳажвий шеърлари ва рубоийларида акс эттиради. Бу хусусда:

Агарчи ишқ дардидин манга юз минг уқубатдур,  
Воле ҳам дардсизлиғ андин ортироқ сухбатдур.

деб ёзган рубоийсида шоир шахс эстетик маданияти ва ижтимоий ҳаётининг гўзалликка бўлган интилишларини ифодалаб берди.

Тасаввуф эстетик маданиятининг нозик жабҳаларини Мирзо Бедил иборали ва ибратли сўзлар билан тавсиф қилди. Бедил сўфий даражасига етишишда соф рух қалбда ҳукмрон бўлиши керак. Бу рух нафосат ва латофатга бой ҳаёт манбаи. Ана шу рухнинг тиник ва шаффоғ илоҳий нури шахс дилини

<sup>1</sup> Комилов Н. Тасаввуф. Тавхид асрори. –Т.: F.Фулом номидаги Адабиёт ва санъат нашриёти, 1999. 90-бет.

ёритади. Оллоҳга бўлган пок ва соф беғубор ташналини қондиради. Шу тарзда сўфий ўз эстетик маданияти ва маънавиятини доимо ақл билан бошқаришга интилади, дейди. Сўфийнинг эстетик олами бу – эзгулик, гўзаллик, ширин сўзлик, назокатлилик, гўзал қалб, гўзал хулқ-атвор, гўзал ғоя ва гўзал сўз озукаси билан намоён бўлади. Булар барчаси сўфийни Оллоҳга яқинлашиши ва унинг жилвасини кўришга ёрдам берувчи омиллар эканини таъкидланади.

Тасаввуф эстетикасида жонли ва жонсиз ҳар бир нарсада ҳаётнинг ўзида Илоҳ қудратини англаб етиш, унинг гўзаллигидан ҳайратланиб, тўлиб-тошиб, жўшқин олам манзарасини завқ-шавкқа тўлалигини билиш, Илоҳни азиз ва беғубор, соф ва покдил ёр деб билиш, унга сифиниш, суюниш, унга ўз дил розини айтиш масаласи туради. Бундан кўриниб турибдики, сўфийларда реал моддий олам гўзаллиги инкор этилмайди, балки бу оламдаги барча нарсалар Оллоҳнинг меваси ва ундан ҳамманинг ўз улушини олиб фойдаланиши айтиб ўтилади.

IX-XII асрларда Ўзбекистон худудида эстетик тафаккур жадал тараққий этди. Бу даврда А.Н.Форобий, А.Р.Беруний, Ибн Сино, Ю.Х.Хожиб, Фирдавсий, Кайкавус, А.Югнакий, У.Хайём ва бошқа кўплаб алломалар фалсафий-эстетик асарлар яратишли. Уларнинг яратган асарлари сермазмун маъноси, нозик хис-туйғуларга бой сержило, нафис, нозик идеаллар билан шаклланиб, воқеликни мушоҳада этишда, нафосат олами гўзалликларини баҳолашда муҳим аҳамият касб этади.

Шарқ Уйғониш даврининг дастлабки қомусий олими Абу Наср Форобий (873-950) шеърият, нотиқлик санъати, ҳаттотлик ва мусиқага оид “Шеър ва қофиялар ҳақида сўз”, “Ҳаттотлик ҳақида китоб”, “Бахт-саодатга эришув ҳақида рисола”, “Мусиқа ҳақида катта китоб” ва бошқа кўплаб асарлар ёзган. Форобий “Бахт-саодатга эришув ҳақида рисола” асарида шахснинг нозик эстетик маданияти ва ақлий камолоти хусусида гапиради. Шахсни эстетик маданияти ва ақли ҳақиқий мукаммалликка ва гўзалликка эриштиради,

## ЭСТЕТИК МАДАНИЯТ

дейди. Шахс эстетик маданиятга, – деб таъкидлайди, Форобий баҳт-саодат, илм ва маърифат ёрдамида ҳосил қилинадиган ақлий ва ахлоқий фазилатларнинг кўлланиши туфайли эришади. Бу эса, ўз навбатида, жамиятдаги бир қатор омиллар билан боғлиқ ҳолда амалга ошади. Ҳар бир шахснинг эстетик маданияти бевосита ўтмиш ва аждодлар мероси билан уйғунликда вужудга келади, дейди файласуф.

Шахс эстетик маданиятининг вужудга келиши ҳакида сўз юритаркан, Форобий “Жўғрофий муҳит, яъни кишиларнинг муайян ҳудудда яшashi ва уларнинг турмуш тарзи, урф-одатлари, ахлоқи, хулқ-одобига таъсир кўрсатади, жамоага бирлашишига ёрдам беради”<sup>1</sup>, деб таъкидлайди. Унинг бу фикрларини Ибн Сино қўллаб-қувватлаган ҳолда айтадики, одамларда эстетик маданиятнинг хилма-хил бўлиши бу бевосита уларнинг яшаш шароитини таъминлаб турувчи жойлардаги тупроқ, сув ҳаво ва олов билан боғлиқ. Булар шахснинг бутун қиёфаси, кўриниши, тили, эстетик диди, тафаккури, маданияти, санъати ва завқий муносабатларига билвосита таъсир этади. Натижада, турли минтақада яшовчи инсонларнинг эстетик маданиятлари жўғрофий жойлашувдан келиб чиқсан ҳолда иқлим, шароит, ижтимоий муҳитни таъсирида бетакрор ва ўзгарувчан бўлади дейди.

Эстетик маданиятнинг жамиятда ривожланишини Форобий санъат билан боғлайди. Унингча, “халқлар ва шаҳар аҳлларини тарбиялаш учун қасб-хунарни эгаллаш ва ҳакиқий камолотга эришишга ўз ихтиёрларига ҳавас билан интилган кишилар ҳакиқий фазилат эгалари ва ҳакиқий санъат аҳлларидир”<sup>2</sup>. Улар ҳар бир шахснинг эстетик маданиятларини, яъни урф-одатлари ва анъаналари, ўзига ҳос хусусиятлари, нафосати, ақл-заковати, гўзаллик, маърифатини

<sup>1</sup> Ўзбекистонда ижтимоий-ахлоқий ва гуманистик фикрлар тарихининг муҳим босқичлари. –Т.: 2007. 60-бет.

<sup>2</sup> Форобий. Баҳт-саодатга эришув ҳакида. Рисолалар. –Т.: Ёзувчи, 2002. 79-бет.

тараннум этади. Шу боисдан “фазилатнинг жозибаси унинг хайрли амаллар илдизидан келиб чиққанлигидир”<sup>1</sup>, дейди.

Хоразмлик буюк олим Абу Райхон Беруний (973-1048) нафақат Марказий Осиё, балки жаҳон фани ва эстетик маданиятига улкан ҳисса қўшган. Унинг илмий мероси жуда кенг ва ранг-баранг нафосат оламига бой. Унинг асарларида табиат нафосати, турли ҳалқларнинг эстетик маданиятлари, урф-одатлари ва анъаналарининг ўзига хос хусусиятлари, шахс нафосати, ижод нафосати, инсонларнинг ақл-заковати, гўзаллик, маърифатни тараннум этди. Унинг “ахлоқан гўзал бўлмоқ инсоннинг ўз қўлидадир” деган фикрлари бугунги кунда жамиятда муҳим аҳамият касб этади.

Беруний эстетик қарашларида нафосатнинг табиий асоси сифатида амал қиласидан ҳамоҳанглик айрим ҳодисаларга тадбиқ этилган бўлиб, гўзаллик табиат ва инсонга хос бўлган камолот, етук сифат даражасида баҳоланган.

Берунийнинг замондоши “Шайх – ур - раис” номи билан бутун дунёга машҳур бўлган аллома Абу Али ибн Сино (980-1037) ўзининг эстетик ва ахлоқий қарашларини бир-бирига боғлаб тушуниради. У “Китоб уш-шифо”, “Донишнома” сингари асарларида мусика, санъат, шеъриятга алоҳида аҳамият беради. Хусусан, “Донишнома” асарининг тўртинчи бўлимини мусикий билим, товушларнинг оҳангдорлиги, куйларнинг хусусиятларига оид билимларга бағишлиайди. Аллома ўзининг “Қуш рисоласи”да инсон баҳт-саодати ҳақида гапириб, баҳт – ўз дўстларини ёнида яшаган, сен ҳар куни кўриб турадиган, бирга ишлайдиган ва ўз вақтингни хушчақчақ ўтказиб турадиган дўстларинг билан бирга яшайдиган жойдир, деб таъкидлайди.

Ибн Сино ҳам инсон баҳт-саодати, маданияти ва санъати ҳақида гапириб, баҳт – ўз дўстларини ёнида яшаган, сен ҳар куни кўриб турадиган, бирга ишлайдиган ва ўз вақтингни хушчақчақ ўтказиб турадиган дўстларинг билан

<sup>1</sup> Абу Наср Форобий. Баҳт-саодат ва камолот ҳақида. –Т.: Ёзувчи, 2002. 12-бет.

## ЭСТЕТИК МАДАНИЯТ

бирга яшайдиган жойдир, деб таъкидлайди. Ўзининг “Китоб уш-шифо” асарида мусиқа санъатининг ахлоқий тарбия ва эстетик маданиятдаги аҳамиятига, шеъриятнинг кишилар қалбига гўзал фазилатлар сингдириш имкониятларига тўхталиб, “шеърият тасаввурга таъсир қўрсатувчи нутқидир”, деб уқтиради. Унингча, ҳар бир шахснинг юксак эстетик маданиятга жамиятнинг эстетик эҳтиёжи сифатида “гўзаликка ва ахлоқий камолотга интилиш – бу инсон зотига хос хусусиятдир”<sup>1</sup>.

Юсуф Хос Хожиб (тахминан 1020 йил туғилган) Шарқ халқларининг етук шоири ва файласуфидир. У “Кутадғу билиг” (“Саодатга йўловчи билим”) номли достони орқали бутун дунёга машҳур бўлди. Бу достонда маънавий масалалар, расм-руслумлар, урф-одатлар, нафосат туйғулари, инсоннинг ақл-заковати, идроки ва шахс эстетик маданияти масалалари ўз аксини топган. Китобда, мушк-анбар ва билим бир-бирига ўхшаш нарсалардир, уларни ўзидан бўлаклардан яшириб сақлаб бўлмайди. Мушк-анбарни яширсанг, уни ҳиди ошкор қиласи, билимни яширсанг, уни тилинг ошкор қиласи, дейди. Бу жумлалар орқали шоир шахс интилиши кўп жихатдан инсонийлик билан йўғрилган эстетик маданиятга хослигини кўрсатади.

Абулқосим Фирдавсий (тахминан 940-1020-30) дунё адабиёти ва санъатини юқори чўққига олиб чиқди. Ўзининг “Шоҳнома”си орқали халқ оғзаки ижодини ривожлантириб, бадиий сўз санъати ва эстетик маданиятнинг янги тараққиёт йўналишини очиб берди. “Шоҳнома”да паҳлавонлар, шоҳлар, амалдорлар, олимлар, санъаткорлар, хунармандлар, шоирлар ва бошқа ижтимоий табака вакилларининг образлари яратилган бўлиб, буюк орзулар, олижаноб фазилатлар, инсонпарварлик, эстетик тафаккур, эстетик маданият, севги ва муҳаббатни мадҳ этувчи ғоялар тасвиранган.

<sup>1</sup> Ўзбекистонда ижтмоий-ахлоқий ва гуманстик фикрлар тарихининг муҳим босқичлари. –Т.: 2007. 62-бет.

Марказий Осиё халқлари орасида “Шоҳнома” юксак ва мангу маънавият хазинаси бўлган эпосдир. У сюжет ва компазиция, образ ва характер, пейзаж ва портрет жиҳатидан жуда мукаммал асар бўлиб бадиий сўз санъатининг бойлиги ва хилма-хил усусларини намойиш этади. Шулар асосида эстетик маданиятнинг ёрқин кўринишлари вужудга келади.

Фирдавсий бу эпосидан ташқари лирик шеърлар, Махмуд Фазнавий ҳақида ҳажвиялар, Куръони Карим образларига асосланган ҳолда “Юсуф ва Зулайҳо” достонларида ҳам шахс эстетик маданиятининг намуналарини яратган. Унинг бу эстетик мерослари мукаммал ва сержило, нозик, бебаҳо ғояларга бойлиги билан кишини ўзига жалб этади.

Шарқ Уйғониш даврининг эстетик тафаккури тараққиётида Кайкавус (1021-1098)нинг 1082-1083 йилларда яратган “Қобуснома” асари катта маънавий бойликдир. Муаллиф бу асарни ўғли Филоншоҳга бағишилаб ёзганлигини асарнинг бошида таъкидлайди. “Қобуснома”да инсоннинг нафосат олами ва гўзаллиги, табиатдаги энг улуғ бойлик инсон эканлиги, ҳар бир ишни қилишда кишилар бир-бирларига кўмаклашиши, уларнинг ақл-заковатлари, тўғрилик, жувонмардлик ва ҳоказолар хусусида сўз боради. Кайковус эса ўз панд-насиҳатларида ҳар бир шахснинг эстетик маданиятли бўлишини айтиб, сўз санъатини, яъни нутқнинг гўзал маъноли бўлиши, тўғри сўзлашни, нутқни халққа маъқул бўлишини уқтиради: “Эй фарзанд, токи қила олсанг, сўз эшитмақдин қочмағилким, киши сўз эшитак била сухангўйлик хосил қилур”<sup>1</sup>. Бу сўзлар орқали Кайкавус шахсни суҳандон бўлишга, завқий муомала билан сўзлашга чорлайди. Ҳар қандай айтиладиган сўз эстетик маданият нуқтай назаридан гўзал ёки хунук бўлишини таъкидлайди. Ушбу ғоялар орқали сўзнинг қанчалик шахсга таъсири ва халқни сўзловчига қўшилиши масаласини айтиб ўтади. Кайковус фикрича, шахсни эстетик маданиятли гўзал

<sup>1</sup> Қобуснома. –Т.: Ўқитувчи, 2006. 45-бет.

фазилатлар соҳиби қилишдан мақсад уни замон ва келажак учун комил инсон қилиб тарбиялашдир.

Юқоридаги мутафаккирларнинг фикрларини Фаззолийда ҳам кўриш мумкин. У эстетик маданиятнинг жамиятда ривожланиб бориши “...ўсимлик, ҳайвон ҳамда инсоннинг ташқи муҳитга муносабатига, уларда эстетик дид, нафосат ҳиссининг бор-йўқлиги муаммоларига, шахснинг гўзалликка муносабати, унинг комил инсонга айланиши, нисбий ва мутлақ гўзаллик, ибодат ва санъатнинг”<sup>1</sup> фарқига боғлиқ, деб кўрсатади.

Фаззолийнинг фикрларига қарама-қарши равища эстетик маданиятнинг хилма-хил тарзда ривожланиб боришини Умар Хайём эътироф этади. Унингча, бу тушунчаларга ҳамма ҳам бир хил завқий муносабат билдирамайди. Уларни ҳар бир шахс ўз касби-коридан келиб чиқкан ҳолда англайди, деб шундай тўртлик келтиради:

Шайх фоҳишага дер: Нима бу ишинг,  
Маст бўлиб, қўлма-қўл қўниб юришинг?  
У дер: Мен шундаймен, аммо сен айт-чи,  
Сиртинг кўрсатгандай покми қилмишинг!<sup>2</sup>

У айтганидек, ибодат ва саънат бир-биридан фарқ қилиб, жамиятда ибодат шахсни диний эстетик маданият билан боғласа, санъат эса дунёвий эстетик маданият билан боғлади. Буларнинг ҳар иккиласи ҳам шахс эстетик маданияти учун зарур ҳисобланади. Чунки, улар халқимиз ҳаётида исломий анъаналар ва улуғ аждодлар бой маънавий-ахлоқий меросидан илҳомланиб, оиласда эр-хотин ўртасида ўзаро ҳурмат-иззат, бамаслаҳат иш тутиш, самимий оиласвий муносабатлар таълим-тарбия самарадорлигининг негизидир.

Ибн Сино фикрича, оламнинг моҳиятини чукур англаб этиш бевосита шахснинг эстетик маданиятини янги марралар сари чорлайди. Ҳар бир жамиятнинг фуқаролари воқеликка нисбатан завқий муносабатни шакллантириши бу унинг

<sup>1</sup> Шер А., Ҳусанов Б., Умаров Э. Эстетика. –Т.: 2008. 50-бет.

<sup>2</sup> Умар Ҳайём. Рубойлар. –Т.: 1991. 106-бет.

эстетик маданиятининг намунасиdir. Ваҳоланки, “шахснинг маънавий-ахлоқий камолоти воқеликни чуқур ва ҳар томонлама таҳлил этишнинг, илмий муаммоларни холисона тадқиқ этишнинг, илм-фанда кибру-ҳаво, такаббурликни жиловлашга, ғийбатга берилмаслик кайфиятини таъминлайди”<sup>1</sup>.

Умар Хайём рубоийларида воқеликка эстетик маданият нуқтаи назаридан ёндашиш лозимлиги эътироф этади. Унингча, биз кўриб турган дунё бевосита табиат қонунларига боғлиқ бўлиб, ўзининг нафосати ва эстетик маданиятини доимо намоён этиб туради. Буни у қуйидаги рубоийсида келтиради:

Сен, мендан олдин ҳам тун-кун бор эди,  
Айланган фалак ҳам бутун бор эди.  
Тупроққа авайлаб қадамингни қўй,  
Бу тупроқ қора кўз бир нигор эди<sup>2</sup>.

Бу мисралардан билиш мумкинки, Хайёмнинг дунё гўзалларлари доимо ўзгариб туриши, шахснинг эстетик маданияти бир ҳолатдан иккинчи ҳолатга ўтиб, оламнинг нафосати хилма-хил кўринишларга эга эканлиги эътироф этилади. Умар Хайём моддий борлиқдаги барча жараёнларнинг ўткинчи бўлиб, биз кўриб турган нарсалар қачонлардир гўзал бўлиб кишига эстетик завқ берганлигини ва эстетик маданият соҳиблари бўлганлигини таъкидлайди:

Тупроқни топтайди инсон оёғи,  
Билмаски, бу жонон юзин тупроғи,  
Сарой пештоқини безаган ҳар ғишт –  
Султон калласи-ю, вазир бармоғи<sup>3</sup>.

Бу тўртликда шоир айтганидек, инсон ҳеч вақт дунёда абадий тирик яшай олмайди. Инсон қанча яшамасин барibir бир кун келиб бокий дунёдан фоний дунёга равона бўлишини, оқибатда яратилган барча шахс эстетик маданиятнинг нозик

<sup>1</sup>Ўзбекистонда ижтимоий-ахлоқий ва гуманстик фикрлар тарихининг муҳим босқичлари. –Т.: Фалсафа ва ҳуқук институти нашриёти, 2007. 81-бет.

<sup>2</sup> Умар Хайём. Рубоийлар. –Т.: 1991. 13-бет.

<sup>3</sup> Умар Хайём. Рубоийлар. –Т.: 1991. 133-бет.

кўринишлари тананинг тупроққа айланиши билан ўзгаришини тушунтириб ўтади. У шахс эстетик маданиятини бутун олам билан тақослаб, шундай дейди:

Қайда камол топдинг, жононам ўзинг,  
Ойни уялтирап тунда юлдузинг.  
Базм учун юзларин базар гўзаллар,  
Жаҳон базмин базар бир сенинг юзинг<sup>1</sup>.

Хайёмнинг бу рубоийлари шахсни ҳар томонлама замон билан ҳамнафас яшашга, жамиятда воқеликнинг моҳиятини давр мағкурасидан келиб чиққан ҳолда тарғиб қилиш кераклигини кўрсатади. Бу эса, ўз навбатида, диний ва дунёвийликка интилиш кейинги даврларда ҳам тарих саҳнасидан тушмаганлигини, уни жадидлар ҳам ўзларининг ахлоқий-эстетик қарашларини негизи сифатида эътироф этганлигини қўришимиз мумкин.

Машҳур саркарда ва буюк шахс Амир Темурнинг (1336-1405) эстетик тафаккури ва маданияти ўша давр шаҳарсозлик, меъморчилик, хаттотлик соҳаларида намоён бўлди. У Самарқандда шаҳарсозлик ва меъморчиликка катта аҳамият берди, ўзи яшаган давр эстетик маданиятини Самарқанддаги Шоҳи Зинда тарихий ёдгорлиги ичидаги қатор мақбараларнинг асосий қисмида, Шаҳрисабздаги Оқсарой ва ҳоказоларда ифодалади.

Темур даври эстетик маданияти ва нафосат оламини бойишида боғдорчилик санъатига ҳам катта эътибор берди. У Самарқанд атрофида ўша давр боғдорчилик санъатини ноёб жиҳатларини акс эттирган 14 та боғ (Боғи Нақш Жаҳон, Боғи Беҳишт, Амирзода Шоҳруҳ боғи, Боғи Дилкушо, Боғи Бўлду, Боғи Баланд, Боғи Давлатобод, Боғи Чинор, Боғи Шамол, Боғи Жаҳоннамо, Боғи Зоғон, Боғи Майдон, Боғи Нав ва Тахта Қорача боғи) ларини барпо эттиргди. Ушбу боғлар ўзининг кўркам ва нафис боғдорчилик санъатини ўзида ифодалаганлиги эстетик завқланиш дейиш мумкин. У яратган кўм-кўк дарахтлар, ярқираган кошоналар, шарқираб оқаётган

<sup>1</sup> Умар Ҳайём. Рубоийлар. –Т.: 1991. 116-бет.

анхор ва жилғалар, чаман гулгун табиат. Ҳар бир жой, ҳар бир дараҳт, ҳар бир гуллаётган боғга қараб қалбинг қувонади. Шаҳар майдончалари гўзаллигининг охири йўқ эди.

Темур барпо этган боғларнинг барчаси нозик дид ва бетакрор боғдорчилик санъати намуналарини ўзида яққол ифода этган. Бу даврда гўзалликка интилиш наққошлиқ ва тасвирий санъатнинг бош масаласи бўлиб, Темур даврида улар гуллаб-яшнади. Масалан, Шоҳи Зиннадаги мақбараларнинг деворлари турли хил гулбарг ва гуллардан тузилган жозибадор нақшлар билан безатилган. Шунингдек, бу вақтда хаттотлик санъати ҳам меъморчилиқда қўлланилиб, мақбараларнинг пештоқларига исломий ғоя дид билан ёзилган.

Марказий Осиё ҳалқлари маънавий дунёсида машҳур бўлиб, ўзининг бебаҳо эстетик меросини яратган аллома Абдураҳмон Жомий (1414-1491)дир. Унинг тасаввурнида худо оламдаги тирик ва нотирик нарсаларни яратган. Худо оламдаги энг гўзал маъшуқа бўлиб, ўз қиёфасини сонсаноқсиз ойналар орқали намоён этади. Бу ҳақда шундай дейди:

Ўз ҳуснига назар солиш мақсадида юз мингдан ортиқроқ ойна,

Маъшуқа ягона бўлса ҳам рўбарўсига қўйган.

Ўз суратининг сафо ва мукаммаллигини қадрини,

Ўша ойналарнинг ҳар бири оширади.

Жомий бу мисралар орқали худонинг ягоналиги ва ўз гўзаллигини барча нарсаларда акс эттирганлигини айтиб ўтади. Жомий ўз фикрларида подшоҳларнинг зулмларини эстетик ғоялар билан тасвирлайди. У подшоҳларнинг “дастурхонидаги мева ва товуқ гўштлари беваларнинг уйидан, етимларнинг боғидан келтирилганлигини”, “канизакларининг қулоқларидаги олтин зираклар эса шаҳар гадойларининг тиламчилик пулларидан” эканини айтиб ўтади. Жомий бу тасвир орқали ўзининг хаёлидаги идеал жамият ҳақидаги тасаввурларини баён этади. Ўз даврини ахлоқий-эстетик ҳаётини жўшқин ва нозик ҳис-туйғулар билан куйлади.

Жаҳон адабиётининг буюк намоёндаси, инсоният эстетик тафаккурининг ривожида ўзининг муҳим ҳиссасини қўшган мутафаккир Алишер Навоий (1441-1501) ҳисобланади. Навоий нафосат ғояларига бой “Мажолис уннароиис” (“Гўзал мажлислар”), “Мезон ул-авзон” (“Вазнлар ўлчови”), “Насоим ул-муҳаббат” (“Муҳаббат шабадалари”), “Назм ул-жавоҳир” (“Гавҳаралр тизмаси”) каби асарлар ёзди. Шунингдек, Навоий бой лирик хазина яратди. Ўз шеъриятида турли хил масалаларга оид шеърлар ёзди. Ўзининг шеърлари, асарлари, достонларида шахс эстетик маданиятини ифодаловчи севги ва садоқат, висол иштиёқи, Ватанга ва ҳалқка муҳаббат каби эстетик ғояларни илгари сурди. Кишини эътиборини тортадиган латофат ва назокатга бой ҳикматларида ҳалқнинг дардини кўйлади. У:

Менга ишқ дарди эмас муҳлик бас,

Замон дарди, ахли замон дарди ҳамдур.

деган мисралари орқали замонасининг тасвирини чиройли сўзларда ифода этди. Эл-юртига бўлган муҳаббатини нақадар юксаклигини ҳикматларида намоён қилди. Навоий ҳаётга муҳаббат ва шодлик кайфиятини ўзининг орзуистакларини ҳажвий шеърлари ва рубоийларида акс эттиради. Бу хусусда:

Агарчи ишқ дардидин манга юз минг уқубатдур,

Воле ҳам дардсизлиғ андин ортироқ сухбатдур.

деб ёзган рубоийсида шоир шахс эстетик маданияти ва ижтимоий ҳаётининг гўзалликка бўлган интилишларини ифодалаб берди.

Навоий “Хамса”сида ҳам ҳаётнинг нозик жиҳатлари бўлган ишқ-муҳаббат, севги ва вафо кабиларни кўйлади. Ундаги достонлар орқали ўзбек адабий меросини сержило ва маънодор кўринишларини яратди.

Алишер Навоийнинг адабий-эстетик маданият намуналари унинг улуғ сўз санъаткори эканлигидан дарак беради. Навоий сўз санъатининг қўз илғамас кўринишларини, сўзнинг ҳаёт эҳтиёжлари учун зарур бўлган жабҳаларини эстетик тафаккури билан очиб берди.

Замондошлари томонидан Монийи соний “Иккинчи Моний”, кейинги давр олимлари томонидан “Шарқ Рафаэли” деб номланган Камолиддин Беҳзод (1455-1537) XV асрнинг охирида Шарқ мусаввирлик мактабини вужудга келтирди. У мусаввирлик санъатини Марказий Осиёлик мусаввир Пир Сайд Ахмад Табридийдан ўрганди. Беҳзод ижодий фаолиятида кўплаб алломаларнинг асарларига миниатюралар яратди. Хусусан, эстетик маданиятга доир “Хиротдаги “Боғи Беҳишт” тасвир этилган миниатюра асари К.Беҳзоднинг энг гўзал ва нодир асарларидан саналади”<sup>1</sup>. Унинг бу миниатюраси бугунги кун мусаввирлари томонидан бебаҳо санъат асари сифатида эътироф этилмоқда. Беҳзод эстетик маданиятни акс эттирувчи тарихий мавзуда, севги ва муҳаббат ҳақида, табиат гўзалиги хусусида бир қанча асарлар яратди. У Шарофиддин Али Яздийнинг “Зафарнома”, А.Жомийнинг “Соломон ва Абсол”, X.Деҳлавийнинг “Хамса”, Саъдийнинг “Бўйстон” асарларига миниатюралар ишлаган.

К.Беҳзоднинг мусаввирлик санъати серқирра бўлиб, унинг яратган санъат асарлари ўзининг ёрқинлиги, нафислиги ва бўёқларининг жимжимадорлиги билан ажralиб туради. Бу Шарқ тасвирий санъатининг юқори чўққиси бўлган Беҳзод ижоди ўз даврининг мусаввирлик мактаби бўлиб қолди.

XVII аср охирларида яшаган машҳур туркман шоири, мутафаккири ва туркман классик адабиётининг асосчиси Махтумқули сўзнинг шахс эстетик маданияти ва дунёқарашига таъсири масаласи билан қизиқиб, “Шоир сўзи-халқ сўзи” деб айтади. Шоир ҳаётий фаолиятида халқини нафосат олами, ҳис-туйғулари ва эстетик маданиятига оид фикрларини ифода этиш, ўз эзгу-ниятларини кўра билиш ҳамда гўзал ҳаётга эришиш йўлларини топишда халққа ёрдамлашиш, халқнинг доно маслаҳатчиси бўлиш лозимлигини англаб етди. Нафосат оламини Мафтумқули хотин-қизларнинг оиладаги, турмушдаги, умуман жамиятдаги

<sup>1</sup> Кўзиев Т. Беҳзод ва тамаддун. –Т.: Маданият, 2000. 7-бет.

ўрни қанчалик гўзалликка эгалиги ҳамда замонанинг илғор эстетик тарбиясига эгалиги билан белгилайди. У хотин-қизларни эркакларнинг ҳамфирки, уларнинг кучига-куч, қувватига-қувват қўшадиган, ҳаётига безак берадиган жонкуяр ҳамроҳ деб билади. У жамиятда аёллардаги одобу икромни, соддалик ва мулойимликни, камтарлик ва олижанобликни улуғлайди.

Бадеъ Самарқандий (1641 йил туқилган) ўзбек шоири ва адабиётчиси бўлиб, “Малехо” (гўзаллик) тахаллуси билан шеърлар ва қасидалар ёзган. Малехо “Музакир ул-асҳоб” (“Сұхбатдошлар зикри”) асарида кўплаб ижодкорлар ҳақида ҳикоя қиласиди. Асарда XVII асрда Марказий Осиё ва Эронда яшаган 203 та шоирнинг ижоди ва асарларидан намуналар келтирилади.

Ўзининг эстетик ғояларини кишилар ҳаётига тақлид қилиб қуидагича ёзади: “Моҳир заргар яратган дур жавоҳирларга ҳамманинг ҳам ҳаваси келади. Кимдир ўша тасник дурни олиб ўзлаштиурса, унинг кимники эканлиги ошкор бўлади”<sup>1</sup>. Малехо бу фикрлар билан ижтимоий ҳаётдаги гўзал нарсалар доимо ўзгариб туришини таъкидлайди.

Ўзбек шоираси Моҳларойим Нодира (1792-1842) классик ғояларида муҳаббат, садоқат, гўзалликни кўйлайди. Нодира шахсни улуғлар экан, унинг муҳаббатга бўлган инлилишини қўйидагича тушунтиради:

Муҳаббатсиз киши одам эмасдир,  
Гар одамсан, муҳаббат ихтиёр эт.

Бу мисраларда Нодира шахснинг юксак эстетик маданияти ва ахлоқий фазилатларини муҳаббат орқали намоён этди. Унинг ижодида ўз ҳалқига ва Ватанига чексиз меҳру муҳаббати, душманларига нисбатан алангали нафрат ва ғазаб туйғуси, ҳақиқатгўйлик ва соф вижданлилик хусусиятлари доимо ундаги маюслиқда кўриниб туради.

<sup>1</sup> Э.Умаров. Эстетика. –Т.: Ўзбекистон, 1995. 75-бет.

Истеъдодли шоир, тарихчи, таржимон ва хаттот Шермуҳаммад Авазбий ўғли Мунис (1778-1829) Хивада яшаб ижод этди. Унинг эстетик маданиятга доир қараашлари “Мунис ул-ушшоқ” шеърий девонида баён этилган. Унда илм-фан, санъат ва адабиёт масалалари, олимлар ва санъаткорлар ҳақида кимматли маълумотлар берилган. Мунис “Саводи таълим” рисоласида хусни хат санъатини ривожлантиради ва бу ҳақда шундай дейди:

Сўз маҳзанинг нишонаси ҳам,  
Маъни дурининг хазинаси ҳам,  
Хар сўзки, кўнгилдин ўлди мавжуд,  
Хат айлар ўз аҳлини мукаррам,  
Хатига чекиб улусни ҳар дам.

Мана шу хат асосида моҳирлик билан ёзилган санъатни келгуси авлодга етиб беришда шахснинг юксак эстетик маданияти бўлиши лозимлигини таъкидлайди.

Ахмад Дониш (1827-1837) Марказий Осиёнинг ижтимоий-фалсафий ва эстетик маданият соҳасида ўзининг ажойиб ғояларини ишлаб чиқди. У ўзи яшаган шароитда ҳалқнинг турмуш тарзи, маданияти, эстетик тафаккурини Россия ҳаёти билан солишириб кўрди. Булар хусусида Марказий Осиё ҳалқлари анча орқада эканлигини англаб етди. Ушбу ҳолатларни таҳлил этиб, “Наводир ул-вақое” асарида инсон бахти ва келажаги, гўзаллигини аввало доно ҳукмдорга, сўнгра унинг қўл остидаги фуқороларига боғлиқлигини таъкидлайди. Дониш бу асарида ишқ-муҳаббат, бахли ҳаёт ҳақидаги ғояларни ҳам илгари суради. Ишқ-муҳаббатнинг салбий ҳолатларга олиб келадиган жихатларини мавжудлигини айтиб, бузуқликка олиб борадиган ишқ-муҳаббатнинг маданиятга зарба бериши шубҳасиз. Инсон ўз муҳаббатини шариатдан ташқари ишларга сарф этиши фалокат чуқурига ўзини отиш кабидир, дейди.

Бу даврда Ахмад Донишнинг илмий-эстетик тафаккури ва маданияти ҳалқнинг фаровонлиги, ҳаётнинг гўзал бўлишига қаратилганлиги билан барча кишилар диққат-этиборини ўзига жалб этган эди.

Жамиятда эстетик маданиятнинг ривожланиши аввало, бу шахснинг маънавияти бой, ақли теран ва ҳаёти фаровонлигининг белгиси эканлигини билдиради. “Халқнинг кўзини очиш, – деб ёзади Ж.Яхшиликов ва Н.Убайдуллаевлар, – эл-юрт камолотини ўйлаш, таълимтарбияни миллат турмушини юксалтиришга хизмат қиласиган даражага кўтариш, ишлаб чиқариш ва жамиятнинг иқтисодий аҳволига бевосита таъсир кўрсатадиган билимларни ўқитишига эътиборни кучайтириш, айни вақтда иймон-эътиқодини мустаҳкамловчи диний таълимотни унутмаслик каби”<sup>1</sup>лар юксак эстетик маданиятни талаб этади.

Жадидчилар жамиятда ҳар бир шахсни эл-юрт манфаати йўлида хизмат қилишга чорлаб, уларни ҳар томонлама тарбиясига муносабат билдирад, эстетик диidi ва онгини юқори бўлишига интилардилар. Улардан Беҳбуудий ҳам мана шундай хислатларни ўзида акс эттирган бўлиб, бу ҳақда Солих Қосимов шундай дейди: “Беҳбуудийдек баркамол шахс фақат диний билимларнигина эмас, шу билан бирга, замонавий илмларнинг зўр билимдони, халқни маърифатли қилиш учун кураш йўлида ўз моддий бойликларини, ҳатто жонини ҳам аямаган шахснинг мисли ниҳоят даражада сийракдир, ҳатто яктодир”.<sup>2</sup> Бундан кўриш мумкинки, Беҳбуудийнинг нафақат ўзи эстетик маданият соҳиби бўлган, балки халқни ҳам ўзининг ортидан эргаштириб, билим ва маърифат, юксак маданият сари чорлаган, ҳар томонлама комил инсонларни тарбиялашга интилган. Жамиятда шахс манфаатларини, яъни ўз халқининг жаҳон саҳнасига чиқиши учун билим олиши, ҳар томонлама етук бўлишига алоҳида эътибор қаратиб, миллат тақдирини барча нарсалардан устун қўяди. “Фақат замонавий кийим кийиб, русча чала-чулпа гапириб, – деб таъкидлайди Гули Махмудова, – ўз дини ва она тили маданиятини билмайдиганлар сингари, фақат диний

<sup>1</sup> Яхшиликов Ж., Убайдуллаева Н. Жадидчилик ва Беҳбуудий. –Т.: Фан, 2004. 73-74-бетлар.

<sup>2</sup> Махмудова Г. Жадидизм ва Туркистонда ахлоқий-эстетик фикр тараққиёти. –Т.: DAVR PRESS, 2006. 26-бет.

таҳсил кўриб, замондан орқада қолган кишиларни ҳам Беҳбудий зиёли санамайди. У миллат ва шахс такомилини бевосита замонавий талаблар ва маънавий юксалишда кўради. Замон тараққиёти, тарих ва жўғрофия, миллат адабиёти ва фалсафасидан воқиф бўлмаган “уламон замон”нинг маълумоти саёздир. Маълумотли кишиларга биринчи навбатда миллат мухтождир. Буни на ҳукумат, на диний уламолар тушуниб етадилар”<sup>1</sup>.

Абдулла Авлоний (1878-1934) шеърларида ва драмаларида кишиларнинг ҳаётни нафосатига бўлган интилишларини куйлади. Авлонийнинг эстетик фикрларга бой “Тоғлардан бир манзара” шеъри, “Икки муҳаббат”, “Туркий гулистон ёхуд ахлоқ” асарлари мавжуд. Шоир “Туркий гулистон ёхуд ахлоқ” асарида шахс ҳаёти ва тақдири, Туркистон халқларининг миллий уйғониш руҳи гоявий-бадиий манзаралар орқали ифодалаб берилди. Асардаги барча ҳикоя ва ривоятлар инсонни комил инсон бўлиши, ҳар бир кишининг юксак ахлоқли ва маънавий гўзал, илмли ва маърифатли бўлишига қаратилган. Ушбу асар фалсафий-естетик мазмунга эга бўлган бадиий теран ва гўзал асардир.

Авлоний ўзи яшаётган даврда кишиларнинг илм-маърифатга эътиборсизлигини “Тоғлардан бир манзара” шеърида қўйидагича ифодалайди:

Кеча-кундуз бизлар дарду меҳнатда,  
Илм илиа овруполик нодон эмиш.  
Нонимизни тева қилиб берурлар,  
Бизлар хўп бефаросат, нодон эмиш.

Бу мисралар билан Авлоний халқнинг турмуш тарзи қанчалик қийинлигини ҳамда ёш авлодни билим олишга чорлашини кўрамиз.

Айни пайтда Авлоний ҳаёти ва ижодий фаолиятини ўрганиш, унинг эстетик маданиятга доир ғояларини теран ва

<sup>1</sup> Махмудова Г. Жадидизм ва Туркистонда ахлоқий-естетик фикр тараққиёти. –Т.: DAVR PRESS, 2006. 49-бет.

чукур мушоҳадали тарзда таҳлил этиб бориш, биз ёш авлоднинг асосий вазифамиздир.

Самарқандлик муфти Маҳмудхўжа Беҳбудий (1875-1919) илм-фан, маданият ва маърифат, санъатга доир ўзининг бир нечта асар, рисола, пьеса, мақолаларини ёзган. У инсон гўзаллик ғоясини хорижий тилларни ўрганиш орқали намоён этади, дейди. Беҳбудий халқни илм-маърифат эгаси бўлиш учун ўлимга ҳам тайёрлигини қуидагича таъкидлайди: “Агар бизнинг ҳаётимиз ҳуррият ва халқ баҳт-саодати учун қурбонлик сифатида керак бўлса, биз ўлимни ҳам хурсандчилик билан кутиб оламиз”.

Беҳбудий “Падаркуш” драмасида маърифатпарварлик ва замонасининг эстетик тушунчаларини ёрқин акс эттириди. Айниқса, драмада фожиавийлик тушунчаси жамиятда нақадар оғир сўз эканлигини талқин этади. Шундай қилиб, Беҳбудийнинг ўзбек маданияти, адабиёти ва миллий тафаккури ривожидаги роли бекиёс каттадир.

Беҳбудий ўз даврида нафақат ўзини, балки барча жадидларни ахлоқий-эстетик маданиятини инсонпарварлик ва маънавият билан бойитишга ҳаракат қилди. У динийлик ва дунёвийликни биргаликда олиб боришга, тарбия тизимини янгилашга, халқни санъат ва адабиётга қизиқтиришга интилади. Чунки унда “инсон камолоти, маънавий гўзаллиги ҳақидаги тушунчалари тарихий билимлар ва замонавий талабларни инъикос этади”<sup>1</sup>.

Беҳбудийнинг тадбиркор шахс сифатида маърифатпарварчилик ғояларини илгари суриши даврининг баъзи бир уламоларига ва диний арбобларига ёқмаган. Шу боис улар жадидларнинг янгича эстетик маданият ва тарбияни шакллантиришга бўлган саъй-ҳаракатларини чиппакка чиқаришга зимдан чора кўрганлар. Улар писмиқлик билан зимдан иш юритиб, қилдан қийиқ, тирноқ орасидан кир қидириб, жадидларнинг қиёфаси, кийиниши, уй-анжомлари, шунингдек, яхудий, насора ва занжий таомларларини

---

<sup>1</sup> Ўша асар. 51-бет.

ёйишини рўкач қилиб, уларни бадном этишга, улардан халқнинг ихлосини қайтаришга интила бошладилар.

Беҳбудий бундай қараашларга мардонавор кураша олди. Ўзининг қараашлари билан диндорларни замон билан ҳамнафас яшашини хоҳламаётганлигини билимдонлик ва зукколик билан ҳалққа тушунтира олади. У “ҳар бир шахс, миллат кўриниши маҳаллий анъаналар, шамойиллар билан баробар бошқа ҳалқ ва ўлкаларнинг тарихий тажриба ва расм-руслами билан чатишиб, уйғунлашиб боришини таъкидлаб ўтади. Миллат ва ўлка турмушидаги ранг-баранглик умумкоинот ва умуминсоният ҳаётидаги турланишнинг, умумбашарий қадриятлар сари интилишнинг рамзи”<sup>1</sup> сифатида ривожланиб боришини эътироф этади.

Бу мисралар билан Авлоний халқнинг турмуш тарзи қанчалик қийинлигини ҳамда ёш авлодни билим олишга чорлаб, инсоннинг ҳис- туйғулари, шахсий кечинмалари, орзу-умидларини қадрлайди.

Абдулла Авлоний ҳалқни илм-маърифат эгаси бўлишини, илм эса барча гўзалликлар қалити ва эстетик маданиятнинг эшиги эканлигини қўйидагича таъкидлайди: “Илмгина кишини жаҳолат қоронғулигидан қутқаради, маданият, инсоният, маърифат дунёсига олиб чиқади, ёмон феъллардан, бузук ишлардан қайтаради, яхши хулқ ва адаб соҳиби қиласди”<sup>2</sup>.

Абдулла Авлоний келажакда яхши кунлари келишини, ҳалқ илм ва маърифат нуридан баҳраманд бўлишини кўра олган эди. У бир кун келиб юксак эстетик маданиятнинг ривожланишига кенг имкониятлар очиб бера оладиган мустақилликни орзу қилиб, унга ишонган эди. Шунинг учун ҳам “у буюк мутафаккир ва маърифатпарвар сифатида шунчалик бой тарих ва анъанага эга бўлган халқнинг бундай, ҳамма жиҳатдан, ижтимоий ва маданий қолоқлик исканжасида абадий қолиб кетмаслигини башорат қиласди. У

<sup>1</sup> Ўша асар. 53-бет.

<sup>2</sup> Ўша асар. 75-бет.

қачондир мустақил миллат ва озод Ватан бўлишини орзу қиласди, балки у ўз орзусини “Октябрь инқилоби” берди, деб кейинчалик ўйлаган бўлиши ҳам мумкин. Октябрь инқилоби Абдулла Авлонийлар орзу қилган озодликни келтирмагани энди маълум. Лекин Абдулла Авлонийнинг тафаккури орадан 70-80 йил ўтиб, Ўзбекистон мутақил бўлишини, миллат ҳеч қачон забунлик ва жаҳолат ботқоғига ботиб ётиши мумкин эмаслигини тўғри фаҳмлагани ва ҳис қилган<sup>1</sup> бўлиши табиий ҳолдир.

Баъзи бир жадидларнинг орзуларимиз ушалди, деб ўйлаган жамияти улар учун жудолик даври бўлди дейишимиз мумкин. Чунки октябрь инқилобидан кейинги даврда шўролар ҳукуматининг бўш ва асосий мақсади миллатларни ўзлиги ва тарихидан жудо қилиш, тарихан шаклланиб келган эстетик маданиятини йўқотишга қаратилган эди. Бу нарса биринчи галда жадидларнинг қатоғон қилиниши ва жамиятнинг қаймоғи бўлган илм-маърифат фидойиларини йўқотишга бўлган ҳаракат билан ифодаланди.

XX асрда ўзбек халқининг асл фарзанди Абдурауф Фитрат (1886-1938) серқирра ижоди билан илм-фан ва маданият тарихида самарали из қолдирган сиймодир. Фитрат “Ҳинд сайёхи қиссаси”, “Ўзбек класик мусиқаси”, “Чин севиш”, “Аruz ҳақида”, “Адабиёт ҳақида” деган қимматли асарлари, шеърий рисолалари билан ўзбек эстетик тафаккурини бойитди. Ўзининг “Ҳинд сайёхи қиссаси”да Бухорони азал-азалдан олиму фузололарнинг маскани эканлигини таъкидлайди. Бухоро қадимдан ўта доно ва зукко фузоло ахлини тарбиялаб, жаҳонга ҳадя этиб, ўзининг шарафли довругини дунё халқларининг қулоқларига зирақ қилиб тақсан, дейди. Фитрат Бухоронинг юксак ва улуғвор тарихий шаҳар эканлигини ва ундаги “маънавият юлдузлари” ўзининг эстетик маданияти билан жаҳон халқларини лол қолдирганлигини таъкидлайди. Шунингдек, Ўзбекистоннинг Қашқар воҳасининг хушманзара табиати, меҳнатсевар

<sup>1</sup> Ўша асар. 71-бет.

халқини қўйидагича таърифлайди: “Карши ва Китобнинг бирон-бир олача тўкувчиси Фарангистонда яшаса, бошдан-оёқ зар-зеварларга ботар эди. Агар Шахрисабз ерлари Ёпон элида бўлганида эди, зар экиб, зар ундиради”<sup>1</sup>.

Бу сўзлар билан Фитрат шахсларни ўз юртини севишга, фаровон хаёт учун интилишга чорлайди. Фитратнинг эстетик маданиятга бой ҳаёти ва ижоди ҳозирги кунда инсонларни ўз Ватанини севиш, ардоқлаш, инсонни ташки ва ички гўзаллигини доимо безашда муҳим аҳамиятга эгадир.

Биринчи Президентимиз И.А.Каримов 1997 йил 29 августда Олий Мажлис IX сессиясида сўзлаган нутқида Чор Россиясининг Туркестондаги генерал-губернатори М.Скобелевнинг “Миллатни йўқ қилиш учун уни қириш шарт эмас, унинг маданиятини, санъатини, тилини йўқ қилсанг бас, тез орада ўзи таназзулга учрайди” деган гапини эслайди.

Ана шундай ният натижасида манқуртликка маҳкум этилиб, миллий тараққиётни бўғиб ташлашга қаратилган ҳаётдан озод бўлиш халқнинг маънавиятини тиклаш, ахлоқий-эстетик тафаккур тарзига кенг йўл очиб бериш, янги замон, янги цивилизацияга мос келувчи таълим-тарбия тизимини барпо этиш ва уни жаҳон андозасига олиб чиқиших ниҳоятда долзарб масала бўлди.

Бу давр оралиғида шўролар дунёқараши халқимизнинг эстетик онгини бутунлай миллийлик ва инсонпарварликдан узок бўлган ижтимоий ҳаёт сари чорлади. Халқимизнинг ҳам ижтимоий, ҳам иқтисодий, ҳам сиёсий турмуш тарзини бевосита воқелиқдан йироқ бўлган эстетик маданият даражасига етаклади. Бунинг оқибатида “халқимиз бошига не-не кулфатлар, балою оғатлар ёғилмади. Хоҳ сиёсий, ижтимоий-иқтисодий ҳаётни олайлик, хоҳ маънавий, маданий соҳани”,<sup>2</sup> уларнинг барчасида юксак маънавиятимизни йўқотишга қаратилган сиёсат ётарди.

<sup>1</sup> Ўша асар. 31-бет.

<sup>2</sup> Каримов И.А. Тарихий хотирасиз келажак йўқ. –Т.: Шарқ, 1998. 19-бет.

Халқимизнинг онгини миллатга ёт эстетик маданият ва санъатга йўналтириш, миллатларни келиб чиқиши, тарихий маконини хисобга олмаслик, жўғрофий жойлашувни инобатга олмай, маданият ва қадриятларда яхлитликни шакллантиришга интилиш, буюк аждодларимизнинг меросидан ихлосманд бўлишга чек кўйиш, инсон учун ҳеч қандай гўзаллик ва эстетик маданиятни тарғиб этмайдиган маъно-мазмунсиз ғояларга эътиқод қилишни кучайтиришга уриниш кабилар биринчи ўриндаги вазифага айланган эди. Натижада, барчамиз “инсонпарварликка, меҳр-шавқатга бир ёқлама ёндашганмиз. Оқибатда бизнинг илмий-маданий меросимизни, айниқса, Ат-Термизий, Ал-Бухорий, Ахмад Яссавий, Баҳоуддин Нақшбанд сингари буюк мутафаккирларнинг, шунингдек, умуминсоний маданий-ахлоқий қадриятларнинг гавҳари бўлмиш Ҳадисларни инсонпарварликка, меҳр-шавқатга даъват этувчи қарашларни ўрганишдан маҳрум эдик”,<sup>1</sup> деб ёзади, академик Сайд Шермуҳамедов.

Бу сиёsat негизида шахс эстетик маданиятини умумийлик асосида олиб бориш масаласи ўртага ташланди. Натижада жамиятдаги барча эстетик қадриятларнинг мақсади ва вазифаси “совет халқи” тушунчасига буйсундирилди. Шу фикр асосида жамиятдаги эстетик маданият ҳамма учун “оммавий маданият” сифатида қабул қилиниши дунё миқёсида ижтимоий нормаларга мос равишда характерланди ва социализм эстетик маданиятига йўл очиб берилди. Бу нарса, ўз навбатида, бизнинг халқимизни менталитети ва эстетик қадриятларига нечоғли узоқ эканлигини кўрсатиб турарди. Охир-оқибат бу дунёқараш социализм жамиятини фалокат ёқасига олиб келиб қўйди ва инқирога юз тутди.

Катта бир империянинг инқирози туфайли шундай бир вазият вужудга келдики “ҳар томонлама мудҳиши, четдан қараганда халқимиз, унинг маданияти, миллий тафаккури,

<sup>1</sup> Шермуҳамедов С. Фалсафа фани янгиланишининг баъзи муаммолари. –Т.: Фан, 1996. 16-бет.

урф-одатлари, турмуш тарзи, ҳеч бир муболағасиз айтиш мумкинки, насл-насаби йўқ бўлиб кетиши керак бўлган шароитда бари бир, қатор йўқотишлар билан бўлса ҳам, миллатимиз ўзлигини сақлаб<sup>1</sup> қолишига қодир буюк шахс зарур бўлди. Мана шундай шахс сифатида миллатнинг эртанги куни ва келажакги учун қалқон бўлиб Ислом Каримов тарих саҳнасига чиқди. У халқимизнинг узоқ ўтмишини теран ва чукур ҳис этган ҳолда мустақилликни қўлга киритиш учун курашди. Бу ҳақда биринчи Президентимиз шундай дейди: “Биз бошимиздан кечирган собиқ мустабид тузум даврида миллий маънавиятни ривожлантиришга мутлақо йўл қўйилмаган. Аксинча, халқимизнинг табиати, яшаш тарзига ёт бўлган коммунистик мағкуруни ҳар қандай йўллар ва зўравонлик билан жорий этишга ҳаракат қилинганд”<sup>2</sup>. Бундай ҳолатларнинг олдини олишга қарши курашишимиз, аввало ўзлигимизни, мустақиллигимизни қўлга киритиш зарур бўлди. Натижада 1991 йил 1 сентябрдан бошлаб дунё ҳаритасидан Ўзбекистон мустақил Республика сифатида жой олди.

Ўзбекистонда эстетик маданиятнинг тарихий тараққиёти давомида ҳар давр муҳитининг бир-бирига ўхшамас кирралари борлиги, ижтимоий-фалсафий фикр тақдирининг ранг-баранг тарзда намоён бўлишини кўришимиз мумкин. Бу, ўз навбатида, шахс эстетик маданиятининг замон руҳи билан бойиган қиёфасини ҳамиша янгилаб боришини, аждодларимиз яратган эстетик маданият намуналари авлодлардан-авлодларга ўтиб бориши жараёнида миллий ва умуминсоний қадриятларни бойитиб боришини кўрсатади.

<sup>1</sup> Каримов И.А. Тарихий хотирасиз келажак йўқ. –Т.: Шарқ, 1998. 19-бет.

<sup>2</sup> Каримов И.А. Юксак маънавият – енгилмас куч. –Т.: Маънавият, 2008. 4-5-бетлар.

## 2.2§. Ўзбекистонда эстетик маданият юксалишининг миллий ва умуминсоний хусусиятлари

Ўзбекистонда ривожланиб бораётган шахс ва жамият эстетик маданияти ўзининг тарихан таркиб топган залворли қиёфаси билан миллат шаъни, халқнинг миллий менталитети, бир-бири билан уйғунлашган ҳолда ривожланган ҳолда миллий ва умуминсоний хусусиятларга эгалигини XXI асрда бутун жаҳон тан олмоқда. Бундай тарихий тараққиёт йўлидан илдам бораётган Ўзбекистон ўзининг эртанги фаровон келажагини бугунги соғлом авлод турмуш тарзи, ахлоқий ва эстетик маданияти орқали ривожлантиришни ўз олдига мақсад қилиб олган.

Ҳар бир даврда миллий ва умуминсоний қиёфа касб этиб борувчи шахс эстетик маданияти давлатимиз раҳбарининг нигоҳидан ҳеч қачон четда қолмаган. “Энг муҳим вазифамиз, – деб таъкидлайди Ш.Мирзиёев, – мамлакатимизда тинчлик ва фаровонликни мустаҳкамлаш, одамларни, халқимизни хаётдан рози қилишдан иборат. Бунинг учун эл-юртимиз аввало – раҳбарларнинг фаолиятидан рози бўлиши керак. Бунинг учун ҳар бир раҳбар ўз аравасини ўзи тортиши, ўз соҳасидаги ишларнинг ахволи учун ўзи шахсан жавоб бериши керак. Шундан кейин жамиятимизда ўзгариш бўлади, ривожланиш бўлади”<sup>1</sup>. Жамиятимизда мана шундай эстетик ҳис-туйғули ва дидли юксакликка интилевчи шахсни тарбиялаш шиддат билан ривожланиб бораётган замонда барчанинг дикқат-эътиборида аниқ ва равшан ғояни кўзлаши, яъни “Миллий тикланишдан миллий юксалиш сарии” ғоясини оддий фуқародан тортиб то давлат раҳбарига чин юракдан ҳис этишини долзарб бўлиб бораётганлигини унутмаслигимиз даркор.

<sup>1</sup>Мирзиёев Ш.М. Танқидий таҳлил, қатъий тартиб интизом ва шахсий жавобгарлик – ҳар бир раҳбар фаолиятининг кундалик қоидаси бўлсин. –Т.: Ўзбекистон, 2017. 53-бет.

Бу борада сўз юритганда миллий ва умуминсоний хусусиятларнинг асл моҳиятини чуқур англаш зарур. “Бугунги тез ўзгараётган дунё инсоният олдида, ёшлар олдида янги-янги, буюк имкониятлар очмоқда. Шу билан бирга, уларни илгари кўрилмаган турли ёвуз хавф-хатарларга ҳам дучор қилмоқда. Ғаразли кучлар содда, фўр болаларни ўз ота-онасига, ўз юртига қарши қайраб, уларнинг ҳаётига, умрига зомин бўлмоқда.

Бундай кескин ва таҳликали шароитда биз ота-оналар, устоз-мураббийлар, жамоатчилик, маҳалла-куй бу масалада хушёрлик ва огоҳликни янада оширишимиз керак. Болаларимизни бирорларнинг қўлига бериб кўймасдан, уларни ўзимиз тарбиялашимиз лозим”<sup>1</sup>.

Фуқаролик жамияти барпо этиш жараёнида миллийлик ва умуминсонийлик ўзбек халқининг эстетик маданиятининг ажralmas хусусияти сифатида мамлакатимизда яшовчи барча миллатлар ва элатларнинг мағкураси, дунёқарashi ҳамда қадриятларидир. Улар барча миллатлар ва элатлар эстетик маданияти, ахлоқи ва руҳиятининг ядросини ташкил этади. Чунки бу жараён мамлакатимиз миллатлари ўртасидаги завқий муносабатларда муттасил намоён бўлмоқда.

Миллий ва умуминсоний хусусиятлар қадриятлар ва ахлоқий нормалар жиҳатидан олиб қаралганда миллатлар ва элатлар тенглигига, бошқа миллат кишиларига нисбатан, уларнинг эстетик маданияти, анъаналарига, миллий туйғуларига чуқур ҳурмат тамойилларига асосланади.

Бугунги кунда халқимизнинг турмуш тарзига хос хусусият сифатида миллийлик ва умуминсонийликни янада ривожлантириш, шахс эстетик маданиятини Ўзбекистонда яшаётган миллатлар ва элатлар ўртасидаги ижтимоий алоқаларни мазмуни ва ҳажми жиҳатидан бойитиш катта аҳамиятга эга. Ваҳоланки, миллий ва умуминсоний хусусиятлар ғоявий-сиёсий, ахлоқий, эстетик, диний

<sup>1</sup>Мирзиёев Ш.М. Конун устуворлиги ва инсон манфаталарини таъминлаш – юрт тараққиёти ва халқ фаровонлигининг гарови. –Т.: Ўзбекистон, 2017. 23-бет.

томондан инсонларни бир-бирига яқинлаштиради ва турли кўринишдаги эгоизм, маҳаллийчилик, шовинизм ҳамда миллатчиликлардан сақлайди.

Умумисонийлик халқимизнинг турмуш тарзига хос хусусият сифатида миллий ўз-ўзликни англашни ҳам талаб этади. “Кўп миллатли давлат шароитида миллий ривожланиш ва миллатлараро муносабатлар соҳасидаги ҳодисаларнинг шу кунги ҳолати кўрсатишича, ҳар бир миллат, элатнинг фақат иқтисодий, ижтимоий-сиёсий ва маданий имкониятларгина эмас, балки уларни ўзаро муносабатларнинг маънавий ҳис-ҳажонлари ва руҳий имкониятларини ҳам ўрганмай туриб миллий тараққиёт билан боғлиқ бўлган биронта соҳада кўзланган мақсадга эришиб бўлмайди”<sup>1</sup>.

Миллийлик ва умумисонийлик халқимизнинг шаклланиш ва ривожланиш механизmlарини билишда бу жараённи очиб беради. Уларнинг ривожланишига объектив ва субъектив омиллар мажмуи, жамиятдаги иқтисодий, ижтимоий-сиёсий ва ахлоқий-эстетик вазият билан белгиланадиган умумий шарт-шароит, инсон ҳаётининг аниқ ҳолатлари, унинг шахс сифатида ўзига хос хусусиятлари, эстетик маданияти, нимани қадрлаши, нимага интилиши ва бошқалар таъсир қиласи. Воқелик шундайки, тарихий ўтмиш, унинг учун характерли бўлган халқларнинг яккаланиб яшashi, эскириб қолган анъаналар, урф-одатлар омманинг онгига, гоҳо эса кишиларнинг ҳали етилмаган онгига акс этади. Миллий нотўғри тушунчаларнинг элементлари ва қолоқ одатлар айни шу соҳада зоҳир бўлиши мумкин. Кўпинча шахс буни англамаслиги ҳам мумкин, аммо муайян шароитларда ҳар қалай у билиниб қолади.

Истиқлол халқимиз турмуш тарзида жуда катта афзалликларга эга бўлиб, у миллий ва умумисоний хусусиятларни гармоник ривожлантиради. Бу жараён ижтимоий муносабатларимиз етуклигининг намоён

<sup>1</sup> Отамуротов Садулла, Отамуротов Сарвар. Ўзбекистонда маънавий-руҳий тикланиш. –Т.: Янги аср авлоди, 2003. 92-бет.

бўлишидир. Уларнинг субъекти Ўзбекистоннинг фуқаролари, яъни турли миллат ва элат вакиллариидир. Уларнинг ҳаёти, эстетик фаолияти ўтмиш ва ҳозирги замоннинг бир-бири билан алоқаларидан, ички ва ташқи омиллардан, табиий-жўғрофий шароитлардан, ижтимоий-иктисодий, маънавий-ахлоқий, бадиий-эстетик мотивлардан келиб чиқувчи умумийлик ва алоҳидаликдаги, муштараклик ва тафовутлардаги битмас-туганмас эстетик қадриятлар билан тўйинган.

Эстетик маданиятнинг миллий ва умуминсоний хусусиятлари ҳам назарий, ҳам умумметодологик нуқтаи назардан фалсафий ҳамда эстетик адабиётларда кўпроқ собиқ шўролар даври мафкураси негизида ўрганилган. Мустақиллик даври эса, ўз навбатида, ҳалқнинг туб манфаатлари ва иродаси, эстетик маданияти, турмуш тарзи миллийлик ва умуминсонийлик хусусиятларига қаратилди.

Эстетик маданиятнинг миллий хусусиятлари ривожланишига таъсир этувчи бир қатор сабаблар мавжуд: биринчидан, илмий адабиётларда шахс ва жамият эстетик маданиятининг эмас, балки миллий маданиятнинг ўзига хос хусусиятлари фалсафий таҳлил этилган. Жамият эстетик маданиятининг ривожланиш жараёни миллий ғоя, маънавий маданият, миллий қадриятлар нуқтаи назаридан тадқиқ этилиб, эстетик маданият борасида айрим олимлар, хусусан, Т.Махмудов, М.Абдуллаев, М.Нурматов, Э.Умаров, Н.Абдуллаева, Б.Хусанов, А.Самадов, З.Собироваларнинг фикрларини кўришимиз мумкин. Асосий адабиётларда кўпроқ миллат билан боғлиқ миллий ва умуминсоний хусусиятлар акс эттирилиб, масалага диалектик тарзда ёндашилади. Иккинчидан, илмий адабиётларда эстетик маданият тушунчасига умумий тарзда ёндашув мавжуд бўлиб, миллий ўзликни anglash масалалари С.Отамуродов, Ж.Бахронов, У.Обилов, А.Очилдиев, А.Мухторов, С.Мамашокиров кабилар қарашларида асосий ўринда туради. Уларнинг асарларида миллий ва умуминсоний хусусиятлар

миллат тақдирли, қадриятлари билан уйғунлашган ҳолда шахс эстетик маданиятини ифодалаб берилади.

Умуман олганда, мустақил Ўзбекистоннинг миллий ва умуминсоний ривожланиши жараённида шахс ва жамият эстетик маданиятининг эстетик манзараси тадқиқот объекти сифатида ўрганиш долзарб ҳисобланади.

Эстетик маданиятни тадқиқ этиш ўзига хос умуминсоний хусусиятлар билан ҳам боғлиқдир. Бу хусусиятлар ўзида факат назарияни эмас, балки амалиётни ва тарихий жараённи ифодалаб келади. Бу хусусиятлар қуйидагилар: биринчидан, шахс эстетик маданияти ривожланишида иқтисодий, ижтимоий, сиёсий, ахлоқий, маънавий ва мафкуравий жараёнлар муҳим аҳамият касб этиб, уларнинг негизида жамият тараққиётига хизмат қилувчи нафосат дунёсининг вужудга келиши эстетик эҳтиёжни ривожлантиради; иккинчидан, эстетик маданият негизида турли миллат ва элат вакилларининг маданияти, санъати, ижтимоий муносабатлари бирлашади, шахс дунёқарашида гўзалликка интилиш кучайиб боради; учинчидан, шахс дунёқарашининг шаклланиши ҳам мумтоз, ҳам замонавий эстетик маданиятимизнинг сарчашмаларини ўзида ифодалайди. Шахс эстетик маданиятининг ҳам миллий, ҳам жаҳон эстетик маданиятининг энг яхши намуналари билан уйғунлашиши ёш авлодни ҳар томонлама камол топган комил инсон даражасига кўтаришимиз лозим. “Бу ишлар боланинг дунё ҳақидаги, оламнинг ривожланиш қонуниятлари, инсоний муносабатлар борасидаги ўзига хосликлар, ахлоқ тамойиллари, гўзаллик ҳақидаги тушунчаларини кенгайтиришга хизмат қиласи”<sup>1</sup>. Бундай гўзаллик оламини яратиш ҳар бир шахс қалбига беғуборлик, илиқлик, кўтаринкилик олиб киради; тўртгинчидан, мустақиллик шарофати ила шахсни эркин фаолият олиб бориши учун барча шарт-шароитлар яратилиб, инсонлар ўзларини эстетик

<sup>1</sup> Миллий истиқлол ғояси: асосий тушунча ва тамойиллар. –Т.: Янги аср авлоди, 2001. 176-бет.

дили, мустақил фикрлаши, интилувчанлиги, ижодий қобилияти асосида воқеликка холисона ёндошмоқда. Уларда жамият ҳар бир шахс учун эстетик маданиятни негизи эканлиги ҳақидаги ижобий тасаввурлар шаклланмоқда; бешинчидан, шахсни турмуш тарзи, эстетик идеаллари ўтмиш ва ҳозирги кун орасидаги ворисийлиги билан боғланиб, фуқароларни эстетик тарбияси ва маданияти ривожига илм-фан ютуқлари таъсир этиб эстетик онгимизни кўп қирралигини намоён этмоқда; олтинчидан, ҳуқуқий демократик фуқаролик жамияти қуришда ишлаб чиқариш ва бозор муносабатларини такомиллашиб бориши, ҳаётни мураккаблашиб, шахсни маънавияти, маданияти ва эстетик тарбияси миллий ҳамда замонавий анъаналар билан боғланиб кетаётгани намоён бўлмоқда; еттинчидан, техника асири бўлган XXI аср барча фанларни техника ва технологиясиз ривожлана олмаслигини кўрсатиб турибди. Натижада, сўнгги илм-фан ютуқлари асосида ишлаб чиқаришни ташкил этиш одамларни келажакка ишончини мустаҳкамлаш билан ҳаётдаги эстетик фаолиятини ривожлантириш лозим. Инсонларда ўз қасб-корига, маънавий қадриятларига содиқ бўлишни таъминлаш керак; саккизинчидан, кундалик ҳаётимизни безаб турадиган ва бизга олам ҳақидаги янги билимларни берадиган “Тўртинчи ҳокимият” тизимини эстетик маданиятга таъсирини қандайлигини одамларга етказиш лозим. Шу асосда эстетик идеалларни, хистайгуларни, юксак маънавиятни шакллантириш керак.

Эстетик маданиятнинг юксалиши ҳар бир инсоннинг воқеликка завқий муносабат асосида вужудга келади. Шу боисдан эстетик маданият маданиятнинг бир тури сифатида ўзини миллый ва умуминсоний хусусиятларини ривожлантириб боради. Демак, “маданият одамлар маънавий дунёсини бойитишнинг бош омилигина эмас, балки шахсни ўз ватанига садоқат, ўз маданий меросига муҳаббат ҳамда бошқа халқлар, уларнинг маданиятлари анъаналари ва урф-

одатларига хурмат руҳида тарбиялаш воситаси сифатида намоён бўлади”<sup>1</sup>.

Жамиятда шахс эстетик маданиятининг ривожланиб бориши жараёнида аждодларимизнинг минг йиллар давомида камол топиб келган ва ўзининг қадр-кимматини юксак маънавият намуналарига айлантириб бораётган миллий ва умумисоний хусусиятларни таълим тизимининг барча буғинларида кўришимиз лозим. “Бугунги кунда биз замон талаби ва ҳалқимизнинг хоҳиш-иродасидан келиб чиқсан ҳолда, таълим тизимида улкан ислоҳотларни амалга оширишга киришдик. Жумладан, умумий ўрта таълим соҳасида 11 йиллик тизимга ўтиш, академик лицей ва касб-хунар коллежларини оптималлаштириш, 5 та янги олий таълим муассасаси ва филиаллар ташкил этиш, 16 та университет ва институтда 12 та йўналиш бўйича кечки ва сиртқи бўлимлар очиш, мактабгача таълим муассасалари тармоғини кенгайтириш, нодавлат таълим хизмати кўрсатиш, педагог кадрлар ва ҳалқ таълими ходимларини тайёрлаш ва қайта тайёрлаш, уларнинг малакасини ошириш тизимини такомиллаштириш бўйича татбиқ этилаётган”<sup>2</sup> ислоҳотлар келажакда ўзининг самарасини беради.

Таълим тизимини “юксак маънавият” билан қуроллантириш, ўсиб келаётган ёш авлод қалбида маънавиятимизнинг миллий ва умумисоний хусусиятларини камол топтириш, уларнинг маънавий-ахлоқий юксалиши тарихини буюк шахслар эстетик тафаккури, миллий дунёкараши билан бойитиш долзарб масала бўлиб бормоқда. Таълим тизими бу жараёнларнинг узлуксизлигини ўзида акс эттирган ҳолда мустақилликнинг ҳар бир йилида ҳалқимизга катта ютуқларни бермоқда. “Ўтган бир йил мобайнида ўғил-қизларимиздан 266 нафари республика, 80 нафари ҳалқаро фан олимпиадалари ғолиблари бўлгани, спортчиларимиздан

<sup>1</sup> Отамуротов Садулла, Отамуротов Сарвар. Ўзбекистонда маънавий-рухий тикланиш. –Т.: Янги аср авлоди, 2003. 69-бет.

<sup>2</sup> Мирзиёев Ш.М. Ҳалқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 447-бет.

12 нафари жаҳон, 93 нафари Осиё чемпионатларида, 150 нафардан зиёди халқаро мусобақаларда юксак шоҳсупаларга кўтарилганини ана шундай эзгу ишларимизнинг дастлабки натижалари сифатида қабул қиласиз. Ёшларимизнинг миллий ва умумбашарий қадриятлар руҳида, ҳар томонлама соғлом ва баркамол бўлиб вояга етиши учун таълим-тарбия соҳасида улкан ўзгаришлар амалга оширилмоқда”<sup>1</sup>. Халқ таълими тизимида амалга оширилаётган бундай ислоҳотлар барча фанлар бўйича амалга оширилмоқда. Халқимизнинг орасидан етишиб чиқаётган ёш авлод бугунги кунда Ўзбекистоннинг илм-фани ва спортини бутун жаҳонга намоён қила олишга қодир эканлигини кўрсатмоқда. Хусусан, ёшларимизнинг “спорт билан мунтазам шуғулланиши учун яратилган шароитлар ҳам бугун ўзининг амалий натижасини бермоқда. Бунинг тасдиғини ёш спротчиларимиз халқаро мусобақаларда муваффақиятли қатнашиб, 520 та олтин, 544 та кумуш, 588 та бронза медалига сазовор бўлганида ҳам кўриш мумкин”<sup>2</sup>.

Халқимизнинг мана шундай ютуқлари жамиятда ҳар бир шахснинг онги ва қалбига кириб борса “миллий маданиятимиз сарчашмаларига авайлаб муносабатда бўлишни ўрганади, жаҳон маданиятини чуқурроқ билишга, умуминсоний қадриятларга таяниб яшашга интилади, анъанавий қадриятларимизни ҳозирги демократик жамиятнинг қадриятлари билан уйғунликда кўра билади. Шундагина халқимиз миллий ўзлигини кундан-кунга теран англаб, маънавий юксалишга эришади, келажакка равshan кўз билан қарайди”<sup>3</sup>. Бу, ўз навбатида, Ўзбекистонда мустакиллик йилларида шахсга нисбатан янгича ёндашувнинг вужудга келганлигини, давлат ва жамият ҳаётида инсон қадр-қиммати, хур фикрлаши, эркин ва озод яшаши учун барча шарт-

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 492-493-бетлар.

<sup>2</sup>Мирзиёев Ш.М. Нияти улуғ халқинг иши ҳам улуғ, ҳаёти ёруғ ва келажаги фаровон бўлади. –Т.: Ўзбекистон, 3-жилд, 2018. 385-бет.

<sup>3</sup>Миллий ғоя ва маънавий тараққиёт тамойиллари. –Т.: Академия нашриёти, Ўзбекистон Файласуфлари миллий жамияти нашриёти, 2005. 24-25-бетлар.

шароитлар яратилди. “Бугунги кунда Ўзбекистонда олий борилаётган ёшларга доир давлат сиёсати ва унинг амалий натижалари жаҳон ҳамжамиятида катта қизиқиши уйғотмоқда. Мамлакатимиз томонидан бу борада илгари сурилаётган ташаббуслар, жумладан, БМТнинг Ёшлар ҳуқуқлари тўғрисидаги халқаро конвенциясини ишлаб чиқиши, Шанхай ҳамкорлик ташкилотига аъзо давлатлар раҳбарларининг Ёшларга мурожаати ва уни амалга ошириш бўйича Ҳаракатлар дастурини қабул қилиш ва амалга ошириш борасидаги таклифларимиз халқаро миқёсда кўллаб-куvvatланмоқда”<sup>1</sup>.

Ўзбекистонда мустақил фикрлайдиган шахсни тарбиялаш масаласи халқимизнинг эстетик маданиятига хос миллий хусусиятларни ўзида ифодалаган ҳолда ўтмиш меросимизнинг чуқур илдизларини “Авесто”дан тортиб мустақиллик даври фалсафасининг қон томирларига кўришимиз мумкин. Мана шундай жараёнда жамиятнинг эстетик маданияти “шахснинг чинакам эътиқодига айланмоғи учун билимнинг ўзи-дунё ва илм сирларидан боҳабарлик, нақадар чуқур бўлмасин барибир камлик қиласи”<sup>2</sup>. Барчамиз бу борада авваламбор теварак-атрофимизда бўлаётган воқеа-ҳодисалардан ўзимизнинг эстетик онгимизни бойитишга, воқеликнинг инсон эстетик дунёсига таъсирини билишга интиламиз. Бинобарин, юксак эстетик маданиятни жамиятда қарор топтириш учун “яқинда ривожланган давлатлар тажрибасидан келиб чиқиб, ҳаётимизга янги инновацион технологиялар жорий этиш кўламини янада кенгайтириш мақсадида Инновацияларни ривожлантириш вазирлигини ташкил этдик”<sup>3</sup>. Бу вазирликнинг ташкил этишдан мақсад жамиятимизда замонавий турмуш тарзини, моддий ва маънавий бойликларни яратиш ва истеъмол қилиш

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 495-496-бетлар.

<sup>2</sup>Бунёдкор ғоялар. –Т.: Ижод дунёси нашриёт уйи, 2002. 7-бет.

<sup>3</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 60-бет.

борасидаги муайян малака ва янгиликларни яратишдан иборатдир. Бундай эстетик фаолиятга моддий ва маънавий бойликларни яратиш, ишлаб чиқариш ва илм-фан ютуклари, оила-турмуш эстетикаси, таълим тизими, умуминсоний маданиятларни ўрганиш, завқли хордиқ чиқариш ва ҳоказолар киради.

Ана шулар асосида инсон ташқи мұхитдан эстетик завқ олиш билан бир пайтда воқеиликнинг нафосат оламига нисбатан қарама-қарши муносабатнинг шаклланиши, яъни “асосий дикқат-эътиборни мавжуд камчиликлар ва уларнинг илдизларини пухта таҳлил қилишга қаратиш зарур. Шунингдек, мамлакат Президенти ва ҳукумати даражасида ечиладиган аниқ таклифлар ва муаммоли масалаларга эътибор бериш”<sup>1</sup> лозим.

Азалдан халқимизнинг эстетик маданиятини миллий тилимиз, динимиз, ривоят ва афсоналаримиз, бадиий-эстетик ёдгорликларимиз бойитиб, ўзининг қиёфасини хилма-хил тарзда фалсафий тафаккур дурдоналари билан бойитиб келган. Бундай тараққиёт жараёнида ижтимоий-иқтисодий тузумлардаги дунёқараш бир мамлакат билан иккинчи мамлакат ўртасида катта фарқни вужудга келтириб, эстетик маданиятнинг миллий ва умуминсоний хусусиятларини ранг-баранглиliga олиб келган. Лекин шүролар даврида бундай миллий-маънавий маданиятимиз камситилди. Тилимиз ва динимизнинг ривожланишига турли хил тазииклар ўтказилиб, миллий ғуурмиз, шаънимиз, турли маросим ва анъаналаримизга эскилик сарқити сифатида қаралди. Бутун жаҳон тан олган аждодларимизнинг бебаҳо асарлари ва ноёб мерослари топталиб, уларнинг аксариятини миллатчилик ва халқ душмани сифатида айбладилар. Эл-юрт корига хизмат қилган боболаримизни турли сохта айблар негизида қатл этдилар.

<sup>1</sup>Мирзиёев Ш.М. Танкидий таҳлил, қатъий тартиб интизом ва шахсий жавобгарлик – ҳар бир раҳбар фаолиятининг кундалик коидаси бўлсин. –Т.: Ўзбекистон, 2017. 6-бет.

Бугунги кунда ҳар бир шахс “Эски тузумдан оғир мерос бўлиб қолган ана шундай иллатларга, эл-юртимизга нисбатан камситиш ва миллий манфаатларимизни менсимаслик ҳолатларига барҳам бериш, кўхна қадриятларимиз, дину диёнатимизни тиклаш, ҳаётимизда тарихий адолатни қарор топтириш, янги жамият қуриш йўлида халқимизнинг маънавий юксалишини ўз олдига қўйган олижаноб мақсадларга етишда ҳал қилувчи мезон деб қараши”,<sup>1</sup> эстетик маданиятини ана шулар негизида бойитишига интилиши даркор.

Ана шу руҳда инсонларни тарбиялаш жамият тараққиётининг асоси тарзида, турли маданиятлар ўртасидаги алоқаларни жаҳон ҳамжамияти мавжудлигининг шарти ва омили ҳамда буюк қадрият тарзида қарайди, миллий ва умуминсоний қадриятларга, уларнинг ўзаро алокаси, таъсирига, бир-бирини бойитишига катта аҳамият беради. Ўзбекистонда тарихан таркиб топган бу хил эстетик маданиятлар ўзининг қиёфасини ўз давлатчилигини ташкил этган республикамизнинг асосий Қонунида яққол акс этган.

Ҳар қандай халқ, хусусан, шахснинг эстетик маданияти, воқелик ҳақидаги тасаввурлари, тушунчалари, жисмоний ва ақлий фаолиятлари ўз-ўзидан шаклланмайди. Бунинг учун муайян табиий ва ижтимоий шарт-шароитлар, воқеликка эстетик муносабат зарур ва ижтимоий моҳияти юксак бўлган обьект ва субъект ўртасидаги алоқадорлик, шахс билан табиат ва жамият ўртасидаги маънавий бирлик, боғлиқлик, муштараклик керак бўлади.

Бундай ижтимоий макон бизнинг халқимиз учун азалий қадриятларга асосланган шарқона жамоавийлик билан узвий равишда ривожланиб келган. Мана шу жамоавийлик негизида тарихан таркиб топган ахлоқий-эстетик маданиятнинг тагтомирларини кўришимиз мумкин. Улар халқимизнинг бир-бирларига нисбатан меҳр-оқибат, ўзаро ҳурмат,

<sup>1</sup> Каримов И.А. Юксак маънавият – енгилмас куч. –Т.: Маънавият, 2008. 6-7-бетлар.

мехмондўстлик, каттага ҳурмат-кичикка иззат, меҳр-шавқат, инсонийлик каби фазилатларида ва бир-бирларига беғараз ёрдам қўлини чўзишларида акс этган. Чунки халқимизнинг юксак эстетик маданиятининг намунаси бу шахснинг жамият билан ўзаро алоқасида, яъни қарияларга меҳр-мурувват, бокувчисини йўқотганларга беғараз ёрдам бериш, кам таъминланган инсонларга, ногиронларга, етим-есирларга ёрдам қўлини чўзиш кабилар билан ифодаланади.

Шулар негизида ҳар бир шахснинг гўзал турмуш тарзини ифодаловчи эстетик маданияти, ақл-заковати, идроки, хуллас, жисмоний ва интеллектуал салоҳиятлари муайян ижтимоий ҳаёт ва миллатнинг тарихий мероси натижаси сифатида қарор топади. Шунинг учун шахснинг ижтимоий ҳаёт тўғрисидаги қарашлари, эстетик маданияти ва тафаккур ривожи, фикр алмашиш, англаш, мулокотда бўлиш, ижтимоий фаолият турлари орқали шаклланади ва ривожланиб боради.

Асрлар мобайнида шаклланган эскича одат, қў尼克ма, малакалардан қутулмай туриб, янги ижтимоий тузум ғояларини чукур идрок этмай туриб ижтимоий ҳаётда туб ўзгаришлар қилиш қийин эди. Шунинг учун мустақилликни мустаҳкамлаш бевосита шу заминда “Элат ва миллатларнинг минг йиллар давомида бир-бирига мослашиб, яқин елкадош бўлиб, бир-бирининг оғирини енгил қилиб яшашини тақозо этиб келади”<sup>1</sup>.

Собиқ Иттифоқ даврида шахснинг ижтимоий идеали, эстетик тафаккур ва ҳолда сохта ғоялар, қарашлар асосида шакллантирилган эди. Чунки, халқимизнинг “миллий менталитети ижтимоий тафаккурнинг умумлашган шакли, шу билан бирга, бир неча минг йиллик тарихий довонлар оша шаклланиб, ўзбекларнинг миллат даражасида бирлаша

<sup>1</sup> Каримов И.А. Юксак маънавият – енгилмас куч. –Т.: Маънавият, 2008. 9-бетлар.

олишига восита яратган тафаккур ифодаси сифатида юксак қадрият мақомига эга”<sup>1</sup> лигидир.

Мустақилликдан сўнг, бир томондан, ана шу эскича маданият ва ижтимоий-эстетик идеаллардан қутилиш вазифаси турган бўлса, иккинчидан, янги замон, янги мафкура ва янги ижтимоий-миллий манфаатларга мос келувчи, халқ маънавий эҳтиёжини ифодаловчи янгича эстетик маданият хусусиятларини тарбиялаб, вояга етказиш зарурияти пайдо бўлди. Шахс онгини ўзгартирмасдан, уни эркин ва озод Ватан истиқболини белгиловчи қарашлар билан қуроллантирмасдан туриб халқимиз интеллектуал салоҳиятидан янги ижтимоий тузум ҳамда вазифалар йўлида фойдаланиб бўлмас эди.

Халқимизнинг интеллектуал салоҳияти мустақиллик туфайли ижтимоий ҳаётнинг барча соҳаларида намоён бўла бошлади. Халқимизнинг маънавий-эстетик хотираси ва маданияти тикланди, кенгая бошлади ва у ижтимоий ҳаётнинг турли-туман жабҳаларида намоён бўла бошлади. “Тарих ва ҳаёт гардиши, табиатнинг ўзи бизни – бутун Ўрта Осиё ҳалқларини айнан ана шундай дўстлик ва ҳамкорлик руҳида ҳаёт кечиришга даъват этмоқда”<sup>2</sup>.

Мустақиллик муайян миллат ва шахснинг эркин яшави ва ривожланиши учун ижтимоий мухит яратиш билан бирга эстетик маданиятнинг миллий ўзига хос томонларини рӯёбга чиқариш имкониятини ҳам кенгайтириди. Бунинг учун халқимиз қалбига яқин қадриятларга бўлган муносабатни ўзгартириш, тарихий маънавий-эстетик қадриятларимизни ривожлантириш, шахснинг эстетик онгини муттасил ўстириб бориш, буюк аждодларимиз меросини мукаммал ўрганиб, улар номларини абадийлаштириш зарур эди. Чунки, “Дунёдаги зўравон ва тажовузкор кучлар қайси бир халқ ёки мамлакатни ўзига тобе қилиб, бўйсундирмоқчи, унинг бойликларини эгалламоқчи бўлса, авваламбор, уни

<sup>1</sup> Мадаева Ш. Миллий менталитет ва демократик тафаккур. –Т.: Фалсафа ва хукуқ институти нашриёти, 2007. 19-бет.

<sup>2</sup> Каримов И.А. Юксак маънавият – енгилмас куч. –Т.: Маънавият, 2008. 10-бет. Ўша асар. 11-бет.

қуролсизлантиришга, яъни энг буюк бойлиги бўлмиш миллий қадриятлари, тарихи ва маънавиятидан жудо қилишга уринади". Зеро, мустакил Ўзбекистоннинг сиёсий, иқтисодий ва маънавий-эстетик пойдеворини барқарор қилиш ҳар бир шахснинг меҳнатсеварлиги, маънавий баркамоллиги, эстетик маданиятининг ривожланиши, хуқуқий онгининг юксалиши, ўзга кучларга қарам бўлмаслиги билан узвий боғлиқдир.

Булар шахс эстетик маданияти юксалишига бевосита таъсир кўрсатади. Ўзбекистонни янгилаш ва ривожлантиришнинг бу тўртта негизи барча иқтисодий, ижтимоий, бадиий-эстетик жараёнлар, ислоҳотлар учун назарий асос бўлди. Одамлар онги ва тафаккурининг ўзгариши, янгилаши ҳамда ривожланишига олиб келди.

Бу концепция нафакат шахс эстетик маданиятининг миллий ва умуминсоний хусусиятларини, мамлакат ижтимоий-тарихий тажрибаси, шунингдек, бадиий ижодиёт ва воқеликка эстетик муносабатнинг ижтимоий амалиётини ўзида ифодалаган янги ва оригинал концепция намунаси эди.

Бу концепцияда акс этган ватанпарварликнинг юксак намунаси ва халқимизнинг эстетик маданиятини равнақини бир қатор миллий ғурур ва ифтихорларимиз ҳаётида кўришимиз мумкин. Ватанга бўлган муҳаббатнинг олий кўринишини биз спорт соҳасида эришаётган ютуқларимизда кўришимиз мумкин.

Бугун ўзбек спорти жаҳонга юз тутиб, унинг ўнлаб ўғлонлари ва қизлари жаҳон ариналарида ўзларини намойиш этиб, халқимизнинг "Алпомиши" ва "Барчиной" сингари фарзандлари ҳали ҳам борлигини, ва ўзларининг гўзал санъатлари билан жаҳонни лол қолдираётганликларини кўрсатмоқда.

1994 йил Лиллехаммерда ўтган қишки Олимпия ўйинларида Лина Черязова фристайл бўйича олтин медал сохибаси бўлди. 1992 йили жаҳон шахмат олимпиадасида Ўзбекистон терма жамоасининг иккинчи ўринни эгаллаши ва 2004 йилда Рустам Қосимжоновнинг шахмат бўйича жаҳон чемпиони бўлиши, 2007 йилда Руслан Чагаевнинг бокс

бўйича мутлоқ вазнда жаҳон чемпиони унвонини қўлга киритиши республикамизда жисмоний тарбия ва спортга бўлган муносабатнинг ёрқин далилидир.

Спортчилар йилма-йил ўз маҳоратларини оширган ҳолда Ўзбекистон номи ва шуҳратини жаҳонга танита бошладилар. 1996 йили АҚШнинг Атланта шахрида ўтган Олимпия ўйинларида Ўзбекистоннинг 76 спортчиси қатнашиб, дзюдочи Армен Багдасаров кумуш, боксчи Карим Тўлаганов бронза медалини олишга мұяссар бўлдилар.

2000 йилда Австралияning Сидней шахрида ўтган олимпия ўйинларида 77 та спортчилар ичida боксчилардан Мухаммадқодир Абдуллаев олтин, Рустам Самадов ва Сергей Михайлов бронза, эркин курашчи Артур Таймазов кумуш медаллар билан мамлакатимизга қайтишиди.

2008 йилда бўлиб ўтган Хитойнинг Пекин шахридаги ёзги олимпиада ўйинларида 56 нафар спортчиларимиз 13 хил спорт тури бўйича юртимиз шарафини химоя қилиб, 6 нафар спортчиларимиз 1 та олтин, 2 та кумуш ва 3та брозна медали сорвингдори бўлиб қайтиши халқимизнинг улкан ғалабасидир.

2012 йилда эса Англияning Лондон шахрида бўлган ёзги Олимпиада ўйинларида 54 нафар спортчимиз 13 та спорт туридан иштирок этиб, 1 та олтин, 2 та бронза медалини қўлга киритди.

Спортчиларимиз учун 2016 йилда Бразилияning Рио-де-Жанейро шахрида ўtkazilgan Олимпиада ўйинларида 70 нафар спортчиларимиз, 16 та спорт туридан Ватанимиз шарафини химоя қилдилар. Улар жами 13 та медал, жумладан, тўртта олтин, иккита кумуш ва еттига бронза медалини қўлга киритиб, юртимиз ёшлари жаҳонда ҳеч кимдан кам эмаслиги исботладилар. Спортчиларимиз 207 та мамлакат ичida умумжамоа ҳисобида 21-ўринни эгалладилар.

Бу спортчиларнинг барчасини қўлга киритган ғалабаларининг шарафига хорижий мамлакатларда Ўзбекистон байробининг баланд қўтарилиши миллатнинг, унинг юксак маънавиятга эга фарзандларининг ютуғи дейишимиз мумкин.

Ўзбекистон қисқа давр мобайнида фақат истеъдодли спортчилари билангина эмас, балки йирик Халқаро турнирлар ўтказиладиган мамлакат сифатида ҳам дунёга танилди.

Демак, спорт нафақат ёшларнинг жисмоний жиҳатдан чинакам соғлом бўлиши, ўз табиий имкониятларини рӯёбга чиқариш воситаси бўлиб қолмай, балки ҳар томонлама камол топиши, маънавий-психологик, сиёсий-мафкуравий ва бадиий-эстетик салоҳиятларини, онги ва тафаккурини ватанпарварлик, миллий ғурур ва миллий ифтихор руҳида шакллантириш ва ривожлантириш омили сифатида ҳам ижтимоий аҳамият касб этади.

XXI асрда инсоният шундай даврга етиб келдики, ҳар қандай миллий маҳдудлик унинг маънавий ҳаётига қанчалик зарар келтирса, ҳар қандай, миллий ва умуминсоний қадриятларга ҳурмат ва эътибор шунчалик миллий-маънавий юксалишга хизмат қиласди.

Миллий-маънавий юксалиш – бу алоҳида шахс, ҳалқ, миллат ва жамиятнинг ахлоқий-эстетик такомилидан, эстетик маданиятнинг янгича кўриниш ва имкониятларидан далолатdir.

Бугунги кунга келиб бу нарса баъзи шахслар фаолиятида ўзининг ҳавфли жиҳатларини намоён этишга олиб келмоқда. Шундай шахсларнинг ғаразли ниятлари остида “миллатнинг асрий қадриятлари, миллий тафаккури ва турмуш тарзи издан чиқаётгани, ахлоқ-одоб, оила ва жамият ҳаёти, онгли яшаш тарзи жиддий ҳавф остида қолаётганини кузатиш мумкин”<sup>1</sup>.

Мустақиллик ҳалқимизни турли ҳавф-хатарлардан ҳимоя қилувчи қобиқ сифатида шахснинг ижтимоий эҳтиёж ва имкониятларини янада кенгайтириди. Ҳалқимиз бошқа ҳалқлар ва давлатлар томонидан яратилган ва яратилаётган моддий-маънавий бойликларни бевосита идрок этиш, фан,

<sup>1</sup> Каримов И.А. Юксак маънавият – енгилмас куч. –Т.: Маънавият, 2008. 12-13-бетлар.

## ЭСТЕТИК МАДАНИЯТ

техника ва маданият соҳасидаги янгиликларни билиш имкониятига эга бўлди.

Бу эркинлик, ўз навбатида, янгича эстетик маданият шаклланиши ва ривожланишига ҳам олиб келиши мукаррар эди. Эстетик маданият ўз табиати билан одамларни бутун инсоният эъзозлайдиган, бутун инсоният учун азиз ва зарур бўлган эстетик қадриятлар туфайли равнақ топар экан, мустақиллик ана шундай ижтимоий муҳит ва тарихий шароит яратди.

Янгича эстетик маданият шаклланиши ва ривожланишида асосий ижтимоий-фалсафий масалалардан бири ҳалқнинг маънавий меросига бўлган муносабат, уни мустаҳкамлаш ва ривожлантириш бўлди. Бу масала жуда катта ижтимоий-тарихий, мағкуравий-фалсафий муаммо эди. Чунки маънавият масалаларини тўғри ҳал қилмай туриб, ҳалқни тарихга ва замонавий ҳаётга бўлган тўғри муносабатларини шакллантирмай туриб мустақилликни мустаҳкамлаш қийин эди.

Янгича эстетик маданият шаклланиши ва ривожланиши эса мустақиллик даври маънавият концепциясининг таркибий қисмларидан бири сифатида кўзга ташланади. Чунки маънавият ҳақида гап кетганда маданий меросимиз, анъана ва расм-русумларимиз, диний қадриятларимиз, тил ва адабиёт, санъат ҳамда тарихий хотиралар назарда тутилар экан, ана шу санаб ўтилган ижтимоий ходисаларнинг барчаси эстетик маданиятнинг шакл ва мазмунини ташкил этувчи асосий жиҳатлар ҳисобланади.

Эстетик маданиятни миллий тил ва унинг муаммолари, тарихий хотира ва расм-русумлар, жонажон ўлка гўзаллигию ахлоқий қадриятлар ҳамда қатор объектив ва субъектив омиллариз тасаввур этиб бўлмайди.

Эстетик маданият қанчалик кенг ва турли-туман объектив ва субъектив омилларни ўз ичига олгандай, эстетик қадриятлар ҳам шунчалик кенг ва бепоён тушунча, оламдир. Эстетик қадриятлар тушунчасини ташкил этувчи барча нарса ва ходисалар эстетик маданият мазмуни ва моҳиятини ҳам

ташкил этади. “Ҳар қайси инсон ўзлигини англаши, қадимий тарихимиз ва бой маданиятимиз, улуғ аждодларимизнинг меросини чуқурроқ ўзлаштириши, бугунги тез ўзгараётган ҳаёт воқелигига онгли қараб, мустақил фикрлаши ва диёrimиздаги барча ўзгаришларга дахлдорлик туйғуси билан яшаша зарур”<sup>1</sup>. Бу кўрсатиб ўтилган эстетик қадрияларни ташкил этувчи таркибий омилларни чуқур ўйлайдиган бўлсақ, бу омилларнинг барчаси қанчалик эстетик маданиятни шакллантириш ва ривожлантиришда ҳам асосий омил вазифасини ўташига ишонч ҳосил қиласиз.

Шахснинг ҳаёти ўз қавми, ҳалқи, миллати ва мамлакати мухитида, унинг одамлар билан бўладиган муносабат ва мулоқоти она тили орқали содир бўлиши, шахс маънавиятидан тарихий хотира, расм-руsum ва диний қадрияларнинг ўрин олиши, инсон боласининг ўз ота-онаси, қариндош-уруғи, қўни-қўшнилари билан алоқаси, бундай ижтимоий муносабатлар садоқат, хурмат, ишонч, виждон ва эркинлик сингари тасаввур ҳамда туйғуларнинг муҳрланиши, буларнинг барчаси эстетик маданиятни ҳам озиқлантирувчи ва ифодаловчи ижтимоий омиллардир.

Ана шундай миллий, умуминсоний фазилатларни шакллантириш ва ривожлантириш пировард натижада маънавий камолотни, хусусан, эстетик маданият тараққиётини ифода этади. Эстетик тафаккур ривожи ўз навбатида бошқа ҳалқлар ва мамлакатлар маданияти ҳамда маънавиятини ҳурмат қилиш ҳамда қадрига етиш ҳиссиятини ҳам тарбиялайди.

Эстетик маданият ҳалқлар маънавиятидаги умуминсоний муштарак жиҳатларни эъзозлаш, улардан завқ олиш ва бошқа ҳалқлар учун ҳам аҳамиятини кўрсатиш воситаси сифатида ижтимоий аҳамият касб этади.

Маънавият, хусусан, эстетик маданият ва эстетик тафаккур тақдир эҳсони эмас. У ақлий ва жисмоний меҳнат орқали, миллатни тарихан шаклланган ва замонавий тарбия

<sup>1</sup> Каримов И.А. Ўша асар. 78-бет.

## ЭСТЕТИК МАДАНИЯТ

тизими, маърифат ҳамда ҳаётга пок виждан ва садоқат билан муносабатда бўлиш орқали шаклланади, ривожланади.

Шахсда эстетик маданият тарбиясининг натижаси шундан иборатки, инсонда ўз куч-кудратига ишонч ҳосил бўлади, инсон ўз қилаётган иши, бажараётган хунаридан мамнун бўлади, шахс қиёфасида барқарорлик вужудга келади. Эстетик маданияти юксак бўлган шахс ўткинчи кайфу сафога берилмайди, енгил йўл орқали турмушини қуришга интилмайди, бузғунчи ғояларга эргашмайди. Чунки эстетик маданият ўз ижтимоий моҳияти билан шахсларни, инсониятни гўзаллик ва ижодкорлик оламида бирлашишга чақириувчи нафис туйғули идрок ифодасидир.

Бинобарин, “Маънавият – инсоннинг, халқнинг, жамиятнинг, давлатнинг куч-кудратидир. У йўқ жойда ҳеч қачон баҳт-саодат бўлмайди”<sup>1</sup>. Демак, шахсни эстетик маданияти ва тафаккури маънавиятнинг ажралмас, таркибий қисми экан, уни шакллантириш ва ривожлантириш омиллари, тизим ҳамда вазифаси ижтимоий муаммо ҳисобланади.

Эстетик маданият биринчи навбатда шахснинг эмоционал дунёси, ташқи ва ички таъсир ҳамда таассуротларга боғлиқ бўлгани учун бу объектив ва субъектив омиллар йўналишининг аниқ тизимини ишлаб чиқиш ҳам зарур ижтимоий вазифа эди. Чунки шўролар даврида тилимиз ва динимиз, юксак маънавиятимизга бўлган муносабат салбий эди. Шунинг учун Ўзбекистонда олиб борилган ислоҳотлар ичида аввало, миллий тилга давлат тили мақоми берилиши мухим аҳамиятга эга бўлди.

“Нихоят, 1989 йилнинг 19 октябрь куни бу ўта мухим масала Олий Кенгаш сессияси муҳокамасига қўйилди. Ва қарийб бир ярим асрлик қарамлиқдан сўнг мамлакатимизда ўзбек тили давлат тили деб эълон қилинди. Халқимизнинг муқаддас қадриятларидан бири бўлмиш она тилимиз ўзининг қонуний мақоми ва ҳимоясига эга бўлди. Бу Ватанимиз тарихида том маънодаги буюк воқеа бўлди.

<sup>1</sup> Каримов И.А. Ўша асар. 79-бет.

Қабул қилинган қонунда давлат тили билан бирга юртимиздаги барча миллат ва элатларнинг тилларини ривожлантириш, давлат йўли билан химоя қилиш, тили, дини ва миллатидан катъи назар, ҳар бир фуқаронинг ўз она тилида таълим, ахборот, керакли маълумот олиш каби ҳуқуқларини кафолатлаш масалалари аниқ белгилаб қўйилган эди...

1992 йил 7 декабрда қабул қилинган Ўзбекистон Республикаси Конституциясида давлат тилининг мақоми ҳуқуқий жиҳатдан аниқ белгиланиб, мустаҳкамлаб қўйилди. Шу тариқа ўзбек тили мустақил давлатимизнинг байроғи, герби, мадҳияси, Конституцияси қаторида турадиган, қонун йўли билан химоя қилинадиган муқаддас тимсоллардан бирига айланди”<sup>1</sup>.

Миллий тилнинг тикланиши ва унга давлат тили мақоми берилиши халқимиз эстетик маданияти ривожланишида буюк аҳамият касб этди. Наинки, ҳар қандай мамлакат мустақилликни кўлга киритар экан, у биринчи навбатда миллий эстетик маданиятнинг ўзига хослигини тиклашга алоҳида эътибор беради. Ана шу миллий ўзига хослик бу мамлакат, бу миллатнинг жаҳон халқлари орасидаги ўрни ва мавқеини белгилашда жуда катта аҳамиятга эга бўлади.

Биринчи Президентимиз И.А.Каримов бу масалага ҳам жиддий аҳамият берди ва ўзини методологик аҳамият касб этувчи шахсни янгича тафаккур юритиш руҳида тарбиялаш концепциясини ишлаб чиқди.

Мустақиллик кўлга киритилгандан кейин ҳар бир шахсни она-Ватангга муҳаббат, аждодларимиз меросига, мустақиллик ғояларига садоқат руҳида тарбиялашга катта эътибор қаратилди. Бунинг учун инсоннинг кўзи тушадиган, ҳаёти кечадиган масканларни, ўқув ва меҳнат шароитларини қайтадан ўзгартириш лозим эди. Янгича эстетик маданиятни шакллантириш учун аввало янгича ижтимоий-эстетик мұхитни барпо этиш зарур бўлди.

<sup>1</sup> Каримов И.А. Ўша асар. 84-85-бетлар.

Бу эстетик фаолият нафақат таълимда, балки жамиятимизнинг бошқа тармоқларида ҳам халқимизнинг асосий қисмини ташкил этадиган қишлоқларимизда ҳам ўзининг яхши самарасини бера бошлади. Чунки бу эстетик маданиятнинг юксак намунасини бизга аждодларимиз мерос қилиб қолдирган.

Кўриниб турибдики, давлатимиз олиб бораётган сиёсатда шахс тарбияси масаласи, унинг янгича маданиятини шакллантириш ва ривожлантириш масаласи давлатимиз, жамиятимиз келажаги билан боғлиқ улкан ижтимоий муаммо тарзида таъкидланган.

Мустақиллик даврида ана шундай фазилатларни руёбга чиқариш ва тарбиялаш шарт-шароитлари вужудга келди. Ёш авлодни вояга етказиш ва тарбиялашда шахс, оила ва жамият манбаатлари ҳамда вазифаларида муштараклик пайдо бўлди. Айни чоқда ота-оналар ва жамият зиммасига жуда катта вазифалар ва масъулият юкланди. Тафаккури кенг, инсон ва инсоният ҳақида чуқур маълумотли ва маърифатли шахсгина ўз миллати, мамлакатининг тақдирни, равнақи йўлида бутун ақлий ва руҳий имкониятларини сафарбар этиши, ўз халқи ва мамлакатини ҳар бир ютуғидан завқ-шавққа тўлиб, тараққиёт учун халал бераётган нуқсон ва хатолардан изтироб чекиши мумкин. Бундай кечинмалар йиғиндиси эса янгича эстетик маданият, тафаккур ва дунёқараш натижаси сифатида ижтимоийлашиб боради.

Мустақилликдан кейинги ижтимоий-маънавий ислоҳотлар марказида баркамол авлодни вояга етказиш масаласи умуммиллий, умумдавлат миқёсидаги вазифага айланди. Мамлакатимиз истиқболи, эркин ва фаровон ҳаёт яратиш масаласи, Ўзбекистоннинг XXI асрдаги жаҳон ҳамжамиятида тутадиган ўрни ва мавқеи ёш авлоднинг қандай инсон бўлиб шакланишига боғлиқ. Улар тўғри тарбияланса, уларнинг янги тафаккури, руҳий дунёсига нечоғлик миллий ва умумбашарий қадриятлар чуқур сингдирилса, эстетик маданиятга доир барча моддий ва маънавий эҳтиёжлари ўз вақтида инобатга олинса давлатимиз

ва мамлакатимизнинг интеллектуал салоҳияти шунчалик кучайган бўлади. Ҳар бир шахснинг ўз табиатига қўра ҳар нарсага қизиқувчан, яхши-ёмонга эргашувчан ва турли таъсиrlарга берилувчан бўлишини инобатга олган ҳолда унинг ёши, қизиқиш доираси ва қобилиятларини бир томонга – мустақилликни мустаҳкамлаш, жонажон Ватан истиқболини ўйловчи ва шу йўлда астайдил илм-фан, касб-хунар эгаллашга, меҳнат қилишга интиливчи шахслар этиб тарбиялаш жуда катта ижтимоий муаммо ҳисобланади. Бу муаммони ҳал этиш йўлларидан бири фуқароларнинг бошини қовуштириш, уларни мустақиллик мағкураси ва идеаллари атрофида бирлаштириш ва шакллантириш ҳисобланади.

Эстетик маданият инсоннинг ахлоқий, диний, хуқукий, илмий, бадиий ва амалий эҳтиёж, орзу, интилишларидан чеккада соф бир маънавий ҳосила сифатида қарор топмайди. Эстетик маданият шахс онги ва қалбининг барча томонларининг умумий ва муштарак ифодаси сифатида гавдаланади.

### **2.3 §. Эркин фуқаролик жамияти шароитида шахс ва жамият эстетик маданиятининг қадриятли томонлари**

Мустақиллик йилларида эркин фуқаролик жамияти барпо этиш жараёнida демократик ислоҳотлардан қўзланган мақсад ҳар бир шахснинг юксак маънавий маданиятга эришуви니 таъминлаш, соғлом авлодни тарбиялаб вояга етказиши, ҳар томонлама ривожланган комил инсонни шакллантириш, ахлоқан ва эстетик жиҳатдан пок ҳамда етук шахсни камол топтириш эди. Ана шу мақсадда кўп миллатли мамлакатимизда “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини ишлаб чиқилди. Ушбу стратегияда давлат ва жамият қурилишини такомиллаштириш, қонун устуворлигини таъминлаш ва суд-хуқуқ тизимини ислоҳ қилиш, иқтисодиётни янада ривожлантириш ва либераллаштириш, ижтимоий соҳани

## ЭСТЕТИК МАДАНИЯТ

ривожлантириш, хавфсизлик, миллатлараро тотувлик ва диний бағрикенгликни таъминлаш, чуқур ўйланган, ўзаро манфаатли ва амалий руҳдаги ташки сиёsat юритиш каби масалалар тараққиётимизнинг асосий йўналишлари сифатида белгилаб олинди”<sup>1</sup>.

Жамиятимизда эстетик маданиятнинг қадриятли томонларини таҳлил қиласар эканмиз, бунда ахлоқий маданиятнинг долзарблигини, уларнинг муштарак моҳият-мазмуни ҳар бир шахс маънавиятини белгиловчи мезон эканлигини кўрамиз. Ахлоқан ва эстетик жиҳатдан баркамол инсон наинки ўз миллий қадриятлари, маросим ва удумларининг турмуш ва тафаккур тарзидан завқ-шавқ олади, шунингдек, бошқа халқ ва миллатлар маънавий оламига ҳам ҳавас билан беғараз муносабатда бўлади, ўзининг инсонпарварлик туйғуларини ҳам намоён этади.

Ахлоқий ва эстетик туйғу, тушунчалар пировард натижада, ижтимоий моҳияти билан муштарак хусусиятларга эга бўлса-да, ўз шаклланиш ва амал қилиш жараёнлари жиҳатдан бир-биридан фарқ қиласади.

Агар ахлоқ-одобнинг эстетик маданиятдаги кўриниши шахс, миллат ва инсоният қадриятларига нисбатан беғараз муносабатида ўз аксини топса, эстетик маданиятнинг ахлоқ-одобда намоён бўлиши муомала маданияти, шахс маънавиятининг ойнаси тарзида кўзга ташланади.

Эстетик ва ахлоқий маданият муштараклиги шахснинг етук ва изчил маънавий дунёқарашини ифодалайди. Мустақиллик бизга мана шундай маънавиятга эга бўлиш имкониятини берди. Натижада халқимизнинг “яхши ва ёмон ҳодисаларни ибрат қилиб кўрсатиш орқали ахлоқий покликка, раҳм-шафқат, дардкашликка, ахлоқий камолотга даъват”<sup>2</sup> этувчи юксак маънавий-эстетик маданияти ўзининг буюк тарихга эгалигини исбот этди. Сиёсий фанлар доктори

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 178-бет.

<sup>2</sup> Умаров Э. Эстетика. –Т.: Ўзбекистон, 1995. 149-бет.

Ж.Бахронов ёзганидек, “бу масалаларга ургу беришдан мақсад ахлоқ-одоб тушунчаси фақат фалсафийгина бўлиб қолмасдан, балки, айни чоқда, чукур миллий-амалий хусусиятларга ҳам эгалигини алоҳида таъкидлашдан иборатдир. Бинобарин, унинг ана шу хусусиятларини чукур сингдириш бош вазифалардан бўлмоғи керак”<sup>1</sup>.

Демократик тамойилларга асосланиб фуқаролик жамиятининг маънавий қиёфасини шакллантиришга илдам қадамлар билан кириб бораётган Ўзбекистонда, авваламбор, бозор муносабатларининг юксак эстетик маданиятга асосланишини яратиш, миллий ўзлигимизни диний ва дунёвий қадрияtlар билан уйғунлигини кенг жамоатчилик онгига етказиб бериш, ижтимоий-иктисодий соҳалардаги ислоҳотларда шахснинг эстетик дунёқарашини бой тажриба ва кўнимкамалар билан қуроллантириш долзарб назарий-фалсафий масалалардан бирига айланди. Ўзбекистонда фуқаролик жамиятияга босқичма-босқич ўтилар экан, халқимиз онги ва ҳаётида меҳнатга, мулкка нисбатан янгича ёндашувлар шаклланиб бораётган экан, бундай ёндашув, муносабат ахлоқий ва эстетик онг иштирокисиз, ахлоқий ва эстетик маданият иштироки ва таъсиришимиз бўлиши мумкин эмас. Воқелик, жамиятда бўлаётган ўзгаришлар албатта ахлоқий ва эстетик тафаккур иштирокисиз содир бўлмайди. Воқеликка эстетик муносабат ахлоқий мезонларни ҳам талаб қиласди, ахлоқий мезонлар эса эстетик муносабат йўналишини белгилайди, натижада шахс маънавиятида, маданиятида жамият ижтимоий-сиёсий ҳаётида содир бўлаётган жараёнларга мос ва хос хусусиятлар шаклана боради.

Янги демократик жамиятга эволюцион йўл билан ўтиш давримизда жуда кўп сиёсий, иктиносидий ва маънавий муаммолар пайдо бўлди. Ижтимоий-иктисодий ислоҳотларни маънавий ислоҳотлар билан бирга кўшиб олиб боришга тўғри келди. Жамиятдаги ислоҳотлар биринчи навбатда шахс

<sup>1</sup> Бахронов Ж. Шахс миллий ўзлигини англаши қонуниятлари. –Самаркан: Зарафшон, 1995. 106-107-бетлар.

рухияти, ахлоқий киёфасига таъсир этиши табиий эди. Одамзод ўз табиатига кўра шижаотли, ғайратли, куч-куватга тўлган, ҳаётга, фаолиятга чанқоқ бўлади. Ана шу фазилатларни тўғри йўлга солиш, тарбиялаш вазифаси жамият зиммасига тушади. Юртбошимиз Ш.Мирзиёев шахсдаги бундай табиий ғайратнинг рўёбга чиқишига халал берадиган айрим ижтимоий иллатларни, масалан, бюрократия, таъмагирлик, маҳаллийчилик, коррупция, уруғ-аймоқчилик тўскىнлик қилиши мумкинлигини айрим раҳбарлар ёш авлод тарбиясига беписандлик, масъулиятсизлик билан муносабатда бўлаётганини кўп бор таъкидлаб ўтади.

Шунинг учун ҳам халқимизнинг миллий менталитетини белгиловчи Ватанига муҳаббат, инсонпарварлик, меҳроқибат, яратувчанлик, поклик, гўзалликка ташналик сингари “инсоният тарихидаги ноёб ҳодиса бўлган мусулмон Ренессанси ана шу буюк аждодларимизнинг диний бағрикенглик ва инсонпарварлик борасидаги эзгу ғоялари билан йўғрилган эди. Бу ғоялар бизнинг давримизда, Ўзбекистон мустакиллиги йилларида алоҳида, янада теран маъно-мазмун касб этиб бормоқда. Мамлакатимизда бағрикенглик маданиятини юксалтириш, миллатлар ва конфессиялараро ўзаро бир-бирини тушуниш ва ҳамжиҳатликни мустаҳкамлаш, ёш авлодни шу асосда тарбиялаш давлат сиёсатининг устувор йўналишларидан бири сифатида белгиланди ва бундай ёндашув ижобий натижа бермоқда”<sup>1</sup>.

Маънавий-ахлоқий тарбия ижтимоий-сиёсий ислоҳотлар марказида турди. Чунки ахлоқ инсонни жамият ҳаётидаги ўрнини, миллат маънавий кўзгусидаги ҳуснини, ижодий муносабатлар мезонини белгилайди. Ахлоқнинг ижтимоий ва шахсий аҳамияти барча замонларда кўплаб мутафаккирлар дикқат марказида бўлиб келган. Масалан, Абу Али ибн Сино

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 455-бет.

ёзадики, ахлоқ ҳар бир шахс учун ўзини-ўзи идора қилиш илмидир. Бу илмни эгалаш ўз-ўзидан бўлмайди, кўнинма натижасида, эътиқодий куч-қувват оқибатида бўлади. У ёки бу ахлоқ қоидаларининг мақсадга мувофиқ бўлиши учун уларнинг зарурийлигини англаб етмоқ лозим. Бу фикрни жадидчилардан Абдулла Авлоний давом эттириб ёзади: “Ахлоқ, – дейди Абдулла Авлоний, – инсонларни яхшиликка чакирувчи, ёмонликдан қайтарувчи бир илмдир. Яхши хулқларнинг яхшилигини, ёмон хулқларнинг ёмонлигини далил ва мисоллар ила баён қиласурган китобни ахлоқ дейилур”<sup>1</sup>. Ахлоқ ҳақидаги фикрлар давр ва замон билан хамнафас тарзда доимо янгиланиб ва бойиб боради.

Ана шу маънода чинакам ахлоқ шахсни Ватан, халқ ва инсониятни беминнат севишга чорлар экан, одамни тор ва шахсий манфаатпарамастлик ҳиссиётларидан фориғ этар экан, бу деган сўз ахлоқий камолот эстетик маданият билан, эстетик маданият ахлоқий комиллик билан бевосита боғлиқдир. Ғараз, нопоклик, адолатсизлик қанчалик ахлоқий тубанлик белгиси бўлса, эстетик маданият жиҳатидан ҳам шунчалик хунуклик ва тубанлик аломатидир.

Бинобарин соғлом авлод тарбияси факат жисмоний жиҳатдан чиниққан, камол топган ёшларнигина эмас, шунингдек, шарқона ахлоқ-одоб ва умумбашарий маънавий қадриятлар асосида тарбия топган шахсни ҳам кўзда тутади.

Мустақиллик туфайли халқнинг ахлоқий-эстетик ва маънавий-руҳий тикланиши барча ислоҳотларимизнинг қадриятли томонларини ташкил этишда қуидагича белгиланади:

- халқнинг маънавияти ва маданияти, унинг ҳақиқий тарихи ва ўзига хослиги қайта тикланганлиги жамиятимизни янгилаш ва тараққий эттириш йўлидан муваффақиятли олға боришида ҳал қилувчи аҳамиятга эга бўлди;

- жаҳон маданияти, қолаверса, эстетик маданият тараққиётига улкан ҳисса қўшган аждодларимиз меросининг

<sup>1</sup>Авлоний А. Туркий гулистон ёхуд ахлоқ. –Т.: Ўқитувчи. 2018. 11-бет.

теранлиги ва чуқурлигини англаш, ҳар бир шахснинг ўз миллий ва диний анъаналарига ҳурмат билан қараш, уларни асраб-авайлаш руҳида тарбияланиши жаҳон цивилизацияси қадриятларини ўзгаририш заруриятини англаб етиш халқимизнинг миллий ўзлигини англаш ва ижтимоий фаоллигини оширишда хаётбахш бир заминга айланди;

- чинакам цивилизациялашган бозор муносабатлари фақат юксак маънавият, эстетик маданият негизида, юксак ахлоқлилик ва ватанпарварлик негизларида барпо этилиши мумкин;

- мустақиллик ислоҳотлари натижасида ҳар бир шахснинг эстетик дунёқарашида сифат ўзгаришлари рўй бермоқда;

- янги иқтисодий ва турмуш шароитида маънавий мустақиллик ва ўзига беклиқ, эзгулик, қалб сахийлиги ва бағрикенглик сингари халқимизнинг ноёб ахлоқий-эстетик фазилатлари синовдан ўтди;

- халқнинг, айниқса, ҳар бир шахснинг маънавий-руҳий жиҳатдан қайта қад ростлашининг жўшқин ўчоғи бўлган энг олижаноб маънодаги маҳалла, қўни-қўшничилик, ўзаро ҳамдардликнинг аҳамияти кўпроқ қадрлана бошланди;

- “Наврӯз” - эркинлик, озодлик ва гўзаллик байрамига айланди;

- ҳар бир шахсни, айниқса, ёш авлодни жисмоний ва маънавий-руҳий, эстетик жиҳатдан тарбиялаш давлат ва жамиятнинг асосий вазифаларидан бирига айланди;

- фуқаролик жамиятида шахснинг маънавий тарбияси учун жуда катта аҳамият касб этувчи тадбиркорлик, ташаббус, ҳалол мусобақа ва беғараз рақобат сингари эстетик фазилатлар таркиб топмоқда;

- халқимизнинг бутун дунёга маълум бўлган Амир Темур, Мирзо Улуғбек, Бобур, Имом ал-Бухорий, ат-Термизий, Баҳоуддин Нақшбанд, Аҳмад Яссавий, Мотирудий, Фиждувоний, Нажмиддин Кубро каби буюк аждодлари мероси ва ҳаёти фаолиятини ифтихор билан эсга олиш миллий шон-шараф манбаига айланди;

- “Маънавият ва маърифат” жамоатчилик Маркази жамиятимизда ахлоқий-эстетик тарбия ва камолотнинг интеллектуал тизимиға айланди;

- умумбашарий қадриятларга интилиш билан бирга ҳаётимизда Шарқ фалсафасининг инсонпарварлик тамойили ва ислом динига бўлган муносабат тикланди ва мамлакатимиздаги барча ислоҳотларнинг маънавий мерос илдизларидан бирига айланди;

- мустақиллик мағкураси, миллий ғоя тамойиллари халқимиз дунёқарашини белгиловчи асосий маънавий куч-кудратга айланиб бормоқда.

Демак, Ўзбекистонда олиб борилаётган барча ислоҳотлар шахс манфаатлари сари йўналтирилган бозор иқтисодиётини маънавият, ахлоқийлик ва эстетик маданиятнинг мустаҳкам пойdevорини яратишга қаратилмоқда.

Ўзбекистонда барпо этилаётган эркин демократик давлат қоида ва талабларини халқимизнинг маънавий-ахлоқий қадриятлари билан уйғун бирлаштириш маънавий ислоҳотларнинг белгиловчи тамойилига айланди. Шундай қилиб, ислоҳотларнинг тақдири қандай интеллектуал кучларга эга эканлигимизга, ҳар бир шахснинг қандай маданий ва касбий савияга эришганлигига боғлиқ экан, миллий тикланиш ва маънавий юксалиш ғояси ёш авлод тарбиясидаги муҳим вазифа сифатида идрок этилди. Ана шу мақсадда амалга оширилган таълим тизимидағи ислоҳотлар ёшларнинг шахс сифатида маънавий-эстетик ва ахлоқий камол топишини, уларнинг ақлий ва жисмоний ривожланишини кўзда тутди.

Мустақиллик йилларида ижтимоий-маънавий соҳаларда олиб борилган ислоҳотларни умумлаштирадиган бўлсак, қўйидаги муҳим натижалар кўзга ташланади: миллий маънавият, шарқона ахлоқ, эстетик маданият тикланиши ва мустаҳкамланишига барча шарт-шароитлар яратилди.

Халқимиз томонидан узоқ тарихий тараққиёт давомида тўпланган маънавий, ахлоқий ва эстетик маданиятнинг нодир

тамойиллари идрок этилди, ажойиб миллий анъаналар тикланди, жаҳон цивилизациясига ўзининг безавол ҳиссаларини қўшган аждодларимиз меросини асраш-авайлаш эҳтиёжи кучайди. Бу нарса халқнинг тарихий хотирасини уйғотди ва ёшларимизда ўз халқи, тарихи ва маданиятидан фахрланиш туйғусини камол топтириди. Инкор этилган ёхуд қатағон қилинган алломаларимизнинг диний ва дунёвий илми, санъати, маънавияти халқقا қайтарилди, шарафли номлари тикланди.

“Кейинги бир йил давомида юртимизнинг турли ҳудудларида Ибрат домла, Ибройим Юсупов, Эркин Вохидов, Абдулла Орипов, Мухаммад Юсуф, Ҳалима Худойбердиева сингари улуғ адилларимиз хотирасига бағишилаб ёдгорлик мажмуалари, уларнинг номидаги ижод мактаблари барпо этилди. Ана шундай эзгу ишларимизнинг давоми сифатида куни кеча Жиззах шаҳрида миллий адабиётимизнинг улкан намояндалари - Ҳамид Олимжон ва Зулфия хотирасига қўйилган муazzзам ҳайкал очилди. Уларнинг номи билан аталган хиёбон, ижод мактаби ва музей уз ишини бошлади”<sup>1</sup>.

Ижтимоий-маънавий ислоҳотлар халқ, ва айниқса, шахснинг ахлоқий тасаввур ва тушунчаларига таъсир этиш билан баробар уларнинг янгича эстетик маданияти шаклланиши ва ривожланишига олиб келади. Чunksи шахс тафаккури маънавий қадриятлар аккумулятори сифатида инсон Руҳиятининг яхлит, бир бутун тарзда тараққий этишига асос бўлади. Шу тариқа маънавийлик ва маърифийликни бирлаштирувчи ахлоқий-эстетик маданият шаклланади ва ривож топади. Демак, ахлоқий тарбиянинг ҳам, эстетик маданиятнинг ҳам негизида шахснинг маънавият ва маърифат билан нечоғлик яқинлиги ва уларни ўз онги ва шуурининг мулкига айлантирганлиги ётади.

Агар эстетик маданият негизида шахснинг табиатга, жамиятга ва инсон ҳамда инсониятга бўлган завқ-шавқли,

<sup>1</sup>Мирзиёев Ш.М. Ҳалқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 261-бет.

улугвор маънавий туйғулар билан бурканган муносабати ётар экан, ана шундай кечинмаларни вужудга келтирадиган ривожлантирадиган ижтимоий мухит ва тадбирлар жуда катта аҳамият касб этади.

Эркин ва озод Ватан, фаровон ҳаёт қуришга асосланган жамиятимизда олиб борилаётган ҳар бир ислоҳот, ҳар бир ижтимоий фаолият шахсни маънавияти, ахлоқий-эстетик маданияти, руҳияти ва ифтихор туйғуларини кўтаришга қаратилганди.

Ўзбекистон Республикасининг давлат байроғи (1992 йил 18 ноябрь), Ўзбекистон Республикасининг давлат герби (1992 йил 2 июль) Ўзбекистон Республикасининг давлат мадхияси (1992 йил 10 декабрь)ни қабул қилиниши сиёсий маънода – давлат суверенитетини, давлат мустақиллигининг рамзи бўлиб қолмай, халқимиз маънавияти юксалишида ҳам жуда катта ижтимоий-тариҳий аҳамият касб этди.

Агар биз бу рамзларга эстетик маданият нуқтаи назаридан эътибор берадиган бўлсақ, бу рамзлар давримиз, жамиятимиз эстетик маданиятининг юксак намунаси сифатида кўзга ташланади. Бу рамзларни ҳам сиёсий, ҳам маънавий, ҳам воқеликка эстетик муносабатнинг юксак намунаси бўлган санъат нуқтаи назаридан қарайдиган бўлсақ, унда санъатга хос бўлган барча маънавий-руҳий ва маърифий-тарбиявий жиҳатлар мужассамдир.

Ўзбекистон Республикасининг Давлат байроғини бадиий-эстетик жиҳатдан идрок этадиган бўлсақ, туғ мовий, оқ ва туғ яшил ранглардан ташкил топган тўртбурчак шаклидаги мато-байроқ энларининг кенглиги бир хил бичим уйғунлигида олинганини кўрамиз. Бу уйғунлик эстетик қадриятларнинг дастлабки завқий хусусиятининг белгиси. Байроқдаги ҳар бир эн 40 сантиметрга эга. Байроқнинг ўртасидаги оқ рангли эн четларидан кенглиги 2,5 сантиметрли қизил ҳошиялар ўтказилган.

Байроқнинг юқори қисмидаги мовий ранг эннинг юза томонида ва орқа томонида, дастага яқин жойида, оқ рангли

янги ой ва унинг ёнида ўн иккита оқ рангдаги саккиз қиррали юлдуз тасвириланган.

Ўзбекистон Республикаси Давлат байроби тасдиқланиши муносабати билан эълон қилинган плакат шарҳида байроқнинг ижтимоий-сиёсий ва маънавий-эстетик моҳияти ҳақида бундай ёзилган: 1). Байроқдаги мовий ранг тириклик мазмуни акс этган мангув осмон ва обиҳаёт рамзиdir. Тимсоллар тилида бу – яхшиликни, донишмандликни, ҳалолликни, шон-шуҳрат ва садоқатни билдиради. Бинобарин, Амир Темур давлати байроғининг ранги ҳам мовий рангда эди. 2). Байроқдиги оқ ранг – муқаддас тинчлик рамзи бўлиб, у кун чароғонлиги ва коинот ёритгичлари билан уйғунлашиб кетади. Оқ ранг поклик, беғуборлик, софликни, орзу ва хаёллар тозалиги, ички гўзалликка интилишнинг рамзиdir. 3). Яшил ранг – табиатнинг янгиланиш рамзи. У кўпгина ҳалқларда навқиронлик умид ва шодумонлик тимсоли ҳисобланади. 4). Қизил чизиқлар вужудимизда жўшиб оқаётган ҳаётий қудрат ирмоқлариidir. 5). Навқирон яrimой тасвири бизнинг тарихий анъаналаримиз билан боғлиқ, айни пайтда, мустақиллик рамзи. 6). Юдузлар барча ҳалқлар учун руҳоний, илоҳий тимсол саналган. Шунинг учун Давлат байроғимиздаги 12 та юлдуз тасвири тарихий анъаналаримиз, қадимги қуёш ийлномамизга бевосита алоқадордир.

Байроқнинг юқори қисми Ўзбекистоннинг доим мовий осмонини, байроқ ўртаси ҳалқимизнинг оқ кўнглини ва унинг оқ пахтасини, келажак ҳақидаги оқ ниятини, байроқнинг туб қисми эса бизнинг чексиз далаларимиз ва табиатимизни ифода қиласди.

Ўн икки юлдуз – кенг ва беҳад Ўзбекистон таркибидағи Қорақалпоғистон Республикаси ва вилоятларни, яrimой эса юртимиз ислом Шарқи мамлакати эканлигидан дарак беради, байроқдаги икки қизил йўл – мавжуд бирлик ва бузилмас

дўстликка эришиш учун юртимиз фарзандлари қон тўкканларига ҳам ишора қиласди<sup>1</sup>.

Ўзбекистон Республикаси Давлат гербининг ижтимоий-сиёсий ва бадиий-эстетик моҳияти қўйидаги тасвир ва тимсолларда ўз ифодасини топган.

Давлатимиз герби думалоқ кўринишга эга бўлиб, бу шаклнинг сўл томони буғдой бошоқларидан, ўнг томони эса чаноқлари очилган ғўза шохларидан иборат чамбарча билан ўралган, узоқдаги тоғлар ва дарёлар манзарасида гуллаган водий узра қўёш заррин нурларини сочиб туради.

Гербнинг юқори қисмida Ўзбекистон озодлигининг рамзи сифатида саккизбурчак юлдуз, унинг ички қисмida яrimой ва юлдуз, марказида баҳт ва эрксеварлик рамзи - канотларини ёзган хумо қуши тасвирланган.

Давлат гербимизнинг ранг орқали ифодаланишида хумо қуши ва дарёлар – кумуш рангда; Қўёш, бошоқлар, пахта чаноқлари ва “Ўзбекистон” ёзуви олтин рангда; ғўза шохлари ва барглари, тоғлар ва водийлар – яшил рангда; чаноқлардаги пахта – оқ рангда; тасма – Ўзбекистон Республикаси Давлат байроғининг рамзларини акс эттирувчи уч хил рангда; саккиз бурчак – олтин зарҳал билан ҳошияланган ҳолда ҳаво ригида; яrimой ва юлдузлар – олтин рангида тасвирланган<sup>2</sup>.

Демак, давлатимиз гербida миллатимиз, мамлакатимиз ва давлатимизнинг миллый, сиёсий, иқтисодий, географик ва маънавий хусусиятлари ўзининг бадиий-эстетик рамзи сифатида ифодасини топган.

Агар давлат байроғимиз, гербимизда миллатимиз тарихи, тақдири, бугуни ва келажаги билан боғлиқ тасаввур, тушунча ва идеаллар тасвирий рамзлар орқали ифодаланган бўлса, Ўзбекистон Республикасининг давлат мадҳиясида миллат тили ва дилининг бирлиги ифода этилган. Давлат мадҳиямизда бадиий-эстетик маданиятнинг икки улкан

<sup>1</sup> Каранг: Мустакиллик. Изоҳли илмий-оммабоп . –Т.: Шарқ, 2006. 446-448-бетлар.

<sup>2</sup> Ўша асар. 448-449-бетлар.

қирраси – поэзия ва мусиқа бирлашиб, халқ, Ватан, давлат ва мамлакат қиёфасини яққол намоён этади.

Абдулла Ориповнинг халқимизнинг ўзига хос бағрикенглигини, тарихий хотирамизни тикловчи, келажакка, порлок истиқболга ишонч уйғотувчи сатрлари Мутаваккил Бурхонов мусиқасида юқори пардаларда, кўтаринки рух, миллат ва мамлакатни истиқболга чорловчи оҳангларда тараннум этади.

Ўзбекистон Республикасининг давлат байроғи, герби, мадҳиясида ифода этилган ижтимоий-сиёсий, иқтисодий-маънавий маънолар кўлами шундан далолат берадики, жамият ҳаёти ва тақдири билан боғлиқ бўлган барча фаолият ва амалларнинг негизида сиёсий, ахлоқий ва эстетик маданиятлар муштараклиги ётади. Эстетик маданият ахлоқий маданият билан, ахлоқий маданият сиёсий ва маънавий қадриятлар билан чамбарчас боғлиқ ҳолда шахс ва жамиятнинг муайян даврдаги интеллектуал ва ижодий қиёфасини белгилайди.

Демак, инсон ва инсоният ҳаёти билан боғлиқ бирор соҳа, фаолият ва муносабат-эҳтиёж йўқки, у ахлоқий ва эстетик мезонлардан ташқарида бўлса! Шунинг учун шахс ва жамият маънавияти, маданияти тараққиёти ҳакида гап кетганда барча мағкуравий ва тарбиявий омилларни қамраб олган ҳолда фикр юритиш жоиз. Чунки маънавият ва маърифат ўртасида ниҳоятда чукур ва мураккаб муносабатлар мавжуд.

Маънавият ва маърифат пировард натижада шахснинг саводхонлиги ва билими доираси билан ўлчанса ҳам унинг ижтимоий моҳияти қўлга киритган дипломлар ёки ўқиган китоблари сони билан ўлчанмайди. Дипломли мунофик, саводли виждонсиз шахс шаклланиши ҳам мумкин.

Эстетик маданиятнинг ахлоқий тарбия билан узвий бирлиги шунда кўринадики, бу иккала омил бирлиги шахсни юксак маънавият ва чинакам маърифат сари, маданий савия ва инсоний комилликка олиб боради. Шунинг учун ахлоқий тарбия бўлмаган жойда эстетик маданият юксалмагандай,

аксинча, хунуклик аломатлари куртак отганидай, эстетик маданиятсиз ахлоқий тарбия ҳам кемтиқ ва жозибасиз, нурсиз бўлиб қолиши мумкин.

Биринчи Президентимиз Ислом Каримов ЮНЕСКО ижроия Кенгаши 155-сессиясининг якунловчи мажлисида сўзлаган нутқида эстетик маданиятга эришмоқ учун уни ахлоқий, маданий ва маънавий омиллар билан бирга олиб бориш зарурлигини таъкидлаган эди. Машҳур рус ёзувчиси Достоевскийнинг “Дунёни гўзаллик қутқаради” деган иборасини бироз ўзгартириб – дейди, И.А.Каримов, - “Кириб келаётган XXI асрда дунёни маданият ва маънавият қутқаради” деб айтган бўлардим<sup>1</sup>.

И.А.Каримов бу ерда “маданият ва маънавият” тушунчасини кенг ижтимоий-фалсафий маънода талқин этмоқдаки, унда ахлоқий тарбия билан завқий (эстетик) маданият бир-биридан ажралмас диалектик жараён эканлигини кўрсатади. Барча ижтимоий-сиёсий ва маънавий-ахлоқий ислоҳотларимизнинг пировард натижаси бугунги авлодни эртанги кун учун, мамлакатимиз истиқболига жавобгар ва масъул қилиб тарбиялашдир.

Ахлоқий ва эстетик тарбия натижаси бўлмиш маънавий камолот шундан иборат бўлиши керакки, ёшларимизда Ватан менга нима берди, деб эмас, мен ўзим халқимга, Ватанимга, эл-юрт тараққиёти ва истиқболи учун нима қилмокчиман? деган олижаноб туйғу ва тушунчаларни сингдиришимиз ва тарбиялашимиз зарур. Бу нарса инсон эстетик маданияти, маънавий камолоти юксак ахлоқий омиллар асосида шаклланганидан дарак беради. Биз жамиятда соғлом авлодни тарбиялашимиз, уларнинг онгида юксак инсоний туйғуларни камол топтиришимиз лозим.

Соғлом авлод оила, жамият ва тарбия тизимининг изчиллиги асосида таркиб топади. Бундай умумхалқ ва

<sup>1</sup> Каримов И.А. Биз келажагимизни ўз кўлимиз билан қурамиз. 7-жилд, –Т.: Ўзбекистон, 1999. 194-бет.

умумдавлат аҳамиятига молик вазифанинг асосий жиҳатлари қўйидагилардан иборат:

- соғлом авлодни вояга етказиш ва тарбиялаш масаласи давлат сиёсатининг устувор вазифаларидан бири ҳисобланади;

- соғлом наслни, нафакат жисмонан бақувват, шу билан бирга, рухи, фикри гўзал, иймон-эътиқоди бутун, билимли, маънавияти юксак, мард ва жасур, ватанпарвар ҳамда инсонпарвар авлодни камолга етказиш ва тарбиялаш давлат сиёсатининг маънавият соҳасидаги энг муҳим вазифаларидан бирига айланди.

Ана шунинг учун Ўзбекистон демографик жиҳатдан ҳам, соғлом ва баркамол авлоднинг ижтимоий ҳаётдаги фаоллиги жиҳатдан ҳам, миллий ва жаҳон маданияти дурдоналаридан баҳраманд бўлиш даражаси жиҳатидан ҳам кўзга кўринарли даражага чиқиб олди. Натижада ахлоқий ва эстетик маданият муштараклиги баркамол авлод тарбиясининг асосий мезонига айланди.

Ўзбекистонда олиб борилаётган баркамол авлод тарбиясидаги ақлий, эстетик ва меҳнат тарбияси бирлигидан кўзланган асосий мақсад ўз даври ва замони, ижтимоий эҳтиёжидан келиб чиқадиган ва шунга жавоб берадиган, янгича фикрловчи шахсни тарбиялаб, вояга етказишидир.

Янгича тафаккур тарзи, биринчидан, ижтимоий турмушнинг шиддат билан ўзгаришлари, иккинчидан, таълим-тарбия соҳасидаги ислоҳотлар, учинчидан, миллий ғоя ва мустақиллик мағкурасининг шахс дунёқарашига айланиши натижасида шаклланиб ва ривожланиб бормоқда. Бундай шахс маънавиятида содир бўлаётган ўзгаришлардан мақсад унинг сиёсий ҳаётни, мамлакатимиз келажагини янгича тушуниб, амалга оширилаётган демократик ислоҳотлар механизмининг бошқарувчиси бўлмоқлари назарда тутилади.

Шахсда миллат тақдирини, Ватан истиқболини белгиловчи вазифаларга ишонч бўлса, бу вазифаларни амалга ошириш учун астойдил меҳнат натижаси

---

янгича тафаккур ва шарқона ахлоқ-одоб ва эстетик маданият билан йўғрилган бўлса баркамол авлод тарбияси тўғри амалга оширилаётганидан дарак беради.

Ана шу маънода шахсни ахлоқий жиҳатдан тарбиялаш эстетик маданиятга эришиш омили экан, эстетик маданият ҳам, ўз навбатида ахлоқий фазилатлар камолотини такозо этади. Бинобарин, баркамол авлод тарбиясида шахс фазилатларининг гармоник тараққиёти, унда биринчи ўринда маънавий-ахлоқий, маърифий ва эстетик жиҳатлар муҳит, фаолият ва муносабатларнинг инсонийлашувида катта аҳамият касб этади.

Маънавий-ахлоқий жиҳатдан камол топган шахс демократик неъматларни истеъмолчисигина бўлиб қолмай, уларнинг фаол яратувчиси ва химоячисига айланади. Ахлоқий тарбия ва эстетик маданият муштараклигининг ижтимоий моҳияти ана шунда. Чунки хуқуқий, демократик, фуқаролик жамияти барпо этиш вазифаси кўп миллионли Ўзбекистон фуқароларининг жамиятимиз туб моҳияти ва барча тараққиёт тамойилларини чуқур идрок этишни ҳамда бу ҳакда тўла тасаввурга эга бўлишини тақозо этади. Шунингдек, янги жамият қуриш ҳар бир шахсдан юксак онглилик, маънавий баркамоллик, юксак ахлоқийлик ва ўткир дидлиликни ҳам талаб қиласди. Шахсни ахлоқий тарбиялаш ва эстетик маданиятини олижаноб ҳис-туйғулар билан камол топтириб бориш маънавий баркамолликка етишишдаги биринчи қадамдир. Ҳар бир шахсдаги юксак маънавий фазилатлар қандайдир ғайритабиий кучлар ёки тақдирнинг инъоми эмас, у ижтимоий ҳаётнинг турли жабҳалари, маънавий ворислик ва муайян давр, жамият таълим-тарбия тизимининг, оила ва муҳитнинг маҳсулидир. Шунинг учун ҳам “маънавий бойликлар олимлар, мусаввирлар, бастакорлар, шоир ва ёзувчилар, назариётчилар, сиёсатчилар, илфор фикрдаги инсонлар томонидан яратилади. Маънавий маданиятни яратиш, ўзлаштириш ва ривожлантириш жараёнида жамият тараққий этади, меҳнат унумдорлиги ортади, ишлаб чиқариш кучлари ривожланади, кишиларнинг маънавий қиёфаси

шаклланади, ахлоқ-одоби, дид ва фаросати, эстетик завқи, ижодий кучи ва қадриятлари тарақкий этади, давлатни адолат тамойилларига таяниб бошқариш амал қиласи”<sup>1</sup>. Буларнинг барчаси шахснинг ахлоқий ва эстетик маданиятининг камол топишига, жамиятимиз эҳтиёжига жавоб берадиган кадрлар бўлиб етишишига хизмат қиласи.

Шахснинг маънавий юксалиш жараёнида унинг барча ахлоқий, эстетик, сиёсий ва мағкуравий тасавурлари ижтимоий тузум ва тизимларнинг таъсири туфайли шаклланиб ва ривожланиб боради. Натижада шахсдаги соғлом, нафис ва бежирим жисмоний қиёфа, юксак маънавий ҳис-туйғулар, эстетик дид ва тушунчалар бирлиги асосида эстетик маданият таркиб топади. Ва, ниҳоят, шахснинг эстетик ва ахлоқий маданияти уйғунлашиб маънавий баркамолликни вужудга келтиради.

Шахснинг ахлоқий ва эстетик маданияти шаклланишида қўйидаги омиллар катта роль ўйнайди: биринчидан, шахс туғилиб ўсган ижтимоий муҳит; иккинчидан, шахсга узоқ вақт давомида маълум бир тизим асосида бериладиган таълим-тарбия жараёнининг ахлоқий-эстетик йўналиши; учинчидан, шахснинг интеллектуал ва эстетик тараққиётига таъсир этувчи туғма, яъни наслий хусусиятлар. Аммо, шу нарсага эътибор бериш керакки, шахснинг ақлий, ахлоқий, эстетик ва маънавий дунёси ҳеч вақт туғма равишда берилмайди. Ижтимоий муҳит уларга ё тараққиёт, ё таназзул шароитини бериши мумкин. Масалан, ўзбек халқининг асрлар давомида чегаралаб келинган интеллектуал-маънавий салоҳияти мустақиллик туфайли эркин ва ҳар томонлама ривожланиш имкониятига эга бўлди. Инсон маънавиятнинг барча соҳаларида ўз иқтидори ва имкониятларини замонавий дунёқариш ҳамда янгича эстетик тафаккурнинг рўёбга чиқариш, эркин ижод қилиш баҳтига муюссар бўлди. Айниқса, эстетик маданиятнинг юксак намунаси бўлган адабиёт ва

<sup>1</sup> Отамуродов С. Ёшлар сиёсий маданиятини ривожлантириш омилари. –Т.: O’zbekiston, 2015. 22-бет.

---

санъат оламида шундай кўтарилиш, шундай маънавий юксалиш содир бўлдики, бу ўзгаришларда эстетик маданият бизда оммавий маданият юксалишининг рамзига айланди. Бу жараёндаги ўзгариш наинки эстетик-бадиий маданиятилизнинг бой меросини тиклаш, балки, шунингдек, янги замон рухи, муҳити ва одамларининг эстетик эҳтиёжига мос келадиган бадиий асарлар яратилишига олиб келди. Бунга Ўзбекистон бўйлаб болалар спортини, жисмоний тарбияни ривожлантиришга қаратилган давлат дастури яққол мисол бўлади. Соғлом авлодга эътибор – Ватан келажаги бўйича қайғуришdir. Чунки инсондаги асосий ахлоқий, эстетик ва ақлий маданиятнинг мустаҳкам пойдевори дастлаб болалик даврларида ривожланади. Эстетик ва ахлоқий тарбиянинг нозик ва мураккаблиги сабабли, уларни ёшлиқдан бошлаб оиласда ва турли таълим-тарбия муассасаларида мунтазам равишда олиб борилиши шахс маънавий камолотининг асосий шартларидан биридир.

Шунингдек, шахс ахлоқий тарбиясини юксак эстетик маданият даражасига, эстетик тарбияни юксак ахлоқийлик даражасига кўтаришда йўл қўйиладиган айrim камчиликларнинг олдини олиш лозим. Оилавий шароитлар, болалар табиати ва таълим-тарбия муассасалари ҳар хил бўлгани сабабли ёшларнинг ахлоқий тарбияси, эстетик тафаккури ва эстетик маданиятга эҳтиёжлари ҳам бир хил эмас. Шунинг учун айrim болаларнинг диди ёшлиқдан тарақкий этиб, бошқаларники ўсмай қолади. Болалар ёшлигида қандай эстетик тарбияланган бўлса, келажакда шу асосда фаолият олиб борадилар. Халқимиз орасида “Куш уясида кўрганини қилади” деган нақл бор. Шунинг учун халқимиз ахлоқ-одобни ҳам, эстетик тарбияни ҳам доимо қўшиб олиб борганлар ва шахснинг маънавий дунёси унинг амалий фаолиятида асосий кўрсаткич мезони бўлишини таъкидлаб келганлар. Бу ғоя қадимги маданий-маънавий ёдгорлигимиз “Авесто”нинг ижтимоий-фалсафий моҳиятини белгиловчи “эзгу фикр, эзгу сўз ва эзгу амал” бирлигига ўз ифодасини топган эди.

Шахснинг эстетик маданиятини ахлоқий қадриятлар қонун-қоидаларига риоя қилган ҳолда тарбиялаш биринчи навбатда ёшларда меҳнатсеварлик, инсонпаварларлик, ватанпарварлик, меҳр-оқибат сингари фазилатларни шакллантириш демакдир. Эстетик маданият эса, ўз навбатида, жамият тараққиётининг инсонийлашуви, халқнинг гўзаллик ҳақидаги тасаввурларининг рўёбга чиқиши ва оммавийлашуvida жуда катта ижтимоий аҳамият касб этади.

Масалан, мустақилликдан кейин бутун мамлакат бўйлаб янги-янги иншоотлар, темир йўл ва транспорт йўллари, замонавий мактабгача таълим муассасалари, мактаблар, олий таълим муассасалари музей ва маданият саройлари ҳамда хотира, байрам истироҳат боғлари барпо этилди ва этилмоқдаки, бундай гўзаллик намуналари ҳар бир шахс диди ва эстетик маданиятига таъсир этиб қолмай, уларнинг ахлоқий қиёфалари, дунёқарашига ҳам таъсир этмоқда. Ижтимоий мухит гўзаллиги, мақсадимиз улуғворлигига, ахлоқий-эстетик тасаввурлар нағислигига олиб келиши табиий эди. Демак, шахснинг маънавий-ахлоқий баркамол бўлиши унинг соғлом, ақл-заковатли, маърифатли, инсонпарвар, меҳнатсевар ҳамда масъулиятлилик сингари фазилатларга эга бўлишини тақозо этади.

Эстетик маданият воқеликдан эстетик завқ-шавқ олиш билан чегараланмайди. У инсондан юксак ахлоқийлик қатори маълум тафаккур ривожини, маърифий билим ва жамиятни, табиатни, миллат ва маданиятни севишни, гўзалликни ардоқлашни ҳам талаб этади. Юртимизда “амалга оширилаётган кенг кўламли маънавий-ғоявий янгиланишлар ўз навбатида бадиий-эстетик маданиятнинг барча соҳаларига самарали таъсир этиб, ижодий изланишлар доирасини кенгайтирди, маънавий қадриятларни кайта идрок этиш ғоялари, янгиланиш тамойиллари меъморчилик, тасвирий санъат ва амалий безак соҳаларида, мусиқа ва тамоша

санъатларида, бадиий ва ҳужжатли кино ҳамда телевидение тизимида ўз ифодасини топмоқда”<sup>1</sup>.

Ўзбекистонда ижтимоий-маънавий ва ахлоқий ҳаётни демократлаштириш жараёни бораётган бир пайтда ёшлар умуминсоний қадриятларни хурмат қиласа, маънавий мерос ва тарихимизни чўкур билса озод ва обод Ватан равнақи учун шунчалик кўпроқ хизмат қилган бўлади. Ана шундай камолот барча даврлар ва ҳалқларда ҳам қадрланган. Бизда эса, айниқса, мустақилликдан кейин шарқона ҳаё, ибо ва меҳроқибат умумбашарий ахлоқий қадриятлар билан ҳамоҳанг тарзда тарбия тизимининг асосий йўналишига айлантирилди.

Мустақиллик шахс камолотига янгича талаблар ҳам қўйди. Ҳар қачонгидан кўра кўпроқ ички ва ташқи гўзалликнинг ахлоқ билан бирлашувига аҳамият кучайди. Шахсдаги факат ташқи кўриниш эстетик маданиятнинг яхши бўлишига олиб келмаслиги, балки улардан ахлоқан покиза, маънавий дунёси бой, саховатли, иймонли, муомала маданияти юксак бўлиш каби умуминсоний ахлоқий қадриятлар ҳам талаб этила бошланди.

Бу жиҳатдан ота-боболаримизнинг “Хусн тўйда, ақл кунда керак”, деган сўзлари ибратлидир. Дарҳақиқат, ақл-фаросатдан, инсоний ахлоқ ва фазилатлардан маҳрум бўлган шахс ҳеч қачон гўзаллик тимсоли бўла олмайди. Бундай гўзаллик худди ҳидсиз қоғозгулга ўхшайди.

Шахс эстетик маданиятига тамомила салбий таъсир этаётган ёмон одат, ёмон қилиқ ва тарбиясиз хулқ-атворлар ҳам мавжуд. Уни ёшлиқдан бошлаб оила, боғча, мактаб ва олий ўқув даргоҳларида ана шундай қусурлардан сақтайтирилган соғлом ижтимоий-маънавий муҳит яратиш лозим.

Айрим ахлоқ-одоб мезонларига тўғри келмайдиган бехаёлик, ёлғончилик, тилёғламачилик, ичиқоралик, фирибгарлик, дангасалик, калондимоғлик, мақтанчоқлик сингари қусурлар вақти келиб аста-секин йўқолиши,

<sup>1</sup> Абдуллаев М. Эстетик маданият: назарий-методологик жиҳатлар. –Т.: Фан, 2007. 84-85-бетлар.

кишининг ўзи бу жиҳатлардан фориғ бўлиши мумкин. Аммо XXI аср бўсағасида айрим шахслар орасида шундай ахлоқий касаллик аломатлари пайдо бўлди, булар энди ўз моҳияти жиҳатидан ижтимоий заарли иллатларга айланиб қолди. Ана шундай ахлоқизлиқ намуналари гиёҳвандлик, коррупция, диний экстремизм ва ақидапараастлик кўринишларида намоён бўлиб, бундай хусусиятлар инсонни соғлом ижтимоий мавжудотликдан инсоният душмани – экстремизм, қўпорувчилик ҳаракатларига олиб келди.

Бу йўлга шахс бирдан ва тасодифан кириб қолмайди. Унинг орқасида ўз бузғунчи ғоялари ва шахсий ниятларини амалга оширишни истаган рағбатловчилар тургани аниқ. Бу бузғунчи кучлар шахс онгини заҳарлаш, уларни ўз томонига оғдириб олиш учун ўз маблағларини аямаётгани ҳам маълум бўлди.

Гиёҳвандлик аввало инсонни инсонийлик фазилатидан жудо этади. Ундаги барча ахлоқ-одоб тушунчаларини вайрон қиласди. Гиёҳвандлик касалига йўлиққан одамнинг қўзига дунёда ҳеч қанақа гўзаллик ва олижаноблик қолмайди. Тубанлашган сари балчиққа ботади, уни бу балчиқдан қутқарадиган бирдан бир нарса ижтимоий жазо бўлиб қолади. Бундай шахснинг эстетик маданияти йўқолади, ахлоқий қадриятлари сўнади, пировардида, жиноят йўлига кириб кетади.

Агар экстремизм, қўпорувчилик негизида шахс маънавиятида бузғунчи ғоялар уя қурганидан, мудҳиши ходисаларда иштирок этиш гўё бундай шахсларнинг ҳаётдаги ўз ўрнини зўравонлик билан қўлга киритишидан дарак берса, уларнинг ахлоқий ва эстетик идеаллари инсонийлик, ахлоқ-одоб ва гўзалликдан йироқ бўлса, гиёҳвандлар аввалига ҳаёт мазмунини енгил ҳаёт ва ўткинчи кайф-сафоларда кўрса, бора-бора жиноят ва қотиллик ботқоғига ботиб қоладилар. Ҳар иккала ҳолатда ҳам инсон маънавиятида ахлоқий ва эстетик маданият ютуқлари ниш урмаган бўлади.

Инсон ва унинг жамиятдаги ўрни ҳамда аҳамияти ҳозирги замон цивилизациясининг марказида турибди.

Глобаллашув замонида инсоннинг ҳаётга ва жамиятнинг инсонга бўлган муносабатларида турли-туман диалектик жараёнлар кўзга ташланмоқда. Бу жараён қанчалик ахлоқодоб ва эстетик маданият билан боғлиқ бўлса инсоният ва жамият учун фойдали фаолият содир этилаётган бўлса инсоният ва жамият учун фожеали воқелик вужудга келмоқда. Масалан, XXI аср вабоси бўлган спид касаллиги ва одам савдоси билан боғлиқ жиноятлар бунга яққол мисол бўла олади.

Спид билан чалинган беморларнинг аксарияти ахлоқсизлик оқибатида келиб чиқмоқда; одам савдоси эса ўз умрини айш-ишрат, пул тўплаш, бойликка хирс қўйиш ва бу йўлда барча гўзал инсоний фазилатларни унуган шахслар томонидан амалга оширилмоқда.

Одам савдосига қарши республикамида Конун қабул килинди, одам савдосига қарши курашиш бўйича Республика идоралараро комиссия ташкил этилди. Ўзбек миллий академик драма театрида Тилаб Маҳмудов ва Дилбар Маҳмудоваларни бу мавзуга бағишлиланган “...Тортадурман жабрини...” асари 2008 йилда саҳналаштирилган бўлиб, бугунги кунда ҳам томошабинларнинг севимли спектакли бўлиб келмоқда.

Бу спектаклнинг бутун республикамиз бўйича тезда тарқалиб ва кенг жамоатчилик дикқатини ўзига қаратганининг боиси шундаки, унда миллатнинг ор-номус, поклик, виждан тўғрисидаги тушунчалар нақадар буюк ахлоқий мезон эканлиги кўрсатилган. Асардаги қаҳрамонлардан бири Шотурсун ота хотини Бибисора аяга қараб “Қизингни чет элга бориб тезда бойиб кетасан, деган кўчадаги гапдан қайтармадинг. Қуёш Шарқдан чиқиб Фарбда ботишини унудинг! Мен ҳовлимдаги бир сиким тупроқни чет элнинг бир қоп тиллосига алмашмайман! Мени не аҳволга солиб қўйдинг. Имонимдан айрилдим, ор-номусимдан жудо бўлдим! Мени тириклайн кўмиб қўйдинг” дейишида маънавияти бутун инсоннинг пок ахлоқий қиёфаси мужассам.

Демак, инсон тарбиясида ўткинчи кайфият, енгил-елли хаётга интилиш хоҳишиларининг олдини олиш келажақдаги маънавий бутун инсонни вояга етказища жуда катта ижтимоий аҳамият касб этади.

Ахлоқсизлик ҳолатларининг олдини олиш учун, ҳар бир шахсни мамлакатимизда содир бўлаётган ижтимоий-тариҳий воқеаларга лоқайд ва бепарво бўлмасликлари учун тарбия тизимимизни аждодларимиз ўгити, мустақиллигимиз натижалари, умумбашарий инсонпарварлик ғоялари асосида тарбиялаб бориш маънавий-ахлоқий тарбиямизнинг марказида турмоғи лозим.

Бинобарин, ҳар бир шахс имонини бақувват, фикрини, орзусини тиниқ этиб тарбиялаш унинг ахлоқий фазилатларини баркамол айласа, қалбига, онгу шуурига отана, аждодлар рухи ва мамлакатимиз равнаки ҳақидаги эзгу ниятларни сингдириш эстетик маданиятларини юксалтиришга олиб келади.

Демак, шахснинг она-Ватан ва унинг бугунги ва истиқболдаги ҳаётидан завқланиши мамлакат қувончу ташвишларини ўзининг шахсий маънавий ҳаёти тарзида идрок этиши уларнинг эстетик маданияти даражасини белгиловчи мезон бўлиб қолади.

Бунинг учун барча ижтимоий муаммолар, таълим-тарбия тизими, оила ва жамоатчилик, давлат ва нодавлат ташкилотлари жавобгар ва масъулдир. Масалан, шахснинг ахлоқий ва эстетик тарбиясида маҳалла жуда катта имконият ва аҳамиятга эга. Маҳалла ёшлар учун гўзал тўй-томошалар ўтказиш, “Наврўз” байрамларини нишонлашдан тортиб, маҳалладошни сўнгги манзилга кузатиб боришгача бўлган маросимларда ёш авлодга ибрат ва тарбия мактаби бўлиб хизмат қиласи. Маҳалла тадбирлари ахлоқий ва эстетик тарбия натижаларининг ажойиб намунасиdir. Масалан, Тошкент шаҳар Юнусобод тумани маҳаллаларида, Самарқанд шаҳар Навбогчиён, Дукчиён, Бекҳо, Ватанпарвар, Дўстлик, Хазора, Хунармандлар, Сўзангарон маҳаллаларида оқсоқоллар тинимсиз иш олиб боришлари натижасида мазкур

жойларда ўтказилаётган турли-туман маракаларда ёшлар фаол иштирок этмоқдалар, катталарга, меҳмонларга нисбатан ажойиб хурмат-эхтиром, ахлоқий ва эстетик маданият намуналарини кўрсатмоқдалар.

Бундай ахлоқий ва эстетик тарбия натижаларига эришишда янги ташкил этилган. Маҳалла ва оилани қўллаб-кувватлаш вазирлигининг ҳиссаси катта бўлади. Улар қанчалик тез-тез маҳаллаларда бўлиб, маҳалла оқсоқоллари билан баҳамжихат иш олиб борсалар шахснинг ахлоқий-маънавий қиёфаси ва эстетик маданиятида шунчалик ўзгаришлар, юксалишлар кўзга ташланади. Жумладан, никоҳ тўй маросимларини ўтказиш миллий эстетик маданиятимиз равнақининг ёрқин намунасиdir.

Бугунги кунда шахсни юксак ақл-идрокли, дид-фаросатли, ахлоқ-одобли қилиб тарбиялаш, уларни хушомадгўйликка, пораҳўрликка, лаганбардорликка йўл қўймайдиган, ватанпарвар, инсонпарвар, одобли, хушмуомала, маънавий етук, эстетик маданиятли этиб тарбиялаш жамиятимизнинг ижтимоий-тариҳий эҳтиёжи хисобланади.

Шахсни жамиятимизга мос келадиган миллий менталитетимиз асосида ахлоқий-эстетик жиҳатдан тарбиялаб, камол топтириш маънавий фаолиятимизда энг долзарб масалалардан биридир.

Испаниялик файласуф олим дунёдаги кўплаб халқларнинг миллий анъаналарини, ахлоқий-эстетик тарбиясини ўрганиб, Тошкент, Самарқанд, Бухоро шаҳарларида бўлиб, ўз ватанига қайтгач, “Хозиргacha ўрганган, тадқиқ қилган барча ишларимни ўн беш ёшли ўзбек қизалоғининг ўрнидан туриб, қўлинин кўксига кўйганча чой узатишдаги одобига, назокатига алмаштиришга рози эдим”,<sup>1</sup> дейди. Бу файласуфнинг фикрларидан кўриниб турибдики, ўзбек оиласидаги эстетик тарбиянинг ёшлар онгига

<sup>1</sup> Мавлонова Р, Тураев О. Ҳолиқбердиев К. Педагогика. –Т.: Ўқитувчи, 2001. 328-бет.

сингдирилиши меҳр-муруватга, латофатга, назокатга ва ҳоказо маънавий фазилатларга эга бўлишга олиб келади.

Бинобарин, ростгўй, ҳалол яшашни одат қилиб, юксак эстетик маданиятга, яхши ахлоқий тарбияга эга бўлган шахс нафақат тенгдошлар ўртасида, балки ишлаётган меҳнат жамоа аъзолари, қариндош-уруғлари ўртасида хам катта обрў-иззатга, эҳтиромга сазовор бўлади.

Шахснинг қайси соҳада фаолият кўрсатишидан қатъий назар ахлоқий ва эстетик жиҳатдан гўзал бўлиб вояга етиши – бу демократик ва фуқаролик жамияти маънавий ҳаёти эҳтиёжи ва талабларидан келиб чиқадиган объектив ҳақиқатдир. Шунинг учун жамиятимизда шахсни одобийлик, ахлоқийлик, гўзаллик, маънавий баркамоллик руҳида тарбиялаш ишларига жиддий эътибор берилаётганлиги бежиз эмас, албатта.

Барпо этилаётган демократик ва фуқаролик жамиятида яшаб фаолият кўрсатаётган шахснинг турмуш тарзи, ҳаёт кечириши, хушмуомала бўлиши, меҳнатга, касб-хунарга нисбатан фидойилик кўрсатиши замона талаб этадиган эстетик маданиятнинг ахлоқий тарбия меъёрларига мос келишидан далолатdir. Ахлоқий ва эстетик тарбия натижаси бўлган янгича эстетик маданиятни шакллантириш ва ривожлантиришда жамият ва жамоатчилик, таълим-тарбия тизими, адабиёт ва санъат аҳли олдида улкан вазифалар мавжуд.

Хулоса қилиб айтганда, биринчидан, Ўзбекистонда олиб борилаётган барча ислохотлар шахс манфаатига, баркамол, соғлом авлодни тарбиялаш ва уни маънавий-ахлоқий жиҳатдан етук ва руҳан тетик қилиб вояга етказишига қаратилди: бунинг учун миллий қадриятларимиз, шарқона ахлоқ-одоб ва миллий менталитетимизни инобатга олган ҳолда жаҳон цивилизацияси даражасида билимдон, маълум касб-хунарга эга бўлган шахсни шакллантириш учун демократик тамойилларга асосланган тарбия ва таълим ислоҳ қилинди ва бу жараён босқичма-босқич амалга оширилмоқда; иккинчидан, маънавий-ахлоқий ислохотлар ҳар бир шахснинг

ҳаётга бўлган қарashi ва салоҳият хусусиятларини кўзда тутган ҳолда, шахс эркинлигига шарт-шароит яратилган ҳолда табиат, жамият ва инсон орасидаги эстетик (завкий) муносабатларни вужудга келтириш асосида олиб борилмоқда. Бу жараёнда шахс онгини мустақиллик мафқураси ва миллий ғурур, ифтихор туйғулари билан бойитиш уларнинг маънавий-ахлоқий қиёфаси ва эстетик маданиятини шакллантиришда ижтимоий аҳамиятга эга бўлди; учинчидан, шахсни маънавий жиҳатдан ўнглаш, тиклаш, поклаш ва юксалтириш учун уни мустақиллик ғоялари, миллий ва умумбашарий эстетик қадриятлар асосида тарбиялаш зарурияти туғилди ва Ўзбекистонда бунга оғишмай амал қилинмоқда; тўртингидан, мустақилликни мустаҳкамлаш ва баркамол авлодни вояга етказиш учун уларнинг ақлий-интеллектуал, маънавий-ахлоқий ва эстетик маданиятли этиб тарбиялаш масаласи давлат миқёсидаги умуммиллат вазифасига айлантирилди. Ўзбекистонда комил инсонни тарбиялаш дастури ақлий, жисмоний ва маънавий-эстетик жараёнларнинг муштарақлиги асосида олиб борилмоқда; бешинчидан, халқимизга, хусусан, шахсга нисбатан ижтимоий қайғуриш ва уларнинг эркин истиқболини таъминлаш мақсадида тадбиркорлик ва ишбилармонликка кенг йўл очилиши улардаги ташаббус, мусобақа ва ҳалол рақобат сингари эстетик туйғуларнинг шаклланиши ва ривожланишига олиб келмоқда. Бундай туйғулар беғараз ташаббускорликнинг тарақкий этиши, ўз навбатида, ҳаётга ахлоқий-эстетик муносабатда бўлишни, ижодкорлик иштиёқини кучайтиради; олтинчидан, соғлом авлод тарбияси, Кадрлар тайёрлаш миллий дастурида ёшларнинг маънавий жиҳатдан баркамол этиш ахлоқий ва эстетик тарбиянинг узлуксиз дастури ишлаб чиқилди. Унда мустақилликни мустаҳкамлаш ва унинг истиқболи ахлоқан соғ, ватанпарвар, инсонпарвар, эстетик жиҳатдан етук ёшлар маънавиятига боғлиқ эканлиги ижтимоий вазифа сифатида кун тартибига кўйилди; еттинчидан, 1999 йил 16 февраль, 2004 йил 28-30 март, 2005 йил 13 майдаги воқеаларидан чиқарилган

## ЭСТЕТИК МАДАНИЯТ

---

хулосалар шундан иборат бўлдики, шахсни бузғунчи ғоялар, диний экстремизм ва ақидапарастлик, қўпорувчилик ҳаракатларидан асраб қолишининг бирдан бир тўғри йўли уларни мустақиллик ғоялари асосида тарбиялаш ва ғаразли ниятлар таъсирига тушиб қолишдан асрашдир. Шахснинг хоҳиши-иродаси, касб-кори ва салоҳиятларини тўғри йўналтириш, унинг онгига миллий ғоя тамойилларини сингдириш таълим-тарбия тизимининг асосини ташкил этади; саккизинчидан, шахсада шарқона ахлоқ-одоб – Ватанга муҳаббат, ота-онага ҳурмат, инсонпарварлик, шарм-ҳаё, меҳр-муҳаббат, гўзалликни севиш ва яратишга бўлган интилиш сингари ахлоқий фазилатларни шакллантириш ва ривожлантириш уларнинг эстетик маданиятининг юксалишига олиб келади. Халқимиз тасаввuri ва тушунчасида ахлоқ-одоб доимо инсон гўзаллигининг меъёри, ахлоқсизлик – хунуклик тимсоли бўлиб келган.

Мамлакатимизда кенг авж олган комил инсон тарбияси жисмонан бақувват, ахлоқан пок, маънавий баркамол, ватанпарвар ҳамда инсонпарвар фуқароларни озод ва обод Ватан равнақи йўлида фаол шахс этиб вояга етказишига қаратилган.

## УЧИНЧИ БОБ. ШАХС ЭСТЕТИК МАДАНИЯТИНИНГ ҒОЯВИЙ, МАҲНАВИЙ-МАФҚУРАВИЙ ВА ПРАКСИОЛОГИК МОҲИЯТИ

### 3.1§. Шахс эстетик маданиятининг миллий ғоя ва мафқура билан ўзаро таъсирланиши

Ижтимоий таракқиёт жараёни ҳар бир давр учун ўзига хос ва ўзига мос замонавий тафаккурга эга бўлган инсонларни тарбиялаб, янгича дунёкараш асосида жамият ривожига туртки берувчи шахсларни вояга етказиб боради. Бу жараёнда ҳалқнинг истиқболини юқори чўққига олиб чиқувчи фалсафий дунёкараш тизимида эстетик маданиятининг роли кучли бўлиб, миллат тақдири, Ватан равнақи, юрт тинчлиги, ҳалқ фаровонлиги йўлида ўзгача киёфа касб этувчи миллий мафқура шаклланиб боради. Унинг ҳаракатлантирувчи кучи сифатида шахс ва давлат ўртасидаги ижтимоий муносабатлар, воқеликка нисбатан эстетик нуқтаи назардан ёндашиш, инсонларни эстетик маданият сари чорлаш асосий рол ўйнайди.

Ўзбекистонда барпо этилаётган фуқаролик жамиятининг дастлабки кунларидан бошлабоқ миллийликни шакллантириш, миллий мафқурани яратиш масаласи ижтимоий муносабатлар тизимида ўзининг ёрқин ифодасини топа бошлади. “Мафқура соҳасида бўшлиқ деган нарсанинг ўзи ҳеч қачон бўлмайди, – деб таъкидлайди Ш.М.Мирзиёев, – чунки инсоннинг қалби, мияси, онгу тафаккури ҳеч қачон ахборот олишдан, фикрлашдан, таъсирланишдан тўхтамайди. Демак, унга доимо маънавий озиқ керак. Агар шу озиқни ўзи яшаётган муҳитдан олмаса ёки бу муҳит уни кониқтирамаса, нима бўлади, айтинглар? Бундай озиқни у аста-секин бошқа ёқдан излайди. Шунга йўл бермаслигимиз керак. Мана, гап нима ҳақида кетяпти! Бунинг учун ўзини жамиятимиз, ёшларимиз маънавияти, ғоявий-мафқуравий тарбияси учун масъул деб билган инсонлар – бу маҳалла ёки диний

ташкилотлар бўладими, ҳуқуқ-тартибот идоралари ходимлари ёки катта таъсир кучига эга ижодкор зиёлилар бўладими – уларнинг барчаси айниқса фаол бўлишлари лозим”<sup>1</sup>. Шундай бир шароитда ҳар биримиз жамиятда шахснинг миллий туйғуларини шакллантиришга қаратилган, шахс ва жамият учун хизмат қиласиган, ҳалқимизнинг тақдирини юксак эстетик маданият даражасига кўтариадиган улуф бир ғояга эҳтиёж сездик.

Натижада жамият равнақи ва ҳалқимизнинг азалий орзу-умидларини ўзида ифодалаган, шахс эстетик маданиятини юксалтиришга интилиш маҳсули миллий мафкурага эҳтиёжнинг вужудга келиши ва унинг давлат сиёсати даражасида муҳим аҳамиятга эга бўлишига олиб келди. Бу масаланинг ниҳоятда долзарб эканлигини юртбошимиз таъкидлар экан, “лоқайдлик, табиийки, шиддат билан ривожланиб бораётган бугунги замондан орқада қолишга олиб келади ва бунга мутлақо йўл қўйиб бўлмайди. Шунинг учун ҳам сиёсий партиялар ўз дастурий мақсад ва вазифаларини, мафкуравий соҳадаги ишларини қайта кўриб чиқиб, уларга зарур ўзгартиш ва қўшимчалар киритиши, бунда жаҳон тажрибасини ўрганиш, ҳалқаро ҳамкорликни кучайтириш фойдадан холи бўлмайди”<sup>2</sup>, дейди.

Бу мафкура негизида Ўзбекистонда барпо этилаётган фуқаролик жамиятида шахс манфаатларини устун қўйиш, давлатнинг ислоҳотлар жараёнидаги фаолиятини инсон манфаатлари йўлида тобора мустаҳкамлаб бориш долзарб ҳисобланади. Ижтимоий тараққиёт қонунларига, қўра шахснинг ғоя ва мафкура ҳамда маданияти жамиятда ҳал қилувчи аҳамиятга эга. Мана шу фаолиятда жамиятнинг юксак дидли фуқароларга эҳтиёжи кучайиб боради. Бу эса, ўз навбатида, жамиятнинг харакатлантирувчи кучига айланбаётган инсонларни эзгу мақсадлар сари йўналтириб,

<sup>1</sup> Мирзиёев Ш. Миллий тараққиёт йўлнимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 484-бет.

<sup>2</sup> Мирзиёев Ш. Миллий тараққиёт йўлнимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 555-бет.

ижтимоий ҳаётнинг барча соҳаларда муайян ғоя ёки мафкуранинг кучли шаклланишини талаб этади. Натижада халқнинг турмуш тарзини акс эттирувчи, соғлом фикрли шахс ёхуд ёш авлодни тарбияловчи муайян қарашлар ва фикрлар йигиндисидан иборат мафкура вужудга келади. Бу мафкура инсонларни эстетик идеаллар негизида юксак мэрралар сари чорлаб, доимо маънавий-рухий жараёнларга куч-қувват бўлувчи вазифани бажаради. Шу боис, “ҳар кандай инсон, табиийки, мурод-мақсадсиз яшай олмайди. Бинобарин, токи ҳаёт мавжуд экан, мамлакатлар, давлатлар ва уларнинг манфаатлари бор экан, улар ўз тараққиёт йўлини, эртанги кун уфқларини ўзининг миллий ғояси, миллий мафкураси орқали белгилаб олишга интилади”<sup>1</sup>.

Бизнинг жамиятимизда мафкура ҳамиша ўзининг долзарблиги билан халқ эътиқоди, шахснинг юксак эстетик маданиятини шакллантиришга хизмат қиласди. Чунки бу мафкура Ўзбекистонда яшаётган 130 дан ортиқ миллат ва элатларнинг эзгуликка йўналтирилган эстетик дунёқарашини, янги асрдаги маънавий юксалишини ўзида ифодалашга хизмат қиласди. Бу мақсадни амалга ошириш учун “пировард мақсадимиз бўлган озод ва обод Ватан, эркин ва фаровон ҳаёт куриш борасидаги интилишларимизда биз учун руҳий-маънавий куч-қувват манбаи, илмий асос – бу миллий ғоя, миллий мафкурадир”<sup>2</sup>.

Бугунги кунда миллий мафкура тушунчасининг мазмун-моҳияти ҳақида хилма-хил фикрлар мавжуд.

Миллий мафкуранинг асосий фалсафий илдизларини жаҳон фалсафасидаги умуминсоний қадрияtlар, Шарқ фалсафаси ва юртимиздан етишиб чиққан алломаларимизнинг фалсафий қарашлари ташкил қиласди.

Миллий мафкура деганда, муайян ҳудудда яшовчи ҳар бир миллатнинг моддий ва маънавий эҳтиёжлари, маслак-

<sup>1</sup>Озод ва обод Ватан, эркин ва фаровон ҳаёт – пировард мақсадимиз. –Т.: 8-жилд, Ўзбекистон, 2000. 490-бет.

<sup>2</sup>Ўша асар. 463-бет.

муддаолари, мақсадилари, манфаатлари ва орзу-умидларини ёрқин акс эттириб келувчини ғоялар мажмуасини тушуниш керак. Бу кўринищдаги миллий мафкуранинг мазмун-моҳиятини Биринчи Президентимиз Ислом Каримов ўзининг дунёвий ғоялари асосида талқин этар экан, миллий мафкура “... халқнинг, миллатнинг ўтда ёнмайдиган, сувда чўкмайдиган ўлмас эътиқодидир”<sup>1</sup>, деб таъкидлайди.

Халқнинг мақсадларини мустаҳкам эътиқод негизида камол топтириб борадиган, жамият равнақи учун эзгулик нури билан сугорилган миллий мафкура ҳамиша янги-янги марралар ва эстетик маданиятлар сари талпинадиган шахсни тарбиялаб боради. Мана шу аснода “халқ, миллат ўз миллий мафкурасини бутун умри давомида такомиллаштириб, бойитиб боради”<sup>2</sup>.

Ҳар бир шахс ва миллатнинг миллий мафкураси бир давр ғояларини ўзида ифода этиб қолмасдан, балки минг-минг йиллар давомида инсонлар дунёқарашида шаклланиб, аждодлардан авлодларга ўтиб борган моддий ва маънавий меросида ўзини намоён этиб келган. Хусусан, ўзбек халқнинг миллий мафкураси ҳам “Авесто” яратилмасдан анча олдин ижтимоий ҳаётда шахслар дунёқарашини ривожлантириб келган. Мана шундай ўзининг миллий мафкурасини асоси Ватанинг озодлиги учун курашган шахс Широқ эди. У халқининг озодлиги, юрт тинчлиги ва юксак эстетик маданиятини сақлаб қолиш учун ўзини ўлимга маҳкум этганда, у албатта, ўзининг миллий мафкурасига таянган эди. Чунки унинг бу мафкураси халқ аъзоларини энг олий эзгу ва бунёдкорликка йўналтирилган ишларга даъват этган ҳамда уларни юксак эстетик маданиятли жамиятнинг, қолаверса, халқнинг фаровон яشاши, баҳтли соғлом турмуш кечириши учун ҳар қандай қаҳрамонликлар қилишга чорлаган етук шахс эди.

<sup>1</sup> Каримов И.А. Донишманд халқимизнинг мустаҳкам иродасига ишонаман. “Фидокор”, 2000 йил 8 июнь.

<sup>2</sup> Ўша жойда.

Спитамен, Темур Малиқ, Жалолиддин Мангуберди каби Ватанимизнинг буюк қаҳрамонлари, Амир Темур ва Мирзо Бобурдек энг йирик давлат арбоблари ва шоирларнинг султони деб ном олган, миллатимизнинг қуёши – Алишер Навоий ҳам ўзларининг кўп қиррали фаолиятида, турли миллат ва элатларга нисбатан олиб борган давлат сиёсати ҳамда асарларида миллий мафкурани юксак даражада қадрлаган, уни амалга оширганлар.

Шўролар даврида бу улуғ зотларимизга тухмат тошлари отилгани, миллатимизнинг кўзгуси бўлган, буюк кашфиётлар ва илмий изланишларимизни ягона совет мафкурасига буйсундиришга ҳаракат қилинганини кўришимиз мумкин. “Бизларнинг эндиғи вазифамиз маънавий ҳаётимизни, илм-фанимиз фаолиятини, изланишларимизни мана шу эски мафкура қолипларидан халос этиш, керак бўлса, тафаккуримизни мутелик исканжасидан фориғ қилишимиз зарур. Олимларимиз ҳам ҳар қандай тазиикдан озод бўлиши керак”<sup>1</sup>.

Тарихдан маълумки, юонон босқинчилари Спетаменни қандай қилиб бўлсада ўзига бўйсундиришга ҳаракат қилмасин, бунга эриша ололмайдилар ва ниҳоят энг жирканч йўл билан номардларча уни ўлдиришга эришадилар. Спетамен оддий бир косиб бўлишига қарамасдан, бутун Марказий Осиё ҳалқларининг озодлигини ҳар қандай шахсий бойлигу – лавозимлардан афзал деб билди ва миллий ғурур учун курашди.

Темур Малик билан Воруҳлик тожик қизи Нигинабека ўртасидаги чин муҳаббат, улар никоҳдан ўтганлиги, бу гўзал рақкоса бир умр тўплаган жавоҳирларини муғул босқинчиларига қарши ишлатилишига қарор қилганлигининг ўзиёқ, ўтмишда ҳам ўз фояси ва мафкурасига нисбатан ҳалқимизнинг қалбида нақадар мустаҳкам томирлари мавжуд бўлганлигига ёрқин бир мисол бўла олади. Жалолиддин

<sup>1</sup> Каримов И.А. Биздан озод ва обод Ватан қолсин. –Т.: Ўзбекистон, 2-жилд, 1996. 79-80-бет.

Мангуберди ўз фарзандларини ҳам қурбон қилиб, бир умр муғул босқинчилариға қарши кураш олиб боргани инсоният тарихида учрамаган бир далилдир.

Соҳибқиран бобомиз ўзининг “Куч – адолатдадир” деб номланган шиорини ҳақиқатан ҳам амалга оширгани туфайли, Марказий Осиё ҳудудидаги барча миллат ва элатларни бирлаштиришга, уларнинг муносабатларини миллий мафкура мазмунига биноан ўрнатилишига, Ватанимиз тарихида биринчи бор шундай буюк салтанат барпо этилишига ва улкан бунёдкорлик ишлар олиб борилишига эришди.

Маълумки, Амир Темур ўзининг “Темур тузуклари”да таъкидлаганидек, давлатларни забт этиш этиш, давлатни бошқариш ва унга зебу-зийнат беришда 12 та қоидага амал қилган. Шу 12 та қоиданинг ўнинчиси бўйича Амир Темур ўз паноҳидаги барча қабила ва элатларга ҳурмат кўрсатган. Уларни миллатидан қатъий назар миллий мафкурага амал қилишига чорлаган. Бу борада улуғ бобокалонимизнинг олиб борган сиёсати амалга ошганлиги туфайли Моварауннаҳр аҳолисининг ҳар хил қабилалари, турли миллат ва элат вакиллари: турклар, араблар, марвлар, арман христианлари, юонон католиклари, якобийлар, ўтга қараб чўқинувчи христианлари ва бошқаларнинг иноқ ҳамда аҳил бўлиб ҳаёт кечиришлари бунинг яққол мисолидир. Буюк аждодимиз ўзининг бу машҳур асарида барча миллат ва элатларнинг жамиятдаги мавқеи ва ўрнининг tengлиги ва уларга бўлган эзгу муносабатини қуйидаги фикрлари билан ифодалаган, яъни: “Ҳар бир ўлка ва шаҳар аҳолисининг дини, урфидан қатъий назар атроф улуғлари ва бузруклари билан ошна тутиндим”, “Мен ўз салтанатимни дини ислом, тўра ва тузук асосида мустаҳкамладим”, дейди. “Сизларга яхши маълум, бизнинг давлатимиз – кўп миллатли ва кўп конфессияли давлат. Бугунги кунда мамлакатимизда 130 дан ортиқ миллат ва элат вакиллари бир оила фарзандларидек аҳил ва иноқ яшамокда. Бу борада, ҳеч шубҳасиз, халқимизга азалдан хос бўлган бағрикенглик муҳим роль ўйнамокда. Ана шу ҳақиқатнинг тасдиғи сифатида бир мисол келтирмоқчиман.

Самарқанд шаҳрида Соҳибқирон Амир Темур даврида бунёд этилган, Дониёр пайғамбар номи билан аталағидан мақбара ислом, христиан ва яхудийлик дини вакиллари томонидан бирдек эъзозланади”<sup>1</sup>.

Амир Темур барпо этган буюк салтанатнинг барбод бўлганининг асосий сабабларининг бир ҳам, миллий мағкуранинг, умуман олганда, миллий гоянинг жамиятда тутган ўрни ва мавқеининг паст даражага тушиб кетганлиги эди. Айтиш мумкинки, бир ҳисобда, шунинг учун ҳам халқимизнинг беназир фахри ва шаъни бўлган буюк бобокалонимиз Амир Темур бунёд эттирган кўпгина буюк иншоотлар Абдуллахон томонидан буздириб ташланган, Улуғбек қурдирган юзга яқин бинолардан фақат битта мадраса омон қолган, Бобур асос солган биноларнинг аксарияти вайрон қилинган.

Алишер Навоий ҳам миллий мағкурани жуда ҳам кенг маънода тушунган ва унинг ўта муҳим жиҳатларини кашф этган. Бу улуғ мутафаккир шоиримизнинг фикрича, худонинг инсонларга бўлган меҳри чексиздир. Инсон, худонинг унга бўлган чексиз марҳаматига жавобан, унинг барча бандаларини севиши зарур. Шундагина барча худога бўлган меҳру садоқатини билдирган ва амалга оширган бўлади. Бошқача айтганда, худони севиш, оддий инсонларни севишдан бошланади.

Алишер Навоий ўзининг “Садди Искандарий” достонида минг-минг йиллар давомида халқимизнинг онги ва қалбида, шахсан ўзининг ҳам уйларида етишган, энг олий подшо даражасидаги халқпарвар подшо тўғрисидаги тасаввурнинг бадиий образини яратишга ҳаракат қилди. Айни ўзининг шу асарида улуғ бобокалонимиз, бу хаёлий подшо жамиятда миллий мағкурани амалга оширишини, у бутун умри давомида бу мақсадга содик бўлиб қолганлигини баён этган. Масалан, Искандар нафақат отасининг ҳукмронлиги

<sup>1</sup>Мирзиёев Ш. Миллий тараққиёт йўлнимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 464-бет.

давомида рўй берган барча ҳақсизликларга чек қўяди, иллатларни бартараф этади, шу билан бирга бошқа ўлкаларнинг халқларига ҳам инсоф ва адолат билан, шафқат ва марҳамат билан муносабатда бўлади, уларни золимларнинг зулми ва турли даҳшатлардан қутқаради, ободончилик ва фаровонлик учун курашади. Хусусан, Искандар Қоғи этагида яшовчи халқларнинг ашаддий душмани тимсоли бўлган яъжуж ва маъжужларнинг йўлини тўсив баланд девор қурдиради. Бу девор адолат ва осойишталик девори эди. Уни барпо қилишда турли мамлакатларнинг халқлари, жумладан римликлар, маворауннаҳриликлар, форслар, хитойлар, ҳиндулар, руслар, француздар ва бошқа халқлар қатнашади.

Алишер Навоийнинг қайси бир асарини олмайлик, унда одамнинг маънавий-ахлоқий иллатлари қораланади ва шу билан бирга, унинг олий хислатлари қўллаб-кувватланади.

Советлар давлати даврида миллий мафкура интернационализм тушунчаси билан алмаштирилиб, миллатлараро муносабатлар “совет халқи” ва “коммунистик мафкура” нуқтаи назаридан, ҳукмрон миллат манфаатларидан келиб чиқсан ҳолда тушунтирилар эди. Бу давлатдаги барча миллат ва элатларнинг бирлиги ва тотувлиги “совет халқи” деган ном билан номланиб, унинг мазмунида ҳеч қандай миллий маъноси (унсури) мавжуд бўлмаган. Шунинг учун ҳам Ватанимизда истиқомат қилиб келаётган юздан ортиқ миллат ва элат вакиллари 70 йилдан ҳам кўпроқ вақт давомида ҳақиқий миллий мафкура руҳида тарбия олмади. Бунинг салбий оқибатлари ҳозиргacha жамиятимизнинг маданий ва маънавий ҳаётида намоён бўлмоқда.

Маълумки, собиқ советлар давлати фашистик Германия устидан, ниҳоятда кўп фуқароларнинг нобуд бўлиши, совет раҳбариятининг “қаттиқ” қўллиги, одамларнинг фашистларга бўлган нафрати ва бошқа омиллар хисобига ғалаба қозонган эди. Немис фашистларининг энг катта хатолардан бири шундан иборат эдикӣ, улар дунёдаги барча миллат ва элатларни иккинчи даражали (тубан) халқлар ва уларнинг кўпчилиги йўқ қилиниши ва қолганлари эса немисларнинг

қулига айланиши зарур, деб очиқдан-очиқ эълон қилганидир. Марказий Осиё, жумладан, Ўзбекистоннинг маҳаллий халқини қириб ташлаш ва Фаргона водийсини кўчириш режалаштирилган. Шуниси диққатга сазоворки, шунча ўхшаш режаларни ўз вақтида Александр Македонский ҳам ўзининг “Васиятнома”сида баён этган эди.

Фахр билан таъкидлашимиз керакки, ҳозир диёrimизда миллий мафкура давлатимиз томонидан қўллаб-кувватланмоқда, ижтимоий ҳаётимизнинг барча жабҳаларида тўлоқонли амал қилиши учун керакли бўлган қонун-қоидалар қабул қилинмоқда ва ҳоказо.

Жамиятимизда миллий мафкурунинг бош мақсади фуқароларни юксак маънавиятли етук шахс, ўз олдига қўйган мақсад ва вазифаларини ҳар томонлама уйғунликда амалга оширишга, интеллектуал етук ҳамда миллий менталитети тараққий этган қилиб тарбиялашга қаратилган. Шундай экан, доимо миллий мафкура, аввалом бор, ўзлигимизни, муқаддас анъаналаримизни англаш туйғуларини, халқимизни кўп асрлар давомида шаклланган эзгу-орзуларини, жамият олдига қўйилган олий мақсад ва вазифаларни қамраб олади. Чунки бу мафкура шахсни табиат гўзаллиги, жамият эҳтиёжи ва миллат орзу умидларини эстетик идрок этишга даъват этади.

Миллий мафкура ҳар бир шахсга миллий қадрият ва турмуш тарзидағи гўзалликни фарқлай олиш, қадрига этиш ва чукур англаб этишга, жаҳон халқлари эстетик маданиятидан ўз миллийлигини ажратса олишга бўлган қобилиятини шакллантиришга, маънавий-ижтимоий ҳаётни нафосат қонун-қоидалари билан бойитишига даъват этади.

Бундай маънавий-ижтимоий жараён бевосита шахс эстетик маданияти ва тафаккурининг юксалишига хизмат қилиб, уларнинг ахлоқ, одоб, тарих, санъат, адабиёт, техника, маданий мерос, урф-одатлар, диний ақидалар тўғрисидаги билим ва кўникмаларининг ошишига олиб келади. Шахснинг бундай эстетик тафаккури, инсонпарварлик, демократик тамойиллар, миллий мафкура билан уйғунлашса, ҳатто фожиалар рўй берган вақтда ҳам, моддий қийинчилик

## ЭСТЕТИК МАДАНИЯТ

кунларни ўз бошидан кечираётган пайтда ҳам унинг иродасини буқолмайди, балки адолатли ҳаётни барпо этиш учун порлоқ истиқбол сари шахдам қадам ташлашга хизмат қиласи.

Шахснинг эстетик маданиятини шакллантириш ва ривожлантириш бевосита адолатли, фуқаролик жамиятини барпо этиш билан боғлиқ экан, бундан Ўзбекистонда яшаётган бошқа миллат ва халқларнинг миллий менталитетини инкор этиш, деган маъно келиб чиқмайди. Чунки умуминсоний қадриятли томонларини эъзозловчи адолатли фуқаролик жамиятини барпо этиш учун фаолият олиб бораётган ёшларда ўз миллий менталитетининг шаклланиши табиий.

Мустақиллик ана шундай миллий менталитетларнинг ўзаро таъсир ва муштарак жиҳатларининг шаклланиш ва ривожланишини ҳам объектив заруриятга айлантиради. Ўзбекистонда яшаётган шахснинг қайси миллат, қайси дин ва ирққа мансублигидан қатъий назар уларни умумбашарий эстетик қадриятлар, миллий мафкура ва адолатли жамият қуриш идеаллари бирлаштиради.

Президент Ш.М.Мирзиёев таъкидлаганидек, “давлатнинг инновацион янгиланиш дастурини шакллантириш, инновация ва инвестициялардан самарали фойдаланадиган янги авлод кадрларини, янги сармоядорлар синфини тайёрлаш ўта муҳим аҳамиятга эга. Бунинг учун Ўзбекистонни технологик ривожлантириш ва ички бозорни модернизация қилиш бўйича кучли миллий ғоя, миллий дастур керак. Ушбу дастур Ўзбекистонни жаҳондаги тарақкий топган мамлакатлар қаторига тезроқ олиб чиқишга имкон яратиши лозим”<sup>1</sup>.

Миллий мафкурунинг умумий обьекти шахс бўлиб, унинг онгли, ақлли, идрокли хатти-харакатлари, эстетик идеаллари, юриш-туришлари, турмуш тарзи, муомаласи,

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 116-бет.

ахлоқи, одоби, урф-одатларида миллий менталитет ўз ифодасини топади. Бундай ижтимоий-маънавий жараён, ўз навбатида, ҳар бир ёш авлодни миллатига, ирқига, наслу насабига, динига, эътиқодига қарамасдан шахс сифатида эъзозлаш лозимлиги адолатли тузумнинг бош мезони хисобланади. Чунки адолатли ижтимоий ҳаёт фақатгина бир миллат ёки мамлакат учун мансуб бўлмасдан, балки башарият орзу қилган маънавий эҳтиёждир.

Ана шундай ўз шахсини миллат тақдири билан, миллат тақдирини умумбашарият тақдири билан боғлашга даъват этиш ва шундай ёшларни тарбиялаб, вояга етказиш миллий мафкурунинг асосий вазифасидир. “халқимизнинг мозий синовларидан ўтиб келаётган бой маданий ва маънавий мероси, миллий қадриялари, урф-одат ва анъаналари, байрам ва маросимларидағи озодлик, эркинлик учун кураш руҳи, отабоболаримизнинг мустақиллик йўлида кўрсатган жасорати, бунёдкорлик ишлари ҳамда уларни амалга оширишда маънавий рух берган тафаккур тарзида намоён бўлади. У асрлар мобайнида йиллар синовига дош бериб, сайқалланиб, такомиллашиб келган”<sup>1</sup>. Шу боис, янги миллий мафкура шаклланган ва барқарор бўлган мамлакатда шахснинг янгича эстетик маданияти, умуминсоний интеллектуал қадрияларга муносабати шаклланади ва ривожланади. Бу жараён, инсонпарвар, адолатли жамият куришнинг мазмун ва моҳиятидан келиб чиқадиган объектив заруриятдир.

Қайси бир миллат ва давлат ўз ҳудудларида таркиб топган муайян бир миллий эстетик маданиятни ривожлантириш билан чегараланиб, бошқа халқларнинг, миллатларнинг умуминсоний цивилизациясида тутган ўрни ва ролини эътибордан четдан қолдирса, унда фуқаролик жамиятининг асосий негизини ташкил этувчи инсонпарварлик, байналминаллик, инсониятнинг келажаги,

<sup>1</sup>Хўжанова Т.Ж. Мафкуравий профилактика – ёш авлодни ғоявий ҳимоялаш омили (ижтимоий-фалсафий таҳлил). –Т.: Ўзбекистон файласуфлари миллий жамияти, 2019. 47-бет.

истиқоли, ўзаро ҳамкорлик, дўстлик, биродарлик каби белгилари оёқ ости қилиниб, натижада, ижтимоий тизим инқироз томон юз тутиши мумкин.

Шуни ҳам эсдан чиқармаслигимиз лозимки, жаҳон миқёсида мафкуравий зиддиятлар кескинлашиб, таҳдидлар кучайиб бораётган бир вақтда, Ватанимизда бу ғоянинг узилкесил амал қилиб бориши барчага ҳам маъқул бўлмоқда, деб бўлмайди. Баъзи бир ғанимларимиз миллий мафкурани Ватанимиз равнақ топишининг энг муҳим омилларидан бир эканлигини жуда ҳам яхши билади ва шунинг учун улар қандай бўлмасин, жамиятимиздаги миллатлараро муносабатларни бузишга ва уларнинг ўртасига раҳна солишга уринмоқдалар. “Бугунги глобаллашув даврида инсон онги ва тафаккурини эгаллаш йўлидаги кураш кескинлашаётган, ёшларни ёт ғоя ва мафкура, салбий иллатлар таъсирига тортишга уринишлар тобора кучаяётган бир шароитда аждодларимизнинг орзу-умидлари, интилишлари ва бой тафаккурини ўзида мужассам этган маънавий меросимиз ва миллий қадриятларимизни кўз қорачиғидек асраш ва уни ёш авлод онгу-шуурига сингдириш долзарб аҳамият касб этмоқда”<sup>1</sup>.

Миллий мафкуранинг мустаҳкам томирлари ҳақида Муҳаммад Қуронов фикр билдирап экан, “Бизнинг бирлашиб кучаяётганимиз уларга ёқмайди. Чунки бир тану бир жон бўлсак, ҳакимизни бермаймиз-да. Бўш келмасак, биздан ҳеч нарсани, ҳатто бепаён даштларимизда ўсаётган янтоғимизнинг катта тиканини ҳам ололмайдилар”, деб таъкидлайди. Барчамиз жамиятимизда ҳар бир шахсни ҳамфикр ва тотув бўлиб яشاшида юксак эстетик маданият намуналаридан оқилона фойдалансақ, бизнинг миллий мафкурамиз ўзининг мустаҳкам базасини бойитиб бораверади.

<sup>1</sup> G’aybullayev O. Milliy g’oya tarixi va nazariyasi. –T.: “Fan va texnologiya”, 2019. 163-bet.

<sup>2</sup> Қуронов М. Нияти улугнинг - қадами кутлуғ. “Халқ сўзи”, 2007 йил 24 октябрь.

Шахсда ана шундай бунёдкорлик туйғуларини, миллий менталитетимизга хос бўлган энг олижаноб фазилатларни янада кучайтириш учун яқин ўтмишдан “қора мерос” бўлиб қолган ва бизнинг келажак сари интилишимизга халақит берадиган одат, кўникма ва нуқсонлардан холи бўлишимиз зарур.

Шахс олдида турган энг асосий вазифа Ватан, эл-юрт қувончи, унинг ғам-ташвиши билан яшаш, эл бошига иш тушганда мард бўлиб майдонга чиқиш, юртимиз келажагини, халқимиз эрку озодлигини қўз қорачигидай асраш, унинг хавфсизлигини ҳимоя қилиш экан, шунингдек, “мафкуранинг асосий мақсади ушбу йўлда халқимизни жипслаштириш, кишилар онгида мустақил дунёқараш ва огоҳлик ҳиссини тарбиялаш, комил инсонни вояга етказиш, фуқароларимизда бегона ва бузғунчи ғояларга қарши мустаҳкам мафқуравий иммунитетни тарбиялаш билан узвий равишда боғлиқдир”<sup>1</sup>.

Бу иллатлардан халос бўлиш – эстетик онг ва миллий менталитетни шакллантириш ва юксалтириш демакдир. Бу иллатларга қарши турувчи миллий ғуур, ифтихор туйғуси, ижодкорлик, шижаот, Ватанга муҳаббат ва истиқболга ишонч каби тасаввурларни ривожлантириш даркор.

Жамиятимизда “миллий ғоя эзгу орзулар, мақсад-муддаоларига эришища маънавий-руҳий куч-қувват берадиган омил вазифасини бажариб келган. Миллий ғоя ва мафкура барча инсонлар, халқлар, жамият ва давлат олдида турган муҳим вазифаларни амалга оширишга ёрдам беради ҳамда турли соҳада фаолият юритадиган жамият аҳлини бирлаштириб, уларни умумий мақсад сари сафарбар этади”<sup>2</sup>.

Жамиятимизнинг миллий ғояси ва мафкурасида унинг энг нодир ҳамда ноёб эзгу хислатлари, яъни меҳр-мурувват, сабр-тоқатлилик, андишалик, ор-номуслик, шарму-хаёлик, нафосатлилик, ўткир дидлилик, ибо-иффатлилик,

<sup>1</sup> G'aybullayev O. Milliy g'oya tarixi va nazariyasi. –Т.: “Fan va texnologiya”, 2019. 297-bet.

<sup>2</sup> Ўша асар. 299-bet.

бағрикенглик, меҳнатсеварлик, инсонпарварлик ва бошқа маънавий қадриятлар билан узвийлашган ғоялар мужассам бўлган.

Ҳар бир жамиятда муайян миллий ғояларнинг бир-бири билан тизим сифатида ўзаро алоқадорликлари асосида қандайдир бир миллий мафкуранинг вужудга келиши мумкин бўлади. Бунинг сабаби – миллий ғоя миллий мафкуранинг асосини ташкил қиласада, лекин у ўзига хос тизим сифатида ғоялардан иборат бўлади. Бу фикрдан келиб чиқиб айтиш мумкинки, миллий мафкуранинг вужудга келиши учун у албатта муайян миллий ғоялардан ташкил топиши ва ўзига шахс дунёкарашига таъсир этувчи тизим сифатида шаклланиши зарур.

Биринчидан, битта миллий ғоя ҳам жамиятда миллий мафкура сифатида амал қилиши ҳеч ҳам ҳайратомуз воқеа эмас. Одамзод тарихида бундай ҳоллар кўп учрайди. Масалан, тасаввуфда ҳар бир шахс ўз хиссиётида Оллоҳ билан бирлашиши мумкинлиги ғояси бир неча юз йиллар халқимизнинг деярли миллий мафкурасининг бир кўриниши сифатида унинг амалий ва маънавий ҳаётида муҳим аҳамият касб этиб келган. Бу мафкуравий ақида асосида халқимизнинг Оллоҳга бўлган ишончи ва табиатни гўзал манзараларини эъзозлаш ҳиссиёти ошди. У одамларни шариат, маърифат ва тариқат орқали ҳақиқатга эришишига, покланишига давъат этди ҳамда уларни маълум даражада Оллоҳ гўзаллигига бирлаштиришга интилди. Ижтимоий ҳаётда шахснинг рухиятига кучли таъсир ўtkазиб, одамларнинг ҳар бирини кўнглига етиб бориш, уларни буюк ва ягона мақсадлар сари ҳаракатга келтириш вазифасини фақат муайян улкан ғоялар тизими бажариши мумкин. Бу ҳолни бамисоли табиат одамларга ўзининг гўзаллигини ҳам намойиш этиши ва одамлар ундан лаззатланиши учун, уларга битта ранг билан эмас, балки муайян тартибда жойлашган ранглар билан таъсир қилишига ўхшатиш мумкин.

Иккинчидан, ислом дини дунё миқёсида энг мукаммал дин сифатида бугунги кунда эътироф этилади. Мана шу

диннинг вужудга келиши ва шакланиб бориши бевосита араб халқининг миллий мафкураси сифатида жамиятда амал қилган эди. Бу мафкура биргина араб халқининг мақсад ва манфаатлари, эҳтиёж ва орзу-ниятларидан келиб чиқиб, уни эзгулик ва бунёдкорлик ишларига, буюк мақсадларни бирлаштириш ва сафарбар этиш учун, нафакат Қуръони Карим ва Ҳадису шарифда баён этилган минг-минг ғоялар тизими, шу билан бирга рамазон ойида рўза тутиш, ҳар куни беш маҳал намоз ўқиш, закот бериш, иложи бўлса ҳаж қилиш, диний байрамларда фаол иштирок этиш каби бир қатор амалларга асосланган эди. Ҳозирги кунда бу мафкура бутун мусулмон дунёси устидан ҳукмронлик қилмоқда. Шу боис миллий мафкура, авваламбор, мафкуравий тизим сифатида келиб чиқиб, ўз таркибига нафакат кўплаб миллий ва миллий бўлмаган ғоялардан ташкил топган тизимни, балки муайян амаллар тизимини ҳам ўз таркибига киритиши лозим.

Учинчидан, миллий мафкура яхлит бир тизим сифатида шаклланиши учун у нафакат маълум миқдордаги ғоялардан ташкил топиши, балки улар муайян тартибда кетма-кет мантиқан бир-бирига мос ҳолда жойлашиши ва шу билан бир-бирини ўз мазмунлари асосида тўлдириб бориши талаб қилинади. Бунда миллий мафкура шундай янги салоҳиятга эга бўладики, энди унинг одамларга бўлган таъсирланиши бир неча марта ошади. Чунки унинг таркибидаги ҳар бир миллий ғоя теранроқ ва якколроқ англанишига имкон туғилади. Бунга далил сифатида халқимизнинг миллий истиқлол ғоясининг бош ва асосий ғояларини олиб кўрамиз. Бу ғоялар тизимида бош ғоя “Озод Ватан” ғояси билан бошланган бўлса, асосий ғоя эса “Юрт тинчлиги” ғояси билан бошланади. Ушбу ғоялар тизими айни бундай мазмунга эга бўлган ғоялар билан бошланиши муайян тарзда кетма-кет жойлашганлиги ва ниҳоят уларнинг тизим сифатидаги бирлигидан янги маъно-мазмунга ҳамда мафкуравий аҳамиятга эга бўлган улкан ғоя, яъни миллий мафкура вужудга келади.

Бундан ташқари жаҳон миқёсида эришилган дунёвий билимлар, диний-илохий қадрияtlар, маърифатпарварлик,

комил инсон ҳақидаги фалсафий мушоҳадалар, ҳикматлар, озодлик, адолат, поклик, ҳалоллик, мардлик, ватанпарварлик, инсонийлик, нафосат, инсоннинг моҳияти, инсон ҳаётининг маъно-мазмуни ва ҳоказолар ҳақидаги доно фикрлар, миллий ва умуминсоний ахлоқий-эстетик қарашлар, ҳалқимизнинг ўзига хос бўлган соғлом турмуш тарзи, тафаккури ва дунёқарашида акс этган эртак ва афсоналари, миллий қаҳрамонларимизнинг ҳаёти, қаҳрамонона ишлари ва бошқалар ҳам миллий мафкуранинг муҳим омиллари, таянч негизлари ва манбалари сифатида ўрин тутади. Дарҳақиқат, бу мафкура ҳалқимизнинг азалий эзгу интилишлари, бунёдкорлик фаолиятининг маъно-мазмунини белгилайди. Ҳар бир инсон учун муқаддас бўлган юксак инсонпарвар қадриятли томонларни ўзида мужассам этади.

Жамиятимизда шахс эстетик маданиятини ривожлантиришда миллий мафкуранинг устувор ва етакчи ўринда туриши, Ватан мустақиллиги барча орзу-интилишларимиз ва ёруғ келажагимизнинг асоси эканлигидан далолат беради.

Ҳалқимизнинг миллий мафкураси бир қатор ғоялардан ташкил топиши кераклиги ва шундай кетма-кетлиқда қўйилиши қўйидаги асослардан келиб чиқади:

а) ҳалқимиз кейинги уч минг йил давомида камида 2500 йиллар мобайнида турли-туман босқинчи-истиоҷилар истибоди ва зулми остида яшаб келган. Шунинг учун ҳам “Озод Ватан” ғояси ҳалқимизнинг энг юксак маънога эга бўлган муқаддас ғоясига айланиб борган эди. Қолган учта ғоя ҳам ҳалқимизнинг онги ва қалбида минг-минг йиллар давомида ўзининг энг олий қадриятлари сифатида шаклланиб борган эди десак, ҳеч ҳам хато қилмаймиз. А.Очилдиев фикрича, ҳам миллий мафкура ўзининг узоқ тарихга эгалиги билан нозик масаладир. Унингча, жамиятда “Миллий мафкуранинг шаклланиш жараёнини узоқ муддатли жараён сифатида баҳолаш, унинг тарихини эса бир неча минг йилликлар балан боғлаш ҳам баҳслидир. Бу ўринда миллий мафкурада баён этилган қоидалар, тамойиллар, дастурий

кўрсатмаларнинг конкрет тарихий шароит ва вазият билан боғлиқ ҳолда такомиллашиб бориши билан миллий мафкуранинг гоявий-назарий қарашлар тизими сифатида шаклланишидек икки бир-биридан фарқланувчи жараён айнанлаштирилаётганини кўришимиз мумкин”<sup>1</sup>;

б) халқимиз буюк ва ўта мураккаб тарихни ўз бошидан кечириб, шунинг эвазига ўзининг миллий мафкурасини яратди. Натижада биз донишманд ва юксак маънавият соҳибига эга бўлган халқ сифатида шаклландик. Бундай донишманд ва юксак маънавиятли халқгина, ўзининг олдига энг олий эзгу мақсади сифатида, эркин ва фаровон ҳаёт куришдек вазифа қўйиши мумкин;

в) халқимиз ўзининг миллий мафкураси негизида жамоатчиликка бирлашиб яшашга мойил бўлган халқ сифатида шаклланган. Ҳар бир ҳудудда фуқароларнинг бир-бири билан ҳамнафас яшashi, маслаҳатлашиб иш юритиши маҳаллада бўладиган ҳар қандай тўй-маракаларда бир-бирига елкадош бўлиши, миллий қадриятларига содиқлиқ, меҳрурувватлилик, ислом динига эътиқод, ғамхўрлик каби фазилатлар устун туради. Халқимизнинг яна бир нодир хислати борки, у ҳам бўлса унинг инсонпарварлигидир.

“Миллий мафкурани фақат битта миллат ёки халқнинг мафкураси, деб тушуниш тўғри эмас. У муайян давлат ёки жамиятнинг умумий мафкураси маъносини англатади. Шу нуқтаи назардан қараганда, миллий мафкура тушунчаси Ўзбекистонда яшаб унда фаолият кўрсатаётган барча миллат вакилларига тегишлидир”<sup>2</sup>.

Бу фикрдан маълумки, ҳар қандай шароитда мафкура ўзининг хоҳ эстетик, хоҳ ахлоқий, хоҳ сиёсий, хоҳ диний моҳияти билан гояга асос бўлиб хизмат қиласи. Мафкура негизида гоя ўзини бойитиб, янгича қараш ва таълимотларни шахс эстетик маданиятига боғлайди.

<sup>1</sup> Очилдиев А. Миллий гоя ва миллатлараро муносабатлар. –Т.: Ўзбекистон, 2004. 12-бет.

<sup>2</sup> Яхшиликов Ж.Я., Мухаммадиев Н.Э. Миллий гоя: Ўзбекистонни ривожлантириш стратегияси. –Т.: Чўлпон, 2018. 97-бет.

Миллий мафкура жамиятимизда шахс эстетик маданиятини ривожлантиришга хизмат қиласр экан, у ҳеч вақт давлат мафкураси сифатида фаолият олиб бориши мумкин эмас. У фақатгина халқнинг дунёқарашига асосланиши лозим. Чунки бу борада бош Қомусимизда “Ўзбекистон Республикасида ижтимоий ҳаёт сиёсий институтлар, мафкуралар ва фикрларнинг хилма-хиллиги асосида ривожланади.

Ҳеч қайси мафкура давлат мафкураси сифатида ўрнатилиши мумкин эмас”<sup>1</sup>, деб ёзиб қўйилган. Бу жумлалар биз яратадиган миллий мафкуранинг давлат мафкураси сифатида эмас, балки жамиятимиздаги ҳар бир шахснинг эстетик маданиятининг шакллантиришга қаратилган халқимизни мафкураси эканлигини барчамиз англашимиз лозим. Миллий мафкура негизида халқимизнинг ўтмиши ва ҳозирги куни бирлашиши, уларнинг келажаккага ишонч ва ҳистойғулари ҳар бир бир шахсга эстетик завқ берувчи куч сифатида ривожланиши керак.

Ўзбекистонда амал қиладиган мафкуралар ҳеч вақт давлат мафкураси даражасига кўтарилиши мумкин эмас. Ўзбекистон Республикаси Конституциясининг 12-моддасида, Ўзбекистон Республикасида ижтимоий ҳаёт сиёсий институтлар, мафкуралар ва фикрларнинг хилма-хиллиги асосида ривожланади. Ҳеч қайси мафкура давлат мафкураси сифатида ўрнатилиши мумкин эмас<sup>2</sup>, дейилган.

Шахс эстетик маданиятини миллий руҳда шаклланишига биз яратадиган миллий мафкура ҳар томонлама жавоб бера олиши билан бошқа мафкуралардан тубдан фарқ қиласди. Чунки бу мафкуранинг мазмун-моҳияти, ундаги шахснинг эстетик маданияти ва дунёқарashi ҳеч қандай давлат аралашувига асосланмайдиган, бевосита халқнинг куч-қудрати, маънавий камолоти, инсонпарварлик тамойилларига амал қиладиган тарзда шаклланиб боради.

<sup>1</sup> Ўзбекистон Республикаси Конституцияси. -Т.: Ўзбекистон, 2018. 11-бет.

<sup>2</sup> Ўша асар. 6-бет.

Бугунги кунда “жамиятдаги эзгу ғоялар барча даврларда инсонни юксак орзуладар билан яшашга, олижаноб мақсадлар йўлида эътиқод билан курашишга ўргатади. Инсониятнинг адолат, тенглик, тинчлик, қардошлиқ, фаровонлик каби ғоялари турли диний ва дунёвий таълимотлар асосида одамларни юксак мақсадлар сари йўналтирган. Ислом дини, Куръон ва ҳадисларда табиатни асраш, илм олиш, одамийлик, ватанпарварлик, ҳалоллик, рухий поклик, раҳм-шафқатли, меҳр-оқибатли ва адолатли бўлиш, ота-онани ва аёлни улуғлаш тўғрисидаги эзгулик ғоялари тарғиб қилингган”<sup>1</sup>. Бундан келиб чиқадики, миллий мафкурада тарихан таркиб топган ҳалқ тақдири, юрт истиқболи, бир-бири билан уйғунлашиб кетган миллатларнинг эртанги фаровон келажаги, озод ва обод Ватан равнақи намоён бўлади.

Миллний мафкура атамасига бир қатор олимлар ўз фикрларини баён этаркан, улардан А.Эркаев шундай дейди: “миллний мафкурани яхлит тизим сифатида икки хил – тор ва кенг тушуниш мумкин... Жамият миқёсида ранг-баранг мафкураларнинг ҳар бирини хусусийлик деб, миллний мафкурани эса улардаги умумийлик муштараклик деб баҳолаш мумкин. Бу миллний мафкурани тор мазмунда тушунишdir. Кенг мазмунда эса миллний мафкура ғояни турли партиялар, гуруҳлар, ижтимоий қатламлар, синклар томонидан ўзига хос талқин қилинишининг, жамиятдаги плюралистик (ранг-баранг) қарашларнинг, назарияларнинг ийғиндисидир”<sup>2</sup>.

Бу таърифда миллний мафкуранинг инсонлар томонидан хилма-хил тушунилишини ўзида кўрсатмоқда. Лекин миллний мафкурада шахснинг ижтимоий муҳити, яъни борлигини ўзида акс эттирадиган миллний ва умуминсоний, ўтмиши ва бугуни, диний ва дунёвий интилишлари мужассам бўлиши керак. Миллний мафкуранинг мана шундай жиҳатлари

<sup>1</sup> G'aybullayev O. Milliy g'oya tarixi va nazariyasi. –T.: Fan va texnologiya, 2019. 178-bet.

<sup>2</sup> Эркаев А. Миллний ғоя моҳияти. –T.: Маънавият, 2001. 15-бет.

## ЭСТЕТИК МАДАНИЯТ

жамиятда мұхим ақамият касб этади. “Миллий ғоя ва миллий мағкуранинг мұхим вазифаларидан бири – келажакка комил ишонч, әркін ва фаровон ҳаётта умид хиссини тарбиялашдан иборатдир. Миллий ғоя миллий ва умуминсоний тамойилларга асосланади. Миллатнинг туб манфаатлари, унинг ўз ўтмишига берган баҳоси ва келажакка ишончи миллий ғояда ўз аксини топади”<sup>1</sup>. Бу фикрларда миллий мағкуранинг ахлоқый ва эстетик жиҳатлари жамиятдаги ижтимоий мұхит билан уйғунлашган ҳолда таърифлаб берилген. Бу борадаги бир қатор фикрларни ҳам билишимиз мүмкін.

Шахс эстетик маданиятини шакллантиришда миллий мағкуранинг мазмун-моҳияти ҳақида сүз бораркан, таниқли профессор С.Мамашокиров, – “жамиятда мағкура халқи лаушса, ғоялар реаллашиб, ўзини ўзи тартибга солиб, потенциал ривожланувчи ижтимоий мұхит ва уни ҳаракатлаштирувчи шарт-шароитдан иборат динамик тизим – жонли система пайдо бўлади”<sup>2</sup>, дейди. Ушбу кўриниш негизида шахс эстетик маданияти миллийлик ва умуминсонийликнинг диалектикаси асосида ривожланиб бориб, жамиятни ҳаракатлантирувчи кучларнинг динамикасини маданий ва маънавий маданият воситасида майдонга келтиради. Унда халқнинг эҳтиёжлари, мақсад ва муддаолари, моддий ва маънавий мероси, назарий ва амалий фаолияти гўзаллик руҳига сингдирилган эстетик дунёқараш билан узвий тарзда ривожланади.

Файласуф ўзининг миллий мағкурага нисбатан таърифини таъкидлар экан, “миллий мағкура ҳар бир шахс, ижтимоий гурӯҳ ва тоифаларнинг хатти-ҳаракатларини, барча соҳа ва йўналишларнинг фаолиятини тартибга солиб, улардаги ўзгариш жараёнларини: ривожланиш босқичлари ва даражаларини баҳоловчи мезон; ташкиллаштирувчи ҳамда

<sup>1</sup> G’aybullayev O. Milliy g’oya tarixi va nazariyasi. –T.: Fan va texnologiya, 2019. 291-бет.

<sup>2</sup> Мамашокиров С., Тоғаев Ш. Эркін ва фаровон ҳаёт курилишининг ғоявий-мағкуравий масалалари. –T.: Маънавият, 2007. 20-бет.

мувофиқлаштирувчи механизм; ҳаракатга келтириб, аниқ мақсадга йўналтирувчи куч – усул-восита бўлади”<sup>1</sup>, деб айтади. Бу фикрлар замирида мафкуранинг жамият ижтимоий муҳити учун зарур ва универсал жараён бўлиши фалсафий тадқиқ этилади.

Миллий мафкуранинг жамият тараққиёти учун муҳим аҳамият касб этиши, унинг шахс эстетик маданияти ривожида янгиланиб давр руҳи билан уйғунлашиб боришини Ф.Мусаев қўйидагича эътироф қиласди: “Миллий мафкура давлатга демократик ўзгаришлар жараёнининг бош субъекти сифатида караб, айнан унинг фаол ташаббуси фуқаролик жамияти қурилишини таъминлайди деган назариядан, концепциядан келиб чиқади”<sup>2</sup>.

Бу фикрларда миллий мафкуранинг ижтимоий тизим билан бирлиги, хилма-хил дунёқараш ва ғояларни замонавийлиги билан боғлиқ равишда таҳлил этилади.

Миллий мафкурага берилган ушбу таъриф ва фикрлардан келиб чиқсан ҳолда, унинг бутун тарих билан боғлиқлиги, халқнинг хоҳиш-истакларини акс этиши, доимий равишда ривожланиб бориши, бири-бирини тақозо этувчи ғояларни бирлаштирувчи куч сифатида таҳлил этиб, қўйидагича таърифлаш мумкин:

Миллий мафкура – бу жамиятда ҳар бир шахснинг мукаммалликка эришувини таъминлайдиган, ўтмиш ва бугунги кунни бир-бирига боғлаб келажак сари интиладиган, инсонпарварлик тамойилига асосланган ижтимоий онг шакллари (ахлоқий сиёсий, диний, эстетик маънавий, хуқуқий ва ҳ.к.)нинг йиғиндисидир, дейиш мумкин.

Миллий мафкуранинг шахс эстетик маданияти билан алоқодорлиги Ўзбекистонда барпо этилаётган фуқаролик жамиятининг фалсафий-эстетик жиҳатларидан келиб чиқсан

<sup>1</sup> Ўша асар. 21-бет.

<sup>2</sup> Мусаев Ф. Демократик давлат қуришнинг фалсафий-хуқуқий асослари. –Т.: Ўзбекистон, 2007. 222-бет.

холатда ўзини бир қатор омиллар асосида ривожлантиради. Булар:

- шахснинг мафкуравий жараёнларни ҳаракатлантирувчи кучи сифатида ўзининг эстетик маданиятини объект ва субъект бирлигини намоён этиш;

- жамият ривожида шахснинг эстетик маданиятини миллий мафкура негизида умуминсоний қадриятлар билан узвийлигини таъминлаш, ижтимоий муҳитда маънавий меросларнинг ролини ошиб боришига кўмаклашиш;

- мустақиллик ғояларини шахс эстетик онгига сингдиришда замонавийликнинг мазмун-моҳиятидан келиб чиқкан ҳолда фаолият олиб бориш;

- мафкура асосида шахс эстетик маданиятида соғлом турмуш тарзининг жамиятдаги ролини оширишга қаратилган чора-тадбирлар тизимини ишлаб чиқиш;

Ушбу омилларнинг жамиятда шахс эстетик маданияти билан уйғунлашуви асосида мафкуравий жараёнларга алоҳида нисбат берилади. Давр руҳиятига мос келиш асосида шахснинг миллий мафкурага эстетик муносабати ранг-барангликни шакллантиради.

Ушбу омилларнинг шахс руҳиятига таъсири, жамиятдаги эстетик маданиятни ривожлантиришдаги роли жамиятдаги вазифаларни бажариш, уларни барча даражадаги таълим ва тарбия жараёнида, бутун жамият миқёсида ҳисобга олиш, миллий ва умуминсоний қадриятларнинг, маънавият ва миллий мафкуранинг ўзаро алоқадорлиги билан боғлиқидир.

Жамиятимизда янгича дунёқараш ва замон руҳини ўзида акс эттирган миллий мафкурамиз ўтмишда, аникроғи собиқ тоталитар тузумдаги мавжуд бўлган шахс эстетик маданиятига дахлдор бўлмаган қарашлардан ўзини халос қилди. Чунки бу даврнинг маънавий қиёфаси якка мафкурага асосланиш ва жамиятни бюрократик тарзда бошқариш ғояларини ўз олдига мақсад қилиб олган эди. Бундай қарашларни таҳлил қиласидаги бўлсак “муставид тоталитар тузум даврида жамиятнинг ғоявий асоси бўлган ягона коммунистик мафкура мамлакатимиз халқлари, хусусан,

ўзбек халқи турмуш тарзи, дунёқараши, тарихи, урфодатлари, анъаналари ва миллий хусусиятларини ҳисобга олмаганилиги ҳамда бизга бегона ва ёт бўлган қадриятларни, мақсадларни сингдиришга уриниб келганлиги туфайли унинг асоратларидан холос бўлишга бўлган маънавий эҳтиёжнинг мавжуудлиги билан боғлиқ эди”<sup>1</sup>.

Халқимиз учун миллий мафкурунинг нақадар долзарб ва ўта муҳимлиги, унда эстетик маданият дурдоналари маънавиятимиз асосини ташкил этиши, ҳар бир шахс фуқаролик жамиятида эскича дунёқараашдан озод бўлиши кераклигини ўргага ташлади. Хулоса қилиб айтганда, миллий мафкура жамиятимизда шахс эстетик маданиятини ривожлантириш ва шакллантиришнинг муҳим негизи ҳисобланади. Ундан оқилона ва мақсадга мувофиқ фойдаланишда воқеликка эстетик муносабатларни тўғри йўналтирилган тизимиға асосланиш, ҳар бир фуқарони аниқ дастурлар асосида фаолият олиб боришини таъминлаш муҳим саналади.

### **3.2§. Шахс эстетик маданиятининг этномаданий ва маънавий-мафкуравий ҳолатини миллий турмуш шароитларида ривожланиши**

Ижтимоий тараққиёт жараёнида ҳар қайси халқ ёхуд инсон учун аждодларидан мерос бўлиб келадиган, келажак авлодини камол топтириб вояга етказиш учун хизмат қиласиган муқаддас замин, яъни она Ватан ва унинг бағрида ниш отиб, фаровон ҳаётга хизмат қиласиган миллий-маънавий қадриятлар шаклланиб боради. Бу ўз навбатида, жамиятда шахс этномаданиятининг даврлар оралиғидаги хилма-хил анъаналар, удум ва маросимлар тарзида ижтимоий ҳаётда намоён бўлишига олиб келади.

Инсоният тарихидан маълумки, турли даврларда турли минтақа ва худудларда яшаган инсонлар ўзларининг

<sup>1</sup> Миллий истиклол гояси ва раҳбар фаолияти. –Т.: Akademiya, 2007. 6-бет.

аждодлари меросини улуғлаб, уларни юксак маънавий-мафкуравий қадриятлар сифатида ривожлантиришга интилган. Ҳар бир шахс учун ўзи туғилиб ўсган жой муқаддас саналиб, унинг урф-одатлари, маҳаллий эътиқодлари доимо эъзозланиб келинган. Хусусан, “жазира маънавияттаги яшовчи – кўчманчи бадавий, абадий музликлар билан қопланган юртлардаги – эвенклар, инсон ўтиб бўлмайдиган тўқайларда яшаётган – аборигенлар ва бошқа халқлар учун аждодлари ўтган ҳамда ўзлари яшаётган табиий муҳит, ижтимоий макон Ватан ҳисобланади. Унинг равнақини ўз ўтови, чайласи, ертўласида яшаётган оиласи, қондош уруғлари, халқи ҳаёт тарзи, эътиқоди, орзу-умидлари тимсолида тасаввур қилади. Бу тасаввурлардаги умумийлик маънавиятдаги умумисонийликнинг намоён бўлишидир”<sup>1</sup>.

Шахс учун бу табиий муҳитда эртанги кунга бўлган ишонч, маънавият ва этномаданиятни шакллантириш ётади. Юртимизда бу муҳит оила деб аталиб, унда инсон боласининг шахс бўлиб вояга етишига хизмат қиладиган маънавий-мафкуравий ҳолатлар биринчи ўринда туради. Ўзбек оиласида бошқа халқлардан фарқ қилувчи ўзига хос ва мос этномаданиятнинг намуналари бўлган анъаналар, қадриятлар, урф-одат ва маросимлар мавжудки, уларнинг ҳар бири бир дунё. Оддийгина оиласида фарзанд туғилганда унга чиройли бир исм қўйишнинг ўзи халқимизга хос анъана бўлиб ҳисобланади. Бу борада ислом динида фарзандга чиройли исм қўйиш ота-онанинг олдида бурчи эканлиги, шунингдек, Кайковуснинг “Қобуснома”сида ҳам бу ҳақдаги фикрлар билдирилган.

Ўзбек халқида бошқа халқларга ҳам хос нафосат ҳақидаги умумбашарий тушунчалардан ташқари фақат шу халқагина хос бўлган, шахс ва жамият эстетик маданиятини шакллантирадиган маънавий-мафкуравий ҳолатлар мавжуд. Бу ўзига хослик борасида жаҳоннинг кўплаб мамлакатларида

<sup>1</sup> Мамашокиров С, Ўтамуродов А. Эзгу мақсад йўлида. –Т.: Муҳаррир, 2008. 17-бет.

хилма-хил фикрлар мавжуд: Руз сиёсатшуносларининг таъкидлашича, “Оила ўзбекларнинг кўп асрлик анъаналарига ва менталитетига мос бўлган энг муҳим ҳаётий қадриятлардан бири бўлиб қолмоқда”<sup>1</sup>. Дарҳақиқат, ўзбек оиласи ўзининг анъана ва тарихига биноан ўзининг ёшларни миллий нафосат ва фаросат сарчашмаларидан баҳраманд бўлиб вояга етишишлари руҳида тарбиялаб келмоқда. Айниқса, катта ёшдаги оила аъзоларининг ахлоқий-эстетик маданияти, яни диди, руҳий, назокатли муомала мактаби, адабиёт ва санъатга муҳаббати, озодалик ва самимиятга интилиш каби фазилатлари ёшлар тарбиясида муҳим аҳамият касб этади.

Масалан, Абдулла Қодирийнинг “Ўткан кунлар” романидаги асосий қаҳрамонларнинг ҳатти-ҳаракатлари, гап-сўзлари ва муомала маданиятидаги назокат, миллий жозиба халқимиз миллий менталитетига ёрқин мисол бўлишидан ташқари, ёшларнинг эстетик маданияти шаклланиши ва ривожланишида жуда катта ўрнак тимсоли бўлиб хизмат қилади. Унинг бу романидаги “Бу хонадондан ҳеч ким норизо бўлиб кетган эмас” деб айтилган сўзларда олам-олам маъно ва қадриятларимиз мужассам бўлган.

Яна бир ўзбек адаби Абдулла Авлоний инсон ҳақидаги фикрларида тарбиянинг роли долзарблигини айтиб ўтади. У ўзининг “Туркий гулистон ёхуд ахлоқ” асарида инсон боласининг юксак шахс бўлиб етишиши учун миллий-маънавий қадриятларни улар онгига сингдириладиган эстетик тарбия билан боғлайди. Бу ҳақда шундай дейди:

Агар бир қушнинг ёш болосин олиб,  
Бўлур тарбият бирла йўлга солиб.  
Аносин олиб асрағон бирла ром  
Қилмас, киши саъй қилса мудом.  
Керак тарбият ёшлиқдан демак,  
Улуғ бўлса, лозим келур ғам емак.  
Эгур bemashaққат киши навдани,

<sup>1</sup> Гафарли М.С., Касаев А.Ч. Ривожланишнинг ўзбек модели: тинчлик ва барқарорлик – тараққиёт асоси. –Т.: Ўзбекистон, 2001. 41-бет.

Тұғунчы әгур күйдириб кавдани<sup>1</sup>.

Бу мисралар орқали Авлоний шахснинг эстетик маданияти ёшлиқдан бошланишини, инсонни катта бўлгандан кейин тарбиялаш, унинг онгиға миллий-маънавий қадриятларни сингдириш мушкул бўлишини айтади. Шунингдек, урф-одат ва маросимлар шахс маънавий камолотида муҳим саналиб, жамиятда миллий қадриятларни юксалтириш, халқ манфаати учун маърифатпарварликни ривожлантириш муҳим ахамият касб этган.

Авлоний шахс эстетик маданияти тарбиясига эътибор қаратиб, унинг жамиятда анъаналар, маросим ва удумларга амал қилиш асосида камол топишига ҳаракат қилди. Буни Авлоний қуйидагича изоҳлайди:

Худонинг раҳмати, файзи ҳама инсонга яксардур,  
Ва лекин тарбият бирла етушмак шарти акбардур.  
Туғуб ташлов била бўлмас бола, бўлғай бало сизга,  
Вужуди тарбият топса, бўлур ул раҳнамо сизга.  
Темурчининг боласи тарбият топса, бўлур олим,  
Бузулса хулқи, Луқмон ўғли бўлса, бўлғуси золим.  
Ёмонларга қўшилди Нуҳнинг ўғли, бўлди беимон,  
Юрурди Каҳф ити хўблар ила, бўлди оти инсон<sup>2</sup>.

Бу мисралар негизида Авлоний миллий қадриятларнинг юксалишида моддий ва маънавий асосларнинг борлигини кўрсатади. Шунингдек, жамиятда яшовчи фуқароларнинг мақсад-муддаолари, орзу-интилишларини ўзида ифодалашга, жамият эстетик маданиятини бойитиб боришга ҳаракат қилади. “Тарих шуни кўрсатадики, ҳар бир миллат, ҳар бир шахс, биринчи навбатда, ўз миллий ғурурига эга бўлиши, ўзлигини англаши лозим. Шахс, миллат, авваламбор, ўзини хурмат қилганидагина бошқа шахс, миллатларни хурмат қилади. Ўзлигини англамаган ғуурсиз миллат ҳар қанча моддий бойликларга эга бўлмасин қул бўлиб яшайверади. Аксинча, ўзлигини англаган, ўз аждодлари тарихини,

<sup>1</sup> Avloniy A. Turkiy guliston yoxud axloq. –T.: Yoshlar nashriyot uyi, 2018. 11-bet.

<sup>2</sup> Ўша асар. 8-bet.

қадрияти, урф-одатлари, анъаналарини эъзозлаган миллиатнинг келажаги буюк бўлади”<sup>1</sup>. Шундай экан, биз халқимизнинг асрлар оша безавол яшаб келаётган маънавий-мағкуравий қадриятларининг юксалиши учун барча анъана, урф-одат ва маросимларимизни эъзозлашимиз, ёшларимизни юксак инсоний қадриятлар билан вояга етказишимииз даркор.

Ўзбек халқининг бой ва бетакрор маънавий-мағкуравий қадриятлари кўп бўлиб, шахс эстетик маданиятининг шаклланишида улар доимо ҳаётининг маъносини ташкил этиб келади. Бу маънавий меросларимизнинг ўзига хос кўриниши шахснинг турмуш эстетикасига бўлган завқий муносабатида ўзини намоён этади.

Шахснинг турмуш эстетикаси оила муҳити негизида ривожланиб боради. Ҳар қайси оила муҳитида бола ёшлигиданоқ ўз ота-онасини турмушини кўриб, ўз ҳаётини худди шундай эстетик маданият тарзда бўлишини ҳаёлидан кўп маротаба ўтказади. Бу муҳитда бўладиган барча воқеаларни синчковлик билан кузатиб, ўзининг ҳаётга бўлган қизиқишини кучайтира боради. Чунки, инсон боласи шу муҳитда аста-секин воқеликка нисбатан эстетик муносабатларини камол топтиради. Ҳар бир кунини қизиқарли ғояларини ёдга олиб, кўплаб дўстлар даврасида бўлгиси, беғубор осмондан учиб ўтаётган самолётга мингиси, дарров катта инсон бўлиб қолгиси келади. Бундай ўй-хаёлларни боланинг ота-онасига ҳар бир берадиган саволида юзага келиши табиий. Ўз фарзандининг хилма-хил ғоялар оламига интилишини кўрган ота-она унга ҳаётдаги барча воқеа ва ҳодисалар бирин-кетин содир бўлишини, бир кун келиб болакай ҳам катта инсон бўлиб ҳалқига хизмат қилишини келажакда юксак маданиятли шахс бўлиб етишишини тушунтиради. Ана ўшанда турмуш шароитлари елкасига тушиши ва гўзал оилани бошқаришини айтади. Ота-она фарзандига насиҳат қиласр экан, турмуш, ҳаёт тез

<sup>1</sup> Азизхўжаев А.А. Мустакиллик: курашлар, изтироблар, қувончлар. –Т.: Академия. 2001. 8-бет.

ўзгарувчан ва мураккаблигини айтиб, уларда дид, онг, нафосат идеалларини бойитади.

Турмуш эстетикасидаги эстетик маданият оила муҳитида кўпроқ қизларда онага, ўғил болаларда эса отага тақлид қилиш асосида ривожланади. Оилада турмуш эстетикаси фарзандларга ўргатилар экан, “болалар меҳнат қилишга ўрганади, ўзи яратган нарсанниг қадрига етади, ... Қизлар учун қўғирчоқ ясаш, болалар учун варрак ясаш орқали ана шундай кўнилмалар пайдо бўлади”<sup>1</sup>, деб таъкидлайди.

Ваҳоланки, инсон ўз эстетик идеаллари, тасаввурлари, ақл-заковати билан турмушкини гўзал қилишга ҳаракат қиласди. Оддийгина ошхона анжомлари ҳам турмушга безак беришлигини таҳлил этиб, ҳар хил товоқ, лаган, кўза, коса, чойнак, пиёла, қошиқ ва ҳоказоларни хонадонларда авайлаб сақланади. Булар нафакат инсон эстетик эҳтиёжини қондиришга, балки турмушкини чиройли, эстетик маданиятини кўркам кўринишига хизмат қиласди.

Турмуш эстетикасини бойишида шахс эстетик маданиятига халқ амалий безак санъати катта таъсир кўрсатади. Зеро, ҳар бир шахс эстетик эҳтиёжини қондирувчи нарсалар гўзал ва эстетик дидли бўлишини истайди. Масалан, бирон-бир мебел, стол-стул, дераза ва эшиклар танлаганда унинг қулайлиги ва чиройлилиги эътиборга олинади. Мобадо хонани жиҳозламоқчи бўлганда деворларининг чиройли безатилиши, дераза пардаларининг гўзаллиги, хонага қўйиладиган буюмларнинг эстетик кўринишига аҳамият берилади.

Шахс турмушида халқ амалий безак санъатининг эстетик куч-кудрати шунчалик каттаки, бунда инсонларнинг олам ҳақидаги хилма-хил турфа оламлари, чиройли нақш ва безаклари, ранг-баранг кўринишдаги табиат манзаралари акс эттирилади. Мана шундай воқелик тўғрисидаги жозибадор манзара ва кўринишлар шахс маданиятини такомиллаштириб, олам ҳақидаги эстетик муносабатларини азалий ва абадий

---

<sup>1</sup> Абдуллаева Н. Дизайн ва бадиий-эстетик маданият. –Т.: Turon-iqbol, 2016. 87-бет.

---

жабҳаларини вужудга келтиради. Шу боисдан, турмуш эстетикаси бугунги кунда фуқаролик жамияти қуриш жараённида ўзбек хонадонларининг асосий эстетик маданияти ривожланиши учун хизмат қилиши лозим.

Турмуш эстетикасида шахснинг бутун ички ва ташқи фазилатлари намоён бўлади. Шахс муомала маданиятининг ривожланиши, шаклланиши, авваламбор, оилада, оила аъзолари мухитида, кейинчалик боғча, маҳалла, мактаб, лицей, коллеж, олий ўқув юртлари ва жамоат муассасаларида мукаммаллашиб боради. Муомала маданиятининг дастлабки ўроғи оила экан, барчамиз фарзандларимизни доимо эстетик маданияти бўлишга, яъни чиройли сўзлашга, ёмон ва хунук сўзлардан сақланишга ўргатиб боришимиз лозим. Чунки юксак эстетик маданият намунаси бўлган Ҳадиси шарифларда ҳам бу борада шундай дейилади: “Яхши сўз-жон озуғи, ёмон сўз-дил қозиги”, “Кишининг гўзаллиги унинг тилидан билинур”, “Инсон хатони кўпроқ ўз тили билан содир қиласди”, “Мулойимлик ҳикматнинг бошидур”, “Қулоққа ёмон эшитиладиган гапдан сақлан” ва ҳоказо.

Бинобарин, барчамиз муомала маданиятимизни завқий муносабатлар тизимида юқори кўтаришимиз, руҳиятимизга ижобий таъсир этадиган сўзларни ёшларимизга ўргатиб боришимиз, яшашдан мақсад, юксак эстетик маданияти шахс бўлиб вояга етишиш эканлигини уқтиришимиз лозим. Инсон яшар экан, у хоҳлайдими йўқми, барибир муомалага эҳтиж сезади. Бу эса ундан эстетик маданияти бўлишни, яъни ширин ва самимий муомалали бўлиш, қизларимиздан хаёли ва иболи, иффатли ва мафтункор бўлиш, йигитларимиздан эса одобли, хушмуомала, мард, жасур, сергак ва одамохун бўлишни талааб этади.

Шахс эстетик маданиятининг шаклланишида оиладаги тозаликка риоя қилиш, саранжом-саришталик масалалари катта рол ўйнайди. Буни ҳамма амалга ошириши мумкин. Лекин инсондаги дид турли турмуш эстетикаси асосида, меҳнат эстетикасининг турли соҳаларида хилма-хил бўлади. Шунинг учун ҳеч қачон дидсиз одам бўлмайди, аммо

инсонлар тозаликни сақлашда, озодаликка риоя этишда, уйрўзгорни саранжом-саришта қилиб қўйишда эстетик дид ва идеаллари ранг-барангдир. Чунки хар бир инсонда яхши ёки ёмон, гўзал ёки хунук дид мавжуд. Эстетик дид бу кишиларнинг фақатгина ўқиган китоблари, кўрган кинолари қанчалигида ёки кийган кийимларида эмас, балки онги ва тушунчаларининг соғлиги ҳамда юксаклигидадир. Шу боис шахс эстетик маданияти эстетик дид орқали чинакам чиройини белгилаб, маънавий ҳаётни бой бўлишига, шахсни тоза, озода, пок, камтарин, ўзига доимо эътибор бериб юришга, саранжом-саришта бўлишига хизмат килади.

Шунингдек, хар бир шахснинг оддий ва чиройли кийим-бош танлаб кийиниши, дидли, фаросатли бўлиши оиласа файз киритади. Бу бир тарафдан, шахснинг эстетик маданиятини бежирим ва қўркам қилса, иккинчи тарафдан оила учун кам чикимлик, сарф-харажатни кўпайтирмаслик, ортиқча пулни кўчага совурмасликка, оиланинг мустаҳкам бўлишига олиб келади.

Турмуш шароитларининг асосий қисми ёшларнинг турмуш қуриши, яъни тўйлари билан боғлиқ тарзда юзага келади. Тўй ўзбек халқининг жони-дилидан севувчи азалий маросимларидан биридир. Тўй бўладиган хоноданга барча маҳаллаларда тўйдан олдин қариндон-уруғ ва қўни-қўшнилар йиғилиб, “маслаҳат оши” ташкил қилинади. Унда тўй эгасига ёрдам тариқасида баҳоли-кудрат келганлар ўз марҳаматини дариф тутиб, тўйнинг сарф-харажатларини бир қисмини зиммаларига олган ҳолда ҳамжиҳатлик билан тўйни бошлишади. Тўй бошлангач, маҳалла оқсоқоли томонидан белгиланган мезбонлар тўйга келадиган меҳмонларни завқ-шавқ билан илиқ кутиб олиш учун бел қамишдан бел боғлаб турадилар. Айниқса, тўй бўлаётган хонадонда қувонч устига қувонч, ёшларга бир умрлик баҳт тилаш биринчи галдаги эзгу тилаклар бўлади.

Тўй бошланишидан олдин эндиғина мустақил ҳаётнинг нималигини тушунаётган йигит ва қиз бутун умрида бир марта бўладиган никоҳ онларидан завқ-шавққа тўлиб,

ФХДЁ(фуқаролик ҳолати далолатномаларини ёзиш)дан ўтиш билан боғлиқ эр-хотин бўлиш учун керакли хуқуқий хужжатларни имзолашади. Булар барчаси ёш келин-куёвнинг энг ҳаяжонли, бир умр эсда сақланиб қоладиган баҳтиёр дамлари, қолаверса, оила деб аталган ҳаётнинг гўзал ва сермазмун лаҳзалари хисобланади.

Булардан сўнг баҳтли келин-куёвнинг ажойиб тўйлари бўлади. Тўйда барча кишилар ўйин-кулгу, хурсандчилик қилишади, ёш келин-куёвга баҳт тилашади. Шу тарзда ўзбек тўйлари эстетикаси вужудга келган. Ўзбек хонадонларида тўйларнинг қанчалик кўп бўлиши турмушимизнинг яхшилиги белгиси, фарзандларимизнинг мустақил ҳаётга қадам қўйиш йўли экан, уларнинг бутун умри чиройли баҳор фаслидек гулларга тўлиб-тошиб, баҳтли ҳаёт кечиришлари, ёшларимиз бир-бирларини доимо тушунган ҳолда яшашлари керак. Буларнинг ҳаммаси турмуш эстетикасига асосланган эстетик маданиятимизни вужудга келтиради.

Кейинги пайтларда тўй ҳашамалар ва маракаларни ўтказиша эстетик маданиятни сұйисъетмол қилиш ҳолатлари учраб турибди. Айниқса, келин-куёв тўйларида бу нарсани кўпроқ кўрмоқдамиз. Тошкент ва Самарқанд тўйларида ким ўзарга бўлаётган тўйлар туфайли кўпроқ қиз чиқарган хонадонлар эл-юрт, маҳалла-куй олдида ўлиб қолмай деб, қарз эвазига қиз чақириди (чарлар) тўйларини қилишмоқда. Натижада қарзга қилинган тўйни азобини бир неча йил тортишларига тўғри келмоқда. Бунинг оқибатида айрим урфодатларни, маросимларни ўтказиша ахлоқий-эстетик мезон бузилиш ҳоллари хам учраб қолмоқда. Ахлоқий-эстетик мезоннинг бузилиши турли салбий оқибатларга олиб келиши ҳам мумкин.

Мана шундай ҳолатларни бартараф этиш мақсадида Ўзбекистон Республикаси Олий Мажлиси қонунчилик палатасисининг кенгаши ва Ўзбекистон Республикаси Олий Мажлиси Сенатининг 2019 йил 14 сентябрда чиқарган № 2736-Ш/КҚ-592-Ш-сонли “Тўйлар, оиласи тантаналар, марака ва маросимлар ўтказилишини тартибга солиш

тизимини янада такомиллаштириш тўғрисида”ги қўшма қарорида бу ҳақда қўйидагилар қайд этилган: “Сўнгги йилларда халқимизнинг узоқ йиллик қадриятлари ва анъаналарини ўзида акс эттирган тўйлар, оиласий тантаналар, марака ва маросимлар ўтказишда шуҳртапарастлик, ўзини кўз-кўз қилиш, бошқаларнинг ижтимоий аҳволини инобатга олмаслик, исрофгарчилик, халқимизнинг урф-одатлари ва анъаналарини менсимаслик каби иллатлар кўзга ташланмоқда ”<sup>1</sup>.

Бундай дабдабали маросим ва маракалар шахс онгига салбий таъсир ўтказади, унинг ахлоқий-эстетик маданияти ва дидининг соғлом ўсишига халал беради.

Охирги йилларда баъзи турмуш қурган янги оиласарда арзимас нарса устидан турли баҳоналар билан уруш-жанжалларнинг пайдо бўлаётганини ҳам тушуниш амри маҳол бўлмоқда.

Инсоннинг ёшлиги сувдек оқиб ўтиб кетади. Кизлар турмушга чиқади, йигитлар уйланади. Натижада, оила ташвиши, фарзанд тарбияси ва бошқа турмушга дахлдор масъулияtlар бошланади. Улар турмушнинг аччиқ-чучукларини, яхши-ёмон кунларини бошидан ўтказишади. Мана шундай пайтда эру-хотин бир бўлиб, топганини биргаликда баҳам кўриши, оила деган муқаддас даргоҳни эстетик мадният билан бойитиши керак. Бу вақтда эру-хотин бир-бирини синайди, ўзаро қийинчиликларни бартараф этишади. Агарда доимо кийим оладиган хотинга қаратада эрининг билдирган фикрларига: “Пул топиб кийинтириб кўйдингизми?”, “Ота-онам олиб беряпти-ку”, “Сенинг пулингга кийим оляпманми, ўзим ишлаб, ўзим топяпман-ку”? деган гапларни айтиш оиласида вужудга келган шароитдан ич-ичидан эзилиб юрган йигит дардини кўпайтиради. Ваҳоланки, айниқса, севиб турмуш қурганинг шу гапни айтса! Бундай ҳолларда оиласида салбий оқибатлар келиб чиқиши мумкин.

<sup>1</sup> <http://xs.uz/uzkr/post/tojlar-oilavij-tantanalar-maraka-va-marosimlar-otkazilishini-tartibga-solish-tizimini-yanada-takomillashtirish-togrисida>

Шунинг учун ҳар бир йигит-қиз турмушнинг оғири-енгилликлари, яхши-ёмон кунларини сабр билан енгиши, ҳаётларини инсонлар хавас қиласиган ажойиб мўъжизаларга бой қилишлари лозим.

Баъзи бир оилаларда эркатой бўлиб ўсган ёшлар бор. Буларга ота-оналар ўз панд-насиҳатларини билдириши, оиласдек муқаддас даргоҳда барча бўладиган ширин ва хунук ҳолатларни эру-хотин бир бўлиб ҳал этишга ўргатиш лозим.

Шу асосда шахснинг олижаноб ҳис-туйғулари, инсоний фазилатларини куйлаган ўзбек ҳалқининг эстетик идеаллари, тасаввурлари, тушунчалари бебаҳо ва ноёб ўтмиш меросга боғлиқлиги билан муштарак тарзда шаклланади. Шу асосда ҳур фикрли ва меҳрибон, софқўнгилли ва меҳнатсеварликка эга бўлган шахснинг эстетик идеаллари доим бойиб ва янада камол топа боради. Шу сабабли ўзбек ҳалқи илиги тўқ ва бақувват, ҳар томонлама маънавий камолотга етган ёшларни тарбиялашда ҳеч иккиланмасдан ўзининг қадимий ва бой эстетик идеалларига таянади. Шахснинг эстетик идеаллари эстетик маданият тушунчаси билан муштаракликни вужудга келтириб, уларни бир-бири билан яқинлаштиради. Бундай эстетик идеалларнинг турли кишиларда турлича бўлиши эса табиий равишда инсон табиатининг мураккаб ва кўп қиррали эканлигининг ифодасидир.

Ҳар бир жамиятда яшаётган шахснинг эстетик маданияти ва эстетик идеаллари бир хил бўлиши мумкин эмас. Ана шу шахснинг ҳаётга муносабати, мақсад ва орзу-умидлари билвосита эстетик идеалга боғлиқлигини кўрсатади.

Бугунги кунда муқаддас туйғулардан кўнгли тўлиб, юқсан ва соғ эстетик идеаллар асосида турмуш қуриш ва фаровон оилани камол топтириш ҳар бир ёшнинг истагидир. Шундай экан, ёшлар ўз истакларини амалга оширишдан аввал ўзларининг одоб-ахлоқи, юриш-туришлари, Ватанга, юртга, ота-она, ака-указга бўлган муносабатларини тўғри йўлга қўйишилари лозим.

Жамият равнақи йўлида ўзлигини англаган миллатгина доимо янгиликка, замонавий дунёқараш, ижтимоий ҳаёт ривожига эга бўла боради. Бу вазиятда хар бир шахс ўзининг қадриятлар, урф-одатлар, анъана ва маросимларга бўлган завқий муносабатини маънавий олам билан боғлаган ҳолда ривожлантиришга интилади.

Бу жараёнда халқимизнинг ислом динига бўлган ётиқоди ва юксак эстетик маданияти кучли эканлигини кўришимиз мумкин. Аммо қейинги пайтларда бу масалада диний қадриятларимизни юксалиши ўрнига уларни сувисътемол қилишга уринишлар бўлаётганини ҳам кўришимиз мумкин. Айрим жойларда одамлар миллий урф-одатлар билан диний маросимлар ўртасидаги фарқни тўғри тушуниб етмасдан, уларни бир-бири билан боғлаб бормоқдалар. Жойларда шариатга зид бўлган маҳаллий урф-одатларни диний маросимлар сирасига киритишга интилмоқдалар. Инсон вафотидан кейин ўтказиладиган “дафн маросими 7, 20, 40, йил, ҳайит, қор ёғди каби мархумларга атаб ўтказиладиган тадбирларда қуръон ўқиши, дуо қилиш орқали уларга диний тус берила бошланган эди. Шундан кейин уларни диний маросим сифатида қабул қилиб, гўё фарз ёки суннат амаллари каби бажарадиган бўлиб кетишган. Кейинчалик бундай маросимларни тўйлардагидек катта зиёфатлар билан ўтказиш урфга айланиб қолди. Лекин “Тўйлар, оиласи тантаналар, марака ва маросимлар ўтказилишини тартибга солиш тўғрисидаги низом”да “Дафн этиш ва мотам маросимлари кўпи билан уч кун мобайнида чекланмаган микдордаги фуқаролар иштирокида ўтказилиши мумкин, ош бериш маросими бундан мустасно”<sup>1</sup>, деб кўрсатилган. Шундай экан, дафн маросимларида ортиқча дабдабабозлик ва шухратпарастликни олдини маҳалла оқсақоллари чуқур англашлари лозим.

<sup>1</sup> <http://xs.uz/uzkr/post/tojlar-oilavij-tantanalar-maraka-va-marosimlar-otkazilishini-tartibga-solish-tizimini-yanada-takomillashtirish-togrisida>

Кенг жамоатчиликка биз ортиқча дабдаба ва маракаларни ўзказмаслик, кераксиз сарф-харажатлар билан ўзларини қийнаб кўймасликларини тушунтириб боришимиш керак. Ислом динининг асосий байрамлари бўлган Рамазон Ҳайити ва Қурбон Ҳайитларини ўтказишида халқимизнинг ҳамжиҳатлигини таъминлаш, уларни ўтказишида барчамиз якдил бўлишимиз лозим. Бу диний байрамларимизда кексалар ҳолидан хабар олиш, касалларни бориб кўриш, бева-бечораларга, ёрдамга муҳтож оиласларга кўмаклашиш динимиздаги юксак инсонийлик ва эстетик маданиятнинг белгисидир.

Бу байрамларимиз олдидан ота-боболаримиз абадий ҳаётга йўл олган қабристонларни тозалаш муҳим ҳисобланади. Бу борада Пайғамбаримиз Мухаммад алайҳиссалом ўз фикрларини билдириб, ўлим ва ҳаётнинг, қабристонларни тозалаш, ўтганларни зиёрат қилиш шахс эстетик маданиятига ижобий таъсир этувчи куч эканлиги ва ибрат намунаси бўлишини айтганлар. Бу ҳақда ўзларининг ҳадисларида: “Мен сизларни қабрларни зиёрат қилишдан ман қилувдим, энди зиёрат қилинглар, қабрларни зиёрат қилиш ўлимни эсингизга солади”, деб марҳамат қиладилар.

Халқимиз орасида мозорларни эъзозлаш, уларни доимо тоза ва пок тутишга интилиш азалий анъаналаримиздин бирига айланиб қолган. Ота-боболаримиз қадимдан қабристонларни марҳумлар ётган мангум маскан сифатида эъзозлаб, ғоят мўътабар жой, зиёратгоҳ, деб эҳтиром билан қараганлар. Мозорга чиқинди ташлашни, таҳорат ушатишни, гўр дўнги устида ўтиришни, ҳатто бу ерда намоз ўқиши гуноҳ ҳисоблашган. Қабристон ичida югуриш, уларни босиш, бола бақаралар ўйнаши ман этилган. От-улов мингган кишилар мозорга яқин келганда, эгардан тушиб, марҳумлар руҳини безовта қилмаслик учун уловларини қабристон ҳудудидан узоқлашгунча етаклаб, оҳиста-оҳиста юриб ўтганлар. Қабристон олдида “марҳумларни Худо раҳмат қилган бўлсин” деб юзимизга фотиха тортишимиз ҳам эъзозимиз рамзи ҳисобланади. Халқимиз удуми бўйича, қабрларни санаш у

ёқда турсин, бармоқ билан бигиз қилиб күрсатиш ҳам гуноҳ ҳисобланади.

Шундай экан, барчамиз доимо ота-боболаримизнинг биз авлодларга мерос қилиб қолдирган диний маросим ва анъаналарини эъзозлашимиз, уларни кўз қорачифидек авайлаб-асрашимиз керак.

Шахс эстетик маданиятини шакллантиришда диний қадриятлардан оқилона фойдаланиш лозим. Айниқса, оиласда эр-хотиннинг бир-бирига муносабати, уларнинг муомаласида инсонийлик, меҳр-оқибат, фарзанд тарбиясига бирдек масъулият билан ёндашиш, уларнинг бир-бирларига нисбатан вафодорликлари муҳим ҳисобланади.

Жамиятда шахс эстетик маданиятини шаклланишида маънавий-мағкуравий қадриятларнинг роли муҳим аҳамият касб этади. Бу қадриятларнинг вужудга келиши узоқ тарихий тараққиёт жараёнида яратилган моддий, маънавий, маданият бойликлари, муайян худудий яхлитлик, миллий тил, жамиятдаги ахлоқий муносабатлар, урф-одатлар анъана ва маросимларда шаклланиб боради. “Шу жиҳатдан ҳам урф-одат, маросим ва анъаналаримиз миллий-маънавий қиёфамизни белгилайдиган, миллий хусусият ва хислатларимизни жаҳонга тараннум этадиган миллийлигимизнинг ўзига хос компаненти сифатида ижобий аҳамият касб этади”<sup>1</sup>.

Маънавий-мағкуравий қадриятларимизнинг ўзига хос миллий хусусият касб этиши бетакрор шахс эстетик маданиятининг намуналарини шаклланишига олиб келмоқда. Бу эса, ўз навбатида “мамлакатимизда аҳолининг миллий-анаънавий ижод турларига (халқ ҳунармандчилиги, бадиий-этнографик уюшмалар, чойхоналар, маданий ҳордиқ чиқариш, жисмоний истироҳат, оммавий байрамлар) қизиқиши ошиб бормоқда. Айниқса, миллий маданий меросни тиклаш, сақлаш ва ривожлантириш ҳамда маданиятни бойитиш, бўш вақтини мароқли ўтказиш,

<sup>1</sup>Миллий истиқлол гояси ва раҳбар фаолияти. –Т.: Akademiya, 2007. 65-бет.

аждодларимизнинг анъаналарини сараб-авайлаш, ёш авлодда уларга меҳр-эҳтиром уйғотиш ихтиёрий уюшмаларни кенг тарқалган миллий демократик институтларга айлантирмоқда. Кўплаб ташкил этилаётган гузарлар, маданий-маънавий марказлар, устоз-шогирд анъаналари асосида курилган устахоналар, уюшмалар фуқаролик жамиятида миллий-этник хусусиятларни ўзида кенгроқ намоён этади”<sup>1</sup>.

Фуқаролик жамиятини шакллантираётган бир даврда миллий қадриятларга бўлган завқий муносабатларда баъзида гоҳ ошкора, гоҳ пинҳона амалий фаолиятнинг ҳар хил турларининг салбий жиҳатлари ижтимоий ҳаётимизга кириб қолаётганлигини айтишимиз жоиздир. Бугунги кунда республикамизнинг барча ҳудудлари (кўпроқ қишлоқ ва маданий ҳордик чиқариш масканлари, чойхоналар)да ҳам мана шундай кишиларни учратиб қолишимиз мумкин. Улар ўзларининг бўш вақтларини оила ёки фарзанд тарбияси, турмуш тарзини яхшилаш учун эмас, балки оддийгина қиморбозлик, сафсатабозлик, ичқиликбозлик, ахлоқий бузук фильмлар кўриш билан ўтказишга интилиб келишмоқда. Шундай кишилар билан суҳбатлашиб қолганингда бундай хусусиятларни ўзининг ҳатти-ҳаракатида очиқ кўрсатишга уялади, уни яширади, йўқотишга интилади. Бу хусусият умуминсоний бўлиб, ёмон хусусиятларга қарши курашда, ёш авлодни ҳақиқий инсоний фазилатлар эгаси қилиб тарбиялашда жамият қўлидаги буюк кучdir. Одамлардаги яхшиликка, гўзалликка, ахлоқий камолотга табиий интилиш кишилар ахлоқидаги ёмон хусусиятларга қарши курашда, уларни йўқотиша, келажакда уларни баркамол қилиб тарбиялашда қўл келади, кишилик жамиятининг ғалабасига комил ишонч билан қарашга унрайди.

Шахс ва жамият эстетик маданиятини шакллантиришда “ўзаро меҳр-оқибат, ахиллик ва тотувлик, эҳтиёжмандлик, ёрдамга муҳтоҷ кимсалар ҳолидан хабар олиш, етим-

---

<sup>1</sup>Мусаев Ф. Демократик давлат қуришнинг фалсафий-хуқукий асослари. -Т.: Ўзбекистон, 2007. 69-70-бетлар.

есирларнинг бошини силаш, тўй-томуша, ҳашар ва маракаларни кўпчилик билан бамаслачат ўтказиш, яхши кунда ҳам, ёмон кунда ҳам бирга бўлиш каби халқимизга хос урф-одат ва анъаналар”<sup>1</sup> минг йиллар давомида ўзининг абадийлигини саклаб келмоқда.

Махаллаларда жамоавийлик асосида биргалишиб халқимиз анъана ва удумларини ривожлантиришга кенг имкониятларнинг яратилиши билан оиласвий маросимларнинг роли кучайиб бормоқда. Мустақилликнинг қўлга киритилиши туфайли шўролар даврида таъқиқланиб келинган кўплаб оиласвий маросимларнинг асосий турлари, чунончи, “исм қўйиши”, “чарлар”, “соч тўйи”, “тиш тўйи”, “бешик тўйи”, “суннат тўйи”, “мучал тўйи” каби анъаналарини тиклаш учун йўл очилди. Бу ҳол ижобий албатта. Лекин кейинги йилларда оддийгина оиласвий маросим ва анъаналарни тикланиши “ким ўзарга” эгалик қилиш хисси билан шаклланмоқда. Бу маросимларни ўтказишида баъзи кишилар шухратпарастлик, дабдабозлик, ўзини кўз-кўз қилиш, манманликка берилиб кетиш каби салбий иллатлар кўзга ташланмоқда.

Халқимиз орасида юксак эстетик маданиятли шахсни яратиш учун барчамиз яқдиллик билан, ҳамжиҳат бўлиб, ёш авлодни маънавий камолотини оширишга интилишимиз, менталитетимиздан йироқ турли ғоялардан огоҳ бўлишимиз ва уларни маросимларимиздан олиб ташлашимиз керак. Айниқса, айрим оиласлар дабдабали ва ҳаддан ташқари катта харажатлар билан исрофгарчиликка йўл қўйиб тўй ўтказса, кам харажатли оиласлар эса болаларнинг ризқини қийиб, қарзга ботиб тўй қилишмоқда. Баъзи маросимлар, масалан, “бешик тўйи”, “суннат тўйи”, оила, қўни-қўшни ва қариндошлар ўртасида ўтказилиши ўрнига, катта тантаналарга айлантириб юборилмоқда.

Никоҳ тўйи маросимига оид “нон синдириш”, “маслаҳат оши”, “куда чақириқ”, “қиз базми”, “юз очди”, “келин кўрди”, “келин чорлар”, “куёв чақириқ” каби одатлар алоҳида-

<sup>1</sup>Каримов И.А. Юксак маънавият – енгилмас куч. –Т.: Маънавият, 2008. 58-бет.

алохіда тадбирга айланиб кетмокда. Уларни ортиқча дабдаба ва катта харажатсиз, ихчам шаклда, оила аъзолари, яқин қариндошлар иштирокида ўтқазиш мақсадга мувофиқдир. Жойларда катта түйга айланиб кетаётган “туғилған күн”лар, “бешік түйі”, “суннат түйі” каби маросимларни ҳам кичик, ихчам оиласын тадбир сифатида қариндошлар ва қўни-қўшнилар даврасида нишонлаш маъқул. “Кийим кўрди”, “Сарпо ёзди”, “Тутун қайтди”, “Эшик очди” каби ортиқча маросимлардан воз кечиш керак.

Бундай жамоатчиликка асосланган мұхитдаги анъана ва маросимлар ҳар бир шахс учун авлоддан-авлодга, ота-онадан фарзандга мерос бўлиб келаётган улуг неъмат бўлиб, уларда миллий-маданий қадриятлар ўзининг бўй-бастини теранроқ ва тиникроқ намоён этиб боради. Ана шу маҳалла мұхитида шахснинг онгу-тафаккури шаклланиб ва камол топиб боради. Шахснинг юксак эстетик маданият намунаси миллий урф-одат ва анъаналар, маросим ва удумларда замон рухи билан бойитилиб бораётган миллий-маданий қадриятларни келажакка муҳрлашга интилади.

Бугунги кунда шахс эстетик тафаккури ва маданиятининг юксалишида мұхим омил бўлган миллий-маънавий қадриятлар, анъаналар, удум ва маросимлардан оқилона фойдаланиш учун замон билан ҳамнафас яшашимиз лозим. Бунга асосий сабаб “турли халқлар, миллатлар ҳәётига алоқадор бўлган воқеа ва ҳодисалар, урф-одат ва анъаналар, мусиқа, рақс ва қўшиклар туфайли айрим ҳолларда урф-одат ва анъаналаримизга, миллий ғоявий негизларга зид бўлган ахборот майдони таъсири”<sup>1</sup> да бузғунчи ғояларнинг инсон онгига кучли ва тез сингиб кетаётганлигидир.

Биз шундай шароитда ҳар бир йигит-қиз учун миллий ва умуминсоний қадриятларни танийдиган, шахс сифатида шаклланадиган ва ўзини кўрсатадиган чексиз турфа оламнинг бир бўлаги сифатида жамиятнинг миллий-маънавий юксалишига хизмат қилиши керак.

<sup>1</sup> Миллий истиклол ғояси ва раҳбар фаолияти. –Т.: Akademiya, 2007. 79-бет.

Шахс эстетик маданиятининг юксалиши учун жамиятимизда кенг қамровли фаолиятнинг вужудга келганлиги натижасида миллий-маданий қадриятларимиз умумисонийликни ўзида мужассам этишга интилмоқда.

Жамият ва шахс эстетик маданиятининг юксалиши бевосита маънавий-мафкуравий қадриятлар негизида шаклланган ҳаётий тажрибаларга асосланиши, эзгу ният ва мақсадларни ўзида ифодалашга интилиши билан бойиб боради. Шахснинг эстетик эҳтиёжлари чексиз жараён сифатида ўзининг серқирра кўринишларини намоён этиб, анъана ва маросимларнинг янгилangan ҳолда жамиятда амал қилишига хизмат қиласди. Биздан бу жараён давлат ва жамиятнинг манфаат ва талабларидан келиб чиқадиган, юксак маънавият ва маърифатга асосланадиган эстетик маданиятни шаклланишига олиб келадиган миллий меросимизни, маънавий-мафкуравий қадриятларимизни камол топтиришимизни талаб этди. Чунки ҳалқимизнинг мустаҳкам эътиқоди ана шу қадриятлар негизида сайқалланиб, ўзининг сермаъно қиёфасини ривожлантириб боришга интилади. Бу миллий мерос қадимдан аждодларимиз, ота-боболаримиз, тарихий манбалардан бизгача этиб келган сиёсий, фалсафий, ҳукуқий, миллий ва диний қадриятлар, ахлоқ-одоб меъёрлари, илм-фан ютуклари, тарихий, бадиий ва санъат асарлари каби маънавий бойликлар йиғиндиси бўлиб, уни ҳалқимиз ҳамиша ўрганиб бойитганлар. Шу боисдан барча этномаданий анъаналар, удумлар ва маросимлар бизнинг заминимизда бирдамлик, ҳамжиҳатлик, ҳамфирклилик, миллатлараро тотувлиқ, иноқлик, самимийликка асосланадиган муомала маданиятини ҳам талаб этиб келган.

Қадимдан муомала маданияти юртимизда эстетик маданият билан уйғунлашган тарзда ривожланиб, шахслараро ёхуд миллатлар ўртасида бир-бирларига қулоқ солиш, жамият ва давлат манфаатлари йўлидаги фаолиятда ҳар қандай эзгуликка қаратилган фикрларга хурмат билан қараш, юрт истиқболини инобатга олиш, ҳар бир вазиятда оғир ва

вазминлик билан ўртадаги муаммони ечишга ҳаракат қилишган.

Бир юртда яшаётган турли миллат вакилларининг эстетик дунёқараши, маънавий олами ва ижтимоий ҳаёт ҳақидаги тасаввурлари хилма-хил бўлиши мумкин, лекин уларнинг эстетик маданиятларида, яъни фан, таълим, маданият ва санъатда бир-бирига яқинликлар жуда кўпдир. Шахс ўзининг маънавий-мафкуравий қадриятларидан келиб чиқсан ҳолда бир ҳудудда яшаётган миллатларнинг “баъзи урф-одат ва анъаналарини бажармаслиги мумкин, аммо уларга ҳурмат билан қараб, уларнинг устидан кулмаслиги, майна қилмаслиги керак”<sup>1</sup>. Чунки, ҳар бир миллатнинг ўзлигини англатадиган, бошқа миллатлардан фарқини кўрсатиб турадиган миллий қадриятлари мавжуд бўлиб, жамиятнинг бошқа бир аъзоси унга ўзининг дунёқарашидан келиб чиқсан ҳолда муносабат билдиради.

Ҳар бир миллат тараққиётида ота-боболарининг маънавий-мафкуравий қадриятлари бўлган этномаданий анъана ва маросимлар, урф-одатлар доимо қадрланиб келишини истайди. Ижтимоий тараққиётнинг қонуни шундайки, ҳар бир миллатнинг тили, урф-одатлари ўзлари учун жуда азиз! Одам ўз тилида эркин гапиради, ўз тилида эркин фикрлайди. Ота-бобосидан мерос урф-одатлар эса уларнинг муқаддас бойликлари, фаҳрлари, ор-номуси ёки таъбир жоиз бўлса, ўлмас хотираларидир. Шунинг учун ҳам, ўзга бир миллатнинг тили ёки урф-одатларини камситиш ўша миллатни таҳқирлаш билан баробардир. Мана шундай қиёфа собиқ шўролар даврида халқимизнинг ҳар бир фукаросини ўзининг домига тортган эди. Бу кулфат нақат Ўзбекистонни, балки йирик империя бирлаштирган барча миллатларнинг тақдирига ўзликни унтиш тамғасини босишга интилганди. Уларнинг “турли бўхтонлар билан Ўзбекистонга руси забон миллат вакилларини кўчириб келтириш, уларнинг сонини ва

<sup>1</sup> Зиёмухаммадов Б. Комиликка элтувчи китоб. –Т.: “Turon-iqbol” нашриёти, 2006. 250-бет.

салмоғини изчиллик билан ошириб бориш, күчиб келғанлар эса миллатимизга рус тили, урф-одатлари, анъаналари, қадриятлари ва турмуш тарзини сингдиришдек вазифани амалга ошириб бўлган эдилар. Бу салбий ўзгаришларнинг бутун миллатимизнинг турмуш тарзига айланишидан фақат қишлоқда яшаётган миллатдошларимиз умумий ахолининг кўпчилигини ташкил қилғанлиги омили қутқариб турган эди холос. Катта шаҳарларда эса рус турмуш тарзи, тили урф-одатлари ва анъаналари ўзининг устуворлигини тъминлаб бўлган эди”<sup>1</sup>. Лекин шуни ҳам айтиш керакки, замона зайлига кўра, ўзлигини, ота-боболарининг миллий қадриятлари ва эстетик маданиятини яхши англаган ҳалқимиз миллийлигидан воз кечмаган ҳолда яшашга мажбур бўлди.

Шарқона маънавий-мағкуравий қадриятларнинг бой ва сермазмун, фалсафий-эстетик манзарасини Farb дунёси ҳам янги асрга келиб англаб етмоқда. Farbликларнинг рухиятида шаклланиб бораётган шарқона дунёкарашнинг ўзига хос хусусиятларининг ижобий жиҳатлари ҳакида кўплаб фикрлар билдирилмоқда.

Янги асрдаги шахс эстетик маданиятининг муҳим хусусиятлари натижасида бугунги кунда Farb олами индивидуализм ғояларига эргашиш шахс ҳаёти учун муаммоларга бой бўлиб боришини англаб етмоқда. Бу борада Farb тадқиқотчиси инглиз олимни A.Этциони ўз фикрларини Шарқ билан солиштириб, одамлар “энди индивидуализм тамойилларга мувофиқ яшаш мумкин эмаслигини тушунмоқдалар”<sup>2</sup>, деб ёзади. Бу, ўз навбатида, шарқоналиктининг доимо шахс эстетик маданияти учун ҳеч вақт қадрини йўқотмайдиган миллий ва замонавий анаъаналарни, маданий турмуш тарзини, ахлоқий идеалларини бойиб боришига хизмат қиласи.

<sup>1</sup> Отамуротов Садулла, Отамуротов Сарвар. Ўзбекистонда маънавий-рухий тикланиш. –Т.: Янги аср авлоди, 2003. 194-195-бетлар.

<sup>2</sup> Etsioni A. The Spirit of Community. Rights and Responsibilities and the Communitarian Agenda. –London: 1995. –P. 24.

Халқимизнинг қон-томирига сингиб кетган шундай эстетик маданиятнинг намуналари борки, улар ҳар бир шахснинг ижтимоий турмуш тарзига бевосита таъсири этмай қолмайди. Бундай кўринишдаги анъана ва маросимлар сирасига кун билан тунни тенглигини билдириб турадиган миллый байрам “Наврўз” орқали ҳам билишимиз мумкин. Бу байрам ҳам ўзига хос халқимизнинг ўтмиши ва эстетик маданиятини келажакка етказиб беришга хизмат қилувчи кўприк вазифасини бажармоқда.

Шахс онгида янгича эстетик маданиятни шакллантириш ва ривожлантириш йўллари ва воситалари кўп: “Миллый истиқлол ғояси: асосий тушунча ва тамойиллар” китобида қайд этилганидек, “Асрлар мобайнида шаклланган, авлоддан-авлодга бебаҳо мерос сифатида ўтиб келаётган урф-одат, маросим ва байрамлар ҳам миллый мафкуранинг асосий ғояларини сингдиришда муҳим омил бўлади. Хусусан, Мустақиллик, Наврўз, ўқитувчилар ва мураббийлар, Хотира ва қадрлаш куни каби байрам ва маросимларимизнинг жамият ҳаётига замонавий мазмун бахш этиш йўлида оқилона фойдаланиш зарур”<sup>1</sup>.

Шулар асосида ҳар бир шахснинг эстетик маданияти “маънавий-маданий ҳаёт, таълим тарбия, маданий мерос, тарихий тажриба, диний, ахлоқий, маърифий қарашлар, турмуш тарзи, ранг-баранг муносабатлар, илм-фан, ҳалқ байрамлари, сайллари, томошалари ва удумлари, санъат, адабиёт каби соҳаларни ўз ичига қамраб олади. Халқнинг, миллатнинг ўзига хос этник хусусиятлари, жаҳон цивилизациясига қўшган хиссаси ҳам аслида ана шу маънавий-маданий қадриятлар билан ўлчанади”<sup>2</sup>. Бу эстетик маданиятнинг жозибадор ва бетакрор маконлари ривожи республикамизда амалга оширилаётган демократик ислоҳотларнинг маҳсули бўлиб, унда ҳар бир шахс учун

<sup>1</sup> Миллый истиқлол ғояси: асосий тушунча ва тамойиллар. –Т.: 2001. 177-бет.

<sup>2</sup> Мусаев Ф. Демократик давлат куришнинг фалсафий-хуқуқий асослари. –Т.: Ўзбекистон, 2007. 119-бет.

нақадар азиз ҳисобланган миллий-маданий қадриятлар ўзининг умуминсоний ва инсонпарварлиги билан жаҳонда Ўзбекистоннинг маънавий оламини бойлигини намойиш этишга хизмат қилмоқда. Бунинг натижасида “Ўзбекистонда амалга оширилаётган миллий демократик ўзгаришлар эса ҳалқнинг анъаналарини, ижтимоий-тариҳий тараққиёт жараёнида шаклланган қадриятларини қўллаб-қувватлайди, уларни миллий-маданий бойлик сифатида асраршга, улардан янги авлодни шакллантиришда унумли фойдаланишга даъват этади. Қайси мамлакатда, қандай ижтимоий маконда рӯёбга чиқмасин, том маънодаги демократия модернизация байроғи остида анъанавий қадриятларни рад этолмайди, тадрижийликка таянмаган ўзгаришлар ҳалқ турмуш тарзи, қалбидан жой олмайди”<sup>1</sup>.

Жамиятимизда шахснинг ҳар томонлама камол топиши учун авваламбор, тарихан шаклланиб келган диний ва дунёвий билимларнинг асосини ташкил этувчи анъаналар, миллий қадриятлар, удум ва маросимларга алоҳида эътиборни қаратишимиш керак. Бу эса, ҳар бир шахснинг жамиятдаги объектив ва субъектив омилларга таянишини тақозо этиб келади. Бу омиллар ҳамиша шуни талаб этадики, ўз ҳалқи миллий қадриятини бошқа миллат қадриятларига тескари қўймаган ҳолда ва, аксинча, бошқа миллат маънавиятини чукур ҳис килиш даражасига ўсиб чиқса ва ўз миллий қадриятини бемалол ва беминнат намойиш этиш имкониятига эга бўлса, миллий муносабатларда дўстона иқтисодий ва маънавий муроқотдан ўзга ният бўлмаса, ана шунда турли миллатларнинг маънавиятини ифодаловчи умумбашарий қадриятлар ўсиб бораверади.

Жамиятда маънавий-мафқуравий қадриятларнинг ривожланиб бориши бевосита ўзига хос миллий дунёқараш ва шахс эстетик маданиятининг юксалишига хизмат қилувчичи омилларни вужудга келтиради:

---

<sup>1</sup> Ўша асар. 235-бет.

- этномаданий анаъана ва қадриятлар жамиятда шахснинг эстетик онги ва тафакурига миллий ҳамда умуминсоний рухда таъсир этиб, ҳар бир соҳада бўладиган фаолиятга завқий муносабатни ривожлантиради;

- маънавий-мафкуравий қадриятлар негизида муайян ҳудудда яшаётган бир қатор миллат ва элатлар бирлашиб, жамиятнинг эстетик маданияти ва халқ фаровонлигини таъминлашга қаратилган маънавий-эстетик дунёқарашни шакллантиради;

- давлат томонидан қонун йўли билан кафолатланган ҳар қандай фаолиятни амалга оширишда этномаданий анъана ва удумлар ўз йўли билан, ҳеч қандай тазъйиқсиз ўз миллийлигидан келиб чиқкан ҳолда таъминланишига хизмат қиласди;

- шахс эстетик маданиятининг ривожланиш жараёни бевосита Ватан равнаки йўлида бирлашган миллатлараро муносабатларни ўз ичига қамраб олган ҳолда, ҳар бир фуқарони тинч-тотув, иноқ, ватанпарвар, юртпарвар, меҳнатсевар, меҳр-оқибатли, олижаноб, меҳрибон, садоқатли, иймонли, ахлоқан пок вижонли, камтарин ва камсуқум бўлишга чорлайди;

- маънавий-мафкуравий қадриятларнинг негизи бўлиб жамиятда хизмат қилувчи анаъана, удум, ва маросимлар халқ маънавиятининг муҳим қисми сифатида барчани эзгулик сари етаклаб, комил инсонни шакллантиришга хизмат қиласди;

- шахс эстетик маданиятининг юксалиб бориши натижасида тарихий мерос ва фалсафий тафаккурга нисбатан замон ҳамнафас демократик қадриятларнинг қарор топишини таъминловчи эстетик мерос вужудга келади.

Жамиятда шахс эстетик маданиятининг миллийлик билан боғланишини таҳлил қилганда, унинг тарихий тараққиёт жараёни билан алоқадорлик жиҳатларига эътиборни қаратишимиш, халқ тафаккурида давр мафкураси ва эстетик дунёси қандай бўлганлигини ўрганишимиз, тарихий шарт-шароитни ҳисобга олишимиз керак бўлади. Айни пайтда биз ўзлигимизни англаш етган, эстетик маданият

соҳасидаги ўзгаришларни юксак маънавият билан қуроллантиришга интилаётган даврни яратишга интилмоқдамиз.

Бу давр Ўзбекистоннинг порлоқ истиқболи учун қаратилган узлуксиз дастур ва қонунларнинг яратилишини, ижтимоий ҳаётдаги ислоҳотларнинг “Миллий тикланишдан – миллий юксалиш” деган тамойилга асосланишини талаб этмоқда. Бундай талаб айни пайтда жамиятида барча соҳаларда босқичма-босқич амалга ошириб борилмоқда.

Жамиятимизда содир бўлаётган шахс эстетик маданиятининг янгида қиёфаси ислоҳотларнинг инсон манфаатларига хизмат қилишини, демократик тамойилларнинг бой ва теран бўлиб боришини, маънавий дунёмизнинг мақсади юксак маънавиятли инсон эканлиги кўрсатмоқда. Биз бу жараённинг харакатлантирувчи кучи сифатида “шахс ва жамият”, “шахс ва давлат”, “шахс ва ғоя”, “шахс ва мафкура”, “шахс ва миллат” ўртасидаги муносабатларнинг пойдевори эстетик маданият бўлишини таъминлашга эришиш йўлларини излаб топишимиз, ҳар бир тадқиқотнинг негизида гўзал ҳаётни барпо этишдек орзулар ётганини чукур ҳис қилишимиз зарур. Бу фаолиятнинг тагтомири эстетик маданият дурдоналари билан бойитилган ҳолда шахснинг маънавий оламига сингиб кетиши ва уни гўзаллик шайдосига айлантириши керак.

Бугунги кунда шахс эстетик маданиятини шаклланиши ва ривожланишида бой ва бетакрор ахлоқий-руҳий, маънавий-эстетик олтин мерос одатлар, расм-русумлар, анъаналардан ишончлироқ манба йўқ. Чунки, буларнинг барчаси асрлар давомида ўзининг ишончли ва эстетик жиҳатдан кўркамлиги, шахс эстетик қарашларига сержило файз киритиб келиши билан ҳамиша ўз қадр-қимматини ошириб келган.

Биз янги жамиятнинг ворислари сифатида доимо бундан юксак эстетик тафаккурнинг дурдоналарини асрлаб-авайлашимиз, уларнинг келажак авлодларга ўз ҳолича етказиб беришимиз, аждодларимиз томонидан яратиб қолдирилган эстетик маданиятнинг нодир қўлёзмалари ва асарларини

бутун дунёга танитишимиз, ўтмишимизнинг нақадар бой ва жозибадор, илм ва маданият соҳасида доимо илгарилаб юрганликларини намойиш этиб боришимиз лозим.

### **3.3§. Шахс эстетик маданияти шаклланишида санъатнинг конструктив аҳамияти**

Халқнинг руҳиятига поклик ва беғуборлик, эзгулик ва ёруғлик нурларини сочиб туришда ҳар бир шахснинг етук комил инсон бўлиб етишишида санъат ва спортнинг роли катта. Жамиятда шаклланадиган ҳар қандай эстетик маданиятнинг илдизлари бевосита санъатнинг конструктив жиҳатлари билан ҳамоҳанглигida бўлади.

Санъат муайян давр маънавий ҳаётининг кўзгуси бўлиб, унда миллат ҳаёти, миллий анъаналар, замонавий ижтимоий тараққиёт шахсларнинг индивидуал хусусиятлари, табиати ва дунёқарашларини бадиий образларда акс эттиради. Бу жараённинг натижаси ҳалқ онги, ва айниқса, шахс тасаввури ва фаолиятига бадиий-эстетик манзара бағишлиайди, улардаги бунёдкорлик ва ижодкорлик фазилатларининг рӯёбга чиқишига хизмат қиласи.

Санъатнинг бундай ижтимоий вазифаси тўлиқ амалга ошиши жамиятда эркин ижодиёт ва меҳнат қонуниятлари таркиб топган бўлиши керак. Ўтган асрдаги мафкуравий яккахокимлик даврида бундай эркинликка, санъатнинг ўзига хос ички тараққиёт тамойилларига йўл қўйилмади. Санъат коммунистик мафкура ва унинг дастур тарғиботчисига айлантирилди. Индивидуал салоҳиятлар ижодий услубнинг маълум меъёрлари билан чегараланди ва натижада социалистик реализм тамойиллари устунлик қиласи.

Истиқлолнинг дастлабки кунларидан бошлаб бадиий-эстетик фаолиятда аввалги ижодий изланишлар ва муваффақиятларни қайта идрок этиш, янги миллий давлатчилигимиз ва мамлакатимиз, ҳалқимиз руҳига, онгига мос келадиган бадиий қадриялар яратиш вазифаси кун тартибига қўйилди. Мустақиллик йилларида ижтимоий

ҳаётнинг барча соҳаларида ислоҳотлар ўтказиш, миллий қадриятларни тиклаш, инсон тафаккурини ўзгартириш ва янгилаш тамойилларига асосланиб, бадиий-эстетик онгда ҳам ўзгаришлар содир бўла бошлади. Тўғри, ижтимоий ҳаётдаги кескин ўзгаришлар тўғридан-тўғри бадиий ижодиёт оламига ўтиб қолмади. Узоқ вакт хибсда сакланган шахс эркинлиги янги ижтимоий тузум ва янги маънавий эҳтиёжларга мослашиши, унга монанд бадиий образлар яратиш лозим эди.

Ижтимоий ва ижодий эркинликни қўлга киритган санъаткорлар олдида асрлар мобайнида орзу қилиб келинган ҳалқ ва Ватан озодлигининг туб моҳиятини ҳис қилган ҳолда ҳалқ онгига ҳам ана шу эстетик туйғуларни сингдириш масъулияти пайдо бўлди. Аввалги мавҳум ва миллат ҳаёти, идеалидан узоқ бўлган маънавий қадриятлар ўрнига мустақил Ватан, мустақил ҳалқнинг тарихи, тарихий хотираси, бой мероси ва анъаналарини, орзу-умидларини бадиий образларда тараннум этиш вазифаси кун тартибидан ўрин олди.

Бундай ижтимоий-сиёсий ва эркинлик шароитида ўз мафкуравий тамойилини тўғри англаб етмаслик ҳолатлари ҳам содир бўлди. Худди ана шу даврда мафкуравий бўшлиқнинг айрим томонлари оммавий ахборот воситаларида учраб қолди.

Биринчи Президентимиз Ислом Каримов ўн иккинчи чақириқ Ўзбекистон Республикаси Олий Кенгашининг биринчи сессиясида (1990 йил 24 март) сўзлаган нутқида “Санъатда ошкораликни пеш қилиб телевизор, кино экранларида, матбуот воситаларида бўлмағур лавҳаларни акс эттириш, бемаънилик ва ҳаёсизликни, баъзан эса, ҳатто ахлоқий бузуқликни тарғиб қилишлар кўпайиб қолди”<sup>1</sup> деб огоҳлантирган эди.

Санъатнинг бундай намуналари бизнинг миллий менталитетимиз, маънавий меросимиз ва ахлоқий қадриятларимизга тўғри келмаслиги табиий бир ҳол эди.

<sup>1</sup> Каримов И.А. Маънавий юксалиш йўлида. –Т.: Ўзбекистон, 1998. 28-бет.

Бинобарин, санъат аҳли олдида миллат ва мамлакат тақдири билан боғлиқ, янги замон тарихини яратувчи халқимизнинг бадиий-эстетик тафаккури ҳамда маданиятини шакллантирувчи ва ривожлантирувчи бадиий ижодиёт намуналарини яратиш вазифаси турарди.

Мустақиллик эълон қилинган кундан бошлаб Ўзбекистонда кенг кўламда сиёсий, иқтисодий ва маънавий соҳаларда ислоҳотлар авж олиб кетди. Биринчи навбатда мамлакат тинчлиги, барқарорлиги ва ҳалқ фаровонлигини таъминлаш асосий мақсадга айланди. Чунки “оч одамнинг қулоғига мусиқа кирмайди, яъни унга минг марта ташвиқот килсангиз ҳам, у қорнидан бошқа нарсани ўйламайди”<sup>1</sup>.

Вақтингчалик иқтисодий қийинчиликлар, миллий тикланиш ва покланиш жараёнидаги турли қараш ва кайфиятларнинг мавжудлиги, маънавий ҳаёт йўналиши ва таълим тизимини ислоҳ қилиш тамойиллари ижтимоий заруриятга айланган бир даврда адабиёт ва санъат аҳли зиммасига жуда катта масъулият юкланди.

Ҳалқ онги ва тасаввурига адабиёт ва санъатдан бўлак кучли таъсир қиласидан, уни юксак маънавият чўққисига олиб чиқадиган куч ва омил кам топилади. Чунки “ажойиб шеърларни ўқиганингда қандайдир ғурур, ифтихор туйғуси пайдо бўладики, одам ўзини ҳам руҳан, ҳам жисман ҳар нарсага қодир ҳис этади”<sup>2</sup>. Бунинг натижасида шахснинг эстетик маданияти янгича илҳомбахш ғоялар билан бойиб боради.

Шундай экан, мустақилликни сақлаб қолиш, уни келажак авлодларга омон етказиш, унинг қадрини халқимизга тўғри тушунтироқ учун, миллий бадиий анъана ва меросимизни тиклаб, уни бугунги кун вазифаларига чорлаган ҳолда миллий онгимизни юксалтириб, қаддимизни кўтаришимиз учун мустақиллик даврининг янги адабиёт ва

<sup>1</sup> Каримов И.А. Ўзбекистон: миллий истиқлол, иқтисод, сиёсат, мафкура. –Т.: 1-жилд, Ўзбекистон, 1996. 210-бет.

<sup>2</sup> Каримов И.А. Ўша асар. 210-бет.

санъатини яратишда халқнинг эстетик маданиятини кучайтириш муҳим ижтимоий масалага айланди.

Жамият миллий-маънавий инқирозга юз тутган, тилимиз, динимиз, маданий меросимиз ва урф-одатларимиз топталган бир даврда мустақиллик кўлга киритилган экан, уни мамлакатимиз ва халқимиз истиқболи учун қанчалик зарур ижтимоий ҳодиса эканлигини бадиий образлар орқали халқка етказиш ва ёш авлодни истиқтол ғоялари руҳида тарбиялаш жуда катта ижтимоий-фалсафий вазифа бўлди. Бизнинг халқимиз азалдан бадиий адабиётга, санъатга меҳр кўйган, у орқали умуминсоний қадриялардан баҳра олган авлод ҳамиша энг илғор, энг мукаммал авлод бўлиб келган.

Адабиёт – инсон маънавиятининг юксаклигини, мукаммаллигини таъминловчи воситалардан бири. Унинг асосий ғояси ҳам инсонни улуғлаш, эзгуликни,adolatни, эркин, чинакам инсоний дўстликни, меҳр-шафқатни тарғиб этишdir. Унинг негизида шахснинг ҳар томонлама етуклигини таъминлашга қаратилган бадиий-образлар ва эстетик маданиятнинг бетакрор намуналари акс этган бўлиб, улар ўз навбатида халқ оммаси бадиий-эстетик онги ва тафаккуридан ўрин олади.

Сиёсий жиҳатдан уйғонган, мустақиллик шабадасидан кўзи очилган халқни, айниқса, ҳар бир шахсни энди миллий ва умумбашарий маънавий жиҳатдан бойитиш, тарбиялаш энг муҳим вазифа сифатида кун тартибиغا кўйилди.

Шунинг учун мамлакатимизда олиб борилган ислоҳотлар аввал иқтисодиётни, кейин маънавиятни деган маънода эмас, балки уларни бир-биридан ажратмаган ҳолда, ўзаро уйғунликда ва алоқадорликда олиб борилди.

Маънавият ва эстетик маданият соҳасидаги ислоҳотлар, биринчи навбатда, ижодий меҳнат ахли фаолиятининг ҳуқуқий асосларини яратиш, уларга эркин ижод қилиш учун, ижодий тараққиёт учун янги-янги имкониятларни вужудга келтиришдан бошланди. Шунга биноан ижодкорлар олдига мустақиллик мағкураси талабларидан келиб чиқадиган вазифалар ҳам юкланди.

Шарқона ахлоқ, урф-одатларимиз, анъана ва тарбия тизимимиз, маънавий-эстетик қадриятларимиз тикланишига имконият яратилган экан, ижодий ният ва фаолиятда ҳам ўзгариш бўлиши шарт эди. Энди тарбиявий тизим миллий ўзликни англаш ва бадиий ижодиётнинг миллий илдизларини ривожлантириш томон ўзгарган эди. Кичкинтой болалар фақат Уолт Дисней қаҳрамонлари, Винни Пух ёки “Ну, погоди” қаҳрамонларини билиб-таниб қолмасдан, ўзбек халқ эртаклари, анъанавий қўғирчоқ театримиз образларини ҳам билиши ва улардан завқ-шавқ олиши зарур эди. Чунки дидсиз, бадиий саёз ва ғоявий жиҳатдан тутуруксиз асарларнинг пайдо бўлиши, намойиш этилиши мустакиллик билан боғлиқ муқаддас ғоялар руҳида ёшларни тарбиялашга путур етказарди. Шунинг учун болаларимиз руҳиятига, маънавий оламига мос тушадиган “Болажон” телеканали ташкил этилди. Бу эса, ўз навбатида кичкинтойларимиз учун ажойиб эстетик маданият хазинаси, билим олишга қаратилган саводхонликни шакллантириш мактабига айланди.

Уларга параллел тарзда ёшларни ватанпарварлик, ростгўйлик, ҳақсеварлик, хушмуомалалик, қисқаси, шарқона ахлоқ ва умумбашарий қадриятлар билан суюги қотган авлодни тарбиялайдиган адабиёт ва санъатга эҳтиёж туғилди. Бу адабиёт эркин сўз, эркин фикр ва озод инсон дунёқарашини, унинг бадиий-эстетик маданиятини шакллантиришда жуда катта аҳамиятга эга бўлди.

Эркин жамиятнинг эркин ижодкорлари яратган асарлар халқнинг маънавий тикланишига, эстетик маданияти тарбиясига хизмат қила бошлади. Абдулла Орипов ва Мутал Бурхоновлар томонидан яратилган “Ўзбекистон мадҳияси” ана шундай маънавиятимиз юксалишида буюқ ижтимоий-сиёсий ва бадиий-эстетик воқеа бўлди.

Ўзбекистон герби, байроғи ва мадҳиясининг сиёсий, спорт ва маданий тадбирларда ярқираши, хилпираши ва янграши халқимиз қалби ва шуурини порлоқ ҳис-ҳаяжон, завқий туйғуларга доимо тўлдириб келмоқда, ёшларимизни

эстетик жиҳатдан тарбиялашда жуда катта маънавий омил бўлиб хизмат қилмоқда.

Агар ўтган давр мобайнида адабиёт ва санъатни ривожлантириш бўйича кўрилган чора-тадбирлар, яратилган шарт-шароитлар ва маданият дурдоналарини тасаввур этадиган бўлсак бу соҳада асрлар давомида амалга оширилмаган ишлар бажарилганлигига гувоҳ бўламиз. Мустақиллик шахс эстетик маданиятига янгича рух бағишлаб, “юрга раҳбарининг ғамхўрлиги билан маданият ва санъат иншоотларини янгидан қуриш билан бир қаторда аждодларимиз қолдириб кетган улкан маданий ва тарихий ёдгорликлар ҳам қайтадан таъмиранмоқда. Шу мақсадда йигирмадан ортиқ фармон ва қарорлар қабул қилиниб, улар ўз ижросини топмоқда. Ушбу хужжатлар миллатимиз маданияти, санъати, қолаверса, миллий маънавиятимизнинг тараққиётида хуқуқий асос воситасини ўтайди”<sup>1</sup>.

Сўнгги йилларида биргина Тошкент шаҳрида “Хумо аrena” муз спорти саройи, Ўзбекистон Миллий телерадиокомпанияси таркибида “Ўзбекистон тарихи” канали, Жанубий Корея, Буюк Британия, Россия, Ҳиндистон, Италия, Сингапур, Латвия каби давлатнинг 14 та университет ва институтлари филиаллари, буюк аллома Баҳовуддин Нақшбанд бобомизнинг 700 йиллик, маърифатпарвар ва жамоат арбоби Маҳмудхўжа Беҳбудийнинг 145 йиллик таваллуд тантаналари халқимизни нафақат сиёсий онгини, шунингдек, унинг эстетик тафаккури ва маданиятининг юксалишига ҳам катта ҳисса қўшмоқда.

Ўзбекистон Республикаси Президенти Шавкат Мирзиёвнинг адабиёт, санъат ва маданият бўйича Фармонлари маънавият ва маърифатнинг инсон камолоти, баркамол авлод тарбиясида қанчалик катта аҳамиятга эга эканлигидан далолатдир: “Маданият ва санъат соҳасини янада ривожлантириш ва такомиллаштиришга доир чора-тадбирлар тўғрисида” (2017 йил 31 май) “Ўзбекистон ёзучилар уюшмаси

<sup>1</sup> Миллий истиқлол ғояси ва раҳбар фаолияти. –Т.: Akademiya, 2007. 46-47-бетлар.

фаолиятини янада такомиллаштириш чора-тадбирлари тўғрисида” “Ўзбек миллий мақом санъатини янада ривожлантириш чора-тадбирлари тўғрисида” (2017 йил 17 ноябрь); (2018 йил 5 апрель); “Ўзбекистон Республикасида маданият ва санъат соҳасини инновацион ривожлантириш чора-тадбирлари тўғрисида” (2018 йил 26 август); ““Шарқ тароналари” халқаро мусика фестивалини ўтказишга тайёргарлик кўриш чора-тадбирлари тўғрисида” (2019 йил 26 февраль); “Маданият ва санъат соҳасида давлат-хусусий шерикликни амалга оширишга кўмаклашиш ва молиялаштириш чора-тадбирлари тўғрисида” (2019 йил 9 июль); “Болалар мусика ва санъат мактаблари раҳбар, ўқитувчи ва концертмейстерлари меҳнатига ҳақ тўлаш ва уларни моддий рағбатлантириш тизимини такомиллаштириш тўғрисида” (2019 йил 30 сентябрь); “Миллий ракс санъатини янада ривожлантириш чора-тадбирлари тўғрисида” (2020 йил 5 февраль); “Тасвирий ва амалий санъат соҳаси самарадорлигини янада оширишга доир чора-тадбирлар тўғрисида” (2020 йил 21 апрель) ва ҳоказолар.

Халқимиз маънавияти ва шахс эстетик маданиятини юксалтиришга қаратилган барча Фармонлар ҳамда меъёрий хужжатлардан кўзланган асосий мақсад фуқароларимиз дунёқарашини бадиий образлар ёрдамида мустақиллик ғояларига ҳамоҳанг тарзда шакллантиришдан иборат бўлди. Масалан, 2017 йил 2 августда қабул қилинган “Миллий кинематографияни янада ривожлантириш чора-тадбирлари тўғрисида”ги қарор олдига қўйилган асосий вазифалар ўзбек миллий кино санъатининг энг яхши ютуқларини саклаб қолиш ва кўпайтириш, замонавий дунёқарашни шакллантиришда, айниқса, шахсда янгича дунёқарашни шакллантиришда кино санъатининг аҳамиятини ошириш, бадиий жиҳатдан юксак кино ва видеофильмлар ишлаб чиқариш, уларда миллий ва умумбашарий қадриятларни уйғунлаштириш кабилардан иборатдир. “Ижодкорларимиз тарихий мавзуга қўл урар эканлар, кўламни кенгроқ олишга, маррани баланд қўйишга алоҳида эътибор қаратишларини

истардик. Чет элларда Спартак, Ганнибал, Александр Македонский, Наполеон, Леонардо да Винчи, Бетховен, Лев Толстой каби буюк шахслар ҳақида тарихий ва бадиий жиҳатдан мукаммал қандай етук асарлар яратилган! Холбуки, бизнинг улуғ боболаримиз ҳам улардан зиёд бўлса зиёдки, лекин асло кам эмас. Агар биз аждодларимиз хотирасини улуғламоқчи, шу асосда ўзбек номини, Ўзбекистон номини бутун дунёга тараннум этмоқчи эканмиз, бу ишни биринчи навбатда кино санъати орқали амалга оширишимиз керак”<sup>1</sup>.

Мусика соҳасида вазифалар ҳам ёш авлодни ватанпарварлик ҳамда истиқлол ғояларига садоқат руҳида тарбиялаш, бадиий-эстетик маданиятини шакллантириш, бой миллий-маънавий меросимиз, ҳозирги замон ижодий ютуқларимиз, шунингдек, умуминсоний қадриятларни хурмат қилиш, ўрганиш ва ўзлаштириш ишларини янада яхшилашга қаратилди.

Ўзбекистон худудида қадимдан шаклланган анъаналарни авайлаб – асрар, ўрганиш, бойитиб бориш, миллий тасвирий, амалий, миниатюра санъатимизнинг нодир дурданаларини дунёга олиб чиқиш ва тарғиб қилиш, улардан ҳалқимиз онгиди миллий ғуурур ва ифтихор, истиқлол ва Ватанга садоқат туйғуларини кучайтириш йўлида кенг фойдаланиш, замон талабларига мос бадиий таълим тизимини барпо этиш, юқори малакали мутахассислар тайёрлаш, академик илмий – тадқиқот ишларини янада такомиллаштириш мақсадида “Ўзбекистон Бадиий академияси фаолиятини ривожлантириш бўйича ҳам Президент қарори тайёрланмоқда. Унга кўра, Бадиий академия аъзоларининг ижтимоий таъминот шароитлари Ўзбекистон Фанлар академияси аъзоларининг ижтимоий таъминот шароитларига tenglashshirilmokda. Қарор лойиҳасида яна бир муҳим масала, яъни рассом ва ҳайкалтарошлар томонидан яратилган асарларни давлат

<sup>1</sup> Мирзиёев Ш.М. Ҳалқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 192-бет.

музейларига сотиб олиш учун Маданият вазирлигига ҳар иили 2 миллиард сўм миқдорида маблағ ажратиш белгиланган”<sup>1</sup>. Сохта гоявий зугум ва ошкора тенденциозликдан холи бўлган санъат ана шундай ёшларда ёрқин ҳис-ҳаяжон уйғотиб, уларнинг бадиий диди ва эстетик маданияти шаклланиши ва ривожланишига хизмат қилмоқда. Эстетик маданиятни юксалтиришга қаратилган чоратадбирлар ва фаолиятларда санъатимизнинг барча тур ва жанрларида инсонпарварлик ва олижаноб туйғуларни тараннум этишга эришиш ва ахлоқ-одоб ҳамда юксак маънавиятга зид бўлган асарлар яратилишига йўл қўймаслик кўзда тутилди. Масалан, миллатимизнинг ўзига хос шарқона фазилатлари, бой маънавиятига монанд рақсларни тарғиб этиш учун қулагай шарт-шароитлар яратиш, рақс санъатини халқимизнинг юксак маънавияти ва нозик дидига зид бўлган, юзаки, ноўрин тақлидга асосланган хатти-харакат ва лиbosлар хуружидан саклаш мақсадида қуйидаги вазифалар белгиланди:

-ўзбек халқининг асрлар давомида шаклланган ва авлоддан-авлодга ноёб мерос сифатида ўтиб келаётган жозибали рақс намуналарини тўплаш, бойитиш, халқимиз, айниқса, ёш авлод онгига бу бебаҳо бойликларга чуқур хурмат ва ҳавас туйғуларини сингдириш, уларда миллый маънавиятимиз, қадриятларимизга нисбатан эҳтиром хисларини юксалтириш;

-мамлакатимизнинг барча худудларидағи рақс йўналишларини асраш, авайлаш, шу асосда янги бадиий жамоалар тузиш, мустақиллик маънавиятини ва истиқтол ғояларини тараннум этувчи, халқимизга эстетик завқ бағишлиовчи замонавий ўзбек миллый рақс мактабини яратиш.

Ана шу тариқа қадимдан халқимиз орасида кенг тарқалган, аммо замона зайлар билан унутилиб келган ёки унутилиш арафасида бўлган лапар ва қўшиқлар, “Лола

---

<sup>1</sup> Ўша асар. 209-бет.

сайли”, “Қизил гул”, “Наврӯз”, “Мехржон” сингари мавсумий байрам тантаналари тикланди.

“Бойсун баҳори” халқ талантлари кўриги жаҳон миқёсига чиқиб, ҳар йили баҳорда анаънавий тарзда ўтказиладиган бўлди. Анъанавий мусика, ҳунармандчилик ва халқ амалий санъатининг мустақиллик йиллари кенг қулоч ёйиб тараққий этиши қуидаги натижалар билан изоҳланади:

- анъанавий ўзбек санъати асрлар оша авлоддан-авлодга ўтиб келар экан, бу жараёнда у бойиб, халқ орзу умидлари, идеали ва дарду хасратларини мужассамлаштиради. Бу санъат турлари ўзининг халқчиллиги, оддийлиги, оммабоплиги, таъсирчанлиги билан халқнинг севимли санъатига айланган. Халқ санъатининг бундай имкониятларидан фойдаланиш ёшларни маънавий-эстетик жиҳатдан тарбиялашда муҳим аҳамият касб этмоқда;

- бадиий-эстетик ва завқий имкониятлари кенг бўлган халқ ижодиёти миллий онг, миллий тафаккур, миллий ғурур ва ифтихор туйғуларини шакллантиришнинг, маънавий баркамол авлодни тарбиялашнинг самарали воситаси бўлиб хизмат қилмоқда;

- халқ санъатининг тарихан таркиб топган руҳий, бадиий, эстетик, маърифий, фалсафий ва тарбиявий имкониятлари шарқона ахлоқ-одоб ва миллий ҳаёт тарзини шакллантиришда жуда катта аҳамият касб эта бошлади.

Халқ санъатининг бундай маънавий-эстетик имкониятлари илк бор 1997 йил Самарқандда ўтказилган “Шарқ тароналари” мусика фестивалида ўз ифодасини топди.

Жаҳоннинг 75 мамлакатидан келган санъаткорлар “Шарқ тароналари” 12-халқаро анжуманининг анъанага айланганини эътироф этиб, Президентимиз Шавкат Мирзиёев бу фестивалнинг очилиш маросимида шундай деган эди: “Ҳаммамизга яхши маълум, дунёning кўплаб қитъя ва минтақаларида турли санъат ва мусика анжуманлари ўтказиб келинади. “Шарқ тароналари” халқаро мусика фестивали улар орасида ўзининг алоҳида ўрни, шуҳрати ва мақоми билан ажralиб туради. Ушбу фестиваль сабабли бугунги кунда

афсонавий Самарқанднинг узоқ ўтмишини акс эттирадиган мунашвар кошоналари, муаттар ҳавоси билан бирга, бу муқаддас заминдан таралаётган дилбар ва мафтункор тароналар ҳам дунё аҳлини ўзига чорламоқда”<sup>1</sup>.

Бинобарин, бундай фестиваллар, халқнинг безавол санъат намуналаридан баҳраманд бўлиш, уларни асраш, авайлаш ва давом эттириш одамлар, халқлар ва мамлакатлар ўртасидаги меҳру шафқат, меҳру оқибат, ҳамжиҳатлик, дўстлик ва ижодий ҳамкорликларга маънавий омил бўлди. Юртбошимиз “Шарқ тароналари” ўн иккинчи жаҳон мусиқа фестивали қатнашчиларига йўллаган табригида яна бир бор бу фестивал жаҳон аҳлиниң ўзаро маданий мулоқотга бўлган ҳаётий эҳтиёжини ҳар бир халқ, ҳар бир миллат руҳида азалдан яшаб келаётган яхшилик, гўзаллик ва нафосатга интилиш ҳиссини рўёбга чиқаришда бекиёс восита бўлиб хизмат қилишини таъкидлади.

“Ўтган салкам чорак аср давомида Самарқанднинг мовий гумбазлари, юлдузли осмони остида қанчадан-қанча сехрли наволар, ҳаётбахш оҳанглар янгради. Фестиваль ўнлаб машхур хонанда ва созандалар, ноёб ёш истеъоддларни кашф қилди, уларнинг парвозига қанот, куч ва илҳом бағишлади”<sup>2</sup>.

Мустақилликдан кейин республикамиз адабиёти ва санъати ана шундай олдиндан ўйланган, изчил, давлат дастури даражасига кўтарилиган дастурлар, кўрсатмалар ва ғамхўрликлар асосида тарақкий эта бошлади. Халқни, хусусан, ёшларнинг эстетик маданиятини юксалтиришда театрнинг алоҳида ўз ўрни бор. Театрнинг биноси, ички безаги, саҳна кўриниши, актёрлар ижроси, ёритгич ускуналарининг сифатигача томошабин қалби ва онгига кучли таъсир этади. К.С. Станиславский театр кийим осадиган жойдан бошланади, деб бежиз айтмаган. Масалан, Ўзбек драма театри ишқ-муҳаббат, эзгулик ваadolat,

<sup>1</sup> <https://kun.uz/news/2019/08/26/prezident-samarqandda-sharq-taronalari-xalqaro-musiqa-festivalini-ochib-berdi>

<sup>2</sup> Ўша жойда.

маърифат ва дўстлик, одамийлик ва меҳру шафқат сингари фазилатлар, муаммоларни ўз спектакллари орқали тараннум этиб келади. Ваҳонки, “аксарият театрларимизнинг репертуарлари ғоявий-бадиий жиҳатдан nocturne, улардан ўрин олган спектаклларда бугунги кун нафаси, одамларни ўйлантираётган, ҳаяжонга солаётган жиддий ижтимоий муаммолар ўз аксини топмаяпти. Афсуски, театрларимиз кўпроқ майший мавзулардаги енгил-елпи, бачкана асарлар, одамга на маънавий озиқ, на эстетик завқ берадиган томошаларни намойиш этишга ўрганиб қолган”<sup>1</sup>. Шунинг учун миллий рух ва замонавий қиёфада қайта тикланган академик драма театрига Ўзбекистон миллий академик драма театри номи берилди. Миллий театримизда яратиладиган ранг-баранг спектаклларни минглаб санъат ихлосмандлари ҳайрат ва ҳаяжон, завқу шавқ билан томоша қилишларига, мустакиллик, ҳаёт гўзаллиги, ижод нашидаси, иймон-эътиқод, ор-номус, миллий ғуурур ҳақида чукур ўйлашларига нафис шароит, маънавий-эстетик муҳит яратилди.

2017 йил 8 августда “Ўзбекистон давлат консерваторияси фаолиятини янада ривожлантириш ва такомиллаштириш чора-тадбирлари тўғрисида” қарор қабул қилинди. Қарорга кўра, ўзбек халқининг миллий мусиқий мероси ва жаҳон мусиқа маданияти дурдоналари негизида мусиқа санъатини ривожлантириш, аҳолимиз, биринчи навбатда ёшларни миллий ва умумбашарий мусиқа санъатининг энг яхши намуналаридан баҳраманд этиш, шу асосда уларнинг маданий савиясини юксалтириш, мусиқа санъати, мусиқа таълими йўналиши учун кадрлар тайёрлаш, мусиқа санъати соҳасида жаҳоннинг етакчи олий таълим муассасалари, ижодий марказлар, таниқли композитор, мусиқачи ва ижрочилар билан ҳамкорликни йўлга қўйиш, жумладан, хорижий мутахассисларни мамлакатимизга таклиф этиш билан бир қаторда республикамизда юқори натижаларга

<sup>1</sup> Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 197-бет.

эришган мусиқачи ва педагогларнинг маҳорат дарсларини чет давлатларда тизимли ташкил этиш, Консерватория ва унинг таркибидаги Иқтидорли болалар академик лицейи профессор-ўқитувчилари ҳамда талабаларининг ижодий фаоллигини янада ошириш, ёзги таътил давомида ёшларнинг бўш вақти мазмунли ўтиши учун Тошкент вилояти Бўстонлиқ туманида жойлашган санаторийни “Мусиқа оромгоҳи” деган ном билан консерватория тасарруфига ўtkазиш<sup>1</sup> белгилаб берилди. Бу ёшларнинг эстетик маънавиятини юксалтиришдаги аҳамиятини ҳар томонлама очиб берди:

- одамзод ёзиш-чишишни, ўқишини билмаслиги мумкин, аммо гўзал куй, оҳанг ва тароналарнинг ҳаётбахш таъсирини ҳар қандай вазиятда ҳам сезади, унинг юрагида, албатта, акс садо беради;

- мусиқа, санъат инсоннинг фақат хурсандчилик кунларида эмас, балки турли-туман ҳолатларида унга куч-куват, руҳий мадад беради, ҳаётга, яшашга, ижодга ва гўзалликдан баҳраманд бўлишга чорлайди;

- инсон ўз Ватанидан қанчалик узоқда бўлмасин, бегона ўлкаларда юрган чоғида ҳам дилига яқин ўз миллий санъат асарини учратиб қолганда эл-юртини эслайди, кўнглида соғинч туйғулари жўш уради;

- ҳақиқий санъат асарлари умумбашарий тилга эга бўлиб улар барча халқ, элат ва миллатларга таржимонсиз бадиий-эстетик завқ бағишлиш хусусиятига эга бўлади.

Санъат ана шундай маърифий, маънавий ва тарбиявий имконият ва аҳамиятга молик ижтимоий мўъжизадир. Адабиёт ва санъат миллат онги ва шуурида кечётган жараёнларни ифода этиш билан баробар ўқувчи, томошабин ва тингловчини рағбатлантириш, илҳомлантириш, ижтимоий ҳаёт ва табиат гўзалликларидан завқланиш фазилатларини ҳам тарбиялаш қудратига эга. Айниқса, миллат ва мамлакат ҳаётида жиддий ўзгаришлар бўлаётган, ўзгараётган,

<sup>1</sup> Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 211-бет.

миллатнинг ўзлигини англаш, покланиш ва маънавий тикланиш жараёнлари содир бўлаётган бир даврда адабиёт ва санъат илфор гоялар ва мақсадларнинг минбарига айланади.

Мисол тарзида талантли шоир Муҳаммад Юсуфнинг айрим шеърларига мурожаат этиш жоиз. Шоир шеъриятида халқ дарди, унинг ўтмиши ва келажаги тарозунинг икки палласидай поэтик мувозанатда туради. У ўтмишни эслаганда “Алпомишга алла айтган момолар рухини шод этмоқ учун, юлдузларга нарвон қўйган фарзандларни эсламоқ учун, қаддин тўқмай, ўз қаддини билмоқ учун” “Халқ бўл, элим!” деб ҳайқиради. Шунинг учун элнинг бирлиги, тинчлиги ҳамма нарсадан афзал:

Бўлар элнинг болалари бир-бирин дер,  
Бўлмас элнинг болалари бир-бирини ер.  
Бир бўл энди, қадди баланд қаддингни кер,  
Халқ бўл, элим, халқ бўл элим, халқ бўл, элим!  
(“Халқ бўл, элим” шеъридан).

Муҳаммад Юсуф шеърияти ўзининг соддалиги, самимияти, ҳар бир ўқувчи юрагига йўл топиши, қисқаси, ўта нозик миллий оҳанги ва ранги билан ажralиб туради. У том маънодаги мустақиллик даври шоiri. Унинг кўргина шеърлари мустабид тузум даврида ёруғ дунё юзини кўрмаган бўларди. Ундаги миллий колорит, миллий менталитетни белгиловчи сезилар сезилмас, нозик кечинмалар ва эҳтиросли сатрлардан, албатта, коммунистик ғоявийлик топилмас эди. Шоир ўз шеъриятида чўлиғ кийган чўпоннинг Муқаннаю Темур Маликнинг, Алпомишу Бобурнинг, ЯссавиЮ Машрабнинг авлоди эканлигидан завқланади, тарихимиз кўчаларида гоҳ шод, гоҳ ғамгин кезади, кўп нарсаларни сезади ва уларни ўз замондошлари руҳиятига сингдиришга ҳаракат қиласди:

...Юртим, кўнглингдек кенг осмонларинг бор,  
Юлдузни ийғлатган достонларинг бор.  
Осмонларингдан ҳам дийдорингга зор,  
Жайрондек термулган Чўлпонларинг бор.  
Қўлинг қадоғига босай юзимни,

Онамсан-ку, оғир олма сўзимни,  
Қайнбарглар ёпиб қаро кўзини  
Олисларда қолган Усмонларинг бор.  
Алҳазар, алҳазар, минг бор алҳазар,  
Ана, юришибди кийганлари зар,  
Қодирийни сотиб шоир бўлганлар –  
Мехробингдан чиққан чаёнларинг бор...

Муҳаммад Юсуф шеърлари ватанпарварлик, инсонпарварлик, миллий ифтихор туйғулари, образларига тўла. У мозийнинг сирли, жумбоқли, даҳшатли ва дилни эзувчи лавҳаларини эслайдими, туғилиб ўсган қишлоғи, синглисими ва онаси ҳақида ўйлайдими, бугун ва келажак ўртасига маънавий кўпrik бўлгувчи поэтик сатрлар ижод этадими унинг кўз олдидা ягона ва муқаддас Ватан – Ўзбекистон ва жондан азиз ҳалқи туради. Унинг учун дунёда Ўзбекистондан бўлак Ватан ҳам йўқ, гўзал маскан ҳам йўқ. Шунинг учун у бошқа мамлакатлар ҳусну жамолини, қадду қоматини камситмаган ҳолда “Ўзбекистон” шеърида ўлкасининг бедапоясини Римга, тандирини Парижнинг энг гўзал ресторанларига алишмаслигини ифтихор билан куйлади.

Мустақил Ўзбекистоннинг тарихи, бугунги янгиланиш ва тикланиш даври ҳақидаги Эркин Воҳидов, Абдулла Орипов, Муҳаммад Юсуф, Халима Худойбердиева, Ойдин Хожиева, Сироқиддин Сайид сингари ижодкорларнинг шеърлари, Усмон Азим, Ҳайитмат Расул, Тоҳир Малик, Эркин Хушвақтов, Дилбар ва Тилаб Маҳмудовларнинг драматик асарлари ёшларнинг маънавий-эстетик онги шаклланишида, уларда миллий ифтихор ва ватанпарварлик, инсонпарварлик, ор-номус, меҳру оқибат сингари ахлоқий-эстетик туйғуларини ривожлантиришда катта тарбиявий вазифаларни бажармоқда.

Демак, ёш авлод маънавий маданиятининг тарбияси ҳар бир жамиятда долзарб вазифа ҳисобланиб, бугунги кун ва тарих ўртасидаги боғланишнинг асосий буғинини ташкил этади. Биз яшаётган жамият ёшларининг эстетик маданиятини

юксалтириш мустақиллик маънавиятининг моҳият ва мазмунини бадиий ифодалашга қаратилган адабиёт ва санъат олдига улкан вазифалар юклайди. Адабиёт ва санъат ёшларни маънавий-ахлоқий ва эстетик жиҳатдан тарбиялашнинг зарур омилларидан бири бўлиб келган ва шундай бўлиб қолади.

Санъат ўз табиатига кўра миллий мағкура ва миллий ғоя билан уйғунлашган ҳолда ўтмишимизга, миллий ўзлигимизга бўлган хурмат, келажакка нисбатан юксак ишонч, инсонпарварлик туйғуларини камол топтиришда катта хизмат қилмоқда. Ёшларни санъатнинг образлар дунёси билан танишириб бориш уларни комилликка етаклайдиган эстетик маданият учун зарур ижтимоий-маънавий замин ҳозирлайди.

Яқин ўтмишда, советлар даврида, социалистик реализм асосида “миллийликдан йироқ, хаёт манзаралари ва кишиларнинг эътиқодини сохта ва ёлғон ифодаловчи асарлар ёмғирдан кейин чиққан қўзиқориндек кўпайиб кетган эди”<sup>1</sup>, деб ёзади Жўрақул Баҳронов.

Натижада бу даврда санъатнинг инсонга таъсир этадиган асосий эстетик хусусиятлари атайлаб эсдан чиқарилган эди. Унинг вазифаси ҳам бош ғоя ифода этадиган кундалик талабларни ижро этиш нуқтаи назаридан баҳоланар, алҳол, яратилган асарлару ёзувчи шахсига-да ана шу нуқтаи назардан қаралар эди.

Мустақиллик даврида адабиётимизга муносабат янгича эстетик тамойиллар руҳида шаклланиб, ёш ижодкорларнинг эркин мавзуларда ижод қилиши, халқимизнинг асрлар мобайнидаги орзу-истаклари, бошдан кечирган аламларини акс эттирган асарлар тарихимизнинг миллий, диний, инсоний анъаналарининг нозик жиҳатларини кўрсатишга қаратилди.

Бозор иқтисодиёти муносабатларига ўтиш жараёнida ёшларнинг эстетик маданияти масаласи катта муаммога айланди. Айрим ёшлар бўш вақтларини қандай ўтказишин билмай, ўз хоҳиш ва истакларини чамалаб кўрмай, бадиий

<sup>1</sup> Баҳронов Ж. Шахс миллий ўзлигини англаши қонуниятлари. –Самарқанд: Зарафшон, 1995. 112-бет.

асар ўқищ, санъатнинг бирон тури билан шуғулланиш, тадбиркорлик билан ҳаёт кечириш йўлларини топа олмай эсанкираб қолдилар. Оқибатда уларнинг маънавий, бадиий-эстетик дунёсида бўшлиқ сезила бошлади. Бунинг ижтимоий сабаблари ўрганиб чиқилганда, биринчидан, театрларда эстетик жиҳатдан мукаммал ва ёшлар ҳаёти билан боғлиқ спектаклларнинг камайиб кетганлиги, иккинчидан, театрлар асосан шаҳарларда жойлашганлиги ва қишлоқдаги кинотеатрларнинг муентазам ишламаслиги, учинчидан, бозор иқтисодиёти шароитидан келиб чиқсан ҳолда ёшларни ахлоқий-эстетик тарбиялаш масаласига жойларда эътибор сусайиб кетганлиги маълум бўлди. Бу ходисанинг ижтимоий ва маънавий сабабларини Шавкат Мирзиёев қўйидагича изоҳлаб берди: “Хозирги вақтда қўпгина қишлоқ жойларда турли маънавий-маърифий тадбирлар ўтказиш учун замонавий инфратузилма тармоклари деярли йўқ. Масалан, Бахмал, Мирзаобод, Ховос, Ўрта Чирчик туманларида ёшлар учун истироҳат боғлари, кинотеатрлар умуман мавжуд эмас”<sup>1</sup>лиги қилиниши керак бўлган ишлар ҳали ниҳоясига етмаганини кўрсатади.

Хозирги демократик жамиятни қуриш кенг қулоч ёйган бир пайтда ҳар бир ишчи, хизматчи, дехқон, тадбиркор, ишбилармон, фермер, зиёли мутахассислик билими, маҳоратини ҳаётга, ишлаб чиқаришга жорий этиш билан бир қаторда, санъат ва адабиётдан баҳраманд бўлишни ҳам унутмаслиги керак. Шундагина инсоннинг ижтимоий фаолияти фаоллашиб боради. Бу тамойилнинг амалга оширилиши туфайли жойларда бадиий ҳаваскорлар тўғаракларининг кўплаб пайдо бўлишига, тарихий меросимизнинг, анъаналаримизнинг тикланишига, ривожига олиб келмоқда. Ёшларнинг ишлаб чиқаришдан ташқари бўш вақтларида санъатнинг бирон тури билан шуғулланиши наинки уларнинг бадиий-эстетик маданиятини оширмоқда,

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 513-бет.

## ЭСТЕТИК МАДАНИЯТ

шунингдек, уларнинг меҳнат самарадорлигига ҳам ижобий таъсир кўрсатмоқда. Бугун ҳар бир корхонада, фабрикада, ширкат хўжаликларида ва бошқа меҳнат жамоаларида бадиий ҳаваскорлик тўгараклари, фольклор халқ ансамбллари, халқ театрлари ташкил этилиб, улар ранг-баранг репертуар билан бойитилган ва бу ҳаваскорлар саҳналарда, маданият уйларида, клубларда ўз санъатларини намойиш қилмоқдалар. Бунга Самарқанд вилояти Ургут тумани қошида ташкил этилган “Беш қарсак” халқ ашула ва рақс бадиий ҳаваскорлар тўгарагини мисол қилиб кўрсатиш мумкин.

Ёшларимизнинг маънавий-эстетик маданиятида туб ўзгаришларнинг содир бўлишида республикамиз вилоятларида фаолият кўрсатиб келаётган профессионал санъаткорларнинг бадиий ҳаваскорлар жамоаларига санъат сирларини ўргатишда кўрсатаётган ғамхўрликлари катта аҳамият касб этмоқда. Бундай бадиий ижодий ҳамкорликнинг яхши йўлга кўйилиши халқимиз эстетик маданияти юксалишининг омилларидан бирига айланди.

Профессионал сиёsat арбоблари маҳаллий ёшларнинг миллий қадриятлар билан, меросимиз билан йўғрилган завқий фаолиятларига умумбашарий маънавий маданиятни олиб киришлари миллий санъатимизнинг янада сержило қирраларини намойиш этишларида катта ёрдам бермоқда. Бундай ижодий ҳамкорлик ёшларнинг интеллектуал савиясини, дунёқарашини миллий ва умуминсоний қадриятлар асосида шакллантириб, ривожлантириб бормоқда. Бундай маънавий-эстетик маданият умумхалқ мулкига айланиб, олқиши ва ибрат тимсолига айланади. “Шарқ донишманлари айтганидек, “Энг катта бойлик – бу ақл-заковат ва илм, энг катта мерос – бу яхши тарбия, энг катта қашшоқлик – бу билимсизликдир”!

Шу сабабли ҳаммамиз учун замонавий билимларни ўзлаштириш, чинакам маърифат ва юксак маданият эгаси бўлиш узлуксиз ҳаётий эҳтиёжга айланиши керак.

Тараққиётга эришиш учун рақамли билимлар ва замонавий ахборот технологияларини эгаллашимиз зарур ва

шарт. Бу бизга юксалишнинг энг қисқа йўлидан бориши имкониятини беради. Зеро, бугун дунёда барча соҳаларга ахборот технологиялари чуқур кириб бормоқда”<sup>1</sup>, - деб таъкидлайди Президент Ш.М.Мирзиёев.

XXI аср бошида фан-техниканинг ривожланиб бориши натижасида телевидение орқали намойиш этилаётган кўплаб кинолар бевосита компьютер технологиялари асосида яратилмоқда. Шу боисдан яратилаётган киноларда миллийлик, ватанпарварлик, инсонпарварлик, улуғворлик сингари маънавий қадриятлар ўрнига зўравонлик, тажовузкорлик, мунофиқлик, ахлоқсизлик сингари воқеалар билан боғлиқ кинотасма ва дисклар кўплаб намойиш этилмоқда. Бундай асарлар инсоннинг соғ ва завқий эстетик маданияти шаклланишига халал беради. Президентимиз Ш.М.Мирзиёев таъкидлаганидек: “Гап санъаткор одоби, уларнинг юриш-туриши, кийиниш маданияти, муомаласи билан бошқаларга, энг аввало, ёшларимизга ўrnak бўлиши зарурлиги ҳакида бормоқда. Хушовоз хонанда Санобар Раҳмонованинг бир пайтлар куйлаган дилбар қўшиқларини томошибинлар ҳозир ҳам соғиниб эслайди. Бу санъаткор телеэкранда ҳам, саҳнада ҳам иболи, хаёли, ҳақиқий ўзбек қизининг қиёфасини, чинакам образини яратиб, қанча-қанча қизларимизга ибрат бўлган эди. Афсуски, бугун телевидение орқали берилаётган баъзи клипларни оила, фарзандлар даврасида томоша қилиб бўлмай колди. Ҳар бир ҳаракатида фарбга тақлид сезилиб турадиган, очиқ-сочиқ кийинган ёшларни кўриб, наҳотки ўшулар ҳам бизнинг фарзандларимиз, бизнинг миллатимиз вакиллари бўлса, деб ўйлаб қоласан киши. Албатта, бундай муаммолар санъатни муқаддас деб биладиган устоз ижодкорларимизни ҳам қийнаётгани табиий”<sup>2</sup>.

<sup>1</sup>Мирзиёев Ш.М. Ўзбекистон халқига мурожаатнома. “Халқ сўзи” газетаси, 2020 йил, 25 январь.

<sup>2</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 202-бет.

Шунинг учун Ўзбекистон Республикасида маънавий-ахлоқий покланиш, юксак эстетик маданият учун қизғин кураш бораётган бир даврда халқимиз урф-одатларига ёт ҳисобланган хаёсиз, тарбиясиз, инсон шаънига доғ тушурувчи, ёшлар тарбиясига зарап келтирувчи фильмларни кўрсатмаслик, аксинча, халқимизнинг асрлар мобайнида шаклланиб келган энг гўзал ва ибратли хусусиятлари, одатлари, тушунчалари ва турмуш тарзини тараннум этиш ҳақида Вазирлар Маҳкамасининг 2017 йил 17 июлдаги 502-сонли “Рақамли телеэшиттиришларга ўтиш ва ер усти аналог телеэшиттиришларни тўхтатишга доир амалга ошириладиган чора-тадбирлар тўғрисида”ги қарори эълон қилинди.

Ёшларни ҳаётга ва санъатга бўлган муносабатларида гўзал ахлоқийликка, маънавий камолотга чорловчи барча манбалар, воситалар, шу жумладан, телевидение ва радио орқали миллий тарбия, миллий эстетик маданиятга оид кўрсатувлар ва эшиттиришларни кўпайтириш чора-тадбирлари кўрилди.

Эстетик маданият шаклланишида мафкура ва ижтимоий-фалсафий ғоялар билан боғлиқ бўлган адабиёт, театр, кино ва телевидениелардан ташқари шундай бадиий ижод намуналари ҳам борки, улар бевосита мафкуравий юкни кўтармаса ҳам ўзининг миллий-маънавий илдизлари, аҳамияти билан халқ бадиий-эстетик маданияти шаклланишида жуда катта роль ўйнайди. Масалан, миллатимиз ҳаёт тарзига чукур сингиб кетган халқ амалий безак санъати мустакиллик туфайли маънавий фаолиятимизни демократлаштириш ва эркинлаштириш жараёнида янгича сайқал топди.

Бундай нозик ва ноёб санъатнинг тарихи халқ тарихи ва тақдирни сингари жуда узоқ ва кўхна. Бу санъат халқнинг бунёдкорлик, ижодкорлик салоҳиятининг намунасидир. Наинки “неча асрлардан буён дунёни ҳайратга солиб келаётган Миср эхромлари, Шахрисабздаги Оқсарой, Самарқанддаги Бибихоним, Регистон майдонидаги мадрасалар мажмуи, Тожмаҳал ёдгорлиги, Эйфель минораси,

қанчадан-қанча санъат ва маданият дурдоналари - барчаси ана шундай бунёдкорлик намунасиdir. Бундай мўъжизалар бизнинг маданий меросимизда, Хива, Бухородаги бетакрор обидаларимизда, мумтоз санъат асарларимизда юксак ахлоқийликка асосланган урф-одат ва анъаналаримизда ўз аксини топган”<sup>1</sup>.

Мустақиллик йилларида бу анъанавий санъат тури халқнинг турмуш тарзини безайдиган моддий-маънавий бойлик сифатида янгича сайқал топиб, жаҳон халқлари дикқатини ўзига жалб қилмоқда. Ўймакорлик, ганчкорлик, ёғочга жило бериш авж олиб кетганлиги бунга мисол бўла олади. Халқ эстетик маданияти юксалиб бораётганига мисоллар кўп. Замон тақозоси билан санъат намуналарини оммавийлаштириш шакл ва имкониятлари кенгайди. Тасмаларга ёзилган мумтоз қўшиқлар, ашуласлар, эстрада куйлари ҳамда видео ва телефильмларни ҳар ким истаган жой ва вақтда кўриш, хордиқ чиқариш, завқ олиш имкониятига эга бўлди. Компьютер эса бу имкониятни янада кенгайтирди.

Бозор муносабатлари шароитида республикамиз шаҳар ва қишлоқларида очилган видеосалонлар, кассеталарга ёзилган бадиий фильмлар, қўшиқлар билан савдо қилувчилар сони анча кўпайиб қолди. Лекин бу соҳада ҳам миллий маънавиятимиз доирасида фаолият кўрсатиш зарур. Чунки бу “оммавий маданият” намуналарида хаёсизлик, ахлоқсизлик каби шарқона ахлоққа зид бўлган лавҳалар, куйлар, қўшиқларни ҳам тарғиб этилмоқда. Бундай салбий ҳолатларга айрим маънавият ва маърифат марказларида ишлаётган ходимларнинг эътиборсизлиги ҳам сабаб бўлмоқда.

Демак, шахс эстетик маданияти тарбиясида адабиёт ва санъатнинг ролини кучайтиrmай туриб, мустақиллик маънавий ҳаётини бир бутун тизим сифатида шакллантириб бўлмайди. Мустақиллик даври маънавий ҳаётини бозор муносабатлари талаби асосида ислоҳ қилиб бориши жараёнида катта ижтимоий куч хисобланган ёшларнинг миллий эстетик

<sup>1</sup> Миллий истиклол гояси. –Т.: Akadimiyta, 2005. 52-бет.

тафаккурини гўзаллик қонунлари асосида шакллантирмай туриб, кўзланган мақсад – фуқаролик жамиятини барпо этиб бўлмайди.

Демак, янги жамият қуриш ва янгича яшаш тарзига асосланган мустақиллик даврида, одамларнинг янгича тафаккури ва дунёқараши шаклланадиган замонда миллий адабиёт ва санъатнинг ижтимоий мавқеи ҳамда вазифалари ўзгаради. Мамлакатимиздаги ислоҳот жараёнлари ва истиқбол муаммоларини ижод ахли эркин ифодаласи орқали ҳалқни, айниқса, ёшларни, шахсни бадиий-эстетик маданиятини юксалтириш имконияти ва масъулияти кучаяди.

Мамлакатимизда олиб борилаётган сиёсий, иқтисодий, ва маънавий ислоҳотларга монанд равишда тарихимиз, миллий ўзлигимиз, анъана ва меросимиз руҳини, замонавий ислоҳотларнинг маънавий-мағфуравий моҳиятини ёшлар онгига сингдирадиган ва ундаги ватанпарварлик, меҳнатсеварлик ва шаркона ахлоқ-одоб, эстетик маданият руҳида тарбиялай оладиган адабиёт ва санъат зарур эди, тез орада бундай бадиий ижодиёт намуналари пайдо бўлди.

Бунинг учун Ўзбекистон Республикаси Президенти ва Вазирлар Маҳкамасининг қатор Фармон ва қарорлари эълон қилиндики, уларнинг барчасида ижодкорларга эркин фаолият учун барча шарт-шароитларни яратиш ва баркамол авлодни шакллантириш, унинг эстетик маданиятини юксалтиришда адабиёт ва санъатнинг ўрни ва аҳамиятини ошириш алоҳида қайд этилди.

Адабиёт ва санъатнинг ижтимоий ҳаётдаги ва шахс маънавиятидаги аҳамияти катта. Бадиий ижодиёт билан яқиндан таниш бўлган инсонда улуғвор кечинмалар, порлоқ ниятлар, ташаббускорлик, ижодкорлик туйғулари камол топади. Бундай кўтаринки кайфият, инсон қайси соҳада меҳнат қилмасин, уни ижтимоий фаолликка унрайди. Эстетик маданият ёшларни маънавий жиҳатдан покланиш, мустақиллик ғоялари, натижага идеалларидан фахрланиш, ғурурланишга олиб келади.

## **ТҮРТИНЧИ БОБ. ГЛОБАЛЛАШУВ ЖАРАЁНИДА ШАХС ЭСТЕТИК МАДАНИЯТИНИ ШАКЛАНТИРИШНИНГ ЎЗИГА ХОС ХУСУСИЯТЛАРИ**

### **4.1§. Узлуксиз таълим тизимида глобаллашувнинг шахс эстетик маданиятини шакллантиришдаги ўзига хос хусусиятлари**

Глобаллашув инсоният тарихий тараққиёти, маданий мероси, ижтимоий тузуми ва мағфуравий қарашларини доимо хилма-хиллигини таъминлаб келган. Бу жараён мустақиллик йилларида Ўзбекистонда шахс эстетик маданиятининг шаклланишида ҳам янгича кўринишини намоён эта бошлади. Айниқса, оиласда вояга етадиган ёш авлодни юксак эстетик идеаллар асосида тарбиялаш, уларни узлуксиз таълим тизимида ҳар томонлама етук шахс бўлиб етишишини таъминлаш масалаларига алоҳида эътибор қаратишни талаб этмоқда. Ёш оиласарга ғамхўрлик кўрсатиш, аёлларнинг турмуши ва меҳнат қилишларига шароитлар яратиш, оналик муҳофазаси уларнинг давлат ва жамоат ташкилотларидағи фаолиятларини фаоллаштириш бу жараённинг асосий йўналишларидир.

Ижтимоий тараққиёт жараёнининг жадал суръатлар билан ривожланиб боришида алоҳида аҳамият касб этатгандан глобаллашув ҳар бир давлат, халқ, миллат, ёхуд шахс эстетик маданиятида янгича маъно-мазмун касб этмоқда. Жамият ривожида “ҳар бир ижтимоий ҳодисанинг ижобий ва салбий томони бўлгани сингари, глобаллашув жараёни ҳам бундан мустасно эмас. Ҳозирги пайтда унинг ғоят ўткир ва кенг қамровли таъсирини деярли барча соҳаларда кўриш, ҳис этиш мумкин. Айниқса, давлатлар ва халқлар ўртасидаги интеграция ва ҳамкорлик алоқаларининг кучайиши, хорижий инвестициялар, капитал ва товарлар, ишчи кучининг эркин ҳаракати учун қулайликлар вужудга келиши, кўплаб янги иш

ўринларининг яратилиши, замонавий коммуникация ва ахборот технологияларининг, илм-фан ютуқларининг тезлик билан тарқалиши, турли қадриятларнинг умуминсоний негизда уйғунлашуви, цивилизациялараро мuloқotнинг янгича сифат касб этиши, экологик оғатлар пайтида ўзаро ёрдам кўрсатиш имкониятларининг ортиши – табиийки, буларнинг барчасига глобаллашув туфайли эришилмокда”<sup>1</sup>. Ана шундай бир вазиятда ўзлигини, миллий ғояси ва мағкурасини мустаҳкам қилган шахсгина ўтмиш мерос ва қадриятлардан ажралмаган ҳолда глобаллашувга тайёр ҳолда замонавийликни эстетик маданият даражасига кундалик турмуш тарзига тадбиқ этади.

Ўзбекистоннинг Ҳаракатлар стратегияси ўзбек халқининг буюк давлат барпо этиш борасидаги мақсад-муддаоларини, миллий ғоянинг моҳиятини кенг жамоатчиликка ҳар томонлама тушунтириш, глобаллашув жараёнининг асл моҳият-мазмунини шахс эстетик маданиятидаги ролини аниқ ва равшан қилиб олиш жамиятимизнинг долзарб вазифалардан бирига айланди.

Глобаллашув шароитида миллий ғояни ҳар бир шахс, хусусан халқимиз қалбига сингдиришда жамият ҳаётининг барча соҳаларини қамраб олиш, таълим-тарбия, тарғибот ва ташвиқотнинг самарали усул ва воситаларидан оқилона фойдаланиш тақозо этилмокда. Бугунги кунда глобаллашувнинг ижтимоий ҳаётимиз билан боғлиқлиги, айниқса, моддий ва маънавий бойликларимизнинг жамият равнақида катта аҳамиятга эгалиги хусусида Президент Ш.М.Мирзиёев ўз фикрларини билдирадар экан, “Халқимизнинг муносиб ҳаёт кечириши, фуқароларимизнинг бунёдкорлик салоҳиятини рӯёбга чиқариш учун зарур шарт-шароитлар яратди. Айни вақтда, бугунги глобаллашув даврида жаҳон миқёсида чуқур молиявий-иқтисодий инқироз давом этаётган, рақобат тобора кучайиб бораётган кескин бир

<sup>1</sup> Каримов И.А. Юксак маънавият – енгилмас куч. –Т.: Маънавият, 2008. 111-112-бет.

шароитда биз мамлакатимиз босиб ўтган тараққиёт йўлини ҳар томонлама таҳлил қилиб, давлатимизни барқарор ва жадал суръатлар билан ривожлантириш, олиб борилаётган ислоҳотлар самарасини янада ошириш мақсадида, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини ишлаб чиқдик”<sup>1</sup>, деб таъкидлайди.

Ижтимоий онгнинг бугунги кундаги роли шахснинг эстетик маданиятида ўзини жамиятга алоқадорлигини намоён этиб бориши табиий жараёндир. Бу, ўз навбатида, янгича тафаккур, янгича дунёқараш, янгича мағкуравий иммунитетни шаклланишига хизмат қиласди. Глобаллашув шароитида бу жараённинг мустаҳкам бўлиши, яъни “шахснинг ўзини намоён этиши, ҳаётий мақсадларга етиши, давлат ва жамият ўртасидаги алоқалари унинг жамиятдаги ўрни билан”<sup>2</sup> узвий бўлиши лозим.

Бундай ўзаро алоқадорлик негизида халқимизнинг юксак маънавияти, асрлар оша бойиб ва тобора мустаҳкамланиб келаётган эстетик маданияти, ахлоқий ва диний қарашлари мужассам бўлган. Глобаллашув жараёни эса, мана шундай ўтмиш меросимиз ва қадриятларимизга таҳдид солувчи куч сифатида майдонга келмоқда. Чунки глобаллашув бир томондан шахс ва жамият ривожланишига ижобий таъсир этса, иккинчи томондан эса ўзининг салбий қиёфаси билан бутун инсониятга хавф туғдирмоқда. Кейинги йилларда “бу жараённинг миллий-маънавий ҳаётга, ахлоқий қадриятлар, урф-одат ва анъаналарнинг емирилишига ўтказаётган таъсири айникса, шиддат билан ривожланмоқда”<sup>3</sup>. Бундай вазиятдан бугунги кунда ҳар биримиз огоҳ бўлишимиз, халқимизнинг асрлар давомида

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 178-бет.

<sup>2</sup>Мусаев Ф. Ўзбекистонда демократик хуқуқий давлат ва фуқаролик жамияти қуришнинг фалсафий-хуқуқий асослари. Докторлик диссертацияси автореферати. –Т.: 2008. 17-бет.

<sup>3</sup>Отамуратов С. Глобаллашув ва миллат. –Т.: Янги аср авлоди, 2008. 42-бет.

ривожланиб келаётган маънавият дурдоналарини огоҳлик билан химоя қилишимиз лозим.

Ижтимоий онгнинг барча соҳаларидағи ўзгаришларга нисбатан глобаллашувнинг қандай таъсир кўрсатаётганлигини ҳар бир шахс чукур ҳис-қилиши, унинг ҳар қандай заарали жиҳатларига эстетик маданият нуқтаи назаридан жавоб топишга шай туриши керак.

Жаҳон сиёсий саҳналарида рўй бераётган ҳар қандай янгича маҳсулотнинг вужудга келаётганининг асл сабаб ва моҳиятларига, қолаверса, эртанги тараққиётга қай даражада таъсир кўрсатиш кучига эгалигини англаш, жамиятимиз хавфизлигига таҳдид соладиган жиҳатларидан огоҳ бўлиш лозим.

XX асрдаги катта империянинг миллат ва элатлар тақдирига салбий таъсири мана шундай вазиятларнинг вужудга келишига сабаб бўлганлигини бугунги кунда мустақилликка эришган давлатлар яхши англаш етмоқда. Улар миллий қадриятлари ва тарихини тиклашга интилаётган бир даврда ўзида замон рухиятини пеш қилиб, ёш авлоднинг онгини заҳарлашга интилаётган янгича эстетик қадриятларни тўғридан-тўғри қабул қилиш бизга ярашмайди. Шу боисдан барчамиз тараққий этган мамлакатларнинг глобаллашувга бўлган таъсир доирасидан ҳамиша огоҳ бўлиб, уларнинг шахс онги ва рухиятига аста-секинлик билан салбий таъсир этувчи жиҳатларидан, “оммавий маданият” негизида кириб келаётган эстетик маданиятларидан боҳабар бўлишимиз даркор. Мана шундай ҳолатларни акс эттирувчи ўз маҳсулотлари билан ҳалқимиз турмуш тарзи, маънавияти, эстетик маданиятига кириб келишга интилаётган тараққиётдан эҳтиёткорлик билан фойдаланиш мақсадгага мувофиқдир. Чунки, бу рухият ва маданият орқали шахс онгини эгаллашга интилиш негизида ҳар бир соҳадаги тараққиётни қўлга киритиш имконияти кенгая боради. Уларнинг “ташвиқотлардан кўзланган мақсади ҳам жуда катта, яъни катта фойдага эга бўлиш, у ёки бу мамлакатнинг иқтисодиёти ва моддий ресурсларини қўлга киритиш, уларнинг миллий маънавиятини эгаллаш, ўз урф-

одат, анъана, ахлоқий қадриятларини ўзгалар онги ва қалбига сингдириш, уларни амалга ошириш йўли билан ўзга миллатни маънавий қашшоқ, ўзлигидан маҳрум қилишдан иборат эканлиги инкор этиб бўлмайдиган ҳақиқатдир”<sup>1</sup>.

Бугунги глобаллашув шароити шахс эстетик маданиятини ҳар томонлама мукаммал ва серкирра бўлишини талаб этмоқда. Бунинг боиси жамиятда содир бўлаётган ўзгаришлар бевосита ҳеч кимни глобаллашувдан четга қолишига имконият бермаяпти, аксинча ундан қочаман деганлар кўпроқ унинг тўрига тушиб қолмоқда. Инсоннинг ахборот олишга бўлган иштиёки, эстетик диidi ва кечинмалари ўзи ҳохламаган ҳолда бу вазиятга олиб бормоқда. Ижтимоий тараққиёт жараёнида ҳозирги замон технотрон, информацион цивилизацияси шаклланишининг аҳамиятли таркибий жиҳати сифатида жаҳон глобаллашуви намоён бўлмоқда. Глобал информацион алмашинув ватанпарварликни шакллантиришда аввалги замон шароитидан бутунлай бошқа вазиятни яратади, чунки аввал ҳар бир мамлакатда инсон, асосан ўз давлати, миллати, Ватани томонидан шакллантирилган ахборотлар тизими таъсирида ривожланган бўлса, энди инсон жаҳон миқёсида бутун инсоният яратган ахборотлар оқимининг ҳал қилувчи таъсири остида шаклланади.

Ҳозирги кунда ахборот тизими асосида глобаллашув халқимизнинг эстетик маданиятини ўзгартиришга, айниқса, миллий ва умуминсоний қадриятлар, анъаналар, маросимлар ҳамда урф-одатларга турли қўринишда таҳдид солмоқда. Бунга сабаб глобаллашув жаҳоннинг мафкуравий манзарасини ўзгартириб, янги-янги ғоя ва қарашларни вужудга келтираётганлигидир. “Глобал ҳамжамият кўз олдимизда дунёни аввалги илмий қашфиётлар ва инқилоблардан тубдан фарқ қилувчи жиҳатлари билан ўзгартириб юбормоқда. Рўй бераётган ўзгаришларнинг тезлиги ва чуқурлиги инсон иқтидори ва инсониятга ён-

<sup>1</sup> Ўша асар. 46-бет.

атрофга мослашиш, содир бўлаётган ўзгаришларнинг йўналишини белгилаб олиш, ўзининг онгини заруриятга мувофиқлаштиришни талаб этмоқда”<sup>1</sup>. Натижада инсоният ўзи учун қулай эстетик мухитини ундан ахтаришга интилмоқда. Ҳар бир шахс глобаллашувнинг ижтимоий гўзаллик ва соғлом руҳий мухитини ўзлаштиришга ҳаракат қилиб, ўзи англамаган ҳолда миллий мерос ва эстетик маданиятига салбий таъсир этувчи маконга тушиб қолмоқда.

Бундай ҳолатлар янги асрда кўпроқ диний экстремизм ва терроризм масаласида ўзининг ранг-баранг қиёфасини намоён этмоқда. Глобаллашув асосида терроризм ўзининг хунуклик ва тубанликка никобланган манзарасини “рангли инқилоблар” шиори остида намоён этмоқда. Бунинг оқибатида баъзи бир кучлар халқларнинг тақдири ва келажагига таҳдид солиб, азалий миллий қадриятларини паймол қилмоқдалар. Кўпларини ўзларининг “кўғирчок”лари сифатида сиёсий ўйинларга жалб этмоқда. Натижада бўлиб ўтган “рангли инқилоб”лар Грузия, Украина, Қирғизистон халқининг маданиятини ва маънавиятини пасайтириб юборишга қаратилмоқда. Бегуноҳ инсонларнинг умрини қисқартиромоқдалар. Агар бу маданиятсиз ва ваҳшийларнинг манфаатларидан “оғзинг бир марта мойландими, экстремизм, терроризм тузогига бир илиндингми, бас, бу қабоҳат тўридан тирик қутула олмайсан. Сен уларнинг кўлида бамисоли кўғирчоққа айланасан. Керак пайтда ўйнатишади, керак пайтда сайратишади, керак пайтда эса-бомба қилиб портлатишади”<sup>2</sup>.

Бунинг учун жамиятимизда ҳар бир шахсни авваламбор, инсонпарварлик руҳи ва ҳис-туйғулари билан уйғунлашган соғлом турмуш тарзи ҳамда ҳаётини изчил йўлга кўйишимиз, маънавий-маърифий фаолиятимизни гўзаллик дунёси негизида камол топтиришимиз лозим. Ана шундагина

<sup>1</sup> Уткин А.И. Глобализация: процесс и осмысления. –М.: Логос, 2002. -с.6

<sup>2</sup> Энг катта бойлигимиз – тинчлик ва барқарорликни асройлик. –Т.: Akadimiya, 2006. 119-бет.

жамиятимизда бундай асл қиёфаси билан тубанликни мақсад қилиб олган инсонларнинг нопок режаларининг илдизига болта урган бўламиз. Жаҳон миқёсида “хозирги пайтда халқаро терроризм, тажковуз, таҳдид ва хуружларга нисбатан пассив кузатувчи бўлиб туриш мумкин эмаслигини, балки унга қарши ҳам амалий-ташкилий, ҳам маънавий-маърифий, тарғибот ишларини фаол олиб бориш зарурлигини англаб етишигина эмас, балки бу курашда ҳар бир фуқаро, айниқса ёшлар ўзларининг фаол иштирок этишга интилишларини намоён этмоқдалар”<sup>1</sup>. Мана шундай ижтимоий муҳитни шаклланиши бевосита жамиятда шахс завқий муносабатларини янгича бадиий-эстетик ғоялар билан бойитиб, терроризм ва диний ақидапарастликка қарши курашишда асосий воситалардан бири бўлиб хизмат қиласди.

Терроризмнинг мазмун-моҳиятини ўзида акс эттигувчи айрим ёвуз ғоялар бугунги кунда жаҳоннинг барча мамлакатларида ахборот тарқатувчи тизим сифатида ривожланиб бормоқда. Бу ахборотларнинг энг мудҳиш балога айланиши халқларнинг эстетик маданиятларини чалкаштириб ташлашга хизмат қилмоқда. Мана шундай мураккаб бир вазиятда “ўз меҳнати, қувонч-ташвишлари билан яшайдиган миллионлаб одамлар ҳаётига, тинчлик ва хавфсизликка катта таҳдид солаётган бу ҳолатни маълум маънода “информацион террор” деб аташ мумкин. Даҳшатли моҳиятини ҳали кўпчилик билиб-билмай, англаб етмай турган бу ғаламисликнинг оқибати ер юзининг турли бурчакларида минглаб бегуноҳ қишиларнинг умрига зомин бўлаётган террорчи кимсаларнинг кирдикорларидан асло кам эмас”<sup>2</sup>.

Азалдан ислом динига эътиқод қилиб келган халқимизнинг айрим шахслари баъзида диний ақидапарастлик никоби остида фаолият юргизаётган кучлар сиртмоғига тушиб қолмоқда. Бу ҳолатлар бевосита

<sup>1</sup> Файзиев С., Норматов К. Терроризм ва ёшлар: муаммо, ечимлар. –Т.: Фалсафа ва ҳукуқ институти нашриёти, 2007. 52-бет.

<sup>2</sup> Энг катта бойлигимиз – тинчлик ва барқарорликни асройлик. –Т.: Akadimiya, 2006. 112-бет.

мамлакатимизнинг тараққиётига, эртанги кунга қаратилган маънавияти ва маданиятига таҳдид эканлигини унутмаслигимиз даркор. “Илк бор “Ўзбекистон Республикаси Давлат хавфсизлик хизмати тўғрисида”ги қонун қабул қилиниб, унга асосан давлат манфаатларини ички ва ташки таҳдидлардан ишончли ҳимоя қилиш янги тузилган маҳсус идоранинг вазифаси этиб белгиланди.

Экстремизм ва терроризм хавфи, мамлакатимиз конституциявий тузуми ва иқтисодиётига тажовузлар сақланиб қолаётган бугунги таҳликали замонда Давлат хавфсизлик хизматининг мард ва жасур аскар ва офицерлари ҳар қандай бузгунчи кучларга қарши муросасиз курашиши ва Ватанимиз ҳимоясида мустаҳкам қалқон бўлиши зарур”<sup>1</sup>.

Жаҳон миқёсида глобаллашувнинг маҳсули сифатида ҳалқлар тақдири ва истиқболига солинаётган маънавий таҳдидлар асосан шахс эстетик маданиятини ўзгартириш билан боғлиқдир. Бундай таҳдидчилар ўзларининг сиртдан чиройли ва жозибадор қиёфадаги моддий ва маънавий маданиятларини бошқаларга ўрнак қилиб, аслида ички моҳияти билан тубанликни амалга оширишга қаратилган ислоҳотларни кўзламоқдалар. Бундай эстетик фаолият дунёning ривожланган давлатларида ҳам мавжудлигини, хусусан, АҚШ, Англия, Франция, Германия, Норвегия каби давлатларнинг азалий эстетик маданиятлари ачинарли вазиятга олиб бораётганини бугун оммавий ахборот воситалари ва интернет тармоғидан тез-тез учратиб турибмиз. Айни пайтда жаҳонда “шиддат билан ўзгараётган дунё инсоният олдида, ёшлар олдида янги-янги уфқ ва имкониятлар очиш билан бирга, уларни илгари кўрилмаган турли ёвуз хавф-хатарларга ҳам дучор этмоқда. Диний экстремизм, терроризм, гиёҳвандлик, одам савдоси, ноқонуний миграция, «оммавий маданият» каби таҳдидлар қанча-қанча оиласлар, мамлакатлар бошига оғир кулфатлар

<sup>1</sup> Мирзиёев Ш.М. Нияти улуғ ҳалқнинг иши ҳам улуғ, ҳаёти ёруғ ва келажаги фаровон бўлади. –Тошкент: Ўзбекистон, 2019. 63-бет.

олиб келмоқда, ғаразли күчлар ҳали онгу тафаккури тўла шаклланиб улгурмаган болаларни ўз ота-онаси, Ватанига қарши қўйиб, уларнинг ҳаётига зомин бўлмокда. Шунинг учун биз – ота-оналар, устоз-мураббийлар, жамоатчилик, маҳалла-кўй бу масалада хушёрлик ва огоҳликни янада ошириб, буюк маърифатпарвар бобомиз Абдурауф Фитрат айтганидек, бу дунё ҳақиқатан ҳам кураш майдонига, соғлом тан, ўткир ақл ва яхши ахлоқ эса бу курашнинг куролига айланиб бораётганини чуқур англаб, шу борада жаҳолатга қарши маърифат асосида иш олиб боришимиз зарур”<sup>1</sup>.

Жамиятимизда глобаллашувнинг шахс эстетик маданиятига катта таъсир этишини кўпроқ миллийлик ва азалий қадриятлар негизида камол топтиришни йўлга қўйиш долзарб масала хисобланади. Миллатимизни бундай бўронлардан сақлаб қолиш учун авваламбор дину диёнатимизни кўз қорачиғидек асраримиз, иймон-эътиқодимизни мустахкам қилишимиз, ахлоқ-одоб ва урф одатларимизни ҳар бир фуқаронинг онги ва қалбига инсонийлик туйғулари ҳамда эстетик идеаллар асосида сингдиришимиз лозим.

Мамлакатимизда бу масалаларга жиддий эътибор берилиб, республикамизнинг барча вилоятларида узлуксиз таълим тизими учун хизмат қиласиган, юксак эстетик маданиятни шакллантиришга қаратилган “Ёшлар маркази” бинолари қад ростлаб, уларда минглаб ёшларимиз ўзларининг келажакка ишонч туйғуларини миллий меросларимиз ва маросимларимиз билан мустаҳкамлаб бормоқда. Хусусан, мамлакатимиз пойтахтида жойлашган“ “Ёшлик” талабалар шаҳарчасидаги “Маънавият ва маърифат” марказида “Нафосат” клуби ташкил этилган бўлиб, у ерда қизларни ҳаётга тайёрлаш, уларнинг эстетик дидини шакллантириш,

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баходир. –Т.: Ўзбекистон, 2-жилд, 2018. 496-бет

айниқса, кийиниш маданияти масалаларига алоҳида эътибор қаратилади”<sup>1</sup>.

Инсон онгига тобора чуқурроқ таъсир этиб бораётган глобаллашув айни чоғда ҳар бир жамият аъзосини бефарқ қолдирмаслиги, дунё мамлакатлари ва халқларининг турмуш тарзига сингиб бораётган турли кўринишдаги эркинликлардан огоҳ бўлишлари, ўзларини ўзгаларга қарам қилиб қўймасликлари учун миллий қадриятларимиз ва маънавиятимизнинг теран томирларини мукаммал ўзлаштириши керак. Шиддат билан кириб келаётган турли ахборот оқимидан “ҳар қайси одамнинг том маънодаги эркин инсон бўлиб яшашига қарши қаратилган, унинг айнан руҳий дунёсини издан чиқариш мақсадини кўзда тутадиган мафкуравий, ғоявий ва информацион хуружлар”<sup>2</sup>дан сақлаб қолувчи эстетик иммунитети ривожланиши даркор. Эстетик иммунитет асосида шахснинг воқелик ҳақидаги тасаввурлари, тушунчалари, эстетик идеаллари хаётийлашиб ва гўзаллашиб боради.

Бугунги кунда энг нозик ва мураккаб бўлган дин соҳасида, аввало, дин маънавият ва маданиятнинг устунларидан бири эканлигини барча замонларда миллий ғоя ва мафкура диний қарашлар билан уйғун ривожланишини назарда тутиш лозим. Дин ўз моҳиятига кўра поклик, меҳроқибат каби эзгу туйғулар орқали миллий мафкуранинг ғояларини юртдошларимиз қалби ва онгига сингдиради. Муқаддас динимизга соғлом ва мўътадил муносабатни шакллантириш – бу борадаги энг мухим мафкуравий вазифадир.

Шундай экан, юксак даражада шахс эстетик маданиятининг шаклланиши, яъни “ҳозирги замон кишиси ўзининг дунёвий дунёқарashi ва амалий позициясида миллий, диний ва умуминсоний – дунёвий қадриятларни

<sup>1</sup> Эркин ва фаровон ўаётни юксак маънавиятсиз куриб бўлмайди. –Т.: О’zbekiston, 2006. 16-бет.

<sup>2</sup> Каримов И.А. Юксак маънавият – енгилмас куч. –Тошкент: Маънавият, 2008. 13-14 -бетлар.

уйғунлаштиради. У диний қадриятларга юксак хурмат күрсатиш билан бирга эътиқодий тутруқсизликка йўл қўя олмайди. Яъни ҳозирги замон кишиси ўрта аср ҳаёт тарзининг маҳсули бўлган, фақат ўша давр кишиси учун тушунарли бўлган мукаддас қадриятларни эътироф этиб, хурмат қилган холда, у ўрта аср ҳаёти, дунёкараши, қадриятларига қайтиш эмас, балки юксак технологиялар, умуминсоний ва демократик тараққиёт қадриятларига мослашиши объектив заруриятдир”<sup>1</sup>.

Асрлар мобайнида шаклланиб ва ривожланиб келаётган, авлоддан-авлодга бебаҳо мерос сифатида ўтиб келаётган диний урф-одат, маросим ва байрамлар ҳам эстетик маданиятни шахс онгига сингдиришда муҳим ўрин тутади. Хусусан, ўзбек ҳалқи “ҳаётидаги қоида ва арконлар, қадимий анъана ва қадриятлар, ушбу юртнинг асрлар давомида ислом цивилизацияси ва маданиятига қўшган хиссаси, бу ерда қандай юксак тафаккур соҳиблари, буюк уламолар яшаб ўтган ва улар қолдирган илмий-маънавий мерос”<sup>2</sup> бутун мусулмон оламининг эстетик маданияти равнақига катта хисса қўшмоқда.

Бугун мамлакатимизда шахс эстетик маданиятини шакллантиришда дин маънавий-мафкуравий тамойил сифатида, жамиятимиз ривожланишининг муҳим бир омилига айланиб қолди. Бунинг асосий сабаблари – жамиятимиздаги турли динларнинг ўрни ва уларнинг бир-бирига бўлган бағрикенглиги ошмоқда ва мустаҳкамланмоқда.

Бу эстетик маданиятнинг мазмун-моҳияти қадимдан ҳалқимизнинг онги ва қалбида шаклланиб, Ватанимизда амал қилиб келганлигидир. Бу дин инсоннинг фалсафий, табиий, ахлоқий, тарихий, санъат, руҳий ва эстетик қарашларини мураккаб гармоник ривожланишини намоён этади.

<sup>1</sup>Файзиев С., Норматов К. Терроризм ва ёшлар: муаммо, ечимлар. –Т.: Фалсафа ва ҳукуқ институти нашриёти, 2007, 55-бет.

<sup>2</sup>Норматов К., Қирғизбоев А. Тошкент бағрикенг шаҳар. –Т.: 2007. 4-бет.

Шахс эстетик маданияти хилма-хил диний эътиқодга эга бўлган кишиларнинг бир замин, бир ватанда олижаноб ғоя ва ниятлар йўлида ҳамкор ва ҳамжиҳат бўлиб яшашини англатади.

Шунингдек, эстетик маданият жамиятда турли динларнинг ва турли динларга мансуб бўлган кишиларнинг ўзаро ҳамдўстлик муносабатида бўлишини, шу билан бирга, одамларнинг эътиқодидан қатъи назар, улар умумий мақсад йўлида ҳамкорлик қилишини ифодалайди. Хусусан, бу масала ислом динига нисбатан олиб қаралса, унда бу ғоя ушбу диннинг моҳиятидан келиб чиққанлигига амин бўлишимиз мумкин. Бу ҳақда Қуръони Каримнинг “Ҳужорот” сурасида шундай ёзилган: “Эй инсонлар, дарҳақиқат, биз сизларни бир эркак (Одам Ато) ва бир аёл (Момо Ҳаво)дан яратдик, ҳамда бир-бирингиз билан танишинглар, дўст-биродар бўлинглар, деб сизларни турли халқлар, қабила, элатлар қилиб кўйдик, кимки тақводор бўлиб бунга амал қилса, Аллоҳ хузурида энг ҳурматли киши ҳисобланади. Ёки Пайғамбаримиз шундай деган: “Кимки бошқа дин вакилларига озор берса, менга озор берибди”.

Тарихнинг ўзи халқимизни барча динларга нисбатан завқий муносабатда бўлиш кераклиги руҳида тарбиялаган ва шунинг учун ҳам эстетик маданият уларнинг қон-қонига, қалбига сингиб кетган.

Қадим ўтмишдан бери Ватанимиз худудида турли динлар ёки уларнинг вакилларининг ўртасида эстетик маданият қўллаб-қувватлаб келинган. Масалан, Кушон подшолиги даврида зарб қилинган тангаларнинг бир томонида будда дини-давлат расмий динининг рамзи бўлса, иккинчи томонида бошқа бир диннинг рамзи акс этган. Араб тарихчиларининг ёзишича, Бухорога ислом дини кириб келганида, унда бир вақтнинг ўзида буддавийлик, зардуштийлик, насронийлик, моний ва шаманизм каби дин турлари амал қилган ва уларнинг тарафдорлари бир-бири билан аҳил, тинч-тотув бўлиб яшаганлар. Айрим маълумотлар бўйича бир вақтлари Термизда буддавийлик, зардуштийлик,

---

монийлик, насронийлик ва яхудийлик динларига мансуб ибодатхона, черков, оташхона ва калисолар мавжуд бўлган. Буларнинг барчаси инсонларни Ватан равнақи йўлида бирлаштирганини, юксак эстетик маданият сари интилганини кўрсатади.

Тарихдан маълумки, Маъмун академиясида Абу Саҳл Масиҳий билан Абул Хайр Ҳаммор каби буюк христиан дини олимлари ишлаган. Шуниси дикқатга сазоворки, христиан олими Абу Саҳл Масиҳий Берунийнинг Ибн Ироқдан кейинги иккинчи устози бўлган ва Амир Темур Оврупага ўзининг бош элчиси сифатида Султония черкови (Озарбайжон)нинг руҳонийсини жўнатган. Шунингдек, Захириддин Мухаммад Бобир подшолик қилган даврда ҳам, Ҳиндистонда турли дин ва мазҳабдаги ҳалқлар истиқомат қилган. Бобир Мирзонинг доно подшо эканлиги, айни унинг шу турли динларнинг ўзаро завқий муносабатини тўғри йўлга қўйилишида яққол ўзининг ифодасини топди. Хусусан, у ўзининг ўғли Камрон Мирзога ёзган мактубида давлатда эстетик маданиятни кучайтириш керак эканлигини ва турли динлар ҳамда диний оқимлар ўртасида вужудга келадиган ҳар қандай қарама-қаршиликларни қоралайди ва буни бидъат деб ҳисоблади. Улуғ аждодимиз бу ғояни нафақат давлат сиёсатининг устувор ғояси деб ҳисоблаган, шу билан бирга, уни ибратомуз амалий бунёдкорлик ишларида қўллаган. Масалан, ўша пайтда Ҳиндистонда шундай бир улуғвор ибодатхона қурдирганки, унинг бир эшигидан мусулмонлар, биридан-насронийлар, бошқаларидан-бошқа дин вакиллари бемалол кириб, ўз саждаю ибодатларини эркин адо этиш имкониятига эга бўлган. Акмал Саидовнинг фикрича, шавкатли аждодларимизнинг феъл атвори учун-ҳаё, қаноат, ризо, шукр, сабр, тавба, сидқ, тавозе каби яхши хулқлару одамохунлик, бағрикенглик, жумардлик, оқиллик, меҳр-мурувват, оқибат, инсоф, адолат сингари буюк фазилатлар одатий бўлган.

Хозирги кунда, ижтимоий ҳаётнинг барча соҳа ва жиҳатлари глобаллашув жараёни билан тобора маҳкам боғланишиб бориши, жаҳон миёсида маънавий-мафкуравий

тахдид ва зиддиятлар ошиб ва кескинлашиб, ҳар бир инсоннинг онги ва қалбини эгаллаш учун кураш жадаллашиши, сиёсий ва диний экстремистлар ва террорчиларнинг қабиҳ ишлари давом этаётган бир пайтда, ҳар бир давлатда эстетик маданиятнинг самарали амал қилиши ниҳоятда муҳим аҳамият касб этиб бормоқда.

Агар жамиятда шахс эстетик маданияти поймол этилиб, унинг ўрнини диний бағроторлик ғояси эгалласа, унда бир мамлакат микёсида ҳам турли миллат ва элат вакиллари ва давлатлар ўртасида ҳам, ихтилоф ва уруш-адоватлар вужудга келиши кузатилади. Бунга мисол сифатида, маълум даражада, ҳозирги Ливан, Афғонистон ва Ирек давлатлари микёсида, Хиндистон ва Покистон, Арманистон ва Озарбайжон давлатлари ўртасидаги муносабатлардаги бўлиб ўтган аянчли ҳодиса ва воқеаларни олишимиз мумкин.

Бир мамлакатда динга қарши кураш давлат сиёсати даражасида олиб борилса, унда турли динларнинг жамиятдаги тутган ўрни ва роли қисқариб ва камайиб бориши натижасида одамларнинг маданиятга бўлган таъсири ҳам сустлашиб боради. Мамлакатда вужудга келадиган бундай маънавий-рухий ҳолат, жамият аъзоларининг, турли миллат ва элат, динлар вакиллари ўртасидаги дўстона ва хайриҳоҳона завқий муносабатлари ўрнига, тубанлик билан йўғрилган ишончсизлик, бегоналашувлик, шафқатсизлик ва бошқа ноҳуш туйғу ва муносабатлар вужудга келади. Бундай муносабатлар жамиятдаги турли миллат ва элатлар, дин вакиллари ўртасида келишмовчилик ва жанжаллар, кераксиз қон тўкилишлар, бошқа-бошқа фожиалар келиб чиқишига асос бўлади. Собиқ Советлар давлати даврида шундай ҳолатлар кузатилгани барчага маълум.

Ўзбекистонда мустақилликдан кейин, айrim давлатларнинг сиёсий кучлари Марказий Осиё ҳудудида, ислом динига асосланган, ягона халифалик давлати барпо этишга жон-жаҳд билан киришиб кетдилар. Бу кучларнинг асл мақсади, ислом динини никоб қилиб олиб, бу ҳудуддаги суверен давлатларни йўқ қилиб, уларнинг ўрнига, ўзларининг

сиёсий ва мағкуравий мақсадларини амалга оширишга интилдилар. Лекин юртбошимизнинг оқилона сиёсаллари асосида республикамизда динга эстетик нуқтаи назардан завқий муносабатда бўлиш, азалий қадриятларимизнинг негизи бўлмиш ислом динини жаҳонга тараннум этиш учун кенг имкониятлар амалга оширилди. Бунинг самараси ўлароқ буюк аждодларимизнинг динга қўшган ҳиссалари улуғланиб, уларнинг таваллуд айёмлари ва муборак номлари абадийлаштирилди. Имом ал-Бухорийнинг номи улуғланиб, Самарқанд вилояти Пайариқ туманида Имом ал-Бухорий зиёратгоҳи ва Имом ал-Бухорий халқаро маркази бунёд этилди. Бундан ташқари, Баҳовуддин Нақшбанд, Имом ал-Мотурудий, Аз-Замахшарий, Ат-Термизий ва ўнлаб диний уламоларимизнинг номлари абадийдаштирилди.

Бундай кенг кўламда амалга оширилган ишлар дунё миқёсида барча мусулмон давлатларини ўзига жалб этди. Халқимизнинг ислом дини равнақига қўшаётган улкан ютуқларини тълим, фан ва маданият масалалари бўйича халқаро Ислом ташкилоти – АЙСЕСКО ўрганиб чиқиб, 2007 йилда Тошкент шаҳрини, 2020 йилда Бухорони “Ислом маданияти пойтахти” деб эълон қилди. Бу эса, ўз навбатида, юртимизда шахс ва диннинг уйғунлигига алоҳида эътибор берилаётганлиги ва эстетик маданиятнинг азалий ҳамда миллий қадриятларга асослананаётганлигидан далолат беради.

Айни чоғда эстетик маданият ижтимоий ҳаётнинг сиёсий, иқтисодий, ҳуқуқий, маънавий, диний, ахлоқий, эстетик ва бошқа жиҳатларида чуқур илдизларга эга бўлиб, у жамиятда ўта муҳим аҳамият касб этади. Агар жамиятда эстетик маданият қанча мустаҳкамланса, шунча миллий қадриятлар, анъаналар, урф-одат ва маросимларни одамларнинг онги ва қалбига теран сингиб бориши ҳам осонлашади.

Бизнинг мамлакатимизда дин ва эстетик маданиятнинг ўта муҳим аҳамият касб этишининг яна бир муҳим сабаби шундан иборатки, бизнинг Ватанимиз кўп миллат ва динли давлат бўлиб, унда ҳозир 2200дан ортиқ диний ташкилотлар

амал қилмоқда. Жумладан, 16 та диний конфессия фаолият кўрсатмоқда, 2070дан ортиқ масжид, 163 та христиан черкови, 7 та яхудийлар жамоаси, 7 та баҳойилар жамоаси, 2 та Кришнани англаш жамияти ва 15 та диний ўқув юрти (Тошкент Ислом Академияси, Тошкент Ислом институти, Имом ал-Бухорий халқаро ўқув маркази, 10 та мадраса ва 1 та православ ва 1 та тўлиқ инжил христианлари семинарияси) давлат рўйхатидан ўтган. Буларнинг барчасида шахснинг жамиятда тутган ўрнига алоҳида эътибор берилади ва янгича замонавий эстетик дунёқараш илгари сурилади.

Бугунги кунда урф-одат ва анъаналаримизнинг жамиятни бирлаштирувчи хусусиятларидан тўлиқроқ фойдаланиш лозим.

Ўзбекистон мустақил тараққиёт жараёнида миллий уйғониш даврини бошдан кечираётганлигига, маданий меросимиз, миллий урф-одат, қадриятларимизни тиклаётган бир пайтда дунёда эзгулик ва ёвузлик ўртасидаги зиддият кучайиб бораётганлигига гувоҳ бўлایпмиз.

Шу боисдан ҳар қандай эстетик маданият халқнинг маънавий руҳий эҳтиёжларини миллий анъаналари ва турмуш тарзини ҳисобга олган тақдирдагина яшовчан, таъсирчан бўлади. Шу ўринда глобаллашув жараёнида шахснинг янгича эстетик маданиятни шакллантириш бўйича ислохотларни амалга ошириш вазифаси миллий ғоя асосида бизнинг диққат марказимизда турибди.

Аждодларимиз тарихини билишимиз ҳамда жаҳон халқларининг ғояларидан хабардор ва тарихини билишимиз ҳар бир фуқаро онгига миллий ғояга хурмат туйғусини шакллантиришнинг кучли воситасидир. Ватан ҳар биримиз учун буюк саждагоҳdir, шу асосда ахборотлашган жамият ва давлат курилиши тизимидағи ғоявий курашлар, турли маданий-маърифий алоқалар шахс эстетик маданиятида гўзалликка интилиш, ҳаётдан завқланиш туйғуларининг ўрни ва аҳамияти ортишида катта рол ўйнайди.

Бу соҳада олиб борилаётган ишларнинг натижаси сифатида шахс онгига табиат, давлат, жамият инсонга турли

хавфлардан ҳоли бўлиб яшац, насл қолдириш учунгина эмас, балки бошқалар билан бирлашиб, юксак дид ва фаросатга эга бўлиш, озод ва обод Ватан барпо этишга интилиш, ҳамкорлик қилиб, кўзланган мақсадларга эришиш учун кераклигини сингдиришимиз зарур.

Ўзбекистонда жаҳон ҳамжамияти билан ўзаро алоқаларнинг қўшилиб кучайиб бориши ижтимоий хаётда янгича тафаккур ва онг билан яшашни талаб этмоқда. Бу жараён ўз-ўзидан халқимиз турмуш тарзи ва дунёқарашини замонавий ғоялар билан уйғунлашувига кенг имкониятлар яратиб берди. Фуқаролар онгида миллий қадриятлар билан бир қаторда янги кўринишдаги турмуш тарзи шакллана бошлади. Farb маданияти билан шарқ маданияти ўртасида вужудга келган интеграциялашув жараёни турли минтақа ва регионларда хилма-хил кўринишлар (ижобий ва салбий жиҳатдан)да инсон онгини ўзлаштириш ва ўзгартиришга сабаб бўла бошлади.

Жамиятда кундан-кунга ўзгариб бораётган турмуш тарзда хилма-хил қиёфалар бевосита соғлом шаклланиб келаётган онгга таъсир этиб, фикрлар глобаллашувини вужудга келтирди.

Файласуф Қ.Хонназаров фикрича, “Глобаллашув туфайли бутун дунёнинг умум бир бозорга айланиш жараёни йил сайн тезлашиб, жадаллашиб бормоқда. Бу бозорда иш, савдо, иқтисодий, сиёсий ва бошқа турли муаммо ва масалаларни юқори суръатда замон руҳида ҳал этмоқ учун қарши томон вакиллари билан “тил топмок”, “умум қарор”га келмоқ талаб қилинади”<sup>1</sup>ган синовларни вужудга келтиришини таъкидлайди. Бу фикр нуқтаи назаридан олиб қаралганда, глобаллашув жараёни жамиятда шаклланётган соғлом турмуш тарзга салбий таъсир этувчи омил сифатида ҳар бир халқнинг миллий қадриятлари, урф-одат ва анаъаналарига аста-секин кириб боради.

<sup>1</sup> Хонназаров Қ. Глобаллашув ва тил фалсафаси. –Т.: Фалсафа ва хуқуқ институти, 2009. 36-бет.

Жаҳон сиёсий майдонларида вужудга келаётган глобаллашув жараёни ўзбек халқи турмуш тарзига кириб келаётган бир даврда барча фуқароларимиз тарихан мустаҳкам эътиқодга эга бўлиб келган миллий тафаккурни йўқотмасдан, бугунги замонавий ғоялар билан биргаликда яшашига интилиш, турлича талқин этилаётган соғлом турмуш тарзимиздаги фикр ҳамда қарашларнинг беғаразлигига ишонч ва эътиқодни шакллантириш ижтимоий масала ҳисобланади.

Глобаллашув жараёни миллий қадриятларимизга салбий таъсир этмаслигига эришиш учун барчамиз огоҳ ва эҳтиёткорона меҳнат қилмоғимиз лозим. Чунки асрлар давомида завол топмасдан келажак авлодга мерос бўлиб бораётган миллийлигимизни бугун бутун дунё халқлари эътироф этишади.

Жамиятда ёшларини соғлом маданият ва турмуш тарзига ўргатиб борища тарих ва бугунги кун ўртасидаги ворисийликни қарор топтириш мақсадга мувофиқдир. Ҳар бир фуқарони миллий ғоя руҳида камол топтириш, оиласда шахсий тарбиячилик маҳоротини ошириш муҳим ижобий аҳамиятга эга.

Жамиятда фуқароларнинг соғлом турмуш тарзини шакллантириш турлича шароитлар асосида амалга оширилади. Шулардан бири миллийлик руҳиятида атроф-муҳитга муносабатни шакллантириш, аждодлар меросини асраб-авайлаш, ўзаро самимийлик, қадриятларга содикликни тарбиялашда намоён бўлади.

Ўзбек халқи ўзининг бой фалсафий ва эстетик меросига эга. Турмуш тарзимиз шу меросга боғлиқ ҳолда, яъни шарқона миллий тарбия билан боғлиқ равища ривожланмоқда. Шунингдек, ёш авлодга илму-зиё тарқатишда ўзида нафосат оламини жо этган Куръони Карим оятлари мазмуни, Ҳадиси Шарифлар, буюк аллома ва файласуфларимизнинг бебаҳо нодир китоблари хазинаси нафақат Ўзбекистондаги соғлом ижтимоий муҳитни, балки жаҳон халқлари орасидаги меҳр-оқибатни яхшилашга қаратилгандир. Бугунги кунда ўз нуфузи ва обрў-эътибори

билин кундан-кунга жаҳонга ном таратаётган Ўзбекистонда глобаллашув жараёни замонавий ва миллий мафкурани фақатгина ижобий манфаатлар, ҳамда келажак учун мукаммал турмушни яратишни ўз олдига давр талаби қилиб қўйгандир. Дарҳақиқат, бу жуда нозик ва қалтис ишни амалга ошириш бутун ўзбек халқининг фарзандларидан сабр-тоқатли, матонатли, интилувчан бўлишни талаб этади. Фарзандларимиздаги иймон-эътиқод, миллий ғурур, ватанпарварлик ва инсонийлик каби хислатлар мустақил Ўзбекистон равнақига ўз таъсирини бевосита кўрсатади.

Бугунги кунда шахс эстетик маданиятининг ўзига хос хусусиятлари “миллатнинг жаҳон глобаллашув жараёнларига ижтимоий, иқтисодий, сиёсий, маънавий-рухий қўничиш потенциалига ҳам боғлиқдир”<sup>1</sup>. Бу боғлиқлик ўз навбатида, жамиятда глобаллашувнинг кенг қамровли эканлигини, ҳар бир шахс ундан оқилона фойдаланишини, турмуш тарзимизнинг ноёб жихатларига юксак ҳурмат ва инсонийлик туйғулари билан ёндашишни талаб этмоқда.

Ҳар бир шахс глобаллашув шароитида ўзининг маънавий камолоти ва эстетик маданияти орқали ижтимоий тараққиётнинг завқли муносабатларини вужудга келтиради. Бу завқли муносабатлар замирида халқимизнинг азалий қадриятларини чуқур ўзлаштириш ва ўзлигини англаб олиш, воқеликни ҳиссий ва завқий идрок этиш, тарихимизнинг миллий ҳамда умуминсоний хусусиятларини теран мушоҳада этиш кабилар долзарб муаммога айланади. Уларнинг ечими эса, шахснинг юксак маънавий-ахлоқий ва бадиий-эстетик карашларида ривожланиб бораверади.

Хулоса қилиб айтганда, глобаллашув жараёнида шахс эстетик маданиятини миллий ғоя билан узвийлигини таъминлаш, амалга оширилаётган ислоҳотларнинг ҳар бир жамият аъзоси учун унумли ва фойдали бўлишини таъминлаш, шунингдек, миллийлик билан умуминсонийликни

<sup>1</sup> С.Мамашокиров, Ш.Тоғаев. Эркин ва фаровон ҳаёт курилишининг ғоявий-мафкуравий масалалари. –Т.: Маънавият, 2007. 32-бет.

уйғунлаштирган ҳолда замонавий ютуқлардан баҳраманд бўлиб боришни абадийлигини амалга ошириш вазифаси Ўзбекистон халқини ягона байроқ остидаги эзгу мақсадлари сари даъват этувчи куч эканлигидир.

#### **4.2§. Шахс эстетик маданиятини valeoэстетик тарбия билан уйғунлаштириш масалалари**

Жаҳоннинг глобаллашуви ҳар бир мамлакатнинг тарбия жараёнини тубдан ислоҳ қилиш ва шахс эстетик маданиятини замонавий valeoэстетик тарбия билан уйғунлаштиришини талаб этмоқда. Ижтимоий ҳаётнинг барча соҳаларида шахс ва жамиятнинг эстетик маданиятини глобаллашувга мослаштириш, бу жараёнда кўпроқ valeoэстетик тарбия тизимини мукаммал миллий қадриятлар билан барқарорлашишига имкониятлар яратишни бугунги кун долзарб муаммо сифатида майдонга ташлади. Натижада бугунги кунда давлатимиз раҳбари Шавкат Мирзиёев ўзининг нутқ ва маърузаларида бу ўта жиддий ва кечикириб бўлмайдиган муаммони ечимини топишга киришди.

Янги жамиятда “Миллий тикланишдан – миллий юксалиш” асосида ғоявий-маънавий тарбиянинг долзарблиги хусусида юртбошимиз фикр юритар экан, “таълим-тарбия жараёнларининг сифати ва даражасини замон талаблари асосида тубдан яхшилаш, заҳматкаш устозларимиз, мазкур соҳада фаолият кўрсатаётган барча фидойи инсонлар учун муносиб меҳнат шароитлари яратиш, уларнинг қадр-қимматини юксалтиришга қаратилгани билан айниқса аҳамиятлидир”<sup>1</sup>, дейди. Ҳақиқатан ҳам, valeoэстетик тарбия инсонни ҳақиқий шахс қилиб вояга етказувчи улкан куч-кудрат манбаи, жамият тараққиётининг мухим тизими ҳисобланади.

<sup>1</sup>Мирзиёев Ш.М. Нияти улуг ҳалқнинг иши ҳам улуг, ҳаёти ёруғ ва келажаги фаровон бўлади. –Тошкент: Ўзбекистон, 3-жилд 2019. 355-бет.

Жамиятда валеоэстетик тарбиянинг негизини бой ўтмиш меросимиз, аждодларимизнинг бебаҳо моддий ва маънавий бойликлари асосида ривожлантириш, жаҳон андозасига мос таълим тизимини яратиш долзарб масалага айланди. Чунки эртанги келажагимиз ривожланишида “фарзандларимизни янгича тафаккур, юксак инсоний туйғулар билан ошно этиш, уларда мустақил ва ижодий фикрлаш қобилиятини узлуксиз ривожлантириб боришни талаб этмоқда.

Ишончим комил, миллати, тили ва динидан қатъи назар, Ватанимизнинг ҳар бир фарзандини ўз боласидек севиб, ардоқлаб, уларни баркамол инсонлар қилиб тарбиялаш учун сидқидилдан меҳнат қилаётган сиз, хурматли Ўзбекистон ўқитувчи ва мураббийлари бу вазифаларни албатта шараф билан адо этасиз”<sup>1</sup>. Бу инсонлар жамиятимизнинг фаровон ҳаёти ва гўзал маданиятини, миллий қадриятлари ва буюк тарихини глобаллашув шароитида бутун жаҳонга намойиш эта оладиган, керак бўлса ўз юртининг истиқболини юксак мэрралар сари чорлайдиган бугунги ёшларимиздир. Ёшларимиз учун авваламбор валеоэстетик тарбиянинг негизларидан жамиятимизнинг ҳар бир оиласи, маҳалласи, ижтимоий ташкилотлари, турли жамғарма ва бирлашмалари огоҳ бўлиши, уларнинг эстетик маданиятли шахс бўлиб вояга етишишлари замин ҳозирлашлари ҳам масъулият, ҳам бош мақсад қилиб олиниши зарур. Бу масканларнинг барчасида “бугунги давр талаби, халқимизнинг хоҳиш ва истакларини инобатга олиб, илм-фан, таълим-тарбия тизимида ҳам жиддий ўзгаришлар амалга оширилмоқда. Мактаб таълим тизими тубдан ўзгартирилиб, 11 йиллик умумий ўрта таълим қайта тикланмоқда. Мамлакатимизнинг қатор ҳудудларида янги олий таълим муассасалари, илмий ва ижодий марказлар ташкил этилмоқда. Олий ўкув юртларига қабул квоталари сезиларли даражада оширилди. Сиртқи ва кечки олий таълим шакллари тикланмоқда. Шунингдек, бу борада бизни энг кўп ўйлантираётган масалалардан бири - мактабгача таълим

<sup>1</sup>Ўша асар. 356-357-бетлар.

## ЭСТЕТИК МАДАНИЯТ

тизими тубдан ислоҳ қилинмоқда. Мақсадимиз келгуси 3-4 йилда мамлакатимиздаги боғча ёшидаги болаларни ана шундай таълим муассасаларига тўлиқ қамраб олишдан иборат ва биз бунга албатта эришамиз”<sup>1</sup>.

Шахс эстетик маданияти ана шундай бақувват завқий муносабатлардан илҳомланиб, ҳар бир ёш авлодни жамият тақдири ва истиқболига хизмат қиласлар қилиб камол топтириши, янгила ҳаёт билан глобал мұхитга кириб бориши даркор. Жамиятда valeoэстетик тарбиянинг завқий муносабатлар замирида эстетик маданиятга уйғуналашиб кетиши ижтимоий гүзәллик мұхити ва юксак инсонийлик рухий дунёсини шакллантиради.

Янги Ўзбекистонни барпо этиш даврида шахс эстетик маданиятининг юксалиб бориши бевосита “бизнинг қабул қилаётган барча қонун ва қарорларимиз, режа ва дастурларимиз – бу мамлакатимизни янгилаш ва модернизация қилиш, иқтисодий ислохотларни чукурлаштириш бўладими, давлат ҳокимияти ва бошқарув тизими, хукуқ-тартибот, соғлиқни сақлаш, таълим-тарбия соҳалари фаолиятини такомиллаштириш бўладими, Қуролли Кучларимизнинг жанговар салоҳиятини ошириш бўладими – буларнинг барчаси ана шундай эзгу мақсадларга қаратилганини, ўйлайманки, сизлар яхши тушунасиз”<sup>2</sup>.

Айни пайтда ҳар бир халқнинг ва ҳар бир даврнинг ўзига хос хусусият касб этувчи, давр valeoэстетик тарбиясини ўзида ифодалаб келувчи бадиий-эстетик қадриятлари ва турмуш тарзи бўлади. Бу хилма-хил маданиятларнинг турларга бўлинниб кетиши ўз навбатида ҳар бир миллат учун алоҳидалик аҳамият касб этади. Шахс эстетик маданияти ҳам бундан ҳолатда миллий маънавиятдан озуқланишга ҳаракат қиласди. Чунки жаҳон миллат ва халқлар кўп экан, уларнинг ҳар бирини бошқаларга ўхшамайдиган қадриятлари

<sup>1</sup>Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018. 228-бет.

<sup>2</sup>Мирзиёев Ш. Миллий тараққиёт йўлимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018. 401-402-бетлар.

глобаллашув жараёнида бойиб боради. “Агар ер юзидағи барча инсонлар бир тилда сўзлашадиган бўлса, бир хил урфодатлар, анъаналарга, қадриятларга, динга эътиқод қиласидиган ёхуд оила, фарзанд тарбияси, майший ҳаёт ва бошқа бир қатор моддий ҳамда маънавий омилларни ўзларида бир хил кўринишда акс эттирадиган бўлса, уларнинг бир-бирларига талпиниб яшашга, бирининг иккинчисига қараганда юксак тараққиётга эришишга интилишларига, ўзиникини ўзганикидан бойроқ ва гўзалроқ қилишга, ўзида бўлмаган кирралари ва гўзалликларини ўзганикидан олишга интилиб яшаши каби гўзалликни ўзида мужассам эттиришга эҳтиёж ҳам қолмаган булур эди”<sup>1</sup>.

Глобаллашув жараёнида эстетик маданиятнинг бу негизлари миллий ва умуминсоний қадриятлардан келиб чиқсан ҳолда ижтимоий муҳитни гўзаллиги, маданий тараққиётини ўзгартириб юборади. Шахснинг воқелик тўғрисидаги тасаввурлари, идеаллари ҳам улардан завқланиб, ҳаёт ҳақиқатини ўзида ифодалайди. Шу боисдан ҳар қандай жамиятда эстетик маданият “реал шахслар орқали намоён бўлади. У тил, урф-одат, анъаналар, қадриятлар ўзликни англаш рухияти умумий бўлган шахслар мажмуидан иборат”<sup>2</sup>.

Глобаллашув жамият тараққиётида нозик ва мураккаб валеоэстетик тарбияни вужудга келтирдики, бунинг оқибатида иқтисодиёт, таълим, фан, маданият, санъат соҳаларидаги муштаракликни демократик тамойиллар асосида қарор топтириш зарурияти туғилди. Натижада шахснинг реал ҳаёт воқеаларига завқий муносабатлари серкирра маънавий-маданий мақсадларни кўзловчи умуминсонийликни кучайишига олиб келмоқда.

Жамиятда бу шахслар ўзларининг эстетик маданият билан узвийлашган валеоэстетик тарбияларини оила, қариндош-уруғ, маҳалла, мактаб ва бошқаларда шакллантириб, янгича тушунчаларни эстетик онгига

<sup>1</sup> Отамуратов С. Глобаллашув ва миллат. –Т.: Янги аср авлоди, 2008. 61-бет.

<sup>2</sup> Ўша асар. 62-бет.

ривожлантириб боради. Шулар негизида оилада ота ўғлига жасурлық, мардлик, ҳалоллик каби йигитлик ғурурини бойитиб борса, она ўз қизига оқила, доно, зукко, гўзал фазилатлар соҳибаси бўлишни ўргатади. Қариндош-уруғлар эса кўпроқ миллий қадриятларни, ота-боболарининг меросини давом эттиришни, маҳалла аъзолари катталарга хурмат-кичикларга иззат каби юксак эстетик туйғуларни, мактаб бўлса ҳаётга нисбатан илҳомланиб ва эстетик маданиятга интилиб яшаши кўпроқ боланинг эстетик тафакурига сингдириб боради. Бугунги глобалашув эса, ўз навбатида булардан ташқари ўзига хос ва мос янги кўринишдаги фан-техника ютуқларини ижтимоий гўзаллик муҳитига олиб келмоқда.

Глобал жараёнлар жамият равнақида ҳалқ манфаатларига ижобий таъсир этувчи куч сифатида кенг имкониятларни яратиб бераётган бўлса иккинчи томондан шахс эстетик маданиятининг турфа хил қиёфаларини, яъни кўпроқ ахлоқсизликка қаратилган никобларини ҳаётимизга олиб кирмоқда. Бу нарса асосан “глобаллашувнинг Farb маданияти, маънавий ахлоқий анъаналари тарзида “ноғарбий маконлар”да яққол кўзга ташланади”<sup>1</sup>. Бу масаланинг нозик томони шундаки, жаҳондаги валеоэстетик тарбия муҳитида Farb андозаларига зўр бериб уринишларга қарши норозилик кайфиятининг кучайишидир. Бу ҳолатда Ўзбекистонда ҳам ўзимизнинг миллий манфаатларимизга мос келадиган эстетик маданиятни қарор топтиришни талаб этмоқда ва ҳукуматимиз томонидан демократик тамойилларга асосланувчи миллий қадриятларнинг ривожланишига кенг имкониятлар яратиб берилмоқда.

Глобаллашув ахборотлашган жамиятда валеоэстетик тарбияни шахс хусусан, ёшлар онгига сингдиришда таълим-тарбиянинг турли шакллари орқали амалга оширишни олдимизга мақсад қилиб қўйди.

<sup>1</sup> Жўраев Т., Акобиров С. Миллий манфаатлар ва миллий хавфсизлик. –Т.: Akademiya, 2007. 25-бет.

Бунда қуидаги вазифалар негизида шахснинг эстетик маданиятини валеоэстетик тарбия асосида шакллантириш мақсадга мувофиқдир:

- Барча таълим муассасаларида ўқувчилар ва талабаларнинг ёшига мос равища валеоэстетик тарбияни онгига сингдиришнинг дифференциал педагогик-психологик ва илмий дастурини яратиш;

- кадрлар тайёрлаш миллий дастуридан келиб чиқкан ҳолда ўқувчи-талабалар онгида валеоэстетик тарбияни сингдиришда эстетик маданиятнинг шаклланиб боришини узлуксиз тарзда назорат қилиб бориш;

- глобаллашув билан узвий равища ўқув дастурлари, дарслик ва қўлланмаларда миллий мафкураси ғояларини эстетик маданият асосида теран акс эттириш;

- ахборотлашган жамиятга монанд тарзда мактаб, лицей, колледж, институт ва университетларда мафкуравий ва валеоэстетик тарбияни бугунги кун талаблари даражасига кўтариш;

- ҳар бир таълим муассасасида педагог кадрларнинг мафкура борасидаги билимларини чуқурлаштириш ва ахборот асри ғояларини аввало улар онги ва қалбига чуқур сингдириш.

Шахс эстетик маданиятини оммавий ахборот воситалари ва жамоатчилик фикрини шакллантириш марказлари билан боғлиқ равища миллий ғоя билан боғлаш ҳамда ёш авлод онгига сингдириш алоҳида аҳамиятга эга. Улар маънавий-маърифий ислоҳотлар жараёни, бу борадаги муаммоларни жамият ҳаётининг турли кирраларини тезкорлик билан акс эттирадиган энг самарали воситадир. “Тўртинчи ҳокимият” хисобланган оммавий ахборот воситалари турли хил фикрлар ранг-баранг қараш ва ёндашувларга кенг йўл очиб бериши, ҳаётимизда юз бераётган янгиланиш ва ўзгаришларга одамларнинг онгли муносабатини уйғотиши, холислик ва хаққоният тамойилларига таяниб иш юритиши лозим.

Ахборотлашган жамиятнинг шиддат билан ўзгариб бориши натижасида XX асрда глобаллашув жараёнининг

тезлашиши ва умумсайёравий цивилизациянинг шакллана бошлиши жаҳон мағкураларининг характеристини ўзгартириб юборди. Уларнинг ўрнини босадиган қудратли мағкуранинг йўқлиги, геосиёсий мақсадларнинг ўзгаргани эса бу ғояларнинг салбий таъсирини янада кучайтирги. Бундай шароитда ўз мақсадини аниқ белгилаб олган, эҳтиёж ва манфаатларини яхши англаш етган, ўз эътиқодига эга бўлган, бир сўз билан айтганда ўз миллий ғоясини шакллантирган миллатгина келажагини сақлаб қолади ва истиқболини белгилайди. Шундай миллат сифатида шаклланган ўзбек халқи ўзининг асрлар оша яшаб келаётган миллий ғояси асосида шахс дунёқарашини илгор технологиялар билан бойитиш, турли таъсиrlар негизида ўзликни англаш, миллий қадриятларни эъзозлаш ва эстетик маданиятни келажакка ўз ҳолича етказишига доимо тайёрдир.

Глобаллашув натижасида халқимиз миллий менталитетидан келиб чиқадиган азалий қадриятлари, анаъана ва урф-одатларидаги эстетик маданиятнинг сақланишини ҳар қандай шароитда ўзларининг асосий мақсадига айлантира олишди.

Бинобирин, “ҳар қандай халқ ёки миллат ўз миллий, маънавий, табиий, маданий хусусиятларига эга. Ўзбек миллати ҳам ўзига хос бўлган бой маънавият, таълимтарбиявий қадриятларга эга. Халқимиз ҳар қандай шароитда, жабр-зулм кучайган, мустамлака асорати, шунингдек, юксалиш даврларида ҳам ўзининг чин инсоний қиёфасини сақлаб келган. Баркамол авлодни тарбиялашга асос бўладиган, ажойиб ахлок-одоб қоидалари, маънавий-эстетик сифат ва фазилатлар асрлар оша авлоддан-авлодга сингдириб келинди”<sup>1</sup>. Бу юксак инсоний фазилатлар ва туйғулар билан уйғунлашган эстетик маданиятнинг олий кўриниши эди.

Халқимизнинг валеоэстетик тарбиясини ташкил этадиган ушбу сифатларни ижтимоий ҳаётнинг бош мақсади

<sup>1</sup> Демократик давлат ва фуқаролик жамияти куриш масалалари. –Қувасой: 1998. 29-бет.

деб билиш, ундан бугунги жаҳоннинг гомогенлашуви ва глобаллашувида самарали фойдаланиш долзарб муаммонинг ечимини топишга хизмат қиласди. Биз жамиятда мавжуд турли тазииклар ва мафкуравий курашлардан ҳамиша ҳушёрлик билан завқий муносабатларни яратишга интилишимиз, таълим-тарбиямизга ўз ниқобини тиқишираётган кучлардан огоҳ бўлиб яшашга зарур шарт-шароитлар, айниқса порлоқ келажакка етаклайдиган юксак эстетик маданият ва маънавиятни вужудга келтиришимиз даркор. Айни пайтда мамлакатимизда глобаллашув жараёни, унинг миллий ғояга таъсир этиши ҳам умумий қонуниятдир. Бу жараён турли мамлакатлар, ҳалқлар ҳаётида уларнинг бир-бирига боғлиқлигини, ўзаро таъсирини оширади, маънавий, ғоявий ҳаётида акс этмасдан қолмайди. Лекин ундан қай тарзда ва қай даражада фойдаланиш ҳар бир давлатнинг ички муаммоси ва ижтимоий тараққиётининг белгисидир. Турли ахборот оқимларида сузиб юрган хилма-хил маданиятлар ва қадрияларнинг шахс учун кучли таъсир кўрсатувчи жиҳатларини барчамиз ижтимоий мухитдаги жараёнларда, хусусан инсон онги ва қалбига нисбатан ниқобланган эстетик маданиятлар билан фаолият олиб боришларда кўрмоқдамиз.

Кўпроқ бундай ҳолатлар “ахборот макони глобаллашувининг ҳозирги босқичида интернетнинг миллий ва ҳалқаро кампаниялар, даврий матбуот, ТВ ва радио билан муносабатлари янада кенгайиб боришида намоён бўлмоқда. Демак, оммавий ахборот воситалари фаолиятини янада либераллаштириш – давр талаби. Ўзбекистон матбуотининг жаҳон ОАВ тизимиға уйғунлашуви, Интернетнинг глобал ахборот майдонига интеграциялашуви яққол қўзга ташланмоқда”<sup>1</sup>. Биз буларнинг шахс учун хизмат қиласидиган, унинг истиқболи ва келажагига кенг имкониятлар яратиб берадиган, жамият эстетик маданиятини юқори пағонага

<sup>1</sup>Миллий истиқлол ғояси ва раҳбар фаолияти. –Т.: Akademiya, 2007. 118-119-бетлар.

чиқаришга ундейдиган самарали таркибий қисмларидан фойдаланишимиз даркор.

Бугунги кунда оммавий ахборот воситалари жамиятда шахс эстетик маданиятининг ривожланиши учун бир томондан ижобий характер касб этиб, инсонлар онги ва тафаккури, маданиятида шаклланиб, ижтимоий муҳитга гўзаллик баҳш этаётган, уларнинг бир-бирига яқинлашувини таъминлаётган бўлса, иккинчи томондан ахборотларнинг кўплиги натижасида инсон қайси бир мамлакат ёхуд миллатнинг маданияти эртанги келажак учун хизмат қилишини солиштириб кўришга кенг имкониятлар яратиб бермоқда, учинчидан бу ахборотларнинг завқий муносабатларни шакллантиришга қаратилган эстетик ғояларида бальзида миллат ва инсон тақдири учун аянчли бўлаётган ниқбланган маданиятлар кўпроқ ёш авлод онгини заҳарлашга хизмат қилмоқда.

Шахс эстетик маданиятининг бойиб бориши бевосита улкан ахборотлар уммонига қўмилганки, инсоннинг у ёки бу фаолиятининг муваффақиятли бўлишини таъминлаш учун бу билимлар билан иш кўраётган кишиларга улар тушунарли бўлиши керак. Акс ҳолда ундан фойдаланаётган инсонлар ўзлари билиб-бilmай жамият тараққиётига, валеоэстетик тарбияга таҳдид солиб қўйишлиари ҳам мумкин.

Ахборот соҳасидаги глобаллашув шахс учун, унинг манфаатларини ҳимоя қилишга қаратилишини таъминлаш жамиятмизнинг долзарб муаммосидир. Лекин шахс дунёкараши ва маънавий тарбиясига таъсир этувчи жараёнларни ҳар томонлама зукколик билан ўзлаштириш, эстетик маданият ривожидаги омилларнинг самарали ишлаш механизмларини излаб топиш, турли ғоя ва мағкураларнинг бузғунчи қарашларига қарши кураша оладиган азалий қадриятлар ва менталитетни жамиятга тадбиқ этиш ҳар бир фаолиятимизда мужассам бўлиши лозим. Бизнинг жамиятимизда шахс эстетик маданиятини ривожлантирувчи “муайян умумий ғоялар, қадриятларнинг мавжудлиги одамларнинг ўзаро муносабатларини ҳамиша тартибга солиб

келган. Умуминсоний қадриятларга асосланган миллий ғоя хам кўп миллатли мамлакат учун бирлаштирувчилик ролини ўтайди”<sup>1</sup>.

Глобаллашувнинг оммавий ахборот воситалари фаолияти учун кенг имкониятлар очиб бериши Ўзбекистонда шахс эстетик маданиятининг ривожланишига муҳим омил бўлиб хизмат қилувчи валеоэстетик тарбияга катта таъсир этмоқда. Бу тарбия халқимизнинг миллий қадриятлари, урфодат ва анъаналари, диний маросимлар ва удумларнинг ривожланишига ҳам ўз навбатида хизмат қилмоқда.

Бугунги глобаллашув шароитида ахборотнинг ҳозирги замондаги имкониятлари кучайиб кетди. Бунинг учун миллатни-миллат, халқни-халқ сифатида маҳв этиш учун бошига бомба ёғдириб, йўқотиш шарт эмас. Факат шу халқни ўз қадриятларидан йироқ қилишнинг ўзи кифоядир. Дарҳақиқат, дунёдаги барча мавжуд бўлган восита ва қуроллар ичida ҳозирги кунда ахборот воситаси ҳар қандай муҳим ҳарбий қуролдан ҳам даҳшатли бўлиб бормоқда. Ҳар қандай бомба чекланган миқдордаги одамларни бирданига ўлдиради ёки жисмонан заифлаштиради. Ахборот бомбаси эса ҳар куни миллион-миллион одамларни, айниқса, ёшларни маънавий-рухий мажруҳ ва майиб қилиб боради. Уларни ўз ота-онаси, Ватани ва миллий қадриятларидан воз кечган, ҳар қандай ғайриинсоний ишларга қодир, худони ҳам танимайдиган ёки диний мутассибликка берилган, фахш, зўравонлик ва тубанлик уларнинг одатий хислатига айланиб қолган тирик ҳолдаги майит қилиб қўяди.

Ҳозирги кунда ахборот турлари ва кўринишларининг ичida – “оммавий маданият” деб номланган кўриниши энг ярамасидир. “Оммавий маданият”нинг энг хавфли томони шундан иборатки, унда гўзалликнинг қонуниятлари, ёлғонни чин қилиб кўрсатадиган тажриба ва кўникмалар деярли барча одамларга хос бўлган мойилликлар, турли афсонавий тарихий

<sup>1</sup> Очилдиев А. Миллий ғоя ва миллатароро муносабатлар. –Т.: Ўзбекистон, 2004. 118-бет.

воқеалар, руҳиятнинг имкониятлари, санъат, фалсафа, дин, сиёсат ва бошқалардан уддабуронлик билан фойдаланган ҳолда, ёшлар кўнглиниң энг нозик жихатларига таъсир ўтказилади, уларнинг жинсий, миллий ва бошқа ҳиссиётлари ўйфотилади, улар руҳий жунбушга келтирилади ва шу билан бирга уларнинг қалбига истаганча ёвуз ғоялари сингдирилади.

“Бироқ бугунги кунда Шарқ оиласининг анъанавий қоидаларга путур етказишни ўз олдига мақсад қилиб қўйган кучлар топилади. Улар аввалги золимлар сингари шафқатсизлик ва жоҳиллик билан ҳаракат қилмасалар-да, бундан улар хатти-ҳаракатининг моҳияти ўзгармайди. Ҳатто, аксинча ҳам бўлиб чиқади. Бундай хайрихоҳлар синовдан ўтган “юмшоқ куч ишлатиш” усулидан фойдаланиб, Марказий Осиёнинг ҳозирги ёшларига “янгича тўғри оила” тўғрисидаги уйдирмани сингдирмоқчи бўлишмокда. Ҳозирги кунда мамлакатимиз ёшлари онгига оммавий маданиятнинг қудратли таъсир кўрсатиш механизми воситасида Farb жамияти технологиялари ва принципларининг Европа мамлакатларида салбий оқибатларни келтириб чиқарган тизими тиқиширилмоқда”<sup>1</sup>.

Биз ахборот майдонига шиддатли тарзда кириб келаётган бу ҳолатлардан доимо сақланишимиз, жамиятда valeoэстетик тарбияни юксалтиришга хизмат қиласидиган эстетик маданиятларнинг ривожланишига шароит яратишимиз лозим.

Тарихдан ҳам маълумки, жамиятда амал қилаётган маънавий қадриятлар топталса, оёқ ости қилинса, унинг келажагини йўқотишга асос солинган бўлади. Бу ҳолат кўпроқ жамиятдаги муҳим ижтимоий онгнинг шакли бўлган ахлоқнинг мезонларини салбий томонга йўналиши билан вужудга келган. Мана шундай вазият “ўрта асрларда қатор Европа мамлакатларида христиан дини томонидан илоҳийлаштирилган зино қилмаслик тўғрисидаги маънавий қадриятни оёқ ости қилиш жамиятда фаҳш, бузуқлик ва

<sup>1</sup>Ғойибназаров Ш. Оммавий маданият. –Т.: O’zbekiston, 2012. 166-бет.

ахлоқсизликнинг урчиб кетишига сабаб бўлди. Хусусан, француз қироллари ёки Екатерина II саройида авж олган ахлоқсизлик иллати тарихдан маълум. Шуниси ҳайратланарлики, бу даврда ёзилган айрим асарларда бироннинг хотинини йўлдан уриш, зинокорлик гуноҳ эмас, балки қаҳрамонлик сифатида мақтаб тасвирланган”<sup>1</sup>.

Ўрта асрларда ривожланган ахлоқсизлик ва фоҳишабозликни ўзларининг бош ғоясига айлантираётган бугунги ғарб олами шахснинг ғоявий-маънавий тарбиясини ўзларига бўйсундиришга интилмоқда. Улар жаҳонни эгаллашнинг маънавий қуроли сифатида ана шундай йўлни танлаб олганлар.

Инсоният маданияти ва ахлоқига таҳдид солувчи бу иллатлар айни пайтда эзгулик ва гўзалликни мадҳ этувчи эстетик маданиятларни рад этишга ҳаракат қилмоқдалар. Ғарб оламидаги бундай чуқур илдиз отиб бораётган ғоявий-маънавий тарбия на динни, на дунёвийликни тўғри талқин қилмоқда. Улар миллат ва дин танламасдан ер юзининг барча минтақаларига даҳшатли равишда ёпирилиб бориб, маънавий разолат уруғини сочишга интилмоқда. Бу соҳта тушунчалар негизида халқ манфаатлари, инсоният келажаги учун хизмат қиласиган бирон-бир ижобий хусусият ва характерни биз топа олмаймиз. Айни чоғда, “инсонни илохий мавжудот сифатида кемирадиган, ўз илдизларидан жудо қиласиган, ахлоқий тубанликлар кино ва эстрада санъатида, бадиий адабиётда, оммавий ахборот воситаларида, замонавий ахборот воситаси – интернет тармоқларини мустаҳкам эгаллаб олиб, кимларнингдир қўлида кучли ва шафкатсиз тарғибот қуролига айланиб бораётгани айниқса ташвишлидир”<sup>2</sup>.

Глобаллашувнинг ахборот оламига кенг кириб бориши шахс эстетик маданияти ва ғоявий-маънавий тарбиясига

<sup>1</sup> Эргашев И., Шарипов Б., Жакбаров М. Жамиятни эркинлаштириш ва маънавият. –Т.: Академия, 2002. 26-бет.

<sup>2</sup> Эркин ва фаровон хаётни юксак маънавиятсиз қуриб бўлмайди. –Т.: O’zbekiston, 2006. 54-бет.

кўплаб кераксиз маълумотларни сингдиришга ҳаракат қилмоқда. Ҳар куни оммавий ахборот воситалари орқали дунёга тарқалаётган миллиардлаб ахборотлар ўзининг янги янги қиёфаси ва маъно-мазмунини намоён этмоқда. Натижада ёшлар ўртасида кўпроқ замонавий ахборотларни эгаллашга интилиш кучаймоқда ва бунинг оқибатида миллат келажагига таҳдид солувчи хавф-хатар ҳаётимизга кенгроқ кириб келмоқда.

Жамиятимизда ғоявий-маънавий тарбияни бундай ёт ғоялар ва дунёқараашдан асраб-авайлаш учун эстетик иммунитетимизни бакувват, иймонимизни мустаҳкам қилишимиз лозим. Чунки ҳалқимизнинг ўзига хос юксак эстетик маданият соҳиби эканлиги бой маданий бойликларимиз ва тарихий меросимизни кўз қорачиғидек асрашга далолатdir. Асрлар давомида эъзозланиб келинаётган улуғвор қадриятларимизни эъзозлаш, шаънимиз ва ғуруримизни юқори кўтаришга интилиш ҳаётда долзарб бўлмоқда.

Халқимиз дунёқарашини асл ҳолича ривожлантираётган анъаналар ҳалқ маънавиятининг таркибий қисми, муҳим ахлоқий қадрият, тарбия воситаси сифатида хизмат қилмоқда. Ҳалқ анъаналари, маросимлар жараёнида намоён бўлаётган одоб-ахлоқ, меҳр-оқибат, иззат-икром каби хислатлар ёшлар маънавиятининг шаклланишида муҳим аҳамият касб этмоқда. Бу эса, ўз навбатида, Юргбошимизнинг мустақилликни дастлабки кунларидан бошлабоқ маънавият ва маънавий тарбияни долзарб муаммо сифатида кун тартибига кўйганлигини, ёшларга алоҳида эътибор ва ғамхўрлик кўрсатишга кенг имкониятлар яратиб бераётганлигининг исботидир.

Узоқни кўра олган давлатимиз раҳбари янги асрдаги ҳаётини шахс эстетик маданиятини юксалтиришга қаратилган сиёsat негизида бошлади. Жамиятда ғоявий-маънавий тарбияга эътибор қаратиб, XX асрда жаҳоннинг ривожланган давлатларида содир бўла бошлаган ахлоқсизликлар ва маданиятсизликлардан огоҳ бўлишга, уларни ҳаётимизга

кириб келишига йўл қўймасликка доир барча чоратадбирларни амалга оширишга киришди. Бу эса бизнинг аждодларимиздан мерос бўлиб келаётган буюк тарихимиз ва эстетик маданиятимиз эди. Ваҳоланки, Мухаммад Куроновнинг ёзиича, “ўтган асрнинг 80-йилларидаёқ АҚШда эр-хотинларнинг ғалати клублари пайдо бўла бошлаган. Бу клубларда турли хил базми жамшиidlар, шоутомошалар, кўнгилочар кечалар ўтказилган. Одатда уларга эр хотин ясаниб, бирга келган. Ишратбозлик авжига чиққач, эр хотинини бошқа эркакка, хотин эса эрини ўзга аёлга “фойдаланиш”га берган. Эҳтирослар босилиб, нафслар қонгач, эр хотин яна, ҳеч нарса кўрмагандек, мамнун ҳолда уйга қайтган”<sup>1</sup>.

Фарб маданиятининг жамият тараққиётига таҳдид солаётгани бевосита ғоявий-маънавий тарбиянинг бузилишига ҳам олиб келмоқда. Бу ҳақда Кембриж университетининг профессори Тимоти Ж. Унитернинг “XXI асрда ислом” китобида шундай ёзади: “Лондондаги оила қадриятлари хусусида ваъз айтувчи 900 нафар руҳонийларнинг 200 таси гомосексуализм, хомофилия (эркак билан эркакнинг жинсий алоқаси)га мойилдиrlар. Британияда болаларнинг 34 фоизи никоҳсиз туғилмоқда, шунча миқдордаги катта ёшлилар ажралиш азобидан азият чекмоқда”<sup>2</sup>.

Бундай разолат ботқоғига ботган кимсаларнинг тубан ва жирканч ишлари ҳеч бир шахс учун эстетик маданиятнинг намунаси бўла олмайди. Биз улардан огоҳ бўлиб, қайта-қайта ўтмишимизга, миллий қадриятларимизга мурожаат қилган ҳолда valeoэстетик тарбиямизни ривожлантиришимиз даркор. Миллий қадрият ҳалқ ўтмишига, бугуни ва келажагига, фан ва маданият тараққиётига, миллий ахлоқ-одобга юксак хурмат белгисидир. Шу боис ҳозирги даврда таълим соҳасидаги

<sup>1</sup> Эркин ва фаровон ҳаётни юксак маънавиятсиз куриб бўлмайди. –Т.: “O’zbekiston, 2006. 67-бет.

<sup>2</sup> Тимоти Ж. Унитер. XXI асрда ислом. Постмодерн дунёда қиблани топиш. –Т.: Шарқ, 2005. 93-бет.

долзарб вазифаларни бажаришда миллий қадриятларга алохидә эътибор қаратиш муҳим аҳамият касб этади.

Глобаллашувнинг таълим билан уйғунлашуви бевосита шахс руҳияти ва маънавий олами билан боғлиқ бўлади. Ёшларда эстетик маданият ва тарбияни шакллантириш ўзи туғилиб ўсган Ватан ғоялари билан бирлашиши лозим. Болага аниқ фанларни, замонавий компьютерларда ишлашни, хорижий давлатларда ёки бу давлатларнинг вакиллари ёрдамида ўргатиш мумкинdir, аммо она юртга муҳаббат, она заминни таниш ва эъзозлаш, унинг ҳимояси учун ҳамиша ҳозирлик ҳиссини фақат ва фақат шу юртдагина, шу юрт фидойилари кучи билангина шакллантириш лозимлигини исботлашнинг кераги йўқ. Чунки инсон учун авваламбор маънавий тарбия киндик қони тукилган заминдан бошланади. Ундан завқ-шавқ олиб, ўзининг маънавияти, эстетик маданиятини шакллантириб боради. Шундай экан, биз валиоэстетик тарбиямизни она заминимизнинг ҳар бир қарич ери орқали фарзандларимиз ва ёшларимиз онгига сингдириб боришимиз лозим. Акс ҳолда келажак учун таҳдид солувчи юқоридаги сингари салбий эстетик маданиятлар халқимизнинг онги ва тафаккурига сингиб, ҳар хил кўринишдаги бетартибликлар илм-фанга нисбатан шафқатсизликларни келтириб чиқаради.

Дунёнинг мафкуравий манзараси хилма-хил бўлиб бораётган бир даврда глобаллашувнинг муҳим хусусияти шундаки, бунда шахс учун ғоявий-маънавий таъсир доирасининг имкониятларини кенгайиши ва унинг натижасида ер юзининг барча худудларида эстетик маданиятнинг умумбашарий муаммога айланадиганлигидир. Бундай вазиятда ҳар бир мамлакат ўзлигини сақлаб қолишига, зарарли ғоя ва маданиятлар таъсиридан ҳимоя қила оладиган мафкуравий-эстетик иммунитетга эга бўлиши керак бўлади. Юртимизда халқ фаровонлиги ва юрт истиқболи мана шундай ғоявий-маънавий тарбияни шахс иймон-эътиқодига айлантиришга, жамиятда комил инсонларни вояга етказишига қаратилмоқда.

Ҳар бир давлат ёхуд жамиятнинг гуллаб-яшнаши, инсонларнинг роҳат-фароғати шу юрт фарзандларининг хулқодоби, ахлоқий идеаллари, эстетик маданияти ва маънавий етуклигига боғлиқ бўлади. Бу нарса маърифатпарвар жадидчи Абдулла Авлонийнинг “тарбия биз учун ё ҳаёт, ё мамот, ё нажот, ё ҳалокат, ё саодат, ё фалокат масаласидир” деган фикрида акс этган.

Инсонлар ғоявий-маънавий тарбиясини бу сўзлар асосида ташкил этиш ҳаётга нисбатан юксак ҳис-туйғуларни, воқеликка нисбатан завқий муносабатни мукаммал бўлишини таъминлайди. Кишилардаги гўзалликка ва санъатга бўлган интилиш, малака ва кўнималар бадиий-эстетик ҳамда ғоявий-маънавий тарбиянинг жамиятдаги мавқеини кўтаради.

Валеоэстетик тарбия асосида ҳаётдаги ва санъатдаги гўзалликни тўғри идрок этиш, шахсадаги эстетик эҳтиёжларни тарбиялаб вояга етказиш, глобаллашувнинг нозик эстетик маданиятларни келтириб чиқарувчи омил эканлигини ҳар бир ота-она, ўқитувчи, устоз ёш авлодга ўргатиши долзарбdir.

Фарзандларимизга валеоэстетик тарбия беришда ёшлигидан бошлаб мусиқа оҳангি, нафис гуллар таровати ва чиройи, санъат асарлари билан тарбиялаш, объектив олам гўзалигини хилма-хил кўринишларини ажратса билишни онгига сингдириб, дунёқарашини нафосат дунёси билан бойитиб бориш керак. Айниска, мактабда ўқувчиларни ғоявий-маънавий тарбиясида адабиёт, мусиқа, расм дарсларининг имкониятлари каттадир. Бундай тарбияда жамият маънавий ва моддий ҳаётидаги эстетик маданиятга интилиш кучая боради.

Валеоэстетик тарбия жараённида глобаллашувнинг муҳим хусусияти шундаки, шахсларни бир-бирига ўзаро завқий муносабатини ақлий, ахлоқий, жисмоний жиҳатдан тарбиялашда катта аҳамиятга эга. Воқеликни мушоҳада этиш, жамиятдаги хилма-хил эҳтиёжларни қондиришда ғоявий-маънавий тарбия кишига руҳий қувват бағишлийди.

Шахс доимо ўз турмуши ширин, ҳаёти эзгулик ва гўзаликка бой манзаралар билан ўтишини орзу қилади. Шу

асосда кишилик жамияти вужудга келгандан бошлаб шахс valeoэстетик тарбиясини бойитишга, нафосат олами мохияти маъно ва мазмунини эстетик маданият билан уйғунлаштиришга интилиб келди. Натижада, шахс ўз амалий-эстетик фаолияти билан воқеликни ўзлаштириб, уни ўзгартиришга, кишига завқ-шавқ этадиган “иккинчи табиат”ни яратишга ҳаракат қилди. Воқеликдаги гўзаллик ва хунуклик, кулгулилик ва фожиавийликни бир-биридан фарқлаб, дунёни асл мохиятини қандайлигини англайди. Булар барчаси шахснинг яшаши учун зарур бўлган талаб ва эҳтиёжлари асосида амалга ошади. Мана шундай ҳис-туйғулар, кечинмалар valeoэстетик тарбия жараённида эстетик маданиятни ривожлантиради. Ваҳоланки, инсон боласи ҳайвонлар орасида ҳаёт кечирса унда ҳеч қандай тарбия қарор топмайди. Балки ҳайвонлар турмуш тарзига мос ҳолда ҳаёт кечирали. Бундай ҳолатларни биз кўплаб бадиий асарлар орқали ўқиб ва кинофильмларда томоша қилганимиз. Жамият шундай мураккаб ва қизиқки, инсон ҳайвонни ҳам тарбиялаб бориши мумкин. Лекин ҳайвонни ғоявий-маънавий тарбиялаш эстетик маданият ривожи учун хизмат қилмайди.

Глобаллашув масаласида гапирганда, эстетик омилларни ҳам ҳисобга олиш лозим. Шу асосда valeoэстетик тарбияни шахс онгига сингдиришда муайян эстетик фазилатларни англаб етиш ва шу асосда тарбия жараёнини олиб бориш мақсадга мувофиқдир. Шу боис valeoэстетик тарбия ҳеч қачон кишидан муайян вақтни талаб қилмайди. Балки, ҳар бир босган қадамимизда хилма-хил хусусиятлар билан ҳаётимизда ҳамроҳимиз бўлиб бораверади ва бизни юксак эстетик маданиятли, масъулиятли, чидамли, бардошли бўлишшга чорлайди.

Эстетик маданият valeoэстетик тарбия жараённида ўтмишга асосланиб, ҳозирги кунни бебаҳо ноёб гўзалликга бойитади. Шахс эстетик маданиятини ворисийлик асосида келажакка етказиб бериб, улардаги valeoэстетик тарбияни ўтмиш гўзаллигига боғлаган ҳолда маданий ва эстетик тарбияни ривожлантиради. Инсондаги нафосат оламига

---

бўлган қизиқиши кучайтириш, қадриятларда ўз жилвасини акс эттирган маданият ва маънавиятни шакллантириш глобаллашув шароитида валеоэстетик тарбиянинг негизи сифатида янги жамиятни ривожида катта аҳамиятга эга. Ҳар бир инсонда эстетик маданият ва маънавият, аввало унинг оиласидаги валеоэстетик тарбиясида, сўнгра ижтимоий уюшмалар таъсирида бутун оламнинг гўзаллигини эстетик жиҳатдан идрок этишда намоён бўлади. Дунёдаги барча миллатлар ва элатларнинг эстетик маданияти ва миллий маънавияти мавжуд бўлиб, улар келгусидаги авлодлар томонидан чуқур ўрганиб ёш авлодни валеоэстетик тарбиялашда муҳим аҳамият касб этади.

Шахснинг валеоэстетик тарбияси эстетик маданияти ва миллий маънавиятида намоён бўлар экан, у доимо шулар асосида гўзалликни ҳис қилиш, нафосат олами чиройидан баҳраманд бўлиш, яхши фазилат ва хислатларга эга бўлиши каби туйғуларни ўзида мужассам этмоғи лозим. Шу боисдан, шахснинг эстетик тарбияси мукаммал ва сержило кўринишга эга бўлиши маънавий-маданий жиҳатларга бевосита боғлиқ. Булар орқали шахс фақатгина гўзаалликни ҳис этиб қолмасдан, балки ўзида юксак ҳиссиёт, одат, кўникма ва малакалари асосида эстетик маданиятини ҳам ривожлантиради. Айниқса, эстетик маданият ва миллий маънавият ўз даврининг ёрқин юлдузлари, мафкураси ҳамда давр талаб-эҳтиёжларига мос келиши учун валеоэстетик тарбия мустаҳкам бўлиши керак. Чунки, ҳар қандай валеоэстетик тарбияда эстетик маданият ва миллий маънавият ҳамоҳанглиги, бирлиги, мутаносиблиги бўлиши лозим. Мабодо бундай хислатлар мавжуд бўлмаса унда маънавий баркамоллик ва эстетик эҳтиёжлар замон талабига жавоб бера олмайди.

Бугунги глобаллашув шароитида мана шундай жиҳатларни эстетик тарбия жараёнидаги ролини англаб этишда миллийлик рухи сингдирилган эстетик маданиятимиз ва маънавиятимиз биздан ҳаётдаги гўзалликни тез ва хушёр ҳис этиш, бутун маънавий оламимизни, ижтимоий

муносабатларимизни нафосат оламига буркашга қаратилган. Хусусан, шаҳар ва қишлоқларимизнинг кундан-кунга чирой очиб бораётгандиги қувонарли ҳамда завқ-шавққа бой хушманзара она табиатимизнинг чирой очиб гўзаллашиб бораётгандиги киши қалбига оромбахш кайфиятни бахшида этади. Бундай туйғулардан тўйиб-тўйиб нафас олиш шахс эстетик маданияти ва маънавий оламига латофат ва назокат эҳтиросларини олиб киради.

Жамиятда глобалашув жараёни миллийликка асосланган эстетик ғояларга қанчалик улуғвор ва киши қалбидан бирданига жой топа оладиган ўткир ҳамда нозик туйғуларга бой бўлса, эстетик маданият ва маънавиятимизнинг чуқур ўтмиш, қувонч ва севинчга тўлиб тошган узоқ тарихий борлигини англатади. Шахс валеоэстетик тарбияси орқали эстетик эҳтиёжларини кўпайтириб бораверади ва эстетик маданиятини бойитадиган қадриятларни купайтиради. Валеоэстетик тарбия ва эстетик маданиятни уйғуналигини ташкил этиш, шахсда юксак нафосат туйғуларини мужассамлаштиради. Инсоний ҳаётнинг эстетик идеалларига муносабатини, эстетик тафакурини қизиқарли ва мураккаб эстетик даргоҳга айлантиради. Айни пайтда ҳаётнинг ҳақконий гўзаллигига таъсир этаётган эстетик маданият ва маънавият соҳалари адабиёт ва санъатда чиройли ҳамда нафис бадиий образлар билан ифодалаб берилмоқда. Бу эса, эстетик кечинма ва эҳтиёжларнинг бадиий қудратини ошириб, шахсни эстетик маданияти ва маънавий камолотини юксак ҳис-туйғулар билан гўзаллик сари етаклайди. Ўзбекистонда мустақиллик йилларда олиб борилаётган валеоэстетик тарбия миллий қадриятлар асосида амалга оширилмоқда. Негаки, миллий қадриятлар негизида эстетик маданият ва миллий маънавият ўзининг бебаҳо дурдонасини яширган. Ана шу дурдонани асрраб-аввайлаб ёш авлод онгига сингдириш, асрлардан-асрларга мерос бўлиб келаётган ноёб ғоявий-маънавий тарбияни нозик қирраларини глобалашув даврида ижтимоий ҳаётга тадбиқ этиш, мукаммал ва жозибадор ҳиссиётни жилласини кўз қорачиғидек эстетик

маданиятимиз учун қадрлидир. Халқимизнинг ғоявий-маънавий тарбияси уч минг йилдан ортикроқ даврни ўзида мужассамлаштирган Марказий Осиё цивилизациясини яратган. Бизнинг валеоэстетик тарбиямиз ана шу цивилизацияга хос эстетик жиҳатлар: туғилган макон ва Она юртни гўзаллигини англаш, авлодлар нафосат оламини янги эстетик тасаввурлар билан бой этиш, ҳамиша катталарга хурмат, муомалада мулозамат, эстетик маданият ва миллий маънавиятнинг сержило сарчашмаларидан баҳраманд бўлиш кабилар билан характерланади. Буларнинг барчаси авлод-аждодларимиз валеоэстетик тарбиясининг қўркам бежирим гўзаллиги, маънавий меросининг бутун жаҳон цивилизациясига қўшган ҳиссаси, қадр-қиммати, обрў-эътибори юксаклигини намоён этувчи фахрланиш хиссиётидир.

Халқимиз ўзининг эстетик тарбияси билан нафақат миллий ғурур, эстетик маданият ва миллий маънавиятни, балки табиат гўзаллигини жамият жамолини, инсонлар бадиий тафаккурини кўз илғамас жабҳаларини англаб олади. Ўз миллатини севадиган ҳар бир шахс руҳий туйғулари, ички кечинмалари билан халқнинг ютуқлари, обрў-эътибори, гўзаллик оламидан фахрланади, завқланади, унинг чиройига-чирой қўшишга интилади. Миллий ғурури, ғоявий-маънавий тарбияси юксак шахс ўз элининг эстетик маданиятини эъзозлайди, миллий маънавиятини нодир асарлари ва ранг-баранг нур таратувчи меросини қадрлайди, уларнинг буюк ўтмишига эгалигидан хурсанд бўлади. Шахс ўзини валеоэстетик тарбиясини бойитиши моддий, маънавий меросларини ўзлаштириш, урф-одатлар, анъаналар, қадриятларни мукаммал билиши юксак ҳис-туйғуларни шакллантиради.

Глобаллашув барча соҳаларда валеоэстетик тарбия билан эстетик маданиятни узвий равища ижтимоий ҳаётимизни ҳаяжонли, эҳтиросли кўринишларини акс эттиромоқда. Айниқса, миллий маънавиятни ривожлантириш, миллий тил ва эстетик маданиятни тараққий эттириш, миллий

ўз-ўзини англаш, миллий хис-туйғулар, миллий ғуур ғана жана эстетик тарбияни ажойиб кўринишларини бир-бири билан уйғун ҳолда ўрганиб бориш мақсадга мувофиқдир. Мустақил Ўзбекистоннинг тараққиёти жамият аъзоларини нафосат қонунлари асосида янгича тафаккурлаш, меҳнат қилиш маданияти, турмуш тарзини ўзгартирди. Айни чоғда ёшлар валеоэстетик тарбиясида ҳудди шундай дунёқараш шакланаётганлиги қувонарли ҳолдир. Маънавиятимиз тарбиявий асосларининг бор кучи, мазмунининг чуқурлиги ва ранг-баранглигини, унинг кўхна тарих қаърига сингиб кетганлигини, ҳозирги салоҳияти чексиз эканлигини тўла равишда кўрсатмоқ учун нафосат тарбиясининг негизларидан бошлаб, то ҳозирги кунгача унинг бутун бир занжирини ташкил этган эстетик маданиятнинг моҳиятини инсонлар қалбига олиб кириш лозим. Аммо, айни пайтда қилинаётган ишларни самараси, ғоявий-маънавий тарбиянинг жамиятда тутган ўрнини тўлиқ ва мукаммал деб бўлмайди. Инсонлар ҳаёти, турмуш тарзи, маънавий оламида эстетик маданият ва миллий маънавият баъзи камчиликлардан холи эмас. Бунинг учун бутун ҳалқ ўзининг ёш авлодини камол топтиришда бераётган билимларини дастлаб эстетик маданият билан боғлиқ равишда ташкил этса шундагина ўз олдимизга қўйган мақсадларимиз ўз мевасини беради.

Валеоэстетик тарбия глобаллашув шароитида ҳар доим ўзининг ранг-баранг ва хилма-хиллиги билан ижтимоий муносабатларга таъсирини ўтказиб туради. Шахснинг воқеликдаги гўзалликни хис этиши, эстетик фаолияти натижасида ўз меҳнати билан ўзига завқ-шавқ бағишлиайди. Бу эса, ўз навбатида, эстетик маданиятни жамиятимиздаги ролини ҳар томонлама еткукликка эришиш даражасига кўтаради.

Глобаллашув оқибатида ижтимоий ҳаётдаги турли хил қарама-қаршиликлар, жамиятда фаровон турмушни қарор топиши шахсда эстетик маданият учун муҳим бўлган ижтимоий, сиёсий, маънавий, ахлоқий, эстетик, маданий руҳий муҳитни вужудга келишига сабаб бўлади. Мана шулар

асосида эстетик маданият валеоэстетик тарбия билан боғланиб кетади ва ҳар томонламалик хусусияти келиб чиқади. Бу эса, ҳар бир жамиятнинг ижтимоий келиб чиқиши, иқтисодий, ҳуқуқий, илмий, мафкуравий қарашларини ривожланишида мухим омил бўлиб ҳисобланади.

Жаҳонда кундан-кунга ўзини намоён этиб бораётган Ўзбекистонда бугунги кунда валеоэстетик тарбиянинг ўзига хос хусусияти нафосат олами билан бойимоқда.

Биринчидан, мустақиллик шарофати ила шахсни эркин фаолият олиб бориши учун барча шарт-шароитлар яратилиб, инсонлар ўзларини эстетик диди, мустакил фикрлаши, интилувчанлиги, ижодий қобилияти асосида воқеликка холисона ёндашмоқда. Уларда глобаллашув жамият учун, ҳалқ учун хизмат қиласидаган эстетик маданиятни шаклланишига олиб борувчи ижобий ҳис-туйғулар ташувчиси деган тушунча ва тасаввурларни шакллантиримоқда.

Иккинчидан, глобаллашув ҳалкни турмуш тарзи, эстетик идеаллари ўтмиш ва ҳозирги кун орасидаги ворисийлиги билан боғланиб, фуқароларни валеоэстетик тарбияси ва маданияти ривожига илм-фан ютуқлари таъсир этиб эстетик онгимизни кўп қирралигини намоён этмоқда.

Учинчидан, ҳуқукий демократик фуқоролик жамияти қуришда ишлаб чиқариш ва бозор муносабатларини такомиллашиб бориши, ҳаётни мураккаблашиб, фуқароларни маънавияти, маданияти ва валеоэстетик тарбияси миллий ҳамда замонавий анъаналар боғланиб кетаётгани намоён бўлмоқда.

Тўртингидан, техника аспи бўлган XXI аср барча фанларни глобаллашувсиз ривожлана олмаслигини кўрсатиб турибди. Натижада, сўнгти илм-фан ютуқлари асосида ишлаб чиқаришни ташкил этиш одамларни келажакка ишончини мустаҳкамлаш билан ҳаётдаги эстетик фаолиятини ривожлантириш лозим. Инсонларда ўз касб-корига, маънавий қадриятларига содик бўлишни таъминлаш, эстетик маданиятни ривожлантириш кучаймоқда.

Бешинчидан, кундалик ҳаётимизни безаб туралып да жүргізуңыз. Бизга олам ҳақидағы янги билимларни берадиган “Тұрткынчы қокимият” тизимини валеоэстетик тарбияга таъсирини қандайлигини одамларға етказып лозим. Шу асосда эстетик идеалларни, ҳис-түйғуларни, юксак маънавиятни шакллантириш керак.

Олтингчидан, давр талабидан келиб чиқиб “Кадрлар тайёрлаш миллий дастури”ни жамиятга кенг тадбиқ этиш даркор. Ёшларни валеоэстетик тарбиялаш жараёнида хорижий давлатлар билан мустаҳкам алоқада бўлиш ҳамда жаҳонда таълим соҳасида рўй берадиган янгиликлардан доимо хабардор бўлиб туриш долзарб вазифалардан биридир.

#### **4.3§. Эстетик маданиятни юксалтириш омиллари ва истиқболлари**

XXI аср инсоният учун янги тарихий даврни бошлаб бериш билан биргаликда кенг қамровли глобаллашув ва интеграциялашув жараёнини ҳам вужудга келтирди. Жамиятнинг ҳар бир жабхасида ўзининг серкірра кўринишини шакллантирган бу ҳолатлар замонавий қадриятларнинг сайқаллашуви ва синергитик ёндашувларни ривожланишига олиб келди. Бу оқибатида эстетик маданият соҳасида ҳам инсон онги ва қалбини эгаллашга бўлган интилишлар, тасаввурлар, эстетик идеаллар, ахлоқий нормалар ижтимоий ҳаётга ўз таъсирини ўтказа бошлади. Ҳар бир шахсда замонавийликни ўзида акс эттириши, унда миллий-бадиий қадриятларни ўзлаштиришга бўлган завқий муносабатлар янгича дунёкараш ва маънавий олам бахш этади. Замонавий эстетик маданият “дунё бўйича глобаллашув жараёни кетаётган, айни чоғда инсонлар онги ва қалби учун ғоявий кураш энг юқори чўққиларга кўтарилиб бораётган ҳозирги халқаро шароитда миллий қадриятларни англаган, уни ҳимоя қила оладиган шахсларга ижтимоий эҳтиёж тобора ортиб боряпти. Бунга тамомила табиий ва қонуниятли ҳолат сифатида қаралиб, ушбу янги тарихий

вазият талабларига жавоб берса оладиган баркамол инсонларни вояга етказиши зарурат бўлиб турибди”<sup>1</sup>. Чунки эстетик нуқтаи назардан шахс хаётига чукур кириб борадиган ҳар бир фаолиятда юксак инсонийлик ҳис-туйғулари, ўткир диддилик каби омиллар бугуннинг талаб ва эҳтиёжларига айланиб бормоқда.

Мутақиллик шароити ва глобаллашув натижасида ҳар бир шахснинг эркин камол топиши, барчанинг жамиятда завқий муносабатлар билан яшашига керакли имкониятларни яратиб бериш муҳим аҳамиятга эга бўлган эстетик маданиятни қарор топтироқмокда.

Глобаллашув жараёни халқимизнинг маънавий киёфасини ўзгартириш билан биргаликда шахс эстетик маданиятининг замонавийлашувига, яъни аста-секинлик билан руҳий-хиссий туйғуларининг янгиланиб боришига олиб келмоқда. Натижада жамиятни эстетик тарбия ва маданиятидан фойдаланишда зийраклик кундан-кунга долзарб бўлмоқда. Чунки эстетик маданият негизида шаклланиб келаётган маънавиятимиз, миллий қадриятларимиз, ахлоқий мезонларимиз, урф-одат, анъана ва маросимларимизни ахборот майдонида кечётган турли курашлардан омон-эсон олиб чиқсан ҳолда фаолият юргизишимиш керак. Шунингдек, бутун дунёда, жумладан, информация оламида глобаллашув жараёни кечётган ҳозирги пайтда, яъни лўнда қилиб айтганда, жаҳоннинг бир чеккасида содир бўлаётган воқеалар ва ҳаракатларнинг тез тарқалиб кетаётганини ҳисобга олганда, бу масаланинг аҳамияти ва долзарблиги янада ортиб бормоқда. Биз кутилаётган натижаларни тўғри йўлга қўйиш учун авваламбор миллий тарбиямиз ва эстетик маданиятимизни замон билан ҳамнафас бўлишини таъминлашга қаратилган эстетик фаолиятни ривожлантиришимиз лозим.

Жамиятда эстетик маданиятимизни кўзланган мақсадларга қаратилган пухта режа ва дастурлар асосида олиб

<sup>1</sup> Каримов Иброҳим. Миллат шаъни. –Т.: Янги аср авлоди, 2005. 16-бет.

боришимиз маънавиятимизнинг кўлами жиҳатидан кенгроқ, амалий жиҳатдан муҳимроқ эканлигини кўрсатиб турибди. Шу боис ҳар биримиз эстетик дидли ва юксак маънавиятли келажак авлодни ўтмиш меросимиз асосида тарбиялашимизни замонамиз талаб этмоқда.

Глобаллашув жараёнида “дунё” бугун Ўзбекистонни миллий-маданий мероси, бой тарихи, тили, маданияти, урфодат ва анъаналарининг умуминсоний ғоялар билан мужассамлиги, санъат ва архитектура, фан ва маданият соҳасида эришаётган ютуқлари орқали кашф этмоқда. Демак, биз глобаллашув жараёнида пассив қабул қилувчи томонгина бўлмай, фаол тарғиб қилувчиларга ҳам айланишимиз мумкин”<sup>1</sup>. Шундагина замонавий эстетик маданият ва қадриятларнинг асл ворислари ва ривожлантирувчи субъектлари сифатида ўзимизни намоён эта оламиз.

Ўзбек халқи асрлар давомида шакллантириб ва ривожлантириб келган миллий-бадиий қадриятлари бугунги кунга келиб ижтимоий ҳаётимизнинг барча соҳаларини кенг қамраб олди. Ўзбек оиласидаги миллий-бадиий қадриятларнинг ривожланиши бевосита дунёдаги бошқа халқ оиласарига ўхшамас томонлари билан ажralиб туради. Чунки, ўзбек фарзандларга эстетик тарбия бериш ва эстетик дидни шакллантиришда оиласинг ўрни бекиёсдир. Бугунги куннинг фарзандига эстетик маданиятни ўргатишда биринчи галда ота-онанинг хушфеъл, хушмуомила сўзлари, чиройли, кўркам воқеликни тўғри тушунишлари, ёш авлодга берадиган ҳар томонлама билимлари равshan ва ёрқин бўлиши, замонамиздан орқада қолиб кетган эскича караш ва нарсаларга асосланмаслиги лозим.

Ҳар бир ўзбек хонадонида эстетик маданиятни миллий рухда тарбиялаш, уларда эстетик хис-туйғуларни шакллантириш ва нафис туйғуларни камол топтириш истиқболдаги асосий вазифадир. Оиласада эстетик маданиятни шакллантиришда теварак-атроф (кўни-қўшни, маҳалла, боғча,

<sup>1</sup> Миллий истиқлол ғояси. –Т.: Akademiya, 2005. 86-бет.

мактаб ва ҳоказолар)га бўлган завқий муносабат, воқеликни гўзалигини кузатиш, идрок этиш ва эстетик ҳис, дид, идеални тарбиялаш катта аҳамиятга эга. Шунингдек, уларни табиат гўзалигига ва санъатига ҳавас уйғотиш орқали тарбиялаш, аммо глобал жараёнлар асосида ниқобланган санъатни эмас, балки замонавий миллий-бадиий қадриятларга асосланган эстетик маданиятни ривожлантириш керак.

Глобаллашув жараёнида ҳам ўзбек халқида бошқа халқларга ҳам хос гўзалик хақидаги умумбашарий тушунчадан ташқари, фақат шу халқгагина хос бўлган эстетик маданият мавжуд. Бу ўзига хослик борасида жаҳоннинг кўплаб мамлакатларида хилма-хил фикрлар мавжуд. Бундан кўриниб турибдики, ўзбек оиласи ўзининг ўтмишига асосланиб, ўзининг келажагини яратишга интилмоқда. Айниқса, катта ёшдаги оила аъзоларини эстетик маданияти юксаклиги, бадиий адабиёт ва санъатга қизиқишилари кучлилиги, уларга эстетик завқ олишлари бевосита глобал жараёнларда ёш болаларга кучли таъсир этиб, ижтимоий ҳаёт билан таққослаш кучайиб бормоқда. Боланинг ёшлигиданоқ эстетик маданияти мукаммал бўлса яхши ва ёмон, гўзал ва хунук тушунчалар фарқини чуқурроқ англаб етади. Мана шундай тушунчаларни ёш боланинг онгига сингдиришда, аввало, уларнинг қизиқишиларини ҳисобга олиш лозим. Агар болада бирор нарсага, спортга ёки санъатнинг маълум бир соҳасига қизиқиши борлигини ота-она сезсалар, уларни шу қизиқишиларига жалб этиши фойдалидир.

Айрим ҳолларда ота-оналар болаларининг қизиқишиларини ҳисобга олмасдан, ўзларини кўнгилларига ёққан уйинларга жалб этишади. Шунингдек, баъзи ота-оналар ўз ишлари билан банд бўлиб бола тарбиясига, унинг хулқатвори ва эстетик маданиятига яхши эътибор беришмайди.

Бундай ҳолатда тарбияланган бола жамиятда ўзининг ўрнини топиши қийин кечади. Шу сабабдан хар бир ота-она ўз боласининг тарбияси ва эстетик дунёси учун жамият олдида жавоб бериши керак. Ижтимоий ҳаётимизга “оммавий тарзда хориж фильмлари ва нашрларининг кўчиб келиши,

аудио ва видео кассеталарнинг кенг тарқалиши, ҳали иймон-эътиқоди, миллий ўзлиги тўла шаклланиб улгурмаган ёхуд савияси гўр, менталитети суст одамларга ўз таъсирини ўтказмоқда. Кийиниш ва муомала одоби, миллий ахлоқий мезонлар, мусиқа маданиятида миллийликни хира тортиши, мумтоз мусиқа ва адабиётдан, боболар ўгити ва ибратларидан, китоб мутолаа қилишдан чекланиш, албатта миллий қадриятлар қимматига салбий таъсир кўрсатмаслиги мумкин эмас”.<sup>1</sup> Шундай экан, ҳар биримиз эстетик маданиятни фақат хурсандчилик ва айш-ишрат, майшатбозлик билан ўлчанадиган Оврупо ҳаёти билан боғламасдан, оиласидаги миллий-бадиий қадриятларимиз асосида камол топтириб боришимиз мақсадга мувофиқдир.

Бундай ҳолатлар оддийгина ўзбек оиласида ота-онанинг муомала маданияти билан боғлиқ меҳр-муҳаббати, ширин сўзлари, ёқтирган нарсасини эъзозлашга, бажараётган ишига иштиёқманд бўлишига чорлаш билан характерланади. Бундай эстетик маданият асосида сухбатлашиш, эркин мулоқотда бўлиши эстетик ҳис-туйғулар ва ўткир диддиликни шакллантиради. Замонавий миллий-бадиий қадриятларимизни шакллантириша эстетик маданият ҳар бир шахсда ҳаётга нисбатан завқ-шавқ билан муносабат билдиришдан бошланиб, эстетик руҳда воқеликни гўзаллигини мушоҳода этишга, теварак-атроф чиройини ҳис этишга, табиатга нисбатан юксак хиссиётни ўстиришга қаратилади.

Замонавий миллийликни ёш авлодга сингдиришда шароит муҳим омил сифатида катта аҳамият касб этади. Агар фарзанд яшаётган уй сарамжом-саришта ва озода бўлса, бу уйда тартиб бўлади. Бола яшаётган уйда доимо тартиб, сарамжомлик, озадалик мавжуд бўлса, бола ёшлигидан бошлабоқ ўзида яхши одатлар, кўникмаларни шакллантиради. Ўзини озода тутишга, дид билан кийинишга, ётоқ жойи ва

<sup>1</sup>Гулметов Э. Глобаллашув жараёни ва маънавий қадриятлар // Миллий ғоя ва маънавий қадриятлар: назария, методология, амалиёт. –Т.: 2004. 143-144-бетлар.

---

ўқув қуролларини озода, саранжонм-сариштали қилишга одатланади. Демак, миллий-бадий қадриятларимиз оила бағридан бошлаб ўзини эстетик маданият билан боғлаб боради.

Ҳар қандай глобалашувда ҳам халқимиз ўзининг миллий қадриятларини унутмаган ҳолда ўз эстетик маданиятини ривожлантироқда. Бугунги кунда юртимизнинг қайси бир бурчагига борманг, чиннидек тоза ҳовлилар, дид билан саранжом қилингган уйлар, чиройли күчалар жуда-жуда қўп. Халқимиз ҳовли-жойини топ-тоза қилиб, ёз кунлари ҳамма ёкка сув сепиб, салқин ва шинам қилиб қўйишни яхши кўради. Бундай ажойиб одатлар ва фазилатлар ўзбек оиласида кўпроқ ёш қизлар ва келинларга ўргатилади. Улар ҳар куни барвакт уйғонишади ва болалар ўрнидан тургунга қадар анча ишларни саранжомлаб олишади. Булар барчаси халқимизнинг азалий эстетик маданиятининг сақланиб қолиб, замонамизга мос тарзда ўзлигини намоён этиши хисбланади.

Ўзбек оиласида ҳар бир бола нозик дидли бўлиш, воқелик гўзаллигини қадрлай олиш, бадий маданиятни тушуниш тарзида тарбияланади. Бола тарбиясида унинг ақл-заковати, эстетик ҳиссиёти, бадий адабиёт ва санъатга муносабати, хоҳиш-истаклари муҳим аҳамиятга эга. Шу боисдан, ота-оналар ўз фарзандларини турмушдаги гўзаллик ва хунукликни тушуниш, ҳис этиш, кишилар маънавий фазилатларини ўзлаштиришга интилишган. Ўз болалари қалбида меҳнатсеварлик, ширин сўзлик, қувонч, илиқлик, табассум каби кайфиятларни ривожлантиришган ва ҳар қандай замонавийликда аждодларимизнинг миллий-бадий қадриятларига содик қолишини ўргатишган.

Бундай маданият орқали ота-оналар фарзандларига қалб гўзаллиги, шахс маънавий камолотини тушунтиришган. Ҳаттоқи, ўтмиш маънавиятимизни улар онгida намоён этган. Шу боисдан, ҳар қандай глобалашув ва замонавийликда ҳам донишманд халқимиз “Чирой ҳусну жамолда эмас, фазлу камолда” деб бекорга айтмаган!

Ўзбек оиласидаги юксак эстетик қадрият сифатида миллий тарбиянинг муҳим омилларидан бири отанинг қаттиқўллиги ва она меҳрибонлигидир. Чунки, ота ўз фарзандини ёшлиқданоқ меҳнатга меҳр қўйиш, воқелик гўзаллигидан баҳрамад бўлиш, юриш-туришда, санъатга юксак эстетик қобилиятли бўлишга ҳамда жирканч ва хунук, дид-фаросатсиз воқеалардан йироқ юришга чорлайди. Боласи қалбида юксак инсоний туйғулар, ички ва ташқи гўзаллик зеҳни ўткирликни камол топтиришга интилади. Она эса кўпроқ буларга қўшимча ҳолда боласини ёқимли куй, мусиқа тенглашга, гўзал табиат бағрида сайр қилишга, чиройли манзаралар томоша қилиб қалби қувончга тўлишга ва ҳоказоларга ҳаракат қиласи.

Ўзбек оиласида миллий-бадиий қадриятларни ривожлантиришда ва ёш авлодни эстетик рухда тарбиялашда ёши улуғ бобо ва бувиларимизнинг роли ҳам бекиёс каттадир. Улар набираларини севиб эркалашади, уларга қалбларидағи тўлиб тошган меҳр-муҳаббатларини баҳш этади. Набираларига ҳаёт қувончлари ва ташвишлари ҳақида сўзлашади. Кўпинча эртак, ривоят ва ҳикоялар сўзлаб, уларни ботир, мард, қўрқмас камтарин, соғдил, чиройли, гўзал бўлишига чорлайди. Айниқса, табиат гўзаллиги, унинг ҳар бир жоноворини ғаройиб фазилатларини бирма-бир айтиб, болалар дунёқарашида нозик ҳис-туйғулар, эстетик идеаллар ва эстетик маданиятни қарор топтиради.

Ўзбек халқининг асрлардан асрларга мерос қилиб келаётган эстетик маданияти глобаллашув жараёнидаги ёшларни тарбиялашда, улар онгидаги латофатли, назокатли, лобар аъло қайфиятни вужудга келтиришда халқимизнинг маданияти, ноёб дурдоналари ва илму ҳикмат ҳазинасидан ҳам фойдаланиш мақсадга мувофиқдир. Шундай экан, бугунги кун ўзбек оиласида тарбияланаётган ҳар бир бола, аввало ўтмиш меросимиз ва қадриятларимиздан завқ-шавққа тўлиб камол топиши, қолаверса жаҳон халқларининг эстетик маданиятидан тўла баҳрамад бўлган ҳолда улғайиши,

келажаги порлоқ Ўзбекистонни юксак ҳис-туйғулар маскани гўзал диёрга айлантириши керак.

Ҳар қандай шароитда ҳам инсон эстетик маданиятини намоён этиб турадиган ажойиб хислат хулқ-атвор хисобланади. Ҳар бир инсон юриш-туриши, гўзалликка ошно қалби, олижаноб ва илхомбахш туйғулари, самимий дил изҳорлари, ҳақиқий гўзаллиги хулқ-атворидаги тарбия билан боғлиқ. Ҳалқимиз орасида ишлатиладиган ҳар хил мақоллар, аввало, оиласда ота-онанинг баҳамжихат, бир-бирига соф муҳаббати, нафосати, садоқатида намоён бўлади. Ўтмишдан мерос бўлиб қолган юксак эстетик маданият замонамиизда ҳам миллий қадрият сифатида эъзозланади. Шу боисдан, тарбияли, оғир-босиқ, оқила она турмушга чиққан қизига ҳар гал кўрганида “куёвимни ҳурмат қил” деб тайинлаб туради. Бу сўзлар замирида қанчалик одоб-ахлоққа оид гўзал туйғулар жилvasи ва азалий эстетик маданият намуналари акс этганлигини англамоқ зарур. Оиласда эр-хотин бир-бирини қанчалик ҳурмат қилиши, хулқ-атвори бевосита болалари кўз ўнгиде намоён бўлади. Оиласда ота-онанинг ўзини тута билиши, хулқ-атвори, одати эстетик ва ахлоқий тарбиясида яққол акс этади.

Ҳалқимиз орасида замонавий миллий-бадиий қадриятлар оддийгина оиласвий муносабатларда чуқур акс этганлигини кўриш мумкин. Ҳар қандай замонавийликда ҳам эр ва хотин, яъни ота-она оиласанинг қувончида ҳам, ташвишида ҳам, рўзғор тутишида ҳам, фарзандларининг таълим-тарбия жараёнида ҳам бир хил завқий муносабатда бўлиши лозим. Миллий-бадиий қадриятларга асосланган ҳолда эр-хотиннинг аҳллиги оила тебратиш, фарзандлар тарбияси ва уйга файз киритишда катта аҳамиятга эга. Айниқса, уй бекасининг чаққон бўлиши, уйни чиройли, озода ва тартибли тутиши, фарзандларини доимо дид билан кийинтириши, пазанда бўлиши ҳар қандай маънавий ва жисмоний камчиликни бартараф этади.

Ҳалқимиз орасида замонавий миллий-бадиий қадриятлар кўпроқ аёллар билан боғлиқ. Аёлларнинг лаззатли

таом тайёрлаши, кийим-кечак тикишда чеварлиги, оқила ва шириңсүз бўлиши уларнинг хуснига хусн қўшади ва оиласа қувонч, гўзаллик, файз олиб киради. Халқимиз меҳмондўст, ҳар қандай шароитда ҳам уйига эшик қоқиб келган меҳмонни очилиб-сочилиб хурсандчилик билан кутиб олишга интилади. Ҳаттоқи, баъзида оиласа бўлиб турадиган арзимас гиналар меҳмон келиши билан дарров йўқолади. Мана шундай ҳолларда эстетик маданият биринчи ўринда туради. Бу нарсани биз ёшлиар ҳам яхши билиб олишимиз зарур. Чунки, ҳаёт деган оқим ҳар бир инсонни вакт ўтиши билан мана шундай хушманзара оила сари етаклайди. Шундай экан, ҳар бир ёш йигит-қиз ўз ҳаёти давомида ота-онаси турмушининг гўзал фазилатларини ўзида мужассамлаштириш, оиласининг сир-синоатга бой эстетик маданиятини ёшлигиданоқ ўрганиб бориши келажакда ажойиб оила соҳиби ва соҳибалари бўлиб етишиши учун аскотади.

Глобаллашувнинг шахс маънавияти ва эстетик маданиятини баъзида салбий таъсир этаётган омилларини ҳам кўришимиз мумкин. Бу нарса кўпинча кўча-куйда, байрамларда, тўйларда, учрашувларда намоён бўлади. Зеро, ҳамма жойда инсон озода кийиниши, қалбини пок қилиши, юриш-туришида гўзалликка эътибор бериши зарур. Чунки дидсиз, замонамидан орқада қолган қолаверса, ўзида ибтидоийликни акс эттирувчи айрим уст-боши ғижимланган, соқоли олинмаган, соchlари хурпайган киши кўзга совук кўринади. Ўзининг ташқи қиёфасига эътибор бериб юришида ихчам ва кўркамлик кишини янада гўзаллаштиради. Лекин баъзи қизлар ва аёлларда замонавийлик деб тирнокларини ҳаддан ортиқ ўстириш, сочини калта қилиб кестириш, ошириб пардоз қилиш, ғалати кийиниб олиш, айниқса, ёз ойлари киндиги ва елкасини очиб олиб, киндигига ва бурунига зираклар тақиши, бўйнига қатор маржонлар осиб олиш, қулоқларига икки-учталаб катта-катта зирак тақиши кўзга хунук кўринади. Аммо ҳақиқий эстетик маданиятга эга киши чиройли юриш, қадди-қоматини чиройли тутиш, чиройли гапириш билан ўзини хулқ-авторини намоён этади.

Халқимизнинг ташқаридан сезилмайдиган ўзига миллий-бадиий қадриятлари ҳам бор бўлиб улар муайян қонун-қоидалар, ахлоқий мезонлар шаклидаги омиллар ҳам мавжуд. Биринчидан, эрта тонгда ўриндан турилади ва уйнинг дарвозаси ёки эшиги очиб қўйилади. Чунки, одамлар орасида “ризқ-рўз тонгда улашилади” деган гап бор. Шунингдек, эрталабки ҳаво мусаффо бўлади, кушларнинг сайроқи овози киши қалбига хузур бағишлади. Иккинчидан, юз-қўлни ювмасдан ҳол-аҳвол сўралмайди, юз-қўлни ювгандан кейин кичиклар катталарага салом беришади. Аёллар нонушта тайёрлашади, қизлар, келинлар ҳовли, кўча эшигини супуриб, сув сепиб қўйишади. Бу юксак миллий қадриятларимиз бугун шаҳар ва қишлоқларимизга файз ва барака олиб келадиган эстетик маданиятни ривожланишига хизмат қўлмоқда.

Глоболлашув жараёни шахсни воқеликка завқий муносабат билан ёндашиб боришни, кишининг хулқ-атворига табиий латофат ва нафосат берадиган эстетик маданиятни шакллантиришни талаб этмоқда. Бундай маданиятни амалга оширишда катталарап ўзларининг қимматли вақтларини аямасдан, ёш ниҳолни кўркам ва чиройли бўлиб вояга етишига эътибор беришлари келажак учун фойдалидир. Чунки, бола ўз табиати жиҳатидан тақлидчан бўлиб, кўрган нарсасини, эшитган сўзини дарров илғаб олади. Боладаги бундай тақлидчанлик унинг эстетик маданиятига катта таъсир этиб, хулқ-атворини гўзаллик туйғуси ва ҳаётий эстетик идеалларга бойишига сабаб бўлади. Чунки катта ёшдаги одамларнинг хулқ-атвори, муомаласи, диidi, ақл-заковати, юриш-туришлари, кийинишлари, зеҳн ва идроклари, уй тутишлари боланинг назаридан четда қолмайди. Катта одамлар бунга аҳамият бермасликлари мумкин, лекин бола ҳар доим зимдан назар солиб юради. Ваҳоланки, тақлидчанлик боланинг инсоний фазилатлар, эстетик кечинмаларни ўрганиш воситаси ҳисобланади. Шундай экан, болалик уйда катта одамлар ножуя хулқ-атвор ва қўпол хатти-ҳаракатларга йўл қўймаслиги, ҳар жиҳатдан, яъни ахлоқ, одоб

ва эстетик жиҳатдан болаларга ўрнак бўлишлари керак. Шунинг учун ҳам бола олдида беҳаё сўзларни айтиш, бачкана қилиқ, ҳатти-харакатлар қилиш бола тарбиясига ёмон таъсир этади. Нафосат тарбияси орқали овқат пишириш, дастурхон атрофида ўтириб овқатланиш жараёнидаги азалий шарқона одат, ахлоқ-одоб қоидаларига амал қилиш ўргатилади. Мана шундай эстетик маданият асосида оиласда болалар оиласий муносабатлар гўзаллигига кўпроқ эътибор беради. Шунингдек, ҳалқ мақолида “Куш уясида кўрганини қилади”, деб бежиз айтилмаган. Бу мақол негизида чуқур ҳаётий ҳақиқат, маънавият ва маданият томир отганини кўриш мумкин. Шу нуқтаи назардан қараганда, боланинг юксак эстетик маданияти, шахсий ҳис-туйғулари ва ахлоқий фазилатлари юзага келишида оиласдаги катта одамларнинг ҳар томонлама ибратли бўлишлари эстетик маданият билан боғланган.

Оиласда болаларни тарбиясига оила аъзоларининг бир-бирларига муносабати, ота-она, қўни-қўшни ва бошқа қариндошларнинг хулқ-атвори, муомала маданияти, эстетик идеаллари ўз таъсирини ўтказади. Агар оила аъзолари қанчалик озода, саранжом-саришта, яхши хулқ-атворли бўлса, бола тарбияси шунчалик гўзал туйғуларга бой бўлади.

Оила эстетик маданият шаклланишининг дастлабки маскани экан, болани ҳар томонлама мукаммал ва етук эстетик хиссиётга эга бўлишида радио ва телевидениенинг роли бекиёс каттадир. Айниқса, телевидение орқали намойиш этилаётган қўплаб сериаллар ва оддийгина мультфильмлар ҳам болаларимизнинг онгида салбий таъсир воситасини ўтамокда.

Ёшлик чоғида болалар радио орқали эртак, ҳикоя тинглашни, телевизор орқали эса қизиқарли мултфильмлар кўришни ёқтиради. Буларнинг барчаси болалар онгини ўсишида, дунёқарашини ранг-баранг бўлишида эстетик маданиятининг шаклланишида асосий омилдир. Айниқса, ҳозирги кунда телевидениенинг болалар тарбиясига таъсири кучли. Истиқболда болаларга фақат ўзларига кўрсатувларни

күрсатиш билан чекланиш лозим. Болани соатлаб телевизор олдида ўтириши унинг соғлигига таъсир этибгина қолмай, бадиий асарни оғзаки идрок кила бошлишига сабаб ҳам бўлиши мумкин. Бола тарбиясида бу жараён тафаккурни чархлайди, янги билим ва нафосат ғояларини камол топтиради. Шунинг учун ҳар бир оилада болаларнинг қизиқишиларини эътиборга олган ҳолда радио тинглашга ёки телевизор кўришга жалб этишса мақсадга мувофиқ бўлади. Аммо қўпчилик хонадонларда асосан катталар боланинг қизиқишига эътиборсиз бўлиб, ўз кўнгиллари тусаган эшиттиришни ёки кўрсатувни кўришади. Бу эса ёш боланинг дунёқарашига мос келмаслиги мумкин. Бола ҳам ота-она қаторида ўтириб ҳар хил даҳшатли киноларни томоша қиласди ва ўзи ҳам шу кинолардаги қаҳрамонларга ўхшагиси келади. Натижада, боланинг онгига турли хил ўзгаришлар юз беради ва маънавий жиҳатдан унинг онги заҳарланиб боради. Бу эса, ўз навбатида ҳар хил салбий оқибатларга олиб келиши мумкин. Шу боисдан ҳамма оилада болаларга ёшлигидан ўз дунёқарашига мос равишда керакли бўлган эшиттиришлар тинглатилса ҳамда болалар ёшига мос кўсатувлар томоша қилдирилса, оиланинг эртанги ҳаёти гўзал ва фаровон бўлади.

Ўтмишга айланиб кетаётган ҳар бир кун ўзининг анъаналари билан келажак авлод хотирасида муҳрланиб қолаверади. Анъаналар – жамият ҳаётини турли соҳаларида намоён бўладиган моддий ва маънавий фаолият шакллари, инсонлар ўртасидаги алоқа ва муносабатларнинг авлоддан-авлодга мерос қоладиган миллий-бадиий қадриятларидир. Тарихдан маълумки, ҳеч бир ўзининг анъана ва урф-одатлари, миллий қадриятлари бўлмаган ҳалқ йўқ. Барча ҳалқлар ўзининг анъаналари асосида ўзлигини намоён этиб, ўз фарзандларини эстетик маданиятини шакллантиришга ҳаракат қилишган. Ҳар қандай миллат ёки ҳалқ ўз анъаналарини доимо асраб-авайлаб, турмуш-тарзи, маънавий камолотини эстетик тарбияга боғлиқ тарзда амалга оширган. Ҳамиша бир давр анъаналари вақт ўтиши билан ўзгариб, иккинчи бир даврда эстетик аҳамияти ошиб бориши ёки

камайиши, бошқалари вужудга келиши билан характерланади. Шу сабабдан, бир давр анъаналари ва эстетик тафаккури иккинчи даврга мос тушмаслиги ёки унутилиб кетиши юз беради.

Ўзбекистоннинг мустақилликка эришиши, глобаллашувнинг кучайиши туфайли миллий-бадиий қадриятларимиз ва анъаналаримизга бўлган эътибор кучайди. Миллий қадриятларимизда жаҳоннинг бошқа халқларига ўхшамайдиган гўзал урф-одатлар, расм-русумлар, маросимлар ва анъаналардаги ўзига хослик мавжуд. Маълумки, қадриятлар муайян шароитларда шаклланади. Шу сабабли улар маҳаллий, мінтақавий, миллий мазмунда ва умуминсоний кўринишда намоён бўлади. Маҳаллий қадриятларнинг эстетик ва ахлоқий жиҳатдан энг етуклари ва умуммиллий манфаатларга мослари аста-секин сараланиб, умуммиллий даражага кўтарилади. Миллий муҳитда эса эстетик маданият анъаналар асосида қарор топади. Эстетик маданият орқали анъаналарни тушуниш ва уларга муносабат, ўз миллатига, элига, юртига ва бошқа халқларнинг эстетик маданиятига бўлган хурмат эътиборини кўчайтиради. Демак, халқнинг эстетик маданиятини ошириш, аввало, анъаналаримизга бўлган қизиқиши, шунингдек жамиятдаги эстетик тарбиянинг ролини оширишда катта хизмат қиласди.

Бутун жаҳон илм-фанини юқори чўққиларидағи гулларини тера билган буюк алломалар Ал-Хоразмий, Форобий, Беруний, Ибн Сино кабилар бир қанча тилларда ижод этган бўлсаларда, ўзбек халқининг анъаналарини ўз асарларида дунёга кўз-кўз этганлигини бугунги глобаллашув жараёнида ҳам кўришимиз мумкин. Улар нафақат ўз халқи урф-одатлари, расм-русумларини, қолаверса бошқа халқлар анъаналарини ҳам мукаммал билишган. Хусусан, Абу Райхон Беруний “Ҳиндистон” номли асарини ёзиши учун Ҳиндистонга бориб яшади ва у ерда ҳинд тили, урф-одатлари, маросимлари, анъаналари, маданияти, гўзал табиати, хушманзара тоғларини мукаммал ўрганди. Шу асосда “Ҳиндистон”ни яратди.

Глобаллашув шароитида миллий-бадий қадриятлар ва анъаналар шахснинг эстетик маданиятини ривожлантириш, унга кекса авлоднинг тажрибаларини ўргатиш усулларидан биридир. Айни чоғда шўролар даврида йўқотишга қаратилган кўплаб анъаналаримиз қайтадан тикланмоқда ва бойимоқда (мехмондорчилик, кишини кўнглида гўзал баҳорни қайта тиклайдиган Наврӯз байрами, Рўза ҳайити, Қурбон ҳайити ва бошқа халқ байрамлари). Қолаверса, халқимиз тарихини, эстетик маданияти ва санъатини, урф-одатлари ва маросимларини ҳаққоний ўрганиш вақти келди. Бундай анъаналарда замонавийлик ўзбек халқининг нафосат олами, эл-юргига ишқи, аждодларнинг юксак туйғулари бадий ва эстетик тафаккури ўз ифодасини топган.

Халқимизнинг эстетик маданиятини чукур илдизлари ўтмиш меросимиз ва маънавиятимизнинг теран томирлари ташкил этади. Замонавий миллий қадриятларимиз ҳам Марказий Осиё халқларининг қадимги урф-одатлари ва маросимларидан озуқланган ҳолда асосан халқ оғзаки ижодидан, шунингдек бадий адабиётдан баҳраманд бўлиб ривожланмоқда. Улар авлоддан-авлодга мерос қилиб, ижтимоий ҳаётдаги хилма-хил усуллар хатти-ҳаракатлар, хулқ-атворлар асосида бойиб борган. Халқнинг бетакрор ва сержило аҳамият қасб этадиган миллий анъаналари ижтимоий ҳаётдаги эстетик маданият ривожида ўзининг антика кўринишлари билан маданий турмушга таъсир этиб бормоқда. Кишилар ўртасида бўлаётган завқий мунособатлар доимо халқ удумлари, маросимлари ва анъаналарини ранг-баранг бўлишига олиб келмоқда. Шунингдек, бир давр анъаналарини иккинчи давр жамиятда амал қилишида ижтимоий мунособатларнинг роли бекиёс каттадир. Асосан миллий-бадий қадриятлар ва анъаналарнинг тарбиявий аҳамияти ишлаб чиқариш мутаносиблигидан, диний маросимларда, халқ байрамларида кўпроқ намоён бўлмоқда.

Бугунги кунда анъаналар кишиларнинг турмуши, ахлоқ ва халқ маросимлари эстетик жиҳатдан ёш авлодни тарбиялашда, маънавий озуқа беришда катта аҳамиятга эга.

Халқимизнинг ўзига хос миллий анъаналари ва қадриятлари янги аср авлодининг эстетик маданиятини шакллантиришда ва тарбиялашда матонатли, бақувват, хушбичим, хушфеъл, чиройли, кўркам қилиб вояга етказишида асосий воситадир. Миллий анъаналар миллат, маданияти, турмуш тарзи, адабиёти ва санъатини ўрганиш жараённида эришилаётган ютуқлар асосида мустаҳкамлана боради. Айниқса, миллий урф-одатларимиз анъаналаримиз негизида бой эстетик маданият нафосат олами билан чамбарчас боғланиб, эстетик қадриятларнинг ноёб жиҳатларини ўзида акс эттириб келади. Анъаналаримизда миллий рух, қадрқиммат, латофат, назокат, ибо, шарм, хаёк каби тушунчалар биринчи ўринда туради. Шу маънода, халқимиз глобаллашув ва замонавийлашув шароитида ҳам ўзининг миллат тарихига эътибор қаратиб, юксак фаросат ва ақл, дид, ҳис-туйғу, идеаллар билан эстетик фаолият юритмоқда.

Халқимиз эстетик маданиятида инсоний ва эстетик ҳис-туйғуларини тарбиялаш, инсонларга меҳр-муҳаббатли бўлиш, дид билан кийиниш, доимо ширин сўзлаш, камтарин ва соғдил бўлиш каби хислатларни камол топтира боради. Шунингдек, юртимизнинг латофат ва назокатга бой “туй маросимлари - бешик туйи, суннат туйи, никоҳ туйи, сайиллар-дала сайли, гул сайли, қовун сайли, йиғин-томоша, туғилган кунни нишонлаш, йигит базми, қиз мажлиси, истироҳат боғларида бўлиш, оммавий йиғин ҳамда томошаларга қатнашиш”<sup>1</sup> каби кўплаб эстетик маданиятга оид миллий анъаналари донишманд ота-боболаримизнинг бизга қолдирган меросидир. Улардан истиқболда оқилона фойдаланиш ҳамда турмушимизни кундан-кунга гўзал қилиб бориш ёш авлод олдидағи асосий вазифадир. Шундай экан, ҳар бир киши ўз халқи ва бутун жаҳон анъаналарига ҳурмат билан қараш фаровон ва гўзал ҳаёт кечириш, серкирра ва чиройли дунё қарашга эга бўлиш, доимо хушманзара табиат

<sup>1</sup> Мавлонова Р., Тўраева О., Ҳолиқбердиев К. Педагогика. –Т.: Ўқитувчи, 2001. 354-бет.

---

қучогида яйраб хушчақчақ кайфият ҳамроҳи бўлишга инилиш лозим.

Инсонларнинг оламни билиши ва уни эстетик идрок эта бошлиши миллий-бадиий қадриятларнинг шаклланишига олиб келади. Бу қадриятлар инсон маънавий оламини бойиши, ташқи дунё гўзаллигини ҳис қилиши, кўз илғамас руҳий жараёнларни англаб етишда муҳим омилдир. Жамиятда миллий-бадиий қадриятларнинг кўпайиб бориши билан инсонларнинг билимлари ва нафосат дунёсига бўлган завқий муносабатлари ўзгариб, замонавийлашув асосида хилма-хил тасаввурлар, тушунчалар, ғоялар мураккаблаша боради. Янги юзага келадиган миллий-бадиий қадрият эски қадриятлар билан бевосита боғланиб, воқеликдаги маънавият оламини ижтимоий ва маданий идеаллар ривожига таъсирини намоён этади.

Глобал вазиятда ҳам эстетик қадриятлар кишиларнинг маънавий эҳтиёжларини, мафаатларини, моддий жиҳатдан турмушни бойитишга хизмат қиласди. Қадриятлар ичидаги энг олий қадрият инсон ҳисобланади. Шу сабабдан, инсон табиатни, жамиятни ва ўзини гўзал, чиройли, кўркам қилишга, бутун мавжудотнинг ҳаётини яхши бўлишига инилиади. Олий қадрият бўлган инсон глобаллашув жараёнида оламни фақат бир томонлама ўрганиб қолмасдан, балки истиқболда эстетик маданият нуқтаи назаридан, яъни яхши ёки ёмон, гўзал ёки хунук,adolatli ёки адалатсиз каби тушунчаларни ўз онги билан англаб етиши лозим. Шу асосида воқеликка бўладиган барча жараёнларни тартиблаштиришга харакат қиласди. Айниқса, инсон қадр-қимматни англаш ўзини-ўзи тушуниб етишдан бошланади. Бунинг учун, аввало эстетик маданият шахс ҳаётини, унинг тақдирини белгилашда катта аҳамиятга эга ҳисобланади. Эстетик маданият асосида инсон олий қадрият сифатида юксакликка кўтарилади. Унинг фаолияти, турмуш тарзи гўзалликка бой тасаввuri ва фаровон ҳаётга эга бўлади.

Ўзбекистоннинг истиқболдаги ижтимоий-маданий ҳаётида рўй берадиган эстетик маданият соҳасидаги барча

ўзгаришлар бевосита замонавий миллий-бадиий қадриятлар билан боғлиқ тарзда шакллантирилмоқда.

Бу қадриятлар ўзида инсоният тарихини акс эттириб, фан ва маданият, маданий-маиший турмуш, оилани мустаҳкамлаш, табиатга нисбатан нафосат туйғуларини шакллантириш, миллатлар ва миллий муносабатларни ижобий йўлга қўйишда бебаҳо хазинадир. Замонавий миллий-бадиий қадриятларни кишилар онгига сингдириш учун муайян шарт-шароит ва вазиятлар бўлиши лозим. Мана шу ҳолатда қадриятлар кишиларда эстетик қарашларни, маданий идеалларни, ижтимоий ғояларни қарор топишига хизмат қиласди. Қадриятлар қанчалик кўп бўлмасин, улар ҳар бир миллатни маънавий камолотига, эстетик маданиятига, миллий-маънавий эҳтиёжларига таъсири кўрсатади. Хусусан, бугунги глобаллашувда эстетик маданиятнинг юксак намунаси бўлган ўзбек рақслари, куйлари, ашуаларига бўлган завқий муносабат ижобий аҳамиятга эга бўлмоқда. Ҳозирги ўзбек рақслари, куйлари, кўшиқлари классик маданий меросининг айнан ўзи эмас. Бу рақслар замонавийлашиб, улар Оврупо, Осиё рақс маданиятларининг кўп жиҳатлари сезилиб туради. Бу жиҳатдан ўзбек халқининг рақс маданияти борасидаги миллий-бадиий қадриятлари анчагина бойиганини кўришимиз мумкин. Лекин моҳият жиҳатидан рақсларимиз асосан миллийлик рухини сақлаб қолди. Бу қадриятлар барчаси кишиларнинг эстетик маданиятини тарих билан боғлиқлиги ва доимо мана шундай давом этишини англатиб туради.

Глобаллашувнинг жамиятга таъсири натижасида миллий-бадиий қадриятларнинг шахс ва халқ ҳаётидаги эстетик аҳамияти ошиб бориб, уни авлодлар томонидан чуқур ўрганилиб, ўтмишнинг латофати ва назокатини бугунги кун ҳаётида ҳам намоён бўлаётганини кўриш мумкин. Чунки, бу қадриятлар эстетик маданиятнинг негизини ташкил этган ҳолда кишиларни бир-бирларига жисплаштиради, ўтмиш гўзаллиги ва келажак нафосатини ўзаро боғлаб туради. Баъзан кишилар ўзларини эстетик қадриятларга амал қилиб фаолият

юритаётганликларини ўзлари ҳам англай олишмайди. Ҳаттаки, реал ҳаётимиздаги воқеалар диний қадриятлар билан чамбарчас боғланиб кетган.

Замонавий миллий-бадиий қадриятлар халқимиз эстетик маданиятини оширишда бебаҳо бойлиkdir. Уларни кўз қорачигидек саклаш, келгуси авлодга етказиб бериш учун барча имкониятларимизни, эстетик ҳис-туйғуларимизни тиниқ ва покиза қилиш лозим. Шунинг учун бугунги кунда эстетик маданиятни қадриятлар билан боғлаб олиб бориш, маърифат, маданият ва санъатни гўзал туйғуларга бойитиш, юксак ва олижаноб фазилатларни жамиятда янада юқорироқ чўққиларга чиқариш керак.

Замонавий миллий-бадиий қадриятларнинг моҳиятини билиш, уларга эътиқод қилиш, улар асосида эстетик кечинмаларни камол топтириш, миллий ғуурур ва туйғуни ҳар хил тасаввур билан ёш авлодни онгига сингдириш катта аҳамиятга эгадир. Қадриятларнинг эстетик аҳамияти ўтмишдаги мардлик ва қаҳрамонлик каби туйғуларига ҳам бориб тақалади. Ёшларни ватанпарвар, бурчга содик, юксак маданият, адабиёт ва санъат асосида тарбиялаш келажаги буюк давлатнинг бош мақсадидир. Қолаверса, ёшларни эстетик тарбиясини оширишда миллий-бадиий қадриятларни ўрни бекиёс каттадир. Бугунги куннинг ҳар бир кишиси ўз эстетик қадриятларини билиши “Инсониятни эъзозлаши, унинг қадр-қимматини жойига кўйиш - бу миллий қадриятларимизни тиклаш, халқимизни қадимий ва бой тарихига, унинг анъаналари ва урф-одатларига хурмат билан қараш демақдир. Ўз ўтмиш меросини чукур билган шахсина миллий-бадиий қадриятларини ҳам яхши билиши мумкинлиги кўплаб алломалар томонидан таъкидлаб ўтилган.

Умуман олганда, глобаллашув жараёнида миллий-бадиий қадриятлар киши ҳаётининг безаги, унинг нақши, маънавиятигининг гултожи ҳисобланади. Истиқболда шу қадриятларни эъзозлаш, уларни ёш авлодга эстетик жиҳатдан мукаммал ва жозибадор қилиб етказиб беришда биз катталар ҳамиша ўз ҳушёргимизни йўқотмаслигимиз даркор.

## ХУЛОСА

Ўзбекистонда демократик ислоҳотларни амалга ошириш жараёнида ҳар томонлама соғлом, баркамол шахсни ижтимоий фаоллигини ошириш, эстетик маданият намуналариға асосланиб, ёш авлодни ахлоқ-одобли қилиб тарбиялаш, касб-хунарга бўлган салоҳиятларини рӯёбга чиқариш, бадиий-эстетик маданиятини юксалтириш, миллат, мамлакат сиёсий, иқтисодий ва маънавий ҳаёти билан боғлиқ дунёқарашини шакллантириш бугунги кунда долзарб илмий ва амалий масала бўлиб келмоқда.

Келажаги буюк давлатни, озод ва обод Ватанинни бунёд этмоқ, мустаҳкамламоқ ана шундай баркамол авлод зиммасига тушар экан, уларни маънавий-ахлоқий жихатдан тарбиялашнинг восита ва омилларини ишлаб чиқиш, тадқиқ этиш ижтимоий фалсафа ва барча ижтимоий фанлар олдига улкан вазифалар юклайди.

Мустақилликни мустаҳкамлаш ғояси эстетик маданиятли шахсни вояга етказиш ва тарбиялашда муҳим аҳамиятга эга бўлди. Чунки бу икки вазифа бир-бирини тақозо қилас, экан бирининг тақдири иккинчиси билан боғлиқ эди. Бинобарин, юрт манфаати ва халқ фаровонлиги учун хизмат қилувчи эстетик маданиятли шахсни “миллий ва умумбашарий қадриятлар руҳида, замонавий билим ва касб-хунарлар, хорижий тилларни пухта эгаллаган, Ватанимиз ва халқимизга садоқатли инсонлар этиб вояга етказища”<sup>1</sup> барчамиз масъулмиз.

Тадқиқот натижалари шундан далолат берадики, шахснинг эстетик маданиятини юксалтириш унинг ижтимоий фаоллигини оширувчи, ҳаётни завқий идрок этишга ундовчи, ахлоқий-эстетик қадриятларга нисбатан ижобий ва ижодий муносабатни шакллантирувчи кучли маънавий омил

---

<sup>1</sup> Мирзиёев Ш.М. Нияти улуғ халқнинг иши ҳам улуғ, ҳаёти ёруғ ва келажаги фаровон бўлади. –Тошкент: Ўзбекистон, 3-жилд 2019. 356-бет.

---

хисобланади. Бу омил ўз навбатида, халқимизнинг азалий миллий-маънавий қадриятларининг ривожланиб бориши учун янги-янги эстетик маданиятлар шаклланишига олиб келади.

Эстетик маданият инсон салоҳиятининг интеллектуал хусусиятларидан бири сифатида шахсни муҳит, табиат ва жамият билан боғловчи ижтиомий ҳодисадир. Ана шунинг учун мустақилликнинг биринчى кунидан бошлаб одамлар онгини, тафаккурини, янги жамиятнинг янги ижтиомий-фалсафий ғоялари асосида ўзгартериш ва ривожлантириш вазифаси қўйилди.

Миллий мағкурага асосланиб ривожлана бошлаган шахс эстетик тафаккурида миллий менталитетимиз, миллий қадриятларимиз негизлари билан боғлиқ ўзгаришларга катта аҳамият берилди. Янги ижтиомий ҳаёт, янги жамият қуриш палласида эски ва бир қолипдаги тушунчалар, идеаллардан мустақил шахс онгини холи этиш учун унинг дунёқарашида бўшлиқ пайдо бўлишига йўл қўймаслик зарур эди. Бунинг учун ҳар бир шахс онгини янги фалсафий-методологик тушунчалар асосида шакллантириш кўзда тутилди. Умуминсоний қадриятларга содиқлик, халқимизнинг маънавий меросини мустаҳкамлаш ва ривожлантириш, инсоннинг ўз имкониятларини эркин намоён этиши, ватанпарварлик ва инсонпарварлик шахс эстетик маданиятини шакллантирувчи асосий маънавий омиллар бўлиб қолди. Инсон маънавиятини шакллантирувчи барча омиллар ўз навбатида эстетик маданият шаклланиши ва тараққиётининг ҳам асосини ташкил этади.

Эстетик маданият – маънавий-ахлоқий барқамолликнинг диалектик сабаб ҳамда оқибатидир. Эстетик онг, эстетик маданият тарихий ва миллий тараққиёт маҳсули. Мустақиллик эстетик маданиятни шакллантириш ва ривожлантиришнинг янги даврини бошлаб берди. Маънавият соҳасидаги ислоҳотлар натижаси ўлароқ миллий тилнинг тикланиши, миллий меросга, гўзаллик ҳақидаги тасаввур ҳамда тушунчаларга янгича муносабат, умумбашарий

қадриятлар аҳамиятининг ортиши эстетик маданият кўламини ҳам ўзгартириб юборди.

Шахснинг она-Ватан истиқболи билан боғлиқ янгича тафаккур ва янгича яшаш тарзига эришиши, янгича эстетик онг ва гўзаллик ҳақидаги янгича тушунчаларни ҳам тақозо этарди. Бунинг учун биринчи навбатда таълим тизимини ислоҳ қилиш ва уни мустақиллик ғоялари билан қуроллантирган ҳолда замонавий технология ва тарбия йўналишига мослаштириш зарур эди.

Ёшларни юксак маънавиятли шахс қилиб тарбиялашда бирон касб-хунар эгаси бўлиб вояга етишиши, ўз иқтидори ва қобилиятини меҳнат, ижод соҳаларида синаб кўришга имконият яратилиши уларнинг ҳаётни гўзаллик қонунлари асосида ўзлаштиришлари ва эстетик маданиятни юксалтиришларига олиб келарди.

Касб-хунарга йўналтирилган таълим тизими ёшларда ўз билимини амалиёт билан боғлаш, ўз қобилият ва хоҳиш-иродасини англаб етиш, гўзаллик ҳақидаги тушунчаларини ижтимоий ҳаёт эҳтиёжларига мослаган ҳолда ривожлантириш каби фазилатларни қарор топтиради.

Шунингдек, мустақилликнинг ижтимоий-тарихий аҳамиятларидан бири халқимиз миллий ўзига хослиги, менталитетининг Ҳаракатлар стратегияси ва миллий гоя асосида шаклланиши ва камол топишига шарт-шароитларнинг яратилиши бўлади.

Президент Ш.М.Мирзиёев томонидан ишлаб чиқилган Ҳаракатлар стратегиясининг асосий мақсади ҳар бир фуқаронинг муайян миллат вакили сифатида ўз ўрни ва мавқеига эга бўлиши, ўзини аждодларимиз бой меросига ворис эканлигини ҳис қилиши, миллий менталитетга эга бўлиш инсоннинг камситилиши ёки қолоқлиги эмас, балки умуминсоний қадриятлар сари йўл очувчи фазилат эканлигини тушуниб етишга қаратилди.

Ҳаракатлар стратегияси асосида онгни, тафаккурни ўзгартирмасдан туриб янги ижтимоий тузум ва маънавий-ахлоқий, эстетик-бадиий маданиятга эришиб бўлмаслиги

---

назарий асосланди. Янги эстетик маданият миллий ўзликни англаш, тарихий хотирани тиклаш, азалий анъана ва миллий менталитетни давом эттириш билан боғлиқ эканлиги ижтимоий зарурият сифатида идрок этилди.

Ана шунга асосланган ҳолда тадқиқотимиз давомида “эстетик маданият” тушунчасини моҳиятини чуқур тадқиқ этишга интилдикки унда шахснинг дидини бузадиган, унинг онгида бузғунчилик, жаҳолат ва ахлоқсизлик тушунчаларини шакллантирадиган бадиият маҳсулотларига қарама-карши турадиган соғлом ва гўзаллик қонуниятларига асосланадиган миллий-маънавий қадриятларни ривожлантириш ва шакллантириш кўзда тутилди.

Тадқиқот давомида яна шу нарса аён бўлдики, шахс ва жамият эстетик маданияти янгича эстетик тафаккурнинг таркибий қисми бўлган миллий ғуурор ва ифтихор туйғулари миллий менталитетнинг азалданadolатли жамият қуриш орзусининг эстетик ифодасидир. Махалла эса халқимизнинг азалий удумлари, урф-одатлари, эстетик анъаналари, айни чоғда, ёшларнинг миллий менталитети, эстетик иммунитетини шакллантиришда жуда катта маънавий-тарбиявий имкониятга эга.

Шахснинг миллий менталитетини шакллантириш ва ривожлантиришда тарихий хотира, халқнинг жамоавий фазилати, ҳамдардлик ва Ватан туйғуси, меҳнатсеварлик, инсонпарварлик ва ҳоказо фазилатларининг ўрни ва аҳамияти буюк тарбиявий ва ибрат омиллари бўлиб хизмат қиласи.

Бугунги қун эстетик маданиятини шакллантиришда юксак маънавиятли шахс муаммоси жуда кўп ва мураккаб назарий, амалий ва ташкилий муаммоларни қамраб олувчи жараёндир. Юксак маънавиятли шахс барча халқлар ва жамиятларнинг орзуси бўлиб келган ва шундай бўлиб қолади. Ўзбекистон мустақилликка эришгач, бизнинг энг асосий ижтимоий вазифаларимиздан бири жамиятда миллий-маънавий қадриятларни тиклаш, уларнинг ривожланиши учун барча шарт-шароитларни яратиш ва шунга амал қилиш бўлиб қолди. Шахснинг эстетик маданияти юксалишига хизмат

қилувчи миллий ва умуминсоний қадриятлар умумхалқ, умумдавлат аҳамиятига молик вазифага айланди. Юксак маънавиятли шахс масаласида ижтимоий хавфнинг олди олинди. Юксак маънавиятли шахс нафақат жисмоний бақувват, шунингдек, маънавий бой, ахлоқан пок, эстетик жиҳатдан баркамолликни ҳам талаб этади. Шунинг учун Ўзбекистонда миллий менталитетимиз ва мустақилликни мустаҳкамлашга хизмат қилувчи миллий ғояга асосланган юксак маънавиятли шахснинг ижтимоий-маънавий тизими, мезонлари Ҳаракатлар стратегиясига асосланади.

Бу жараёнда мустақил мамлакатнинг эркин, озод, баркамол авлодида тилимизни, динимизни ҳурмат қилиш, миллий урф-одатлар, анъаналарни асраб-авайлаш ва ривожлантириш, буюк тарих ва буюк маънавий меросимиз ва маданиятимизни, Шарқ фалсафасини билиш, жаҳон цивилизацияси эришган ютуқлардан баҳраманд бўлиш кўзда тутилди.

Шахснинг эстетик маданиятини камол топтирища юқорида санаб ўтилган юксак маънавият сари етакловчи фазилатларнинг барчаси бирор кишида мужассам бўлиши қийин. Шунинг учун юксак маънавиятли шахс доимо ижтимоий муаммо ва ижтимоий-эстетик идеал бўлиб келган. Бу деган сўз унга интилиш ва унга эришиб бўлмайди деган гап эмас. Ана шундай инсоний комиллик, баркамолликка эришиш йўл-йўриқларини излаш ва топиш ижтимоий ҳаётдаги энг зарур муаммолардан биридир.

Миллий-маънавий қадриятлар асосида эркин, озод, демократик жамият қуриш талаблари анъаналар, удумлар, маросимлар ва уларга бўлган муносабатда янги бир давр ҳисобланиб, шахс эстетик маданиятига бўлган эҳтиёжни ўзгартириди. Шахсада мустақиллик шарофати билан инсонларни меҳнатга жалб этиш, уларни меҳнатсеварлик руҳида тарбиялаш жараёнида миллий-маънавий қадриятлар ва миллий менталитетни ҳисобга олиш, аждодлар тажрибаси ва эстетик маданиятидан баҳраманд бўлиш сингари ижтимоий-фалсафий ва маънавий жиҳатларга эътибор қаратишга тўғри

келди. Айниқса, бозор муносабатларига ўтиш даврида, биринчи навбатда одамлар онгини удумлар ва анъаналарга бўлган эскича тасаввурлардан холи этиш, демократик тамойиллар асосида воқеликка бўлган эстетик муносабатни шакллантириш муҳим заруриятга айланди.

Ўзбекистонда олиб борилган барча ижтимоий-сиёсий ва маънавий ислоҳотлар инсон манфаатлари асосида қурилди. Миллий-маданий меросимиз, шарқона ахлоқ-одоб анъаналари, миллий менталитетимизга хос бўлган инсонпарварлик, ватанпарварлик, бағрикенглик сингари фазилатлар кўзда тутилган ҳолда жаҳон андозалари даражасида фикрлайдиган, ижод қиласидаги баркамол авлодни вояга етказиш мақсадида таълим-тарбиянинг янгича тизими ишлаб чиқилди ва босқичма-босқич амалга оширилмоқда.

Анъанавий, маънавий, илмий, эстетик ва ахлоқий қадриятларимиз асосида шахснинг руҳини тиклаш, онгини шакллантириш асосий вазифага айланди.

Маънавий соҳадаги ислоҳотлар бир-бири билан чамбарчас боғлиқ уч йўналишда олиб борилди: маънавий тикланиш, маънавий покланиш ва маънавий юксалиш.

Маънавий тарбия маънавият ва маърифат муаммоларидан холи равишда олиб борилмаслигига алоҳида эътибор берилди. Маърифатли инсонни маънавияти юксак бўлиши янги таълим тизимида асос қилиб олинди. Шу тариқа тарбия билан тарбиячи, муҳит билан шахс, шахс билан жамият ўртасидаги ижтимоий бирлик ва алоқадорликка катта аҳамият берилди.

Тарбия тизимида маънавий тарбияга алоҳида эътибор қаратилди. Ахлоқ шунчаки муомала маданияти ифодаси бўлмай, инсоннинг ижтимоий идеали ва жамиятга муносабатининг кўзгуси сифатида идрок этилди.

Демак, маънавий тикланиш юксак маданият билан боғлиқ бўлиб, эстетик маданият эса ахлоқий комилликка олиб келишда муҳим омил бўлиб ҳисобланади.

Маънавий тикланиш – бу аждодлар меросини англаш, хурмат қилиш, мустақиллик неъматларини эъзозлаш, шарқона

урф-одат ва анъаналарни давом эттириш, Ватан меҳри ва истиқболи ҳақида қайғуриш демакдир; Маънавий покланиш – бу янги жамият мағкураси асосида ҳаёт тарзини қуриш, ташаббускор ва тадбиркор, бегараз рақобат туйғусига эга бўлиш; Маънавий юксалиш – бу миллий гояга асосланган дунёқарашга эга бўлиб миллий манфаатларни умумбашарий қадриятлар билан ҳамоҳанг тарзда қўшиб олиб боришдан иборатдир.

Шунинг учун маънавий соҳадаги ислоҳотлар вояга етиб келаётган авлоднинг қандай маданий ва интеллектуал салоҳиятларга боғлиқ эканлиги билан изоҳланади. Бундай маънавий қадриятларнинг тикланиши, покланиши ва тараққиёти, ўз навбатида, инсон руҳиятидаги завқий (эстетик) жиҳатларнинг ҳам шаклланишига ҳам олиб келади. Ахлоқий ва маърифий фазилатларнинг бирлашуви натижасида эстетик дид, завқий маданият шаклланади ва ривож топади.

Ёшлар тарбияси узлуксиз ва муентазам ташкил этиладиган ижтимоий жараён бўлиб, уларни ёт дунёқараш ва бузғунчи ғоялар, диний экстремистик гуруҳлар таъсирига тушиб қолмасликлари учун оила, мактаб, маҳалла, олий ўқув юрти ва жамоатчиликнинг ягона тарбия тизими бўлиши лозим. Ана шундай бирлик ақидапарастлар ва экстремистларнинг бузғунчи ғояларининг ёшлар орасида тарқалишига йўл қўймайди.

Жисмонан соғлом, ахлоқан пок, маънавий бой авлодни вояга етказиш ва тарбиялаш ижтимоий вазифалар ичida энг долзарб масаладир. Ана шундай авлодни тарбиялашда таълим-тарбия воситалари орасида адабиёт ва санъат алоҳида ўрин эгаллайди.

Мустақиллик йиллари адабиёт ва санъатнинг бир томондан, дунёни образли ўзлаштириш қонуниятида ўзгариш юз берди. Адабиёт ва санъат миллий ҳаёт воқеаларини мағкуравий тазииксиз ифодалай бошлади; иккинчи томондан, ҳалқ онги ва шуурига таъсир этиш имкониятлари кенгайди.

Адабиёт ва санъатда ижодий эркинлик билан ижтимоий масъулият муштараклиги тамойили қарор топди.

Ўзбек тилига давлат тили мақомининг берилиши ва бу куннинг байрам қилиниши, “Маънавият ва маърифат” жамоатчилик марказининг ташкил топиши, халқ амалий ва безак санъати, мусиқий таълим ва эстрада, Бадиий Академияни ташкил этиш, миллий рақс ва хореографияни ривожлантириш, “Ўзбекнаво” гастрол-концерт бирлашмасининг ташкил этилиши, Консерватория биносининг очилиши ва ҳоказолар бўйича Президент Фармонлари ҳамда Вазирлар Маҳкамасининг қарорларида миллий маданият равнақи ва беш ташаббуснинг истиқболи аник-равшан кўрсатиб берилди.

Миллий санъат нафақат миллат ёшларини эстетик жиҳатдан тарбиялаб, уларда ватанпарварлик, олижаноблик туйғуларини юксалтиради, шунингдек, жаҳон халқлари ўртасидаги дўстона ва маънавий муносабатларни ҳам мустаҳкамлади.

Беш ташаббус ёшларнинг қалбини даволовчи, уларнинг ахлоқий қиёфасини шакллантирувчи, маънавий жиҳатдан комил инсон бўлиб вояга етишувида асосий омиллардан бири бўлган ижтимоий ҳодисадир.

Демак, беш ташаббус инсонни инсонийлаштирувчи, ҳар бир одамнинг ўз истеъдод ва салоҳиятларини рўёбга чиқариш ва уларда ташаббускорлик, ғайрат, ижодкорлик туйғуларини завқий ҳақиқат билан боғлашда бемисл тарбиявий аҳамият касб этади. Шу асосда келажаги буюк бўлган Ўзбекистонни бунёд этувчи ёш авлод тарбияланиб, уларнинг эстетик тафаккури такомиллашиб борилади.

Бугунги глобаллашув шароити шахс эстетик маданиятини ҳар томонлама мукаммал ва серқирра бўлишини талаб этмоқда. Бунинг боиси жамиятда содир бўлаётган ўзгаришлар бевосита ҳеч кимни глобаллашувдан четга қолишига имконият бермаяпти, аксинча ундан қочаман деганлар кўпроқ унинг тўрига тушиб қолмоқда. Инсоннинг ахборот олишта бўлган иштиёқи, эстетик диди ва кечинмалари ўзи ҳохламаган ҳолда бу вазиятга олиб бормоқда.

Ҳар бир шахс глобаллашув шароитида ўзининг маънавий камолоти ва эстетик маданияти орқали ижтимоий тараккиётнинг завқли муносабатларини вужудга келтиради. Бу завқли муносабатлар замираиде халқимизнинг азалий қадриятларини чуқур ўзлаштириш ва ўзлигини англаб олиш, воқеликни хиссий ва завқий идрок этиш, тарихимизнинг миллий ҳамда умуминсоний хусусиятларини теран мушоҳада этиш кабилар долзарб муаммога айланади. Уларнинг ечими эса, шахснинг юксак маънавий-ахлоқий ва бадиий-эстетик қарашларида ривожланиб бораверади.

Ахборот соҳасидаги глобаллашув шахс учун, унинг манфаатларини ҳимоя қилишга қаратилишини таъминлаш жамиятимизнинг долзарб муаммосидир. Лекин шахс дунёқараси ва маънавий тарбиясига таъсир этувчи жараёнларни ҳар томонлама зукколик билан ўзлаштириш, эстетик маданият ривожидаги омилларнинг самарали ишлаш механизмларини излаб топиш, турли ғоя ва мафкураларнинг бузғунчи қарашларига қарши кураша оладиган азалий қадриятлар ва менталитетни жамиятга тадбиқ этиш фаолиятимизда мужассам бўлиши лозим.

## **ФОЙДАЛАНИЛГАН АДАБИЁТЛАР РЎЙХАТИ**

1. Ўзбекистон Республикаси Конституцияси. –Т.: Ўзбекистон, 2018.
2. Мирзиёев Ш.М. Қонун устуворлиги ва инсон манфаталарини таъминлаш – юрт тараққиёти ва халқ фаровонлигининг гарови. –Т.: Ўзбекистон, 2017.
3. Мирзиёев Ш.М. Буюк келажагимизни мард ва олижаноб халқимиз билан бирга қурамиз. –Т.: Ўзбекистон, 2017.
4. Мирзиёев Ш. Миллий тараққиёт йўлимизни қатъият билан давом эттириб, янги босқичга кўтарамиз. – Т.: Ўзбекистон, 1-жилд, 2018.
5. Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир. –Т.: Ўзбекистон, 2-жилд, 2018.
6. Мирзиёев Ш.М. Нияти улуғ халқнинг иши ҳам улуғ, ҳаёти ёруғ ва келажаги фаровон бўлади. – Т.: Ўзбекистон, 3-жилд 2019.
7. Каримов И.А. Ўзбекистон: миллий истиқлол, иқтисод, сиёsat, мафкура. 1-жилд, –Т.: Ўзбекистон, 1993.
8. Каримов И.А. Тарихий хотирасиз келажак йўқ. –Т.: Шарқ, 1998.
9. Каримов И.А. Биз келажагимизни ўз қўлимиз билан қурмоқдамиз. 7-жилд, –Т.: Ўзбекистон, 1999.
10. Озод ва обод ватан, эркин ва фаровон ҳаёт-пировард мақсадимиз. 8-жилд, –Т.: Ўзбекистон, 2000.
11. Каримов И.А. Юксак маънавият – енгилмас куч. –Т.: “Маънавият”, 2008.
12. Абдуллаев М. Эстетик маданият: назарий-методологик жиҳатлар. –Т.: Фан, 2007.
13. Абдулла Шер. Ахлоқшунослик. –Т.: Янги аср авлоди, 2003.
14. Абу Наср Форобий. Баҳт-саодат ва камолот ҳақида. –Т.: Ёзувчи, 2002.

15. Avloniy A. Turkiy guliston yoxud axloq. –T.: Yoshlar nashriyot uyi, 2018.
16. Азизхўжаев А. Мустақиллик: курашлар, изтироблар, қувончлар. –Т.: Шарқ, 2001.
17. Ахлоқ-одобга оид ҳадислар намуналари. –Т.: Фан, 1990.
18. Аҳмад Яссавий. Ҳикматлар F.Фулом номидаги Адабиёт ва санъат нашриёти. –Т.: 1990.
19. Баҳронов Ж. Шахс миллий ўзлигини англаш қонуниятлари. “Зарафшон”, Самарқанд –1995.
20. Бобоев X., Дўстжонов Т., Ҳасанов С. “Авесто” - Шарқ ҳалқларининг бебаҳо ёдгорлиги. –Т.: 2004.
21. Бунёдкор ғоялар. –Т.: Ижод дунёси, 2002.
22. G‘aybullayev O. Estetika.O’quv-uslubiy qo’llanma. – Samarqand: SamDCHTI, 2019.
23. G‘aybullayev O. Milliy g‘oya tarixi va nazariyasi. –Т.: Fan va texnologiya, 2019.
24. Гафарли М.Г., Касаев А.Ч. Ривожланишнинг ўзбек модели: тинчлик ва барқарорлик-тараққиёт асоси. –Т.: Ўзбекистон, 2001.
25. Гулметов Э. Глобаллашув жараёни ва маънавий қадриятлар // Миллий ғоя ва маънавий қадриятлар: назария, методология, амалиёт. –Т.: 2004.
26. Гулметов Э., Қобилжонова Т., Эрназаров Ш., Маврулов А. Маданиятшунослик. –Т.: 2000.
27. Etsioni A. The Spirit of Community. Rights and Responsibilities and the Communitarian Agenda. –L.: 1995.
28. Жабборов И. Юксак маданият ва ноёб маънавият маскани. –Т.: Ўзбекистон, 2012.
29. Жўраев Т., Акобиров С. Миллий манфаатлар ва миллий хавфсизлик. –Т.: Akademiya, 2007.
30. Зиёмухаммадов Б. Комиликка элтувчи китоб. –Т.: Turon-iqbol, 2006.
31. Каримов Иброҳим. Миллат шаъни. –Т.: Янги аср авлоди, 2005.

- 
32. Комилов Н. Тасаввуф. Тавҳид асрори. 2-чи китоб. – Т.: F.Улом номидаги Адабиёт ва санъат нашриёти, 1999.
  33. Мавлонова Р, Тураева О, Ҳоликбердиев К. Педагогика. –Т.: Ўқитувчи, 2001.
  34. Маданиятшунослик асослари. –Т., 2006.
  35. Мадаева Ш.О. Миллий менталитет ва демократик тафаккур. –Т.: Фалсафа ва хуқуқ институти нашриёти, 2007.
  36. Мамашокиров С, Тоғаев Ш. Эркин ва фаровон хаёт қурилишининг ғоявий-мағкуравий масалалари. –Т.: Маънавият, 2007.
  37. Мамашокиров С, Ўтамуродов А. Эзгу мақсад йўлида. –Т.: Мухаррир, 2008.
  38. Маҳмудов Т. “Авесто” ҳакида. –Т.: Шарқ, 2000.
  39. Маҳмудова Г. Жадидизм ва Туркистанда ахлоқий-эстетик фикр тараққиёти. –Т.: DAVR PRESS, 2006.
  40. Миллий истиқлол ғояси: асосий тушунча ва тамойиллар. –Т.: Янги аср авлоди, 2001.
  41. Миллий истиқлол ғояси. –Т.: Akademiya, 2005.
  42. Миллий истиқлол ғояси ва раҳбар фаолияти. –Т.: Akademiya, 2007.
  43. Миллий ғоя ва маънавий тараққиёт тамойиллари. – Т.: Академия нашриёти, Ўзбекистон Файласуфлари миллий жамияти нашриёти, 2005.
  44. Мусаев Ф. Демократик давлат қуришнинг фалсафий-хуқукий асослари. –Т.: Ўзбекистон, 2007.
  45. Мустақиллик изоҳли илмий-оммабоп луғат. –Т.: Шарқ, 1998.
  46. Низомиддинов Н. Қадимги Хитой тарихи, диний эътиқоди ва маданияти. –Т.: Fan va texnologiya, 2014.
  47. Низомиддинов Н. Қадимги Ҳиндистон тарихи, диний эътиқоди ва маданияти. –Т.: Fan va texnologiya, 2014.
  48. Норматов К., Қирғизбоев А. Тошкент бағрикенг шаҳар. –Т.: 2007.
  49. Отамуратов С. Глобаллашув ва миллат. –Т.: Янги аср авлоди, 2008.

50. Отамуротов С., Отамуротов С. Ўзбекистонда маънавий-рухий тикланиш. –Т.: Янги аср авлоди, 2003.
51. Отамуродов С. Ёшлар сиёсий маданиятини ривожлантириш омиллари. –Т.: O‘zbekiston, 2015.
52. Очилдиев А. Миллий ғоя ва миллатлараро муносабатлар. –Т.: Ўзбекистон, 2004.
53. Румий Ж. Ичингдаги ичингдадур. –Т.: Янги аср авлоди, 2013.
54. З.Собирова. Маънавият ва эстетик маданият. // Миллий истиқлол ғояси ва мафкураси: фалсафий ва ҳуқуқий жиҳатлар. –Т.: 2001.
55. Спиркин А.Г. Философия. –М.: 2000.
56. Тимоти Ж.Унитер. XXI асрда ислом. Постмодерн дунёда қиблани топиш. –Т.: Шарқ, 2005.
57. Туленов Ж. Диалектика назарияси. –Т.: Ўзбекистон, 2001.
58. Умаров Э. Эстетика. –Т.: Ўзбекистон, 1995.
59. Э.Умаров, М.Абдулаев. Маънавият асослари. –Т.: Шарқ, 2005.
60. Umarov E., Karimov R., Mirsaidova M., Ouxo’jayeva G. Estetika asoslari. –Т.: Cho’lpon, 2006.
61. Умар Ҳайём. Рубойлар. –Т.: 1991.
62. Уткин А.И. Глобализация: процесс и осмысления. – М.: Логос, 2002.
63. Файзиев С., Норматов К. Терроризм ва ёшлар: муаммо, ечимлар. –Т.: Фалсафа ва ҳуқуқ институти нашриёти, 2007
64. Фалсафа қисқача изоҳли луғат. –Т.: Шарқ, 2004.
65. Фалсафа асослари. –Т.: Ўзбекистон, 2005.
66. Фалсафа. Қомусий луғат. –Т.: Ўзбекистон файласуфлари миллий жамияти нашриёти, 2004.
67. Форобий. Баҳт-саодатга эришув ҳақида. Рисолалар. –Т.: Ёзувчи, 2002.
68. Ҳасанбоева О., Ҳасанбоев Ж., Ҳамидов Ҳ. Педагогика тарихи. –Т.: F.Фулом номидаги нашриёт ижодий уйи, 2004.

- 
69. Хоназаров Қ. Глобаллашув ва тил фалсафаси. –Т.: Фалсафа ва ҳуқуқ институти, 2009.
70. Хўжанова Т.Ж. Мағкуравий профилактика – ёш авлодни ғоявий ҳимоялаш омили (ижтимоий-фалсафий таҳлил). –Т.: Ўзбекистон файласуфлари миллий жамияти, 2019.
71. Шер А., Хусанов Б., Умаров Э. Эстетика. –Т.: 2008.
72. Sher A. Estetika.–Т.: O’zbekiston, 2014.
73. Энг катта бойлигимиз – тинчлик ва барқарорликни асраллик. – Т.: “Akademiya”, 2006.
74. Эргашев И., Шарипов Б., Жакбаров М. Жамиятни эркинлаштириш ва маънавият. –Т.: Академия, 2002.
75. Эркин ва фаровон ҳаётни юксак маънавиятсиз куриб бўлмайди. –Т.: Ўзбекистон, 2006.
76. Юлдашев С. А. Антикфалсафа. –Т.: 1999.
77. Қашқадарё миллий кийимлари: анъанавийлик ва замонавийлик. –Т.: “Янги аср авлоди”, 2007.
78. Қирғизбоев М. Фуқаролик жамияти: генезиси, шаклланиши ва ривожланиши. –Т.: O’zbekiston, 2005.
79. Қобуснома. –Т.: Ўқитувчи, 2006.
80. Қуръони Карим. Маъноларнинг таржима ва тафсири. Таржима ва тафсир муаллифи Шайх Абдулазиз Мансур. –Тошкент: “Тошкент ислом университети” нашриёт матбаа бирлашмаси, 2018.
81. Қўзиев Т. Беҳзод ва тамаддун. –Т.: Маданият, 2000.
82. Фарб фалсафаси. –Т.: Шарқ, 2004.
83. Яхшиликов Ж, Убайдуллаева Н. Жадидчилик ва Беҳбудий. –Т.: Фан, 2004.
84. Яхшиликов Ж.Я., Мухаммадиев Н.Э. Миллий ғоя: Ўзбекистонни ривожлантириш стратегияси. –Т.: Чўлпон, 2018.
85. Ҳожи Исматуллоҳ Абдулоҳ. Марказий Осиёда Ислом маданияти. Шарқ, -Т.: 2005.
86. Ўзбекистонда ижтимоий-ахлоқий ва гуманистик фикрлар тарихининг муҳим босқичлари. –Т.: 2007.

## **МУНДАРИЖА**

<b>КИРИШ .....</b>	3
<b>БИРИНЧИ БОБ. ШАХС ВА ЖАМИЯТ ЭСТЕТИК МАДАНИЯТИ РИВОЖЛАНИШИННИГ НАЗАРИЙ-МЕТОДОЛОГИК АСОСЛАРИ .....</b>	7
1.1§. Эстетик маданият ривожланишининг фалсафий асослари .....	7
1.2§. Фалсафа тарихида эстетик маданиятнинг ўрганилиши: ретроспектив ёндашув .....	12
1.3§. Жамият эстетик маданияти ривожланишининг қонуниятлари ва тамойиллари .....	46
1.4§. Шахс ва жамият эстетик маданиятининг диалектикаси	63
<b>ИККИНЧИ БОБ. ЭСТЕТИК МАДАНИЯТДА МИЛЛИЙ ВА УМУМИНСОНИЙ ҚАДРИЯТЛАРНИНГ ЎЗАРО АЛОҚАДОРЛИГИ .....</b>	80
2.1§. Ўзбекистонда эстетик маданиятнинг онтологик, этномаданий негизлари .....	80
2.2§. Ўзбекистонда эстетик маданият юксалишининг миллий ва умуминсоний хусусиятлари .....	121
2.3§. Эркин фуқаролик жамияти шароитида шахс ва жамият эстетик маданиятининг қадриятли томонлари.....	142
<b>УЧИНЧИ БОБ. ШАХС ЭСТЕТИК МАДАНИЯТИНИНГ ФОЯВИЙ, МАЊНАВИЙ-МАФКУРАВИЙ ВА ПРАКСИОЛОГИК МОҲИЯТИ .....</b>	168
3.1§. Шахс эстетик маданиятининг миллий ғоя ва мафкура билан ўзаро таъсирланиши .....	168
3.2§. Шахс эстетик маданиятининг этномаданий ва мањнавий-мафкуравий ҳолатини миллий турмуш шароитларида ривожланиши.....	190
3.3§. Шахснинг эстетик маданиятини шаклланишида санъатнинг конструктив аҳамияти .....	214

<b>ТҮРТИНЧИ БОБ. ГЛОБАЛЛАШУВ ЖАРАЁНИДА ШАХС ЭСТЕТИК МАДАНИЯТИНИ ШАКЛАНТИРИШНИНГ ЎЗИГА ХОС ХУСУСИЯТЛАРИ.....</b>	236
4.1§. Узлуксиз таълим тизимида глобаллашувнинг шахс эстетик маданиятини шакллантиришдаги ўзига хос хусусиятлари .....	236
4.2§. Шахс ва жамият эстетик маданиятини валеоэстетик тарбия билан уйғунлаштириш масалалари .....	255
4.3§. Эстетик маданиятни юксалтириш омиллари ва истиқболлари.....	277
<b>ХУЛОСА.....</b>	295
<b>ФОЙДАЛАНИЛГАН АДАБИЁТЛАР РЎЙХАТИ .....</b>	304

УЎК 118.232.822

КБК 87.817

F 75

Ғайбуллаев Отабек Мухаммадиевич

ЭСТЕТИК МАДАНИЯТ

Монография

ISBN 978-9943-6590-6-3

Муҳаррир: Нафиса Рустамова

Мусахҳих: Нигора Тожиқулова

Тех.муҳаррир: Шоҳжоҳон Абдураҳимов

“Наврӯз” нашриёти ДУК, Тошкент – 2020

Нашриёт гувоҳномаси АИ № 170.29.12.2009

11.08.2020 йилда босишга руҳсат этилди:

Офсет босма қофози. Қоғоз бичими  $60 \times 84_{1/16}$ .

“Times” гарнитураси. Офсет босма усули.

Хисоб-нашриёт т. 19,5. Шартли б.т. 13,1.

Адади 500 нусха. Буюртма №293.

---

Самдҷти нашр-матбаа марказида чоп этилди.

Манзил: Самарқанд ш, Бўстонсарой кўчаси, 93.